

075-11/2
1990/2

ISSN—0132—6058



საქართველოს მეცნიერებათა აკადემიის

მასპნა

ისტორიის
ეთნოგრაფიისა და
ხელოვნების
ისტორიის
სერია

4

1990

ისტორიის,
ეთნოგრაფიისა და
ხელოვნების ისტორიის
სერია

СЕРИЯ
ИСТОРИИ,
ЭТНОГРАФИИ И
ИСТОРИИ ИСКУССТВА



თბილისი
ТБИЛИСИ

4. 1990



ქურნალი დაარსებულია 1971 წელს
Журнал основан в 1971 году

გამოდის 3 თვეში ერთხელ
Выходит раз в 3 месяца

სარედაქციო კოლეჯია: ა. აფაქიძე, ვ. ბერიძე, გ. ვიორგაძე, ვ. ითონიშვილი, ი. კაჭარავა, მ. ლორთქიფანიძე, გ. მელიქიშვილი, რ. მეტრეველი (რედაქტორი), დ. მუსხელიშვილი, თ. ჟორდანიას, ე. ხოშტარია-ბროსე (რედაქტორის მოადგილე), თ. ცქიტიშვილი, ლ. ჭილაშვილი, ნ. ჯანბერიძე.

РЕДАКЦИОННАЯ КОЛЛЕГИЯ: А. М. Апакидзе, В. В. Беридзе, Г. Г. Гноргадзе, О. К. Жордания, В. Д. Итонишвили, Ю. М. Качаравა, М. Д. Лордкипанидзе, Г. А. Меликишвили, Р. В. Метревели (редактор), Д. Л. Мухелишвили, Э. В. Хоштария-Броссе (заместитель редактора), О. В. Цкитишвили, Л. А. Чилашвили, Н. Ш. Джанберидзе.

პასუხისმგებელი მდივანი გ. ლორთქიფანიძე
Ответственный секретарь Г. Г. Лордкипанидзе

რედაქციის მისამართი: თბილისი, 380060, კუტუზოვის ქ., № 19
Адрес редакции: Тбилиси, 380060, ул. Кутузова, 19
ტელეფონი 37-85-50 Телефон

გადაცემა წარმოებას 15.IX.90; ხელმოწერილია დასაბეჭდად 24.XII.90; ანაწყოების ზომა 7×12, ქალაქის ზომა 70×108/16; პირ. ნაბეჭდი თაბახი 18,2; სააღრიცხვო-საგამომც. თაბახი 14,26; შეკვეთა № ტირაჟი 1600; ფასი 1 მან. 30 კაბ.

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

საქართველოს მეცნ. აკადემიის სტამბა, თბილისი 380060, კუტუზოვის ქ., 19
Типография АН Грузии, Тбилиси, 380060, ул. Кутузова, 19

შინაარსი

წარჩევა

41951

რ. მიტრეხილი, კლიოს მფარველობის ქვეშ	7
ლ. თოიძე, სამხრეთ-ოსეთის ავტონომიური ოლქის შექმნა	17
მ. სილოგაძე, ეპიგრაფიკული ეტიუდები და შენიშვნები	79
ძ. ამირეჯიანი, კოტურის ეთნოგრაფიული თემის მნიშვნელობა თანამედროვე ეგვიპტეში	120

ცნობები და შენიშვნები

ზ. ბრატაძე, კოლხეთის აღმოსავლეთი რეგიონების ქართიზაციის საკითხისათვის . . .	137
მ. ლუნაშვილი, ცხრაწმის საერისთავოს პოლიტიკური ისტორიიდან	151
ბ. ბამბრელიძე, ჩაჩნეთის მესაქონლეობა და მთიელთა მიგრაციის საკითხები	168
პ. ფირფილაშვილი, ობოლეთის ტყეში ობოლთა თავშესაფრის შესახებ	178

ძველი ცივილიზაციები: ახალი აღმოჩენები

ე. ასტახიშვილი, ებლას ცივილიზაცია	195
---	-----

მწერლის მიმკვიდრეობიდან

ი. შავთავაძე, შობა მაცხოვრისა	205
---	-----

პრონიკა და ინფორმაცია

აკად. ხ. ჯანაშიას დაბადების 90 წლისთავისადმი მიძღვნილი სამეცნიერო სხდომები . . .	207
--	-----

სტარტევილს



СОДЕРЖАНИЕ

СТАТЬИ

Р. В. МЕТРЕВЕЛИ, Под покровительством Клио	7
Л. М. ТОИДЗЕ, Образование Юго-Осетинской автономной области	17
В. И. СИЛОГАВА, Эпиграфические этюды и заметки	79
К. Р. АМИРЕДЖИБИ, Значение коптской этнорелигиозной общины в современном Египте	120

СООБЩЕНИЯ И ЗАМЕТКИ

З. Д. БРАГВАДЗЕ, К вопросу картизации восточных регионов Колхиды	137
В. Д. ГУНАШВИЛИ, Из политической истории Цхразмийского эриставства	151
Б. В. ГАМКРЕЛИДЗЕ, Скотоводческое хозяйство Чечни и вопросы миграции горцев	163
П. М. ПИРПИЛАШВИЛИ, О сиротском приюте в Оболетском лесу	178

ДРЕВНИЕ ЦИВИЛИЗАЦИИ: НОВЫЕ НАХОДКИ

Э. К. АСТАХИШВИЛИ, Цивилизация Эблы	195
---	-----

ИЗ НАСЛЕДИЯ ПИСАТЕЛЯ

И. Г. ЧАВЧАВАДЗЕ, Рождество Христово	205
--	-----

ХРОНИКА И ИНФОРМАЦИЯ

Научные заседания, посвященные 90-летию со дня рождения акад. С. Н. Джанашиа	207
--	-----

CONTENTS

ARTICLES

R. Metreveli—Under the Klio's Defence	7
L. V. Toidze—Formation of South Ossetian Autonomous Oblast	78
V. I. Silogava—Epigraphic Studies and Notes	118
K. R. Amiredjibi—Some Notes about the Parts of Coptic Community in Modern Egypt	136

PROCEEDINGS AND NOTES

Z. D. Bragvadze—On the Problems of Kartisation in Eastern Regions of Colches (Kvirila Ravine)	150
B. V. Gamkrelidze—Herding Among the Chechens and the Question of Migration Among Mountain Peoples	176
P. M. Pirpilashvili—To the Problem of the Orphanage in the Oboleti Wood	194

AN OLD CIVILIZATION AND A NEW FINDINGS

E. Astakhishvili—Ebla's Civilization	195
--	-----

FROM A WRITER'S LEGACY

I. Chavchavadze, The Birth of Our Seviour	205
---	-----

CHRONICLE AND INFORMATION

The Scientific Session Devoted to the 90 th Anniversary of the Birth of Acad. S. Janashia.	207
--	-----

საქართველოს მეცნიერებათა აკადემიის წევრ-კორესპონდენტი
როინ მატრაველი

კლიოს მფარველობის ქვეშ

„როცა საზოგადოება თვლემს,
ისტორიკოსი უნდა ფიზიოლოგისა.“
ჟ. ლეგოფი

ისტორია ძველთაგანვე გამორჩეული დარგია მეცნიერებისა. მისი მფარველი მუზაც — კლიო (ბერძნულ მითოლოგიაში ზევსისა და მნემოსინეს ასულად რომაა მიჩნეული), გამორჩეულია რვა დანარჩენი მუზისაგან (რომლებიც მისივე დები იყვნენ), რადგან მხოლოდ მას აქვს უფლება „დიდების მინიჭებისა“. თავისთავად ის ფაქტი, რომ ისტორიის მფარველი მუზა სხვა, ხელოვნების მფარველ მუზათა შორისა მოხსენიებული და ხელოვნების ღმერთის — აპოლონის წინამძღოლობით მოქმედებს, იმაზე მიუთითებს, რომ ისტორია ხელოვნების უმაღლეს რანგშია აყვანილი. აქედან გამომდინარეობს ის პასუხისმგებლობა, რაც ისტორიის მეცნიერების წინაშე დგას: პასუხისმგებლობა ხალხისა და მომავლის წინაშე. მაღალი შეხედულებისანი იყვნენ ისტორიის მეცნიერებაზე ძველი ისტორიკოსები. სამაგალითოდ მხოლოდ დავით აღმაშენებლის ისტორიკოსის დასახელება იკმარებდა. კვლევის პრინციპები, რაც „ცხოვრება მეფეთ-მეფისა დავითისა“-ს ავტორმა თავის შრომას დაუღო საფუძვლად ჭეშმარიტი და უხადია. უფრო წინ არსებითად არ წასულა ჩვენი ისტორიოგრაფია.

ისტორიის როლის განსაზღვრას თანამედროვე პირობებში, ისტორიის სხვადასხვა დარგის განვითარებას, კვლევის მეთოდოლოგიურ სიახლეებს და სხვა მრავალ საკითხს მიეძღვნა ისტორიულ მეცნიერებათა მსოფლიო XVII კონგრესი, რომელიც 1990 წლის 26 აგვისტოდან 2 სექტემბრამდე გაიმართა ქ. მადრიდში. კონგრესი ქრისტიანთა კოლეჯის მიერ ამერიკის აღმოსავლეთის 500 წლისთავს მიეძღვნა. ეს თარიღი, როგორც ცნობილია, ორი წლის შემდეგ, 1992 წელს სრულდება და მისი აღნიშვნისათვის განსაკუთრებულად ემზადება მსოფლიო საზოგადოებრიობა.

ორიოდე სიტყვით კონგრესის მიმდინარეობის შესახებ. იგი 26 აგვისტოს გაიხსნა. გახსნის ცერემონიალი მოკლე იყო. კონგრესის მონაწილეებს სიტყვით მიმართეს მეცნიერ ისტორიკოსთა მსოფლიო კომიტეტის პრეზიდენტმა ე. დე ლა ტორე ვილარმა (მექსიკა), ვიცე-პრეზიდენტმა, კონგრესის მასპინძელმა და საორგანიზაციო კომიტეტის თავმჯდომარემ ე. ბენიტო რუანომ (ესპანეთი), ამ კომიტეტის პასუხისმგებელმა მდივანმა მ. ბურგასმა (ესპანეთი) და სხვ. წარმოდგენილი იქნა მოხსენება ქრისტიანთა კოლეჯის დროინდელი ესპანეთის შესახებ (პროფესორი მიგუელ ანგელ ლადერო ქუესადა).

კონგრესზე წარმოდგენილი იყო ე. წ. „დიდი თემები“: ამერიკის აღმოსავლეთი ევროპელების მიერ; ისტორიის კვლევის მეთოდოლოგიური პრობლემები; ქრონოლოგიის პრობლემები; მეგალოპოლისების ისტორია; ეკონომიკური, სოციალური-კულტურული და პოლიტიკური ასპექტები; რევოლუციები და რეფორმები და სხვ.

ცალკეულ სექციებში, რომლებიც სხვადასხვა ხასიათისა იყო, მრავალი კონკრეტული საკითხი იქნა განხილული: ძველი, შუა საუკუნეების, ახალი და უახლესი ისტორიის პრობლემები; წყაროთმცოდნეობისა და ისტორიოგრაფიის საკითხები; დიდი ადგილი დაიკავა რელიგიის ისტორიის საკითხებმა. ამასთან საერთო დამახასიათებელი იყო ადამიანის კონკრეტული პრობლემებისაკენ შემობრუნება. კვლევის ცენტრში ადამიანთა პრობლემები მოექცა: მათი ქცევის, მდგომარეობის, ურთიერთობის თუ სხვა საკითხები. მნიშვნელოვანი ადგილი დაეთმო ეთნიკურ პრობლემებს, მიგრაციისა და სხვ. საკითხებს. ყურადღება მიექცა ყველა ფენის ადამიანთა ქცევისა და მდგომარეობის საკითხებს, რაინდების, მონაზვნების, მსახურთა და სხვ. გვერდით გარკვეული ადგილი ჰქონდა დათმობილი ე. წ. მარჯინალებს (ასე მაგალითად, ერთ-ერთი სექციის სხდომაზე წაკითხულ იქნა მოხსენება ბიზანტიის მეძავების შესახებ), ცალკე სექცია იყო „ავადმყოფები და საზოგადოება“.

უაღრესად საინტერესო იყო მეთოდოლოგიის საკითხების განხილვა. აღინიშნა, რომ საბჭოთა კავშირის ისტორიოგრაფია დიდად დააზარალა მარქსისტულ-ლენინური მეთოდოლოგიის ჩარჩოებში მოქცევამ. ნიშანდობლივია, რომ ეს დებულება თვით საბჭოთა მხარემ წამოაყენა. განსხვავებით წინა კონგრესებისა და უცხოელ მეცნიერებთან სხვა შეხვედრებისაგან აღარ იყო უსაფუძვლო კამათი და დავა სხვადასხვა კონცეფციასა და პრობლემაზე.

დღესდღეობით ჩვენში საყოველთაოდ იქნა აღიარებული, რომ სოციალურ ურთიერთობათა მბრძანებლურ-ბიუროკრატიული სისტემის არსებობამ საზოგადოებრივ მეცნიერებათა (კერძოდ ისტორიის მეცნიერების) განვითარებაშიც შექმნა ნაკლოვანებათა წარმოქმნის ობიექტური საფუძველი. საზოგადოებრივ მეცნიერებათა სფერომ დაკარგა თავისი ავტონომია, დამოუკიდებელი ხასიათი. ისეთი ტრადიციული არსებითი თვისებები, როგორცაა ჭეშმარიტების ობიექტურობა, კვლევის თავისუფლება, სამეცნიერო შემოქმედების დამოუკიდებლობა მსხვერპლად შეეწირა საკმაოდ ვულგარულად გაგებულ „სოციალურ“ დაკვეთას.

დღეს უკვე ხმაძილა ვაშობთ, რომ საზოგადოებრივმცოდნეობის და მისი სოციალურ პრაქტიკასთან დაკავშირების ფორმები, აღარ შეესაბამება საზოგადოების წინაშე მდგარ გარდაქმნის ამოცანებს, რომლებიც გადამწყვეტ და დაუყოვნებლივ ცვლილებებს მოითხოვენ. ნებისმიერი საზოგადოებრივი წყობა (მათ შორის თანამედროვე სოციალიზმად წოდებულიც), უნდა იქნას შესწავლილი, როგორც რთული წინააღმდეგობრივი, ეკონომიკურა და პოლიტიკური ფორმების სრულყოფამდე ჯერ კიდევ შორს მყოფი საზოგადოებრივი ფორმაცია. კატეგორიულად უნდა იქნას უარყოფილი რეალური სოციალიზმისა და მისი სასურველი მოდელის არარეალურ კაპიტალიზმთან დაპირისპირება. ცხოვრებამ გვაჩვენა, რომ კარგად უნდა შევისწავლოთ კაპიტალიზმის დროს საზოგადოებრივი ურთიერთობები, რომლებიც, თავის მხრივ, წარმოშობენ შრომის ორგანიზაციისა და წარმოების მართვის პროგრესულ ფორმებს. აუცილებელია ახლებურად დავინახოთ ადამიანთა ცივილიზაციის პერსპექტივა.

ისტორიულ მეცნიერებათა მსოფლიო XVII კონგრესზე განსაკუთრებული ადგილი დაიკავა ისტორიული ანთროპოლოგიისა და ეთნოლოგიის პრობლემებმა; ეთნოკრიზისებმა, რომელმაც მოიცვა მთელი მსოფლიო. საერთოდ საზოგადოებრივ მეცნიერებათა დღის წესრიგში მთელი სიმწვავეით დადგა ეროვნული და ეროვნებათშორისი საკითხები. აუცილებელი ხდება სახელმწიფოს ეროვნული

ნული პოლიტიკის არსებითი რეორგანიზაცია. აქ ისტორიკოსებმა თავისი კონკრეტული სიტყვა უნდა თქვან. კონგრესზე წამოყენებული იქნა ე. წ. „უნივერსალურ ღირებულებათა პარადიგმა“, რომელიც გულისხმობს ადამიანთა უფლებების დაცვას, ადამიანის სრულ თავისუფლებას, სამართლებრივ სახელმწიფოს რეალურ არსებობას და სხვ. ჰუმანიტარულ საკითხებს. საერთოდ კონგრესს წითელ ზოლად გასდევდა ჰუმანიზმის სული.

არ შემიძლია არ აღვნიშნო: როცა კატეგორიულად მოვიხივებთ ისტორიული ხასიათის მალახვარისხოვან გამოკვლევებს, არ უნდა დაგვავიწყდეს, რომ ჩვენში არსებობდა მრავალი პრობლემა, რომელთა კვლევაზე, უფრო ზუსტად მათი გამოკვლევისათვის აუცილებელ წყაროებთან ისტორიკოსებს ხელი არ მიუწვდებოდათ. ხალხმა უნდა იცოდეს მართალი ისტორია, ჰუმანიტარი ისტორია. აქ ისიც უნდა ვთქვათ, რომ ხშირად ამ საქმის გაკეთებას ხელს უშლის არაპროფესიონალიზმი, ამა თუ იმ საკითხზე მოყვარულის დონეზე წერა. ეს გლობალური მოვლენა, განსაკუთრებით წახალისებული საკავშირო კურსდგაზეთებში, არც ჩვენი რესპუბლიკისათვისაა უცხო. რატომღაც მიაჩნიათ, რომ ისტორიაზე წერა და მსჯელობა ყველას შეუძლია. პროფესიონალიზმი და კომპეტენტურობა ყველაზე მეტად სწორედ საზოგადოებრივი მეცნიერებისთვისაა საჭირო. თანამედროვე ვითარებამ აუცილებელი გახადა კვლევის ახლებური მეთოდოლოგიისათვის ზრუნვა.

დღევანდელ ეტაპზე ისტორიკოსთა ვალია ღრმად გაიაზრონ ცალკეული ქვეყნებისა და რეგიონების ისტორიული განვითარების რეგიონალური და ეროვნული კომპონენტები, სრულად გახსნან მსოფლიო ისტორიული პროცესის მრავალსახეობა. სწორედ მსოფლიო ისტორიული პროცესის ტიპოლოგია ქმნის შესაძლებლობას გადაიჭრას ისტორიული შემეცნების ერთი კარდინალურ პრობლემათაგანი — განისაზღვროს საკუთრივ ისტორიული კანონზომიერების სპეციფიკა.

საერთოდ ისტორიის ღრმა ცოდნა რომ საჭიროა და მისი გათვალისწინებება აუცილებელი — ეს მრავალგზის გვიჩვენა ცხოვრებამ. მრავალი მაგალითია იმისა, როცა ისტორიის გაკვეთილების გაუთვალისწინებლობამ ბევრჯერ ქვეყანა კატასტროფამდე მიიყვანა. დღეს განსაკუთრებით ღრმად უნდა ჩავუკვირდეთ პოლიტიკურ ისტორიას; დიდი ყურადღება უნდა დავუთმოთ ეკონომიკური ისტორიის ისეთ გლობალურ საკითხებს, როგორიცაა დემოგრაფიული, ენერგეტიკული, სასურსათო და ეკოლოგიური.

ქართველმა ისტორიკოსებმა ღრმად უნდა შეისწავლონ 1956 წლის 9 მარტისა და 1989 წლის 9 აპრილის მოვლენები, მისცენ მას სათანადო შეფასება (მიგვაჩინა რომ, ეს ჭერჭერობით არ გაკეთებულა სათანადო დონეზე) და შთამომავლობას რეალური, ღრმად გააზრებული და შეფასებული ისტორია დაუტოვონ.

ზოგადისტორიული პროცესის არსის მრავალფეროვნება განპირობებულია მსოფლიოს ხალხთა ეთნიკური სპეციფიკითაც. ე. წ. „თანამედროვეობის ეთნიკურ პარადოქსად“ მიჩნეული, რომ ხალხთა მატერიალური და სულიერი კულტურის ინტერნაციონალიზაციასთან ერთად შეინიშნება ეთნიკური თვითშეგნების აშკარა ზრდა. ამ უკანასკნელის უმნიშვნელოვანესი კომპონენტია ეთნოსის წვერთა და მათ წინაპართა ისტორიული ბედის ერთიანობა. აქედან გამომდინარეობს გაზრდილი ინტერესი ეთნოგენეზის პრობლემებისადმი, მსოფ-

ლიოს ხალხთა ეთნიკური ისტორიისადმი, აუცილებლობა მათი ქვეყანათმცოდნეობით-რეგიონალური და გლობალური განხილვისა. ამგვარი გამოკვლევები და მათგან გამომდინარე რეკომენდაციები უზრუნველყოფენ თანამედროვე ეროვნულ ურთიერთობებში წინააღმდეგობათა და დეფორმაციის გადალახვას.

ისტორიულ მეცნიერებათა მსოფლიო XVII კონგრესზე მრავალი სექცია მუშაობდა. ეს, რა თქმა უნდა, კარგი იყო, მაგრამ რთული და ძნელი დასასწრებად, რადგან ისინი ერთდროულად მიმდინარეობდნენ. საერთოდ მიგვაჩნია, რომ მომავალ კონგრესებზე უფრო უნდა შემოიფარგლოს განსახილველი პრობლემათკია, რაც მონაწილეს საშუალებას მისცემს დაიკაყოფილოს თავისი ინტერესები.

ამ სტრუქტურების ავტორს პლენარული სხდომების გარდა დასწრება და მუშაობა მოუხდა შუა საუკუნეების ისტორიის სექციის, ბიზანტინისტიკის, დიდი ქალაქების ისტორიის, აზიური ფეოდალიზმის სექციების სხდომებზე.

ჩვენ საშუალება გვქონდა შევხვედროდით ისტორიკოსთა მსოფლიო კონგრესის ახლად არჩეულ პრეზიდენტს პროფესორ თ. ბაკერს (დიდი ბრიტანეთი), გავუზიარეთ ჩვენი შთაბეჭდილებები და შეეთავაზეთ წინადადებები. ერთი ასეთი წინადადება გახლდათ ხუთი წლის შემდეგ მომავალ კონგრესზე კავკასიის ისტორიის პრობლემათკიის ცალკე, გამოკვეთილად განხილვა. საქმე ისაა, რომ საკითხები კონგრესზე ისე იხილება, რომ არაა გათვალისწინებული ის თავისებურებები, რაც კავკასიისათვისაა დამახასიათებელი. მაგ., ფეოდალიზმის პრობლემების განხილვისას სრულიად იყო უგულვებელყოფილი საქართველოს (ასევე ამიერკავკასიის სხვა ქვეყნების) ფეოდალიზმის თავისებურებები. ბატონი ბაკერი დავეთანხმა რიგი საკითხების სამომავლოდ გადაჭრის აუცილებლობაში. ამასთან ადგვიტქვა, რომ მომავალი წლის დასაწყისში ეიზიტილ ჩამოვა საქართველოში, სადაც გაეცნობა საქართველოს ისტორიკოსთა საქმიანობას. ვფიქრობთ, ამ დროისათვის საბოლოოდ უნდა გადაწყდეს საქართველოში ისტორიკოსთა დამოუკიდებელი ეროვნული კომიტეტის დაფუძნების საკითხი.

ერთი შენიშვნაც. ვფიქრობ, დრო და ადგილი კონგრესის ჩატარებისა არ იყო გონივრულად შერჩეული. საქმე ისაა, რომ აგვისტოს ბოლოს, როცა კონგრესი მიმდინარეობდა მადრიდში 40° ტემპერატურა იყო და, ბუნებრივია, მუშაობის ნაყოფიერება (განსაკუთრებით დღის მეორე ნახევარში) დაბალი იყო. XVIII კონგრესის ჩატარების ადგილად მონრეალი შეირჩა. ეს ფარული კენჭისყრით მოხდა. ასე განსაჯეთ, ტოკიოსა და ლონდონს კანადის ქალაქი მონრეალი ამჯობინეს. აქ, რასაკვირველია, თავისი როლი შეასრულა მასპინძელთა მონდომებამ და ქალაქის მზადყოფნამ კონგრესის ჩატარებისათვის.

2 სექტემბერს უკვე ახალმა პრეზიდენტმა თ. ბაკერმა დახურულად გამოაცხადა ისტორიკოსთა მსოფლიო XVII კონგრესი და ამგვარად, მადრიდმა მონრეალს გადაულოცა ესტაფეტა.

მრავალი ახალი ინფორმაცია მოგვცა ჩატარებულმა კონგრესმა, მრავალი პრობლემა დააყენა და მრავალ საკითხზე დაგვაფიქრა.

მინდა ზოგიერთ საკითხზე მოვუთხრო მკითხველს. ჩვენი ინფორმაცია ჩვენივე კვლევის პრობლემათკიიდან გამომდინარეობს — შუა საუკუნეების ისტორიის კვლევის პრობლემებს, კვლევის მეთოდებს შეეხება თანამედროვე პირობებში. ვფიქრობთ, ამგვარი ცნობები, რომლებიც დამყარებულია დასაძლევთ

ევროპელ, ამერიკელ თუ რუს ისტორიკოსთა მონაცემებზე, მათი შრომებისა და რეფერირებული მასალების მიმოხილვაზე, არ უნდა იყოს ინტერესმოკლებული ჩვენი საისტორიო საზოგადოებისათვის.

ხშირად, ჩვენს ისტორიოგრაფიაში დასავლეთის მეცნიერებაზე (ისტორიული მეცნიერება გვაქვს მხედველობაში) აღენიშნავდით, რომ იგი მსოფლიო კაპიტალიზმის კრიზისის შესაბამის მწვევე კრიზისს განიცდიდა. ამჟამად კი, როცა ჭეშმარიტებაზე ხმამალა შეიძლება ლაპარაკი, ჩვენ საშუალება გვაქვს თვალი გავადევნოთ დასავლეთის მეცნიერების განვითარების აღმავალ ევოლუციას. ისტორიული მეცნიერების XVII მსოფლიო კონგრესმა თვალნათლივ დაგვანახვა ერთიანი და მთლიანი მსოფლიო ისტორიული მეცნიერების განვითარების გზები. ვფიქრობთ, ქართული ისტორიოგრაფიაც ამ პროცესის განუყოფელ ნაწილად უნდა იქცეს.

შეფიქრდებით შუა საუკუნეების ისტორიის კვლევის ზოგიერთ მიმდინარეობაზე. დასავლეთის თანამედროვე მედიევისტიკის ძირითადი ამოცანა წარსულის ინტეგრაციული შეცნობა, როცა იგი აღიქმება, როგორც ადამიანის ქცევის განუყოფელ ურთიერთდაკავშირებულ და მთლიან სისტემად. რამდენადაც ადამიანის ქცევა ცხოვრების ნებისმიერ სფეროში უშუალოდ განისაზღვრება გარემო რეალებით, ამ ქცევისა და ყველა მისი შედეგის გაგება შეუძლებელია მოცემულ მომენტში ადამიანის პიროვნებისათვის დამახასიათებელი სამყაროს სურათის ანალიზის გარეშე. ცალკეულ, კონკრეტულ შემთხვევაში ეპოქის მატერიალური და სულიერი კულტურით სტრუქტურირებული ადამიანის პიროვნების შესწავლა, ისე როგორც სხვადასხვა სოციალურ გჯუფში პიროვნების ზოგადისა და განსაკუთრებულის გამოვლენა, წარმოჩნდება ისტორიული შემეცნების არსებით მომენტად. საკითხებისადმი ამგვარი მიდგომა ფრანგი ისტორიკოსებისათვის, ე. წ. „ანალების“ სკოლის ერთ-ერთი მიმდინარეობის წარმომადგენლებისთვისაა დამახასიათებელი. ამ მიმართულების ტიპური წარმომადგენელია ე. ლეგოფი. ამავე მიმდინარეობის მიმდევრები არიან ის ინგლისელი მეცნიერები, რომლებიც თავიანთ ნაშრომებს აქვეყნებენ ჟურნალ „Past and Present“-ში; გერმანიის ფედერაციულ რესპუბლიკაში — ე. წ. „ყოველდღიურობის ისტორიის“ შესწავლის მიმდევრები; ავსტრიაში — ისტორიკოსები, რომლებიც სწავლობენ მატერიალურ კულტურასა და შუა საუკუნეების ყოფას — (ცენტრი ქ. კრემსში); იტალიაში — ე. წ. „მიკროისტორიის“ მკვლევრები (ჟურნალი „Quaderni Storici“).

ფრანგმა ისტორიკოსმა ე. ლეგოფმა ისტორიული მეცნიერების ზემოხსენებულ მიმდინარეობას კონკრეტული დეფინაცია მისცა: „კარგი ისტორიული მეცნიერება“ (იხ. Le Goff J., Histoire et memuar, P., 1988). ამგვარი ისტორიის შექმნის რეალიზება შესაძლებელია შრომებში, რომლებშიც გაშუქებულია წარსულში ადამიანთა ცხოვრების ყველა მხარის ურთიერთმოქმედება, „სხენიდან სარდაფამდე“ (მ. ვოველი), ე. ი. შემეცნების სფეროდან დაწყებული მატერიალური წარმოების სფერომდე.

არ შეიძლება არ აღინიშნოს, რომ დასავლეთის ისტორიკოსები თავიანთ მიღწევებს იდეალიზებულად კი არ წარმოიდგენენ, არამედ პირიქით — კრიტიკულად განიხილავენ. იმდენად დიდია მათში დაუქმყოფილებლობის გრძობა, რომ სოციალური ისტორიის კვლევას ზოგჯერ „კრიზისში“ მყოფად მიიჩნევენ. აქვე შევნიშნავთ, რომ ამ ტერმინში ჩადებული შინაარსი არსებითად

განსხვავდება ჩვენი ისტორიოგრაფების მიერ ადრე კრიზისად მიჩნეული მცნე-
 ბისაგან. ფ. ფიურე, მ. სერტო, ა. ბეზანსონი და სხვ მიიჩნევენ, რომ დღესდღე-
 ობით ისტორიკოსებს არა აქვთ ისტორიული განვითარების პროცესების ობი-
 ექტური აღდგენის საშუალება. მათ ხელში არსებული მონაცემები წარსულის
 მხოლოდ ვარკვეული მონაკვეთის ფარგლებში ცალკეული ფენომენის განხილ-
 ვის საშუალებას იძლევა. ამიტომ, მაგალითად, „ანალების“ სკოლის წარმომად-
 გენლებს მიაჩნიათ, რომ წარსულის გაბმული ვადმოცემისა და მისი სისტემუ-
 რი ანალიზის ადგილი წარსულის ცალკეული მოვლენების დრმა კვლევამ უნდა
 დაიკავოს. ეს ნარკვევები კი თავის ადგილს მოიპოვებენ ეკონომიკის, დემოგრა-
 ფიის, პოლიტოლოგიის, ფსიქოლოგიისა თუ სხვა დარგების წიაღში.

„ანალების“ სკოლის ამ წარმომადგენელთა მოსაზრებას ეწინააღმდეგებიან
 ჟ. ლეგოფი, ჟ. შმიდტი, ჟ. ბონი, ბ. ლეპტი, რ. შარტიე, ჟ. დიუბი, რ. ფოსიე
 და სხვ., რომლებიც არ უარყოფენ შუა საუკუნეების კვლევებს, მისი ისტო-
 რიული შემეცნების სირთულეს, რაც, ერთი მხრივ, დაკავშირებულია ისტორი-
 ული ცოდნის დივერსიფიკაციის გაფართოებასთან, მეორე მხრივ — სამეცნი-
 ერო კვლევის შედეგების ვერიფიცირებულობის მოთხოვნილების გაზრდასთან.
 ისინი გამოსავალს ხედავენ ადამიანის ქცევის, ეპოქის კულტურისა და ადამი-
 ანის პიროვნების სტრუქტურის სოციალური სისტემების ინტეგრაციულ ანა-
 ლიზში. მედიევისტთა ეს ჯგუფი თვლის, რომ ისტორიის პერსპექტივები, უპირ-
 ველეს ყოვლისა დაკავშირებულია სოციალური მეცნიერებების, განსაკუთრე-
 ბით მენტალობის შემსწავლელი კულტურანთროპოლოგიისა და სოციოლოგიის
 განვითარებასთან. ისტორია მათ მიერ გაგებულია, როგორც გლობალური მეც-
 ნიერება, რომელიც განიხილავს საზოგადოებრივი ადამიანის ცვლილებებს
 დროში (Le Goff J., Preface à la nouvelle édition; La nouvelle histoire,—P.
 1988).

„როცა საზოგადოება თვლემს, ისტორიკოსი უნდა ფხიზლობდეს“ — ჟ. ლე-
 გოფის ეს სიტყვები მედიევისტის დიდ ამოცანაზე მიუთითებს. მისი აზრით,
 ისტორიკოსმა ყველა სხვა რეალობას უნდა დაუპირისპიროს მენტალური წარ-
 მოდგენების რეალობა. სწორედ მენტალური ანალიზის შერწყმას მატერიალური
 კულტურის ისტორიის ანალიზთან, შეუძლია გამოიყვანოს ისტორია ეპისტემო-
 ლოგიური კრიზისიდან.

უნდა შევნიშნოთ, რომ დასავლეთის ისტორიკოსები შემოთავაზებული არიან
 იმ საფრთხით, რაც შესაძლებელია მსოფლიო ცივილიზაციას ელოდეს. ატო-
 მური ომები ამ საფრთხის ერთ-ერთი გამოვლენაა. მის ზოგად გამოხატულებად
 მეცნიერები სთვლიან შემეცნების დეჰუმანიზაციას, რაც თითქმის მთელს
 მსოფლიოში შეიმჩნევა, ზნეობრივი ორიენტირების გაფერმკრთალება-დაკარ-
 გვის ტენდენციას, ცოცხალი არსებისათვის დამახასიათებელი თვითგადარჩენის
 ინსტიქტის თანდათან გაქრობას. გრძნობენ რა პასუხისმგებლობას კაცობრი-
 ობის დეგრადაციის გამო, დასავლეთის მეცნიერები ხმამაღლა აცხადებენ სო-
 ციალურ მეცნიერებათა საერთო კრიზისის შესახებ.

ისტორიული ცოდნის ეპისტემოლოგიური პრობლემები არანაკლებ აქტუ-
 ალურია ჩვენთვის, ჩვენი ისტორიოგრაფისათვის. ათეული წლების მანძილ-
 ზე პიროვნების დეპერსონალიზაციამ ისტორიული მეცნიერების წინაშე მძიმე
 პრობლემები დააყენა. ჩვენი ისტორიული მეცნიერების განვითარება მომავალ-
 ში ითვალისწინებს მის გამდიდრებას პლურიდისციპლინარული მიდგომით. ამას-

თან, საჭიროა გადაიღახოს შეხედულება ისტორიაზე, როგორც ადამიანის პიროვნების სტრუქტურის მიღმა მყოფ წინასწარ ცნობილი გზით ფატალურად მიმავალზე.

ჩვენს ხელთ არსებული ცალკეული ლიტერატურისა და რეფერირებულ მასალების საფუძველზე თანამედროვე დასავლურ მედიევისტკაში შეიძლება გამოიყოს შემდეგი პრობლემები:

1. მენტალობის ისტორიის ზოგადი საკითხი. ეს მოვლენა შესწავლება თეორიულ-შემეცნებითი თვალსაზრისით (ე. ლეგოფი, პ. ბიორკი, ე. სონიე), ყურადღება ექცევა იმას, თუ რაოდენ ღრმა კვალი დაამჩნია ცალკეული კონკრეტული ეპოქის კულტურამ ადამიანის პიროვნების სტრუქტურაზე, თუ რამდენად იყო ურთიერთდაკავშირებული აღქმა და პიროვნების ქცევა მისი კონკრეტული ფუნქციონირების სოციალურ, წოდებრივ და მატერიალურ რეალობასთან; 2. ადამიანთა ქცევის სპეციფიკა, რომელიც განპირობებულია სქესობრივ-ასაკობრივი თავისებურებით. მამაკაცი, ქალი, ბავშვი, მოხუცები — ეს ადამიანის პიროვნების სხვადასხვა „კლასებია“. სწორედ მათი სხვაობა-მსგავსების საკითხები, ცხოვრების თავისებურებანი შუა საუკუნეების სხვადასხვა ქვეყანაში, შეადგენს დასავლეთის მედიევისტკის მნიშვნელოვან მიმართულებას; 3. რაინდობის გლობალური კვლევა. სწორედ რაინდობაში შეასრულა განსაკუთრებული როლი არა მარტო ხელისუფლებასა და პოლიტიკაში, არამედ სოციალურ-კულტურული თვალსაზრისითაც. რაინდობის სამყაროს სრული სურათის შესწავლით წარმოჩნდება და გაიანზრება შუა საუკუნის ადამიანთა ქცევის სისტემა; 4. მეთოდოლოგიის პრობლემები. აქ განსაკუთრებული მნიშვნელობა ენიჭება თანამედროვე მეცნიერებაში ისტორიული სინთეზის პრობლემას. ¹¹ არსებითი როლი აქვს ისტორიულ დემოგრაფიას, რომელიც უაღრესად დიდ საქმეს აკეთებს „დიდი ისტორიისათვის“, ამარაგებს რა ამ უკანასკნელს მნიშვნელოვანი დემოგრაფიული ილუსტრაციებით (მაგ. ოჯახი, შობადობა, სიკვდილიანობა, ქორწინებები და სხვ.), დემოგრაფიის ფარგლებშია მოქცეული ისტორიისათვის აუცილებლად გასათვალისწინებელი პრობლემები; ადამიანის კვება, პროდუქტების წარმოება, ავადმყოფობები, სოციალური სისტემები და სხვ.

ერთი სიტყვით, დღის წესრიგშია შუა საუკუნეების ადამიანის („პოპო მედიევალ“) მთელი სიღრმით შესწავლის საკითხი.

მენტალობის პრობლემა შუა საუკუნეებში თავისთავად რთულია და მისი შესწავლა გაძნელებულია. ეგრემანელი ფ. გრაუსი მენტალობის შესასწავლად მრავალფეროვან მეთოდებს იყენებს, უხვად სარგებლობს სხვა მეცნიერებათა (სტრუქტურული ლინგვისტიკის, სოციოლოგიის, ფსიქოლოგიის, რაოდენობრივი ანალიზის) მონაცემებით (Graus F., *Mentalitäten im Mittelalter. Meto-*
dische u. inhantliche Probleme, Konstanz: Sigmaringen, 1987). მეცნიერი მიუთითებს იმ ნაკლოვან გარემოებაზეც, რომ ხშირად მენტალობის შესწავლა აღწერილობით ხასიათს ატარებს.

მენტალობის განმარტებას იძლევიან თავიანთ შრომებში გ. ტალენბახი, რ. შპრანდელი, ფ. შმალ და სხვ. გ. ტალენბახის განმარტება შემდეგია: მენტალობა — ესაა ბუნებრივი, თავისთავად ცხადი, ზოგჯერ იმპულსური მოქმედება და რეაგირება; ესაა აზროვნების სახე, რომელიც არანებისმიერია, და ზემოქმედებისადმი მცირე მიდრეკილება აქვს. კარგად ვლინდება იდიომებში, ანდაზებში, როცა მათ წარმოშობასა და ზუსტ მნიშვნელობას არავინ უფიქრ-

დება, და როცა ისინი, ბუნებრივად, თითქმის უნებურად ამოცურდებიან ქვეცნობიერად (Tellenbach G., *Mentalität (ideologie und Herrschaft im Mittelalter)*, Darmstadt, 1982). ფ. გრაუსი მიიჩნევს, რომ მენტალობა წარმოადგენს კოლექტიური ქცევის არავერბალურ დისპოზიციას, რომელიც წინასწარი რეფლექსის გარეშე მოქმედებს.

მენტალობის ერთი ყველაზე მნიშვნელოვანი დამახასიათებელია ამ ფენომენის კოლექტიური ხასიათი. მას აქვს გარკვეული „კოდი“ გონებრივი განწყობისა და ქცევითი რეაქციის „დაპროგრამებისათვის“. ფ. გრაუსი დარწმუნებულია, რომ შეცდომაა ლაპარაკი „ეროვნულ მენტალობასა“ და „წოდებრივ მენტალობაზე“.

მნიშვნელოვანია საკითხი ისტორიული შემცენების პროცესში მენტალობის ისტორიის როლისა და ადგილის შესახებ. მენტალობის კვლევის ევრისტიკულ ეფექტურობაში მეცნიერები არ ეჭვობენ. მეცნიერთა ერთი ნაწილი (მ. ბლოკი, ჟ. დიუბი, ჟ. ლეგოფი) მენტალობის ისტორიას განიხილავენ, როგორც ზოგადი ისტორიის ასპექტს, მეორე ნაწილი (ფ. არიესი, ე. ხირნიკი, რ. რაინჰარდტი) — როგორც განსაკუთრებულ დისციპლინას თავისი კვლევის კონკრეტული საგნით.

ერთი სიტყვით, სხვადასხვა მოსაზრებაა მენტალობის ისტორიის როლის, ადგილისა და მნიშვნელობის შესახებ. მისი კვლევის აუცილებლობა კი დასავლეთის ისტორიკოსებისათვის აქსიომაა.

დასავლეთის ისტორიკოსთა კვლევის პროგრამაში დიდი ადგილი უკავია „გაადამიანურების“ პრობლემას. მთელი სიგარძე-სიგანით შეისწავლება შუა საუკუნეების ადამიანი. ყოველგვარი მცდელობაა იმისა, რომ დაიხატოს მაქსიმალურად სრულყოფილი სოციალურ-კულტურული პორტრეტი შუა საუკუნეების ეპოქისათვის დამახასიათებელი ადამიანთა ტიპების: მონაზვნისა და რაინდის, გლეხისა და მოქალაქის, ვაჭრისა და წმინდანის, ქალისა და „მარგინალის“. მოკლედ შევჩერდები ამ უკანასკნელ ტერმინზე. მიმაჩნია, რომ იგი კარგად ასახავს შინაარსს, რომელიც მასშია ჩადებული. მარგინალია [ლათინური *margo (marginis)*] არის წიგნის ან ხელნაწერის კიდეზე, არშიაზე მოთავსებული სათაური ან შენიშვნა. ზემოხსენებული „მარგინალი“ შუა საუკუნეების საზოგადოებრივი და კულტურული ცხოვრებიდან გარიყულს უდრის. ჩვენში ხშირად ამგვარი პიროვნების ასახავად „დეკლასირებულს“ ხმარობენ (მაგალითად დეკლასირებული ელემენტება: გლახაკები, მეკობრეები, მეძაგები და სხვ.). ვფიქრობთ, ეს ტერმინი ჩვენშიც უნდა დაინერგოს.

დასავლეთის მეცნიერები სწავლობენ რა შუა საუკუნეების ადამიანს, ყურადღებას აქცევენ ზოგად მენტალურ სტრუქტურებს (იდეალები, ღირებულებები, რწმენები, ცრურწმენები), რომლებიც აერთიანებენ სხვადასხვა სოციალური კატეგორიის ხალხს.

შუა საუკუნეების საზოგადოებას სწამდა, რომ ადამიანი — მეფე იყო იგი თუ მათხოვარი, მონაზონი თუ რაინდი, უნივერსალური და მუდმივი მოდელი იყო. შუა საუკუნეების ქრისტიანული ანთროპოლოგიისათვის ადამიანი უპირველეს ყოვლისა ღმრის შვილია, რომელიც მოწოდებულია იბატონოს ბუნებაზე, მიწაზე, ცხოველებზე. ამასთან ადამიანს მემკვიდრეობად ერგო ადამის ცოდვები, რის გამოც იგი განწირულია მძიმე შრომისათვის, ტანჯვა-წამებისათვის და გზის დასასრულს სიკვდილისათვის.

სხვადასხვა ეპოქაში ქრისტიანობა ადამიანს წარმოსახავდა ხან ნეგატიური, ხან პოზიტიური სახით. ვადასვლა უპირატესად პესიმისტური ხედვიდან ოპტიმისტურში სრულყოფილი ხდება XII—XIII სს. ადამიანის ამ არსებით გადაზრებაში იცვლებოდა შრომის ინტერპრეტაციაც: წყევლა-კრულვისა და მონანიების შრომიდან გადარჩენისა და შემოქმედებითი შრომისაკენ. XIII საუკუნიდან იკონოგრაფიამაც ადამიანი დააფიქსირა, როგორც ამაყი, თავისთავში დარწმუნებული ფენომენი (მეფეები, პაპები, პრელატები, მღიღარი მოქალაქეები და მსხვილი ფეოდალები).

ქრისტიანულმა ანთროპოლოგიამ შვა ორი კონცეფცია შუა საუკუნეების ადამიანის შესახებ. ერთი მათგანია ადამიანი — მოგზაური, რომელიც თავის მოგზაურობას ახორციელებს ამქვეყნიურ ცხოვრებაში. თავისი არჩევანის შესაბამისად იგი მიემართება მარადიული ცხოვრებისაკენ, ან ტანჯვისა და სიკვდილისაკენ. შუა საუკუნეების ადამიანი თავისი დანიშნულებით პილიგრიმია, მოხეტალე რაინდი ან ჯვაროსანია. მეორე კონცეფციის მიხედვით, ადამიანის დანიშნულება მონანიებაშია, ცოდვებისაგან განწმენდაშია. XIII ს-დან ევროპაში გავრცელდა ადამიანთა მიერ ყოველწლიური აღსარებისა და მონანიების პრაქტიკა.

„შუა საუკუნეების ადამიანი“ — მისი მთავარი სოციალური ხორცშესხმა გვიანდელ ანტიკურ პერიოდში და ადრეფეოდალურ ხანაში იწყება. ჩვენი წელთაღრიცხვის მეორე ათასწლეულიდან შუა საუკუნეების ადამიანის შეგებაში ადგილი აქვს მრავალფეროვანი სტატუსების ცვლას. XIV—XV სს. ფეოდალური სისტემის „კრიზისმა“ სოციოკულტურული ტიპოლოგიის ახალი ტრანსფორმაცია განაპირობა, რამაც, თავის მხრივ, პიროვნებათა ახალი ტიპები მოგვცა.

შუა საუკუნეების იდეოლოგიის შესაბამისად, ადამიანის ვალაა — დარჩეს იქ, სადაც იგი ღმერთმა მოათავსა. ამალეება ცოდვაა, დამდაბლება — სირცხვილი. შუა საუკუნეების მონაზონთა ტკბობა სიმყუდროვესა და მშვიდობაშია, რაინდის ცხოვრება მშვიდობასა და ძალადობას შუაა, ღმერთსა და სისხლს შორისაა, ძარცვასა და გაჭირვებულთა დაცვის მიჯნაზეა (ფ. კარდინი). რაინდული ცხოვრების მთავარი პოსტულატებია ეკლესიისადმი სამსახური და გაჭირვებულთა და სოციალურად სუსტთა (ქვრივ-ობლების) დაცვა. რაინდი „ქრისტეს ჯარისკაცობაზე“ ოცნებობს. მეორე მხრივ, ესპანეთის რეკონკისტა და ჯვაროსნული ომები რაინდობას ფართო ასპარეზს უხსნიდა. თუ ადრინდელ შუა საუკუნეებში „ქრისტეს მებრძოლი“ იყო მონაზონი, ასევე, მარტვილი, XI საუკუნიდან ეკლესიამ, რომელსაც რაინდების მხარდაჭერა სჭირდებოდა, დაიწყო იარაღის კურთხევა. ამიერიდან შესაძლო გახდა წმინდანად შერაცხულიყო ის პირი, რომელიც იარაღით იცავდა ქრისტიანობის კეთილდღეობას.

XIV—XV საუკუნეებიდან, როცა ცეცხლმსრღვლელი იარაღი გაჩნდა, რაინდის სოციალური და მორალური პრესტიჟი შესუსტდა. ამასთან რაინდულმა ინსტიტუტმა თავისი როლი შეასრულა შუა საუკუნეების ადამიანის ინდივიდუალიზაციის საქმეში, რაც, თავის მხრივ, ცივილიზაციის მოასწავებდა (ე. ელიასი).

ყველაზე მცირე წყაროები მოიპოვება შუა საუკუნეების გლეხობის სულიერი სამყაროს შესახებ (ეს შენიშვნა სავსებით ვრცელდება საქართველოზეც).

დასავლეთის ისტორიოგრაფიაში წამყვანი ადგილი უკავია შუა საუკუნეების ქალაქების ისტორიის კვლევას. შეისწავლება საქალაქო ცხოვრება და მო-

ქალაქეები, ქალაქის გავლენა შუა საუკუნეების ადამიანზე (მცირდება ოჯახური წრე, მაგრამ ფართოვდება სოციალურ ურთიერთობათა წრე, ადამიანი ყურადღების ცენტრში აყენებს ფულსა და ვაჭრობას). ამგვარად, მოქალაქე სრულიად ახალი სოციალურული ტიპია შუა საუკუნეებისა. საგანგებოდ შეისწავლება ადამიანი მეზობლებითურთ, ქუჩისა და კვარტლის ცხოვრება; ტავერნა, სასაფლაო, ეკლესია, მოედანი. ქალთა შეხვედრის ადგილი ჭის მახლობლად, სადაც ისინი ერთად რეცხავენ, ერთად ქსოვენ, ნახულობენ საპატარძლოებს და ა. შ.

მთავარი ისაა, რომ ქალაქი იმორჩილებს ადამიანს, ზემოძს მასზე გამარჯვებას. ამასთან არიან ძლიერი ადამიანები, სულითა და კრიტიკული აზროვნებით. ესენი არიან „ინტელექტუალები“ (მ. ფუმავალი ბიონიო ბროკერი). დასავლეთში პროფესიონალი — ინტელექტუალის ტიპის ფორმირება XII—XIII სს. ხდება, როცა შეხედულება სწავლების შესახებ იმ რწმენად ქცევა, რომ იგი (სწავლება) ქალაქის სპეციალიზებული შრომის ერთ-ერთი სახეა, რომელიც ანაზღაურდება ქალაქის, ეკლესიის, ან უშუალოდ, მოსწავლეების მიერ.

დასავლეთის მეცნიერები დიდ ყურადღებას უთმობენ ისეთ საკითხებს, როგორცაა ქალები ყოველდღიურ ცხოვრებაში, მიღებული ბავშვები, ბავშვები და ოჯახი, საოჯახო წყობა შუა საუკუნეების ქალაქში. განსაკუთრებული ადგილი უჭირავს ისეთი საკითხების ღრმად მიმოხილვას, როგორცაა: მახვილის იდეოლოგია (ჟ. ფლორი), ღირსებისა და უღირსობის საკითხი მხატვრულ ლიტერატურაში (ი. რობრო), ოჯახის განვითარება და ქორწინება ევროპაში (ჯ. გუნი) და სხვ.

ცალკე უნდა ითქვას იმ გარემოებაზე, რომ უდიდესი მნიშვნელობა ენიჭება შუა საუკუნეების არქეოლოგიურ შესწავლას. საერთოდ ღრმად ვითარდება ისტორიის დამხმარე დისციპლინები.

ერთი სიტყვით, ისტორიული მეცნიერების განვითარება მთელს მსოფლიოში საინტერესოდ, განსაკუთრებული აღმავლობით მიდის. ამ სტრუქტურის ავტორი შორსაა იმ აზრისგან, რომ დასავლეთის მეცნიერთა ყველა გამოკვლევა უზაღოა და მათი უკრიტიკოდ მიღება შეიძლება. ერთი რამ კი აუცილებელია, ჩვენ უფრო ახლოს და ღრმად უნდა გავიცნოთ ის მიმდინარეობები, რაც თანამედროვე მსოფლიო ისტორიულ მეცნიერებაში შეიმჩნევა, შევისწავლოთ კონკრეტული ნაშრომები და საჭიროებისამებრ შეძლებისდაგვარად გავითვალისწინოთ. ეს თავისთავად ჯერ კიდევ რთული საქმეა, მაგრამ უკვე იწყება საქართველოს საისტორიო საზოგადოების მიერ გარკვეული კონტაქტების დამყარება საზღვარგარეთელ ისტორიკოსებთან. უნდა შევეცადოთ, რომ ეს კონტაქტები ურთიერთსასარგებლო გავხადოთ. დღევანდელ ვითარებაში, როცა მეცნიერებათა აკადემიის ყველა ინსტიტუტსა თუ დანაყოფებს რეალური დამოუკიდებლობა აქვთ, უფრო აქტიურად და ფართოდ უნდა მოხდეს მეცნიერთა გაცვლა, განსაკუთრებით უნდა წახალისდეს უეაღფუტო გაცვლა, რაც რეალური და განსახორციელებლად მარტივია.

ჩვენი ამოცანაა — აქედანვე დავიწყით მზადება ისტორიულ მეცნიერებათა მსოფლიო XVIII კონგრესისათვის, რომელიც ხუთი წლის შემდეგ მონრეალში გაიმართება. ამ კონგრესზე საქართველოს ისტორიული მეცნიერება მრავალფეროვანი გამოკვლევების შედეგებით უნდა წარდგეს...

კლიოს მფარველობა არ აკლია ისტორიას. „დიდების მიმნიჭებელი“ მუზის ძალა ვინძლო არც ქართველ მეცნიერებს მოაკლდეთ.

ლევან თოიძე

სამხრეთ ოსეთის ავტონომიური ოლქის შექმნა*

1997

1921 წლის თებერვალ-მარტში, როცა საქართველოს ძალდატანებით გასაბჭოება ხდებოდა, საქართველოდან ჩრდილო კავკასიაში 1920 წელს გადასული ოსთა შეიარაღებული რაზმები დაბრუნდნენ და წითელი არმიის ნაწილებთან ერთად (მათს შემადგენლობაში) აქტიურად იბრძოდნენ საქართველოს დემოკრატიული რესპუბლიკის შეიარაღებული ძალების წინააღმდეგ. მათ შორის იყვნენ რევოლუციურ ლოზუნგებს ამოფარებული ექსტრემისტებიც, რომელნიც თავს სოციალიზმისათვის მებრძოლებად ასაღებდნენ, სანამდვილეში კი „რევანშისტულ“ მიზნებს ისახავდნენ და სოციალიზმს დროშად იყენებდნენ.

წითელი არმიის ნაწილებს საქართველოდან 1920 წელს გახიზნული ყველა ოსი არ შემოპყოლია, ნაწილი ჩრდილო კავკასიაში დარჩა. გავეცნათ ორ დოკუმენტს, რომლებითაც ირკვევა, თუ როგორ მოხდა მათი დაბრუნება. 1921 წლის 14 მარტს გ. კ. ორჯონიკიძემ ქ. ვლადიკავკაიდან მიიღო თურგის ოლქის ჯარების სარდლის სმირნოვისა და გენშტაბის უფროსის შავროვის შემდეგი დეპეშა:

«В связи с советизацией Грузии наблюдается стремление эмигрантов Южной Осетии вернуться домой, дабы не пропустить срока весенних работ. Южно-Осетинский окружной комитет РКП(б) просит предоставить ему право разрешения на проезд в Южную Осетию отдельным эмигрантам, особенно сохранившим инвентарь, дабы скорейшим образом восстановить хозяйственную жизнь Южной Осетии и переход этот разрешить безболезненно. Прошу разрешить этот вопрос»¹.

აი, გ. ორჯონიკიძის საპასუხო დეპეშაც:

«Командвойск Теробласти т. Смирнову, копия т. Такоеву. Тифлис 17/III—21 г.

Абсолютнейшая свобода возвращения всех выселенных меньшевиками осетин само собой решается провозглашением Советской Грузии. Нет больше осетинского вопроса, осетины являются полными хозяевами своей судьбы. Грузсов-

* გაგრძელება. დასაწყისი იხ. „მაცნე“, ისტორიის სერია, 1990, № 3.

¹ სკკპ ცენტრალურ კომიტეტთან არსებული მარქსიზმ-ლენინიზმის ინსტიტუტის ცენტრალური პარტიული არქივი (შემდგომში — მლი ცპა), ფ. 85, აღწ. 15, საქ. 261, ფურტ. 2.
2. „მაცნე“, ისტორიის სერია, 1990, № 4

правительством ассигновано миллиард рублей на помощь разоренных меньшевиками осетин Южной Осетии. Передайте пожалуйста всем осетинам Южной Осетии, что ничто решительно не мешает их возвращению к себе. Орджоникидзе»².

ოსების დაბრუნების შემდეგ კიდევ უფრო გამწვავდა ოსთა და ქართველთა ურთიერთობა. ოსები ეპატრონებოდნენ საქონელს, რომელიც, მათი აზრით, ქართველებს დარჩათ ოსთა 1920 წლის ივნისის აჯანყების ჩაქრობისა და აჯანყებულთა ჩრდილო კავკასიაში გახიზვნის შემდეგ. თუმცა საქართველოს სსრ საგანგებო კომისიაში მიაჩნდათ, რომ ამ დავაში არც ერთი მხარე არ იყო ბოლომდე მართალი³.

სათანადო ორგანოებმა ვერ გაითვალისწინეს ის საეკონომიკური შედეგები, რაც საქართველოში ოსთა არაორგანიზებულად დაბრუნებას უნდა მოჰყოლოდა. დავიმოწმობთ ადგილები სოფლების: სერის, ქემერტის, მინდიანის, ყაფლანის, კასრანის და მონასტრის მცხოვრებთა მიერ 1921 წლის 25 აპრილის დაწერილი ერთობლივი განცხადებიდან, რომელიც საქართველოს სსრ ოქტომბრის რევოლუციისა და სოციალისტური მშენებლობის ცენტრალური სახელმწიფო არქივის ფონდების მკვლემა ნონა ხუციშვილმა გააცნო ვაზეთ „ახალგაზრდა კომუნისტის“ მკითხველებს: „...გვაქვს მეტად ცუდი მდგომარეობა, დღეს ჩვენ ვიმყოფებით ლტოლვილებად, ვართ ჩვენს სახლებს მოწყვეტილნი. ოსების შემოსვლის შემდეგ გვიხდება 3 თვე (ასეა დედანში — ლ. თ.), რაც გამოქცეული ვართ სახლებიდან... ცხინვალში დაგვიწვეს 78—80 სახლი და რაც გადარჩა საქონელი და ავეჯი და ჭირნახული წაიღეს ჯავის რაიონისაკენ... როცა ვთხოვთ, ცემითა და მუქარით გვიპასუხებენ. ამ დროს ამოხოცეს 32 კაცი, მათში ზოგი დაწვეს და ზოგიც ცემით დახოცეს, გაუპატვრეს ქალები, დედები, პატარები... ვთხოვთ უმორჩილესად მოგვეთ იარაღი, რომ დავიცვათ ჩვენი თავი და მივიღეთ ჩვენს სახლებში ან მოგვეთ ქართული ჯარი, რომელიც ჩადგება სამძღვარზედა, თორემ არ შეგვიძლიან ჩვენ იქ ცხოვრება, რადგანაც მუდამდღე ხდება დაცემა, იტაცებენ თუ რამე დარჩა ამ აოხრებულს სოფლებში, ანგრევენ სახლებს და მიაქვთ ოსებისაკენ... შეგვაწუხებს ჯარმა, რომელიც დგას დღეს ცხინვალში. მოდიან სახლებში და გვაწუხებენ. გვთხოვენ ჭირნახულებს, საკლავს და აფუჭებენ ჭირნახულს და ვენახებს და არ გვაქვს დამე ძილი. მუდამ დამე ხდება დაცემა. მასთან საქონელი გვეყავს მუდამ სახლში, რადგანაც გვეშინიან მოტაცების. თუ წავიყვანთ საძოვრად, მოდიან და იტაცებენ, რადგანაც არ ეშინიათ“⁴.

ასეთმა ძალადობამ კიდევ უფრო დაამძიმა ქართველი ხალხის გულისტკივილი, საქართველოს ოკუპაციით რომ იყო გამოწვეული. პირველ ხანებში უმართავი გახდა ოსთა და ქართველთა ურთიერთობა. საჭირო შეიქნა განსაკუთრებული დანიშნულების ნაწილების გამოგზავნა დედაქალაქიდან.

საქმეს ისიც ართულებდა, რომ ზუსტად გამიჯნული არ იყო გორის მახ-

² მლი ცხა, ფ. 85, აღწ. 15, საქ. 261, ფურც. 1.

³ საქართველოს უახლესი ისტორიის ცენტრალური სახელმწიფო არქივის (შემდგომში — სუოცსა), ფ. 281, აღწ. 1, საქ. 92, ფურც. 123.

⁴ ვაზ. „ახალგაზრდა კომუნისტი“, 1990 წლის 20 იანვარი. სტატია „შიდა ქართლი — ისტორია და თანამედროვეობა. საარქივო დოკუმენტები გვამცნობენ.“

რის და ცხინვალის რეგვიმების სამოქმედო სფეროები. თვით ცხინვალში არსებობდა ორი რეგვიმი: სამხრეთ ოსეთისა და ცხინვალის. საქართველოს კომპარტიის ცენტრალური კომიტეტის ბიურომ 1921 წლის 23 მაისს მიზანშეუწონლად ცნო ცხინვალში ორი რეგვიმის არსებობა⁵, მაგრამ საქმეს მაინც არა ეშველა რა. ხშირად ხდებოდა შეხლა-შემოხლა იმის თაობაზე, თუ ვისი მმართველობა უნდა გავრცელებულიყო ამა თუ იმ რაიონზე.

საქართველოში საბჭოთა ხელისუფლების დამყარებისთანავე დადგა სამხრეთ ოსეთისათვის ავტონომიის მინიჭების საკითხი, რაც ერთობ ძნელი გადასაწყვეტი შეიქმნა. ამას თავისი ობიექტური მიზეზები ჰქონდა. ჯერ ერთი, გასარკვევი იყო რომელ ტერიტორიაზე და რა სახის ავტონომია უნდა მიენიჭებინათ სამხრეთ ოსეთისათვის. მეორე, რკპ (ბ) ცენტრალური კომიტეტის კავბიუროს, საქართველოს კომპარტიის ცენტრალურ კომიტეტსა და რევოლუციურ კომიტეტს, რომელთაც ვერაფრით ვერ დავწამებთ არაინტერნაციონალიზმს, გაუჭირდათ სამხრეთ ოსეთის რევოლუციური კომიტეტისა და პარტიული კომიტეტის მიერ წამოყენებული მოთხოვნების დაკმაყოფილება (სამხრეთ ოსეთის რევოლუციური კომიტეტი, ზუსტად ამ სახელწოდებით, საბჭოთა ხელისუფლების დამყარებისთანავე შეიქმნა, თუმცა, მაშინ სამხრეთ ოსეთის ავტონომიური ერთეული თავისი სტატუსითა და ტერიტორიით ჯერ კიდევ არ იყო ჩამოყალიბებული).

და, აი, 1921 წლის 6—8 სექტემბერს გაიმართა სამხრეთ ოსეთის რევოლუციური კომიტეტისა და პარტიული კომიტეტის გაერთიანებული სხდომა სამხრეთ ოსეთის პასუხისმგებელი პარტიული მუშაკების მონაწილეობით, რომელმაც განიხილა „სამხრეთ ოსეთის თვითგამორკვევისა და პოლიტიკური მოწყობის საკითხი“. სხდომამ დაადგინა:

- «1. Признать необходимым образование социалистической советской республики Юго-Осетии с центром в Цхинвали; 2) Социалистическая Советская Республика Юго-Осетии добровольно вступает в федеративную связь с социалистической Советской Республикой Грузии; 3) При выработке формы федеративной связи между обоими республиками гарантируется трудящимся Юго-Осетии максимум политических прав; 4) Социалистическая Советская республика Юго-Осетии обязуется в границах, соответствующих наличным этнографическим, географическим и экономическим условиям, гарантировать свободное экономическое и культурное развитие трудящихся Юго-Осетии, согласно прилагаемому проекту; 5) Настоящее постановление представить объединенному заседанию Кавбюро Р. К. П., Ц. К. К. П. Грузии и Ревкома Юго-Осетии для окончательного разрешения данного вопроса»⁶.

ამ დადგენილებაში სამი ისეთი საკითხია დაყენებული, რომელთაც არ შეიძლება ქართველი ხალხის გულისწყრომა არ გამოეწვია. ეს გახლავთ თვითგამორკვევის ფორმის (სოციალისტური საბჭოთა რესპუბლიკა), რესპუბლიკის

⁵ იხ. მლისფა, ფ. 14, აღწ. 1, საქ. 11, ფურც. 26.

⁶ სუიცსა, ფ. 281, აღწ. 2, საქ. 3, ფურც. 164.

დედაქალაქის (ცხინვალი) და ტერიტორიის საკითხები (სამხრეთ ოსეთის საზღვრებში, ამ დადგენილების დანართის მიხედვით, მრავალი ქართული სოფელი უნდა შესულიყო).

მაშასადამე, უნდა შექმნილიყო სამხრეთ ოსეთის სოციალისტური საბჭოთა რესპუბლიკა. საქართველოში ამ დროს უკვე ჩამოყალიბებული იყო აფხაზეთისა და აჭარის რესპუბლიკები.

მოკლედ მათს შესახებ.

საქართველოს ტერიტორიის მთლიანობის ხელყოფად აღიქვა ჩვენმა საზოგადოებრიობამ არა მარტო ის, რომ ქართული მიწების ნაწილი მეზობელ საბჭოთა რესპუბლიკებსა და თურქეთს გადაეცა, ან კიდევ მათს მფლობელობაში იყო და დარჩა, არამედ ისიც, რომ საქართველოს ერთიან ტერიტორიაზე ძაშინ რამდენიმე ავტონომიური ერთეული შეიქმნა. ავტონომიური ერთეული კი არა და აფხაზეთში საბჭოთა სოციალისტური რესპუბლიკა გამოაცხადეს (ყოველგვარი ავტონომიურის გარეშე). თითქოს უცნაურ ფაქტთან გვაქვს საქმე — საქართველოში ორი თანაბარუფლებიანი (სახელწოდებით ასე იყო) საბჭოთა სოციალისტური რესპუბლიკა ჩამოყალიბდა.

ამ „უცნაურობის“ ახსნა გავვიადვილებთ, თუ გავიხსენებთ რა პირობებში არსებდნენ რესპუბლიკებს ოქტომბრის ვადატრიანობის შემდეგ.

რევოლუციის მომხრეები სჭირდებოდა და ლოზუნგებიც ისეთი უნდა ჰქონოდა ფართო მასების მხარდაჭერას რომ უზრუნველყოფდა. იმპერიის არარუს მოსახლეობაში ერთ-ერთ ასეთ ლოზუნგად ერთა თვითგამორკვევის მოთხოვნა ითვლებოდა და ამიტომაც კომუნისტური პარტიის მიერ ამ ადრინდნვე აღიარებულმა ლოზუნგმა რევოლუციის პერიოდში წინა პლანზე წამოიწია. დამოუკიდებლობის იდეამ მოიცვა დიდი თუ მცირე ერები და ეროვნებები. თქვენ წარმოიდგინეთ, ეს იდეა ერთობ პოპულარული გახდა თვით რუსულ ოლქებშიც კი. 1918 წელს შეიქმნა დონის საბჭოთა მთავრობა, ყუბან-შავიზღვისპირეთის რესპუბლიკა და ა. შ. მოსკოველ მუშაკთა ჯგუფმა საბჭოების მესამე ყრილობის შემდეგ 14 გუბერნიის გაერთიანება მოიწადინა და 1918 წლის 20 მარტს ამ გაერთიანების სახკომსაბჭოც შეიქმნა. პეტროგრადში ფუნქციონირებდა ჩრდილოეთის ოლქის სახკომსაბჭო. მალე გაჩნდა მსგავსი გაერთიანება ურალის ოლქის სახალხო კომისართა საბჭოს სახით. მასში შედიოდა უფის, ვიატკის, ორენბურგისა და პერმის გუბერნიები. ასეთი ხელოვნური საოლქო „დამოუკიდებელი“ წარმონაქმნები 1918 წლის დამლევამდე რუსეთის სხვა რეგიონებშიც არსებობდა⁷.

ბუნებრივია, დამოუკიდებლობის იდეამ დიდი გასაქანი პოვა არარუს მოსახლეობაში, კერძოდ კავკასიის ხალხებში. ქართველმა ერმა თვით განახორციელა ეს იდეა — 1918 წლის მაისში დამოუკიდებელი სახელმწიფოებრიობა აღიდგინა. ვაიშალა მუშაობა საქართველოში მცხოვრები ეროვნული უმცირესობებისათვის გარკვეული ავტონომიური მმართველობის დასაწესებლად. ცნობილია, რომ საქართველოს დემოკრატიული რესპუბლიკის მთავრობასა და ეროვნულ უმცირესობებს შორის ცალკეული შეხლა-შემოხლაც ხდებოდა ამ ნიადაგზე. რთული იყო საკითხი. ყოველმხრივი შესწავლა და საერთაშორისო გამოცდილების გათვალისწინებაც აუცილებელი ჩანდა.

⁷ იხ. კ. გ. ფედოროვი. სრულიად რუსეთის ცენტრალური აღმასრულებელი კომიტეტი საბჭოთა ხელისუფლების პირველ წლებში (1917—1920) (რუს. ენაზე), 1957, ვვ. 88—89.

ზოგიერთ ეროვნულ უმცირესობასთან საქართველოს მთავრობის გართულებულ ურთიერთობას მოხერხებულად იყენებდნენ ქართველი ბოლშევიკები; რომლებიც ყოველგვარ დახმარებას აღუთქვამდნენ ეროვნულ უმცირესობებს მთავრობასთან ბრძოლაში, გამარჯვების შემთხვევაში ავტონომიასაც ჰპირდებოდნენ მათ. ხელისუფლებისათვის ბრძოლის პოლიტიკით იყო ეს განპირობებული. ეროვნული უმცირესობები მენშევიკების წინააღმდეგ მებრძოლ არმიაში ეგულეობოდათ ბოლშევიკებს და ამიტომაც გულუხვ დაპირებებსაც არ აკლებდნენ მათ. დაპირებები გულწრფელი იყო. ხელისუფლების სათავეში ქართველი ბოლშევიკების მოსვლისთანავე დაპირებები საქმედ იქცა. 1921 წლის მარტში, მაგალითად, აფხაზეთი საბჭოთა სოციალისტურ რესპუბლიკად გამოცხადდა. მოსკოვის, ლენინგრადის, დონის, ყუბან-შავიზღვისპირეთისა და სხვათა „დამოუკიდებელ“ გაერთიანებათა მაგალითის დამოწმებით გვინდოდა გვეჩვენებინა, რომ „სამოსტიინური“ ხასიათის „უცნაურობები“ არცთუ ისე შვეიათი იყო თვით სუფთა რუსულ ოლქებშიც კი. რა გასაკვირია, რომ მას ადგილი ჰქონდა აფხაზეთშიც.

არა, საკამათო ის როდია, ერგებოდა თუ არა აფხაზეთს ავტონომია. საუბარია იმაზე, რომ საბჭოთა სინამდვილეში იმ დროსაც ეროვნული სახელმწიფოებრიობის უმაღლესი ფორმა საბჭოთა სოციალისტური რესპუბლიკა იყო. შემდეგ მოდიოდა სამი ტიპის ავტონომიური ერთეული: ავტონომიური საბჭოთა სოციალისტური რესპუბლიკა, ავტონომიური ოლქი და შრომითი კომუნა. რუსეთის ყოფილი იმპერიის ტერიტორიაზე შეიქმნა ბაშკირეთის, თათრეთის, ყირგიზეთის, თურქესტანის, მთის, დაღესტნის, ყირიზის, იაკუტიის ავტონომიური საბჭოთა სოციალისტური რესპუბლიკები და ჩივაშეთის, მარას, ყალმუხეთის, ვოტის, კომის, ყაბარდო-ბალყარეთის, ბურიატ-მონღოლეთის, ყარაჩაი-ჩერქეზეთის, ოირატის (ალტაის), ადიღეს (ჩერქეზეთის) ავტონომიური ოლქები, აგრეთვე კარელიისა და ვოლგისპირეთის გერმანელთა შრომითი კომუნები. აქ ჩამოთვლილ ხალხთაგან ზოგიერთები მოსახლეობის რაოდენობითა და მათ მიერ დაკავებული ტერიტორიის მოცულობით ჰარობდნენ აფხაზეტსა და აფხაზეტს (ზოგიერთი, აფხაზეტის მსგავსად, საზღვრისპირა, ზღვისპირა მდებარეობითაც გამოირჩეოდა), მაგრამ მაშინ ვერც ერთი მათგანი ვერ ჩამოყალიბდა საბჭოთა სოციალისტურ რესპუბლიკად. მხოლოდ აფხაზეტი და აფხაზეთი ჩათვალეს ასეთი სახელმწიფოებრივი სტატუსის ღირსად. არ არის აქ რაღაცნაირი საგანგებო ვითარება? რაღა თქმა უნდა არის. საკითხი ნაქარვეად გადაწყდა. განა საკამათოა, რომ ქართველ და აფხაზ ხალხებს შორის იმ დროს ნათდაუნებურად არსებული რთული ურთიერთობის მოწესრიგება აფხაზეთისათვის შედარებით უფრო დაბალი ტიპის ავტონომიის მინიჭებითაც შეიძლებოდა? მაგრამ მაშინ საქართველო ხომ ნაკლებად „დასჯილი“ იქნებოდა. საქართველოს „დასჯა“ კი აუცილებელი იყო, რადგან მან გაზედა და 1918 წელს თავისი დამოუკიდებელი სახელმწიფოებრიობა აღიგინა, ამასთან საქმესაც არა უშავს რა უძღვებოდა. თავიდათავი ის იყო, რომ რკპ (ბ) ცენტრალური კომიტეტის კავბიურო და ქართველ კომუნისტთა საგარეო ნაწილი საქართველოს ეროვნულ-სახელმწიფოებრივ მშენებლობაში მაშინ წინდახედულობას ვერ იჩენდნენ. მსოფლიო სოციალისტური რევოლუციის იდეებით გატაცებულნი და მის მოლოდინში ნაკლებმნიშვნელოვნად თელიდნენ საქართველოს სახელმწიფოებრივი ტერიტორიის მთლიანობის დაცვას. ამ საკითხზე ზრუნვას

დასავაგობ ნაციონალიზმად და კომუნისტისათვის შეუფერებელ საქციელად მიიჩნევდნენ. არა, სუბიექტურად ქართველი ხალხის მტრობა კი არ ჰქონდათ გულში ჩადებული, მაგრამ ეგონათ, რომ რევოლუციის ინტერესებთან შედარებით ეს ისეთი მეორეხარისხოვანი საქმეა, რომლისთვისაც არ ღირდა არაქართულ რეგიონთა „რევოლუციური მასების“ განაწყენება.

ამიტომაც მოხდა, რომ მთელი 10 წლის მანძილზე აფხაზეთი საბჭოთა სოციალისტურ რესპუბლიკად იწოდებოდა. ამიტომაც იყო, რომ ამ ხნის მანძილზე საქართველოს სსრ და აფხაზეთის სსრ სპეციალური ხელშეკრულებით (1921 წლის დეკემბრისა) იყვნენ დაკავშირებული (მსგავსი სახელშეკრულებო კავშირი რუსეთის სფს რესპუბლიკასაც ჰქონოდა სხვა საბჭოთა რესპუბლიკებთან).

საქართველოსა და აფხაზეთის რესპუბლიკებს შორის სპეციალური ხელშეკრულების დადებაც აფხაზეთის მხრიდან გარკვეულ წინააღმდეგობას წააწყდა. საკითხი საბოლოოდ გადაწყვიტა რკპ (ბ) ცენტრალური კომიტეტის კავშიურმა, რომელმაც 1921 წლის 1 ნოემბერს ორჯონიკიძის, კიროვის, შიასნიკოვის, ნახარეტიანის, ფიგატნერის, მავრინის, მრავიანისა და ეშბას მონაწილეობით იმსჯელა საქართველოსა და აფხაზეთის ურთიერთდამოკიდებულებაზე და დაადგინა:

«1. Считать необходимым приступить к выработке проекта договора о взаимоотношениях между Грузией и Абхазией. 2. Для разработки проекта договора выбрать комиссию в составе т.т. Эшба, Элиава, Лепрана под председательством тов. Лепрана. 3. Разработанный проект договора представить на утверждение Президиума Кавбюро ЦК РКП. 4. Работа комиссии должна быть закончена к 10-му ноября»⁸.

მკითხველმა უნდა იცოდეს, რომ იყო აფხაზეთის პრობლემის ვადაჭრის სხვა, კიდევ უფრო მიუღებელი ვარიანტიც. 1921 წლის 16 ნოემბერს რკპ (ბ) ცენტრალური კომიტეტის კავბიურო, რომლის სხდომას ესწრებოდნენ ორჯონიკიძე, ფიგატნერი, ნახარეტიანი, ელიავა, მდივანი, მარკოვი, შირონოვი, ეკოროვი, აღნო, ეშბა და ლოლობერიძე, იძულებული გახდა მიეღო ასეთი გადაწყვეტილება:

«1. Считать экономически и политически нецелесообразным существование независимой Абхазии; 2. Предложить тов. Эшба представить свое окончательное заключение о вхождении Абхазии в состав федерации Грузии на договорных началах или на началах автономной области в РСФСР»⁹.

ქართველ ხალხს ახლაც არაფერს ეკითხებოდნენ. რაც შეეხება საქართველოს „ფედერაციაში“ აფხაზეთის დარჩენას, ეს, საფიქრებელია, საბოლოოდ იმან გადაწყვიტა, რომ თუ აფხაზეთი რუსეთის სფს რესპუბლიკაში შესვლას მოისურვებდა, მას, როგორც ვნახეთ, მხოლოდ ავტონომიური ოლქის უფლებებს ანიჭებდნენ.

⁸ შლი ცპა, ფ. 64, აღწ. 1, საქ. 2, ფურც. 85.

⁹ იქვე, გვ. 89.

მცირე მნიშვნელობა როდი ჰქონდა რკპ (ბ) ცენტრალური კომიტეტის კავბიუროს 1921 წლის 24 ნოემბრის დადგენილებასაც, რომელიც საქართველოს კომპარტიის ცენტრალური კომიტეტისა და აფხაზეთის პარტიული ორგანიზაციის ხელმძღვანელი ორგანოს — ორგბიუროს ურთიერთდამოკიდებულებას ეხებოდა. ამ დღეს კავბიურომ დაადგინა:

«1. Оргбюро Абхазии организационно связывается с ЦК КПП, сохраняя название РКП; 2. Тов. Эшба вводится в ЦК КПП на правах полноправного члена»¹⁰.

კავბიუროს ამ სხდომას ესწრებოდნენ: ორჯონიკიძე, ელიავა და ნაზარეტიანი. გამოკითხვის წესით ეს დადგენილება მიზანშეწონილად ცნეს კოროვიძა, მდივანმა და ფიგატნერმა¹¹.

ერთი კია. აფხაზეთის სახელმწიფოებო რესპუბლიკას საკავშირო, ცენტრალური ხელისუფლება ფაქტობრივად ავტონომიური რესპუბლიკების მწკრივში განიხილავდა (ათავსებდა) და ეს აისახა სსრ კავშირის 1924 წლის კონსტიტუციაშიც, სადაც აფხაზეთი ავტონომიურ რესპუბლიკად არის მოხსენიებული. «აჭარისა და აფხაზეთის ავტონომიური რესპუბლიკები, — აღნიშნულია კონსტიტუციაში, — და სამხრეთ ოსეთის, მთიანი ყარაბაღისა და ნახაჩევანის ავტონომიური ოლქები ეროვნებათა საბჭოში ვხავენთან თითო წარმომადგენელს»¹².

აფხაზეთი ფაქტობრივად ავტონომიურ რესპუბლიკად არის ნაგულისხმევი ზოგიერთ იმდროინდელ პარტიულ დოკუმენტშიც. 1922 წლის 27 თებერვალს, მაგალითად, საქართველოს კომპარტიის ცენტრალური კომიტეტის პრენიდიუმმა განიხილა საკითხი:

«О числе мест в ЦИК, представляемом Центру, автономным республикам, Армии...».

და დადგინა «Предоставить; Центру 35, автономным республикам Абхазии, Аджаристана и Южно-Осетии по 3 места»¹³.

როგორც ვხედავთ, აქ აფხაზეთი და სამხრეთ ოსეთი ავტონომიურ რესპუბლიკებად არიან დასახელებული. და აქ ოქმის შემდგენლის დაუდევრობასთან კი არ უნდა გვქონდეს საქმე მხოლოდ, არამედ საერთო ტენდენციასთან — აფხაზეთს, აჭარასა და სამხრეთ ოსეთს ამ შემთხვევაში ერთი ტიპის ავტონომიურ (!) ერთეულებად განიხილავენ.

აჭარის ავტონომიაც განსაკუთრებულ ვითარებაში შეიქმნა. მას საფუძვლად ეროვნული ნიშანი არ დასდებია. საბჭოთა სინამდვილეში ეს იყო უნიკალური შემთხვევა, როცა მთელ ერს და მის შემადგენელ ნაწილს ცალ-ცალკე რესპუბლიკები შეუქმნეს. ცხადია, აჭარის ავტონომიის შექმნა ქართველი ხალხის ინტერესებიდან არ გამომდინარეობდა. იგი რელიგიური და საგარეო-პოლიტიკური ფაქტორებით იყო განპირობებული. საქმე ისაა, რომ აჭარა-საქარ-

¹⁰ მლი ცხა, ფ. 64, აღწ. 1, საქ. 2, ფურც. 105.

¹¹ იქვე.

¹² სსრ კავშირის 1924 წლის კონსტიტუცია — საბჭოთა კონსტიტუციის ისტორია (1917—1956 წწ.), 1957 (რუს. ენაზე), გვ. 463.

¹³ მლისფა, ფ. 14, აღწ. 1, საქ. 192, ფ. 215.

თველოს განუყოფელი ნაწილი — ისტორიული ბედუკუღმართობის შედეგად თურქეთის სამსაუკუნოვან მფლობელობაში მოექცა და მხოლოდ რუსეთ-თურქეთის 1877—78 წლების ომში რუსეთის გამარჯვების შედეგად დაუბრუნდა სამშობლოს (ქართველი ხალხი არასოდეს დაივიწყებს რუსეთის ამ ამაკს, თუმცა ისიც ცხადია, რომ რუსეთი მაშინ საკუთარი იმპერიის გაფართოებისათვის ზრუნავდა და არა საქართველოსათვის). თურქეთის ბატონობამ თავისი დალი დაასვა აჭარელთა ყოფასა და კულტურას. მუსლიმანური რელიგიის მიღების შემდეგ აჭარა თურქეთისა და, საერთოდ, მუსლიმანური აღმოსავლეთის ძლიერ იდეოლოგიურ ზემოქმედებას განიცდიდა.

აჭარამ ბოლომდე ვერ დააღწია თავი ამ გავლენას რუსეთის იმპერიაში შესვლისა და საქართველოსთან შეერთების შემდეგაც. თურქეთმა 1918 წელსაც სცადა აჭარის ხელშეორედ მიტაცება. მან აქ შექმნა თურქოფილური ორგანიზაცია, რომელიც აჭარის კვლავ თურქეთის მფლობელობაში გადასვლას მოითხოვდა. თურქოფილურ ძალებს დაუპირისპირდა სამუსლიმანო საქართველოს განმათავისუფლებელი კომიტეტი, რომელმაც საქართველოს ფარგლებში აჭარის ავტონომიის ჩამოყალიბების საკითხი დააყენა. საქართველოს დემოკრატიული რესპუბლიკის მთავრობამ ძირითადად შესაძლებლად მიიჩნია ამ მოთხოვნის დაკმაყოფილება და კონსტიტუციითაც დაადასტურა ეს, მაგრამ მისი რეალური განხორციელება ვერ მოასწრო.

აჭარის ავტონომიური რესპუბლიკა საქართველოს სსრ რეკომის 1921 წლის 16 ივლისის დადგენილებით შეიქმნა. აჭარაში ავტონომიური მმართველობის დაწესება წინასწარ იყო გადაწყვეტილი რუსეთის სფს რესპუბლიკისა და თურქეთის 1921 წლის 16 მარტის ხელშეკრულებით (ესეც საქართველოს ფიქტიური დამოუკიდებლობის მაჩვენებელი). თუმცა ამ ხელშეკრულებაში არ იყო დაკონკრეტებული აჭარის ავტონომიის ფორმა და ამდენად, შეიძლებოდა არჩევანიც გაკეთებულიყო, უფრო დაბალი ტიპის ავტონომია დაარსებულიყო (ი. ფუტყარაძე), ავტონომიური მმართველობის შემოღება კი გარდაუვალი ჩანდა, რადგან ამ იდეას მაშინ აჭარლებიც თანაუგრძნობდნენ.

აჭარის ავტონომიის ბედი დღეს მთელმა ქართველმა ხალხმა უნდა გადაწყვიტოს, ცხადია, თვით აჭარლების სურვილისა და მოსალოდნელი შედეგების მაქსიმალური გათვალისწინებით. აქ დიდი წინდახედულობა და სიბრძნე გვმართებს. პირველი და გადამწყვეტი სიტყვა ეკუთვნით აჭარლებს, რომელთა ეროვნული თვითშეგნების მაღალი დონე არასოდეს ეჭვს არ იწვევდა.

ამრიგად, საქართველოს სს რესპუბლიკაში, მის კუთვნილ ტერატორიაზე გასაბჭოების პირველ წელსვე შეიქმნა აფხაზეთის საბჭოთა სოციალისტური რესპუბლიკა (რომელიც იმავე წლის დეკემბერში გახდა სახელმეკრულებო, ხოლო მოგვიანებით ავტონომიური რესპუბლიკა), აჭარის ავტონომიური საბჭოთა სოციალისტური რესპუბლიკა და აყენებდნენ საკითხს სამხრეთ ოსეთის სოციალისტური საბჭოთა რესპუბლიკის შექმნის შესახებ. იმისდა მიუხედავად, სამართლიანი იყო თუ არა საკითხის ასეთი გადაწყვეტა, უდავოა, ეს მომენტი კიდევ უფრო ართულებდა საქართველოს კომუნისტების მდგომარეობას, რომელიც წითელი არმიის მიერ საქართველოს ძალდატანებითი გასაბჭოების (ოკუპაციის) პირობებში, ბუნებრივია, ისედაც უაღრესად მძიმე იყო. მკითხველმა იცის, საქართველოს დემოკრატიული რესპუბლიკის დამფუძნებელმა კრებამ „საქართველოს ხალხის მოლაპატებლად“ გამოაცხადა საქარ-

თველოს რეკვომის წევრები, რომლებიც მოუძღოდნენ „რუსეთის საბჭოთა ლაშქართ საქართველოს რესპუბლიკის წინააღმდეგ“¹⁴, საქართველოში საბჭოთა ხელისუფლების დასამყარებლად.

შექმნილ ვითარებაში ქართველ ბოლშევიკებს საქმით უნდა დაემტკიცებინათ, რომ მათთვის უცხო არაა ქართველი ხალხის ეროვნული ინტერესები. წინააღმდეგ შემთხვევაში ისინი ვერ გამონახავდნენ საერთო ენას ქართველ ხალხთან, განსაკუთრებით მის ინტელიგენციასთან. მით უფრო რომ ზოგიერთი ქართული პოლიტიკური პარტია ქართველ ხალხს საბჭოთა ხელისუფლებასთან შეუთრეგებლობისაკენ მოუწოდებდა, ხოლო კომუნისტურ პარტიას, არც თუ უსაფუძვლოდ, საქართველოს ტერიტორიის მთლიანობის დარღვევას საყვედურობდა. დამახასიათებელია ამ მხრივ გრიგოლ ლორთქიფანიძის გამონათქვამი, რომელსაც აქვე უცვლელად დავიმოწმებთ: „ჩამოჭრილი ტერიტორიების გარეშე დარჩენილი საქართველო ფორმალურად გამოცხადებულ იქნა საქართველოს საბჭოთა დამოუკიდებელ რესპუბლიკათ. მაგრამ თვით ეს საქართველოც ძლიერ დასერა და დასჭრა რუსეთმა პოლიტიკურათ და ტერიტორიალურათ. ამ მიზნით, მან გამოაცხადა აფხაზეთის ჯერ დამოუკიდებელი, შემდეგ ავტონომიური რესპუბლიკა, ასეთივე რესპუბლიკა აჭარაში და ავტონომიური ოლქი სამხრეთ ოსეთისა. ყველა ამ ე. წ. რესპუბლიკების შექმნა და მათი საქართველოსადმი დაპირდაპირება და მისგან მაქსიმალურათ გამოთიშვა ძველი რუსიფიკატორული პოლიტიკის ახალ ფორმაში გაგრძელებაა. აფხაზეთის რესპუბლიკა რუსეთს სჭირია, როგორც საქართველოში შემოსავალი ჭიშკარი და საკოლონიზაციო პოლიტიკისათვის დასაყრდნობი პლაცდარმი. ასეთსავე პოლიტიკურსა და სტრატეგიულ როლს აკისრებს მოსკოვის იმპერიალიზმი ე. წ. სამხრეთ ოსეთს. ნამდვილი ოსეთი კავკასიონის ქედს გადაღმა კასრის ხეობის იქეთ, მაგრამ იქ რუსეთმა სრულიადაც არ დაინახა საჭიროთ შექმნა წმინდა ოსური სახელმწიფოებრივი ორგანიზმი ჩრდილო ოსეთისა ან სხვა რამ ამგვარი სახელწოდებისა. იქ ოსები, ინგუშები და სხვები ერთ ავტონომიურ მთის რესპუბლიკაში დასტოვა, ხოლო საქართველოში, სადაც ოსობა წარმოადგენს ხიზნებას და კოლონიზატებს მათთვის ოთხი მასრიდან (გორის, დუშეთის, შორაპნისა და რაჭის) ხელოვნურათ გამოსჭრა ოსური ავტონომია მრავალ წმინდა ქართული სოფლების შიგ ჩართვით. ეს ზომაც მაშართული იყო, რასაკვირველია, იქითგან, რომ ოსურ-ქართული შური გაეღვივებია და საქართველოში შემოსასვლელი ჭიშკრები მოსკოვის ხელში ყოფილიყო საეცებით და ამ მიზნისათვის, ასე წარმოედგინეთ იმდენათ აწამეს და აჯახრაკეს ავტონომიური ოსეთის საზღვარი, რომ მის ფარგლებში მიმისონის გადასავალიც კი მოაქციეს რაჭის მხრიდან“¹⁵.

ამ ნაწყვეტში საქართველოს დემოკრატიული რესპუბლიკის მთავრობის თავმჯდომარის მოადგილე და სამხედრო მინისტრი გრიგოლ ლორთქიფანიძე სიმართლეს ამბობს. ქართველი ხალხის გულსტიკვილს იგი ძირითადად სწორად გადმოსცემს. ეს პრობლემა მაშინ ნამდვილად იდგა. თვით კომუნისტების დამოკიდებულება აფხაზეთის, აჭარისა და სამხრეთ ოსეთის სახელმწიფოებრივი მოწყობის სხვადასხვა ასპექტისადმი არაერთგვაროვანი იყო. თუმცა ძირითადად კომუნისტთაგან თითქმის არავინ უარყოფდა ამ რეგიონებისათვის სხვადასხვა

¹⁴ ვახ. «ერთობა», 1921 წლის 23 თებერვალი.

¹⁵ გრ. ლორთქიფანიძე, ფიქრები საქართველოზე (ხელნაწერი), გვ. 270—271.

ფორმით ავტონომიური უფლებების მინიჭებას. კამათი მხოლოდ ფორმებსა და საზღვრებზე ჰქონდათ.

აქვე უნდა ითქვას, რომ აფხაზეთისა და აჭარისათვის, აგრეთვე ზოგიერთი სხვა რეგიონისათვის ავტონომიური მმართველობის უფლების მინიჭების წინააღმდეგ საქართველოს დემოკრატიული რესპუბლიკის მთავრობაც არ გამოდიოდა. ეს ნათლად ჩანს საქართველოს კონსტიტუციიდან, რომელიც საქართველოს დამფუძნებელმა კრებამ 1921 წლის 21 თებერვალს დაამტკიცა. მასში ცალკე თავად (მეთერთმეტე) არის გამოყოფილი „ავტონომიური მმართველობა“, სადაც ვკითხულობთ: „მუხლი 107. საქართველოს რესპუბლიკის განუყოფელ ნაწილებს — აფხაზეთს (სოხუმის ოლქი), სამუსლიმანო საქართველოს (ბათუმის მხარე) და ზაქათალს (ზაქათალს ოლქი), ენიჭებათ ადგილობრივ საქმეებში ავტონომიური მმართველობა. მუხლი 108. წინა მუხლში მოხსენიებულ ავტონომიურ მმართველობათა დებულებანი შემუშავებულ იქნება ცალკე კანონით“¹⁶.

მიუვრუნდეთ სამხრეთ ოსეთის რეევომისა და პარტკომის 1921 წლის 6—8 სექტემბრის დადგენილებას. საქართველოს ტერიტორიაზე სამხრეთ ოსეთის სოციალისტური საბჭოთა რესპუბლიკის შექმნის მოთხოვნა კიდევ უფრო მიუღებელი და შეუსაბამო იყო, ვიდრე აფხაზეთისა, რაზეც უკვე ვილაპარაკეთ. ასეთი რესპუბლიკა ჩრდილო კავკასიაში მდებარე ნამდვილ ოსეთშიც არ შექმნილა (მაშინ, სხვათა შორის, ჩრდილო ოსეთში არც ავტონომიური რესპუბლიკა და არც ცალკე ოლქი არსებობდა). ნამდვილად კურორტული იყო ეს მოთხოვნა, იმდენად კურორტული, რომ, როგორც შემდეგ ვნახავთ, რკპ (ბ) ცენტრალური კომიტეტის კავბიუროც კი ვერ დააკმაყოფილებს მას.

სამხრეთ ოსეთის რეევომისა და პარტკომის გადაწყვეტილებით 6—8 სექტემბრის დადგენილებას თან დაურთეს „შოკლენ განმარტებითი ბარათი“, რომელშიც მოცემული იყო ცდა დაესაბუთებინათ სამხრეთ ოსეთის საბჭოთა სოციალისტური რესპუბლიკის შექმნის აუცილებლობა.

მოხსენებითი ბარათი შედგებოდა შემდეგი განყოფილებებისაგან: სამხრეთ ოსეთის გეოგრაფიული მდებარეობა და მოსახლეობის რაოდენობა, სამხრეთ ოსეთის ეკონომიკური მდგომარეობა და მისი მოსახლეობის კულტურული განვითარების დონე, ისტორიულ-სოციალური განვითარება, სამხრეთ ოსეთის ღარიბ გლეხთა რევოლუციური ბრძოლის ისტორია, დასკვნა. დავიმოწმოთ ორიოდ ადგილი ამ მოხსენებითი ბარათიდან:

«Общность интересов и усилившиеся культурно-политическое развитие масс объединяет осетинских крестьян с грузинскими, и в дальнейшем их деятельность протекает в тесном единении вплоть до разгрома Юго-Осетии. С начала февральской революции до октябрьского переворота внутри Осетии боролись только две мелкобуржуазные группы: С. Д. (меньшевики) и С. Р. О глубоком общественно-классовом расслоении не было и речи потому, что движение носило характер национального освобождения, и кулацкий элемент играл некоторую роль. Беспартийная интел-

¹⁶ საქართველოს კონსტიტუცია, მიღებული საქართველოს დამფუძნებელი კრების მიერ 1921 წლის თებერვლის 21, ბათუმი, გვ. 31.

ლიგენცია группировалась в большинстве вокруг С. Р. **Большевицкая организация, зародившаяся** в октябре 1917 года в Тифлисе, работала в то время исключительно среди осетинских рабочих и **не имела никакого влияния на крестьян**. В процессе борьбы меньшевики, куда входили главным образом рабочие, побеждают, и временно крестьянские массы идут за ними. К началу октябрьского переворота их изменническая политика начинает проявляться, и массы с наиболее честными рабочими отходят от них... **После ликвидации восстаний с июля 1918 года в Юго-Осетии зарождаются правильные парторганизации большевиков** под руководством Тифлисской секции, перенесшей центр тяжести своей деятельности в деревню. К октябрю 1919 года Юго-Осетия покрывается сетью правильно организованных ячеек, районных организаций (17 райкомов) с числом членов и сочувствующих до 2.000 человек, объединенных уже в Юго-Осетинский партком... Происходившие в этот период народные съезды выдвигают на повестку дня вопрос о политическом самоопределении Юго-Осетии с ориентацией на Терскую, в то время, Советскую республику. Вопрос был поставлен настолько серьезно, что на пять съездов приезжают столпы меньшевизма: И. Церетели, И. Рамишвили и др. Большевики побеждают, и правительство Жордания разрешает вопрос с помощью германских солдат. Окончательно же вопрос о самоопределении снимается с повестки дня во: 1. нашествием карательной экспедиции генерала Каралова и Горийского уездначальника Карцивадзе, разгромивших Народный Совет в Цхинвале. 2. Нашествием экспедиционных войск меньшевистского правительства под командованием полк. Химшиева, после неудачного октябрьского выступления. Поход сопровождался расстрелами, поджогами, насилием и тому подобными бесчинствами. Партия уходит в подполье, наиболее видные товарищи изгоняются в Терскую область. С этого времени по июнь 1920 года меньшевистское правительство держит в разных частях Юго-Осетии значительные войсковые силы. **Бесчинства их и административный произвол делает гнет невыносимым**. В июле 1920 года по всей Осетии вспыхивает всеобщее восстание, в результате чего в Цхинвале объявляется Советская власть на всей территории Юго-Осетии. Ряд неблагоприятных обстоятельств для повстанцев дают меньшевикам возможность ликвидировать революционное движение с небывалой жестокостью и зверством. К великому несчастью бессознательная часть грузинских крестьян, под влиянием шовинистической агитации меньшевиков, приняли участие в гнусных деяниях правительства. До февраля 1921 года оставшаяся часть населения Юго-Осе-

თნი остаётся под гнетом правительства, подвергаясь жестким гонениям. Вот почему главным образом с момента прихода Советской власти трудовые массы Юго-Осетии резко выставляют принцип самоопределения (ხაზგასმა ყველგან ჩვენია—ლ. თ. ბარათის ავტორები შემდეგ დასკვნებს აკეთებდნენ:

«1. Так как географически Юго-Осетия составляет одно сплошное целое в пределах вышеуказанных границ (в ам საზღვრებში ქართული სოფლებიც იყო მოქცეული—ლ. თ. население ея этнографически однородно с особым национально-бытовым укладом жизни и хозяйственный быт ее обладает специфическими чертами—необходимо образовать из нее С.С.Р.

2. Степень классового расслоения и самосознания трудовых масс Юго-Осетии (необходимых для нормального развития республики) настолько высока, что обеспечивает республике нормальное развитие культурно-экономических сил ее.

3. Образование такой политической единицы, при данных объективных условиях, создает благоприятную почву для приобщения трудящихся Юго-Осетии к Советской власти (школа, суд и другие учреждения на родном языке) и скорейшего изживания чувства национального угнетения, которое появилось, главным образом, в период меньшевистского господства.

4. Свободное и успешное развитие культурно-экономических сил Юго-Осетии возможно только в том случае, если включить в состав ее те районы со смешанным населением, которые являются единственным культурно-экономическим центром Юго-Осетии и органически связаны с нею»¹⁷.

მაშასადამე, სამხრეთ ოსეთის რევკომი და პარტიული კომიტეტი ადასტურებდნენ, რომ: 1) სამხრეთ ოსეთის გლეხთა მოძრაობა კლასობრივ ნადავზე კი არ იყო აღმოცენებული, არამედ იგი ეროვნულ ხასიათს ატარებდა; 2) ბოლშევიკური ორგანიზაციები სამხრეთ ოსეთში მხოლოდ 1918 წლის ივლისის შემდეგ იქმნება, მანამდე თბილისის ბოლშევიკურ ორგანიზაციას სამხრეთ ოსეთის გლეხობაზე არავითარი გავლენა არ ჰქონია. ე. ი. 1918 წლის მარტის შეიარაღებული გამოსვლა ადგილობრივი ბოლშევიკური ორგანიზაციის მიერ მომზადებული არ იყო, რაც იმაზე მიგვანიშნებს, რომ ბარათის ავტორთა აზრით, ამ გამოსვლას ეროვნული ხასიათი ჰქონდა; 3) 1919 წლის ოქტომბრის შემდგომ პერიოდში სამხრეთ ოსეთში გამართული სახალხო ყრილობები აყენებდნენ სამხრეთ ოსეთის პოლიტიკური თვითგამორკვევისა და თერგის რესპუბლიკასთან მისი შეერთების საკითხს.

ყოველივე ამის შემდეგ აღარ უნდა უკვირდეთ, რომ ქართველი ხალხი და საქართველოს მთავრობა სასტიკად ილაშქრებდნენ ოსი ექსტრემისტების

¹⁷ სუიცსა, ტ. 281, აღწ. 2, საქ. 3, ფურც. 165—166.

წინააღმდეგ. ბარათის ავტორები მხოლოდ იმ რეპრესიებზე ლაპარაკობენ, რომლებსაც საქართველოს შეიარაღებული ძალები ახორციელებდნენ ოსთა აჯანყებების ჩასაქრობად, ხოლო კრინტსაც არ ძრავდნენ იმაზე, თუ რა ვანდალურ აქციებს მიმართავდნენ ოსი ექსტრემისტები სამაჩაბლოს ძირძველი მოსახლეობის წინააღმდეგ.

მოსხენებითი ბარათის ავტორები აღნიშნავენ, რომ საქართველოს დემოკრატიული რესპუბლიკის მთავრობამ ოსეთის საკითხი საბოლოოდ გერმანულ ჯარისკაცთა დახმარებით გადაწყვიტა. ეს არ არის სწორი, რადგანაც ლაპარაკია 1919 წლის ოქტომბრის შემდგომ პერიოდზე, როცა საქართველოში გერმანელთა ჯარი უკვე აღარ იყო.

ავტორებს ისე გამოუდით, თითქოს ოსთა 1920 წლის ივნისის აჯანყება ოსი მოსახლეობისადმი საქართველოს დემოკრატიული რესპუბლიკის ჯარის ნაწილების უდიერმა დამოკიდებულებამ გამოიწვია. ჩვენ უკვე ვნახეთ რამ გამოიწვია ეს აჯანყება და ვინ იყო მისი სულისჩამდგმელი.

ავტორები სინანულით აღნიშნავენ, რომ „ქართველი გლეხობის შეუფხვებელი ნაწილი მენშევიკთა შოვინისტური აგიტაციის გავლენით“ მთავრობის ღონისძიებებში მონაწილეობდა. ვულსხმობენ ოსთა აჯანყების ჩაქრობაში ქართველი გლეხობის მონაწილეობას. ჩვენ ის გვიკვირს, ნამდვილად გვიკვირს, რომ ექსტრემისტების წაქეზებით ოსი გლეხობის, მართლაც, „შეუფხვებელმა ნაწილმა“ ხელი აღმართა საქართველოს დამოუკიდებლობის წინააღმდეგ, თორემ ის რა გასაკვირია, რომ ქართველმა გლეხობამ (მისმა შეგნებულმა თუ „შეუფხვებელმა“ ნაწილმა) მონაწილეობა მიიღო საკუთარ სახლში გაჩენილი ხანძრის ჩაქრობაში, საქართველოს დამოუკიდებლობის დაცვაში.

ისიც გაუგებარია, თუ სამხრეთ ოსეთის რეგკომი და პარტკომი რატომ მოითხოვდნენ საქართველოს ტერიტორიაზე სამხრეთ ოსეთის მაინცდამაინც საბჭოთა სოციალისტური რესპუბლიკის შექმნას. გაჩა რა ობიექტური პირობები იყო, ან რა ფაქტები მოიყვანეს ისეთი (თუნდაც ყველა მათგანი მართალი ყოფილიყო), რომლებიც აუცილებელს ხდიდნენ სწორედ ასეთი რესპუბლიკის შექმნას. თანაც თავიდანვე ჰქონდათ გამიზნული სამხრეთ ოსეთის რესპუბლიკაში ქართული სოფლების გაერთიანებაც.

მოსხენებით ბარათში ნახსენებია „გენერალ კარალოვის დამსჯელი ექსპედიცია“. ამასთან დაკავშირებით ერთი დოკუმენტი გვინდა გავაცნოთ მკითხველს. 1922 წლის 11 ივლისს საქართველოს კომპარტიის ცენტრალური კომიტეტის პრეზიდიუმმა სპეციალურად იმსჯელა ამ საკითხზე და საჭიროდ მიიჩნია, რომ სამხრეთ ოსეთის პარტკომის დახმარებით მოეძიათ მასალები მოსენებრსათვის. რომელშიც ვაშუქებული იქნებოდა ვენერალ კარალოვის დამსჯელი რაზმის საქმიანობა სამხრეთ ოსეთში 1919 წლის მაისში¹⁸.

ცენტრალურ კომიტეტში ამ საკითხის განხილვის საბაბი ვახდა ცალკე კავკასიის არმიის განსაკუთრებული განყოფილებებიდან 1922 წლის ივნისში შემოსული შემდეგი წერილი:

«В секретариат Ц.К.П. Грузии.

Прошу поручить одному из компетентных членов К.П. Грузии составить доклад о действиях карательного отряда генерала Каралова в Южной Осетии в мае 19-го года и

¹⁸ იხ. მლისფა, ფ. 14, აღწ. 1, საქ. 192, ფურც. 683.

направить таковой по возможности не позднее 20-го июня в особотдел ОКА.

В докладе желательно осветить, главным образом следующие пункты:

1) Сколько было выступлений в Южной Осетии за время меньшевистского правления; 2) Какой характер (**блогвардейский** (ხაზგასმა ჩენია — ლ. თ.), или коммунистический) носили выступления в мае 1919 года; 3) Кто отличался наибольшей активностью из лиц командования в экспедиции генерала Каралова»¹⁹.

მკითხველის ყურადღება გვინდა მივაპყროთ დოკუმენტის ამ ადგილს, სადაც ლაპარაკია იმაზე, თუ რა ხასიათისა იყო გამოსვლები სამხრეთ ოსეთში 1919 წლის მაისში. ეს საკითხი დღესაც აქტუალურია. ყოველ შემთხვევაში დენიკინთან ამ გამოსვლების კავშირი რომ გამოსარიცხავი არ არის, ეს უეჭველია.

სამხრეთ ოსეთის რევკომისა და პარტკომის 1921 წლის 6—8 სექტემბრის გაერთიანებულმა სხდომამ დაამტკიცა აგრეთვე „სამხრეთ ოსეთის საბჭოთა სოციალისტური რესპუბლიკის კონსტიტუციის პროექტი“ და „სამხრეთ ოსეთის სოციალისტური საბჭოთა რესპუბლიკის საზღვრების პროექტი“. საზღვრების პროექტში სათითაოდაა ჩამოთვლილი სოფლები, რომლებიც სამხრეთ ოსეთის რესპუბლიკაში უნდა გაერთიანებინათ. მათ შორის მოჰყვა ბევრი ქართული სოფელიც (ქართული და შერეული მოსახლეობით) გორის, დუშეთის, რაჭისა და შორაპნის მაზრებიდან. სამხრეთ ოსეთის საზღვრების პროექტში დასახელებული სოფლები საინტერესოა ქართული ტოპონიმების თვალსაზრისით. თვალში გვეცემთ სოფელთა სახელწოდებების ქართული წარმომავლობა²⁰.

„სამხრეთ ოსეთის საბჭოთა სოციალისტური რესპუბლიკის კონსტიტუციის პროექტი“ სულ 15 მუხლისაგან შედგებოდა. მასში ჩამოთვლილი იყო სახალხო კომისარიატები, რომლებიც რესპუბლიკაში უნდა შექმნილიყო, განსაზღვრული იყო მათი კომპეტენციის სფეროები (მათგან ზოგი საქართველოს სსრ სათანადო სახალხო კომისარიატებს ექვემდებარებოდა, ზოგიც დამოუკიდებელი რჩებოდა) და სხვ. კონსტიტუციის პროექტში მაგალითად, ნათქვამი იყო:

«Столицей С.С.Р. Юго-Осетии является г. Цхинвали»;

С.С.Р. Юго-Осетия состоит в федеративной связи с С.С.Р. Грузией;

«Для борьбы с контрреволюцией организуется особая Юго-Осетинская конная воинская часть с командованием на русском языке»;

«Всеми финансовыми и техническими средствами С.С.Р. Юго-Осетия снабжается из средств С.С.Р. Грузии»;

«Языком сношения между С.С.Р. Юго-Осетией и С.С.Р. Грузией служит русский язык»²¹.

¹⁹ იხ. მლისფა, ფ. 14, აღწ. 1, საქ. 192, ფურც. 700.

²⁰ იხ. სუიცა, ფ. 281, აღწ. 2, საქ. 3, ფურც. 168—169.

²¹ იქვე, ფურც. 167.

როგორც ვნახეთ, კონსტიტუციის პროექტიდან დამოწმებულ ამონაწერებში რუსული ენის გამოყენების საკითხზე ორჯერ არის ყურადღება გამახვილებული. ეს უმთავრესად აიხსნება ცარიზმის დროს სამხრეთ ოსეთში შექმნილი ენობრივი სიტუაციით, რომლის გამოსწორებას არც ახალი რუსეთი ცდილობდა. გარდა ამისა, აქ აშკარად იგრძნობა ქართული ენის უპატეცემულობაც²².

გავისვენოთ ერთი ეპიზოდი საქართველოს დემოკრატიული რესპუბლიკის მთავრობისა და სამხრეთ ოსეთის ეროვნული საბჭოს ურთიერთობიდან. 1919 წლის 4 მარტს სამხრეთ ოსეთის ეროვნული საბჭო საქართველოს დემოკრატიული რესპუბლიკის მთავრობის თავმჯდომარეს სწერდა:

«Южно-Осетинский Национальный Совет просит Вас не отказать сделать распоряжение подведомственным учреждениям и должностным лицам о том, чтобы переписку с Осетинским национальным Советом и Осетинскими Обществами велась на русском языке, так как знающих грузинский язык в учреждениях Осетии почти нет, а о содержании переводчиков за отсутствием средств не приходится и говорить»²³.

სამხრეთ ოსეთის ეროვნული საბჭოს ამ თხოვნასთან დაკავშირებით სამთავრობო დაწესებულებებში რამდენიმე დოკუმენტი შეიქმნა. გავეცნოთ ზოგიერთ მათგანს.

1919 წლის 7 მარტს საქართველოს რესპუბლიკის საქმეთა მმართველი კ. ჯაფარიძე შინაგან საქმეთა სამინისტროს კანცელარიის დირექტორს სწერდა (ასლი სხვა უწყებებსაც დაეგზავნა): «გაახლებთ რა სამხრეთ-ოსეთის ეროვნული საბჭოს შუამდგომლობის პირს, მიწერ-მოწერის წარმოების შესახებ რუსულ ენაზე, გთხოვთ, რათა ხსენებული შუამდგომლობა შეწყნარებულ იქნას»²⁴.

1919 წლის 11 მარტს საქართველოს დემოკრატიული რესპუბლიკის იუსტიციის სამინისტროს კანცელარიის დირექტორი რესპუბლიკის საქმეთა მმართველობას აცნობებდა: «დამატებით თქვენის ა/წ. მარტის 7-ის № 605 მომართვისა და თანახმათ ბ-ნ მინისტრის განკარგულებისა, იუსტიციის სამინისტროს კანცელარია გთხოვთ გვაცნობოთ ვისის განკარგულებით გამოიგზავნა იუსტიციის სამინისტროში საქართველოს ოსთა ეროვნულ საბჭოს შუამდგომლობა მასთან ყველა მიწერ-მოწერის რუსულ ენაზე წარმოების შესახებ და გაქვეთ თუ არა ამ საგნის შესახებ რესპუბლიკის მთავრობის ბრძანება, ვინაიდან სამინისტროს კანცელარია აწარმოებს მთელ მიწერ-მოწერას ქართულ ენაზე»²⁵.

ამ მიმართვაზე საქართველოს მთავრობის საქმეთა მმართველის პასუხი, რომელიც 1919 წლის 17 მარტით არის დათარიღებული, ასეთი იყო: «პასუხით თქვენი ა. წ. მარტის 11 № 1144 მომართვისა მთავრობის საქმეთა მმართველობა გაცნობებთ, რომ განკარგულება ოსთა ეროვნულ საბჭოს შუამდგომლობის შეწყნარების შესახებ, რომ მიწერ-მოწერა ჩვენ დაწესებულებათა და მათ

²² შდრ. ნ. ხუციშვილი, «შიდა ქართლი — ისტორია და თანამედროვეობა», ვაზ. «ახალგაზრდა კომუნისტი», 1990, 20 იანვარი.

²³ სუიცსა, ფ. 1861, აღწ. 1, საქ. 355, ფურც. 3.

²⁴ იქვე, ფ. 2.

²⁵ იქვე, ფურც. 6.

შორის ხდებოდა რუსულ ენაზე — მოახდინა მთავრობის საქმეთა მმართველმა. მთავრობის დადგენილება ამის შესახებ არ ყოფილა და არც უნდა ყოფილიყო, რადგანაც თავისთავად ცხადია, რომ სხვა ერებთან მიწერ-მოწერა უნდა სწარმოებდეს მათ ენაზე ან იმ ენაზე, რომელზედაც მათ სურთ რომ მიწერ-მოწერა იწარმოოს. სხვანაირად მოქცევა საქართველოს დემოკრატიულ რესპუბლიკის დაწესებულებებს არ შეუძლიათ, რადგანაც ეს იქნებოდა ლალატი იმ პრინციპებისა, რომელზედაც არის აგებული ჩვენი რესპუბლიკა. და თუ მივიღებთ მხედველობაში იმ გარემოებას, რომ ოსურ ეროვნულ საბჭოს თხოვნა ადვილი დასაკმაყოფილებელია, ამ თხოვნის შეუსრულებლობა უსამართლოც იქნებოდა“²⁶.

იუსტიციის სამინისტრო არ დააკმაყოფილა მთავრობის საქმეთა მმართველის ამ პასუხმა და 1919 წლის 20 მარტს კვლავ ზაზაენის ოფიციალურ წერილს მთავრობის საქმეთა მმართველობაში: „პასუხად თქვენის ა. წ. მარტის 7-ის № 605 მომართვისა ოსთა ეროვნულ საბჭოს შუამდგომლობის შეწყნარების შესახებ, რომ მიწერ-მოწერა სამინისტროსი მასთან სწარმოებდეს რუსულ ენაზე, იუსტიციის სამინისტროს კანცელარია გაცნობებთ, რომ მას არ შეუძლიან დაიცვას თქვენს მომართვაში აღნიშნული წესი მიწერ-მოწერისა, ვინაიდან კანცელარიას აქვს ბ-ნ მინისტრის კატეგორიული განკარგულება, რომლის მიხედვით სახელმწიფო ტერიტორიის ფარგლებში იუსტიციის სამინისტროს კანცელარია როგორც სახელმწიფო დაწესებულება, სახელმწიფო ენაზე უნდა აწარმოებდეს მიწერ-მოწერას, თუნდაც ქვეშევრდომი არაქართველ ტომს ეკუთვნოდეს.

ხსენებული განკარგულების გაუქმება ან შეცვლა შეადგენს მხოლოდ მინისტრის ან რესპუბლიკის მთავრობის კომპეტენციას“²⁷.

და კიდევ ერთი დოკუმენტი. 1919 წლის 24 მარტს საქართველოს მთავრობის საქმეთა მმართველი კ. ჯაფარიძე საქართველოს დემოკრატიული რესპუბლიკის მთავრობის თავმჯდომარის მოადგილეს ე. გეგუქორს სწერდა: „ნ ამა მარტს მთავრობის თავმჯდომარის სახელზე, ჩემდამი რწმუნებულ მმართველობაში შემოვიდა სამხრეთ-ოსეთის ეროვნული საბჭოს თხოვნა, რომელშიც ხსენებული საბჭო შუამდგომლობს, რომ ჩვენი რესპუბლიკის დაწესებულებათა და მათ შორის მიწერ-მოწერა სწარმოებდეს რუსულ ენაზე, რადგანაც ქართული ენის მცოდნენი მათ თითქმის არ მოეპოვებათ, ხოლო თარჯიმანთა შენახვა, უსახსრობის გამო, არ შეუძლიათ.

ვიხელმძღვანელებ რა ამა წლის 1 ოქტომბრის (ასეა დედანში — ლ. თ.) პარლამენტის დადგენილებით, საიდანაც ნათლად სჩანს, რომ პარლამენტს არ თუ არ უფიქრია ეროვნულ უმცირესობათა თავის ენაზე მიწერ-მოწერის წარმოების უფლების შეზღუდვა, არამედ ამის შესახებ ცალკე კანონის გამოცემაც კი საჭიროთ დაინახა და აგრეთვე იმ მოსაზრებით, რომ სხვა ერებთან მიწერ-მოწერა, თანახმად იმ პრინციპებისა, რომელზედაც არის აგებული ჩვენი დემოკრატიული რესპუბლიკა, უნდა წარმოებდეს იმ ენაზე, რომელზედაც მათ სურთ, მე შევატყობინე ყველა სამინისტროებს, რომ ეს სამართლიანი თხოვნა ოსთა ეროვნული საბჭოსი დაეკმაყოფილებინათ. პასუხად ჩემი მიმართვისა (ა. წ. 7 მარტის, № 605), იუსტიციის სამინისტროს კანცელარიას დი-

²⁶ სუიკსა, ფ. 1861, აღწ. 1, საქ. 355, ფურც. 4.

²⁷ იქვე, ფურც. 1—2.

რეკტორი შემეკითხა რა უფლების ძალით ვაუვუჯაუნე მას ზემოთ აღნიშნული ჩემი მიმართვა.

ყოველღე ვაუგებობის თავიდან ასაცდენათ ამა თვის 10 მარტს ამ საქმის შესახებ მე თქვენ გაგიკეთეთ მოხსენება და თქვენც, ვაიზიარეთ რა ზემოთ მოყვანილი ჩემი მოსაზრება, დამავალეთ მიმეწერა იუსტიციის სამინისტროს კანცელარიის დირექტორისათვის, რომ თხოვნა ოსთა ეროვნული საბჭოსი დაეკმაყოფილებიათ. პასუხად აღნიშნული მიმართვისა, ხსენებული დირექტორი მწერს, რომ მას: „არ შეუძლიან დაიცვას“ ჩემს „მომართვაში აღნიშნული წესი მიწერ-მოწერისა“. ესე იგი, ის, დირექტორი არ ემორჩილება ჩემს, მთავრობის საქმეთა მმართველის განკარგულებას.

მიმაჩნია რა პირდაპირ დაუშვებლათ ამნაირი საქციელი იუსტიციის სამინისტროს კანცელარიის დირექტორისა, საჭიროდ დავინახე მომეხსენებია ზემოთ აღნიშნული თქვენთვის შესაფერი ზომების მისაღებათ“²⁵.

ამ დავაში მტყუნისა და მართლის გარჩევისაგან ამჯერად თავი შევიკავეთ. დავისომოთ, მხოლოდ თუ როგორ ზრუნავდნენ საქართველოს დემოკრატიულ რესპუბლიკაში ეროვნულ უმცირესობათა დაცვისა და საქართველოს სახელმწიფო ენის — ქართული ენის ფუნქციის რესპუბლიკის მთელ ტერიტორიაზე განვრცობისათვის. დავისომოთ ისიც, რომ ე. გეგეჭკორიკა და კ. ჯაფარიძეც იმ მთავრობის წარმომადგენლები არიან, რომელიც ჩვენს ისტორიო-გრაფიას ეროვნულ უმცირესობათა მხავერდის როლში გამოჰყავდა. მკათხველი იუსტიციის სამინისტროს პოზიციასაც გაგებით მოეკიდება, ცხადია.

ამ მიმოწერიდან ისიც კარგად ჩანს, რომ სამხრეთ ოსეთის მესვეურები იმ დროიდანვე უწყობდნენ ხელს სამხრეთ ოსეთში (გორის მაზრის ოსებით დასახლებულ ტერიტორიაზე) რუსული ენის პოზიციების გაძლიერებას ქართული ენის ხარჯზე.

ახლა ვნახოთ რა ბედი ეწია სამხრეთ ოსეთის რევკომისა და პარტიული კომიტეტის 1921 წლის 6—8 სექტემბრის გაერთიანებულ სხდომაზე მიღებულ დადგენილებას სამხრეთ ოსეთის საბჭოთა სოციალისტური რესპუბლიკის შექმნის თაობაზე. ცხადია, საკითხი უნდა გადაეწყვიტათ საქართველოს კომპარტიის ცენტრალურ კომიტეტს, საქართველოს სსრ რევოლუციურ კომიტეტსა და რკპ(ბ) ცენტრალური კომიტეტის კავბიუროს. ამ უკანასკნელის სიტყვა გადამწყვეტი იყო.

გაერთიანებული სხდომის დადგენილება და მასთან დაკავშირებული სხვა მასალები საქართველოს სსრ შინაგან საქმეთა სახალხო კომისარიატმა 1921 წლის 27 სექტემბერს ვაუვუჯაუნა საქართველოს სსრ რევოლუციურ კომიტეტს. ამ უკანასკნელმა 1921 წლის 10 ოქტომბერს „სამხრეთ ოსეთის ცალკე აღმონისტრაციულ ერთეულად გამოყოფის საკითხი“ განსახილველად გადასცა საქართველოს კომპარტიის ცენტრალურ კომიტეტს. რთული პრობლემის წინაშე აღმოჩნდნენ რესპუბლიკის ხელმძღვანელი ორგანოები. მათ უნდა გადაეწყვიტათ სამხრეთ ოსეთის თვითგამორკვევის ფორმის, მისი დედაქალაქისა და საზღვრების საკითხები. საქმეს რკპ(ბ) ცენტრალური კომიტეტის კავბიურომ მოაბა თავი. 1921 წლის 31 ოქტომბერს მან მოისმინა შ. ელიავას მოხსენება ამ საკითხზე და დაადგინა:

²⁵ სუიკსა, ფ. 1861, აღწ. 1, საქ. 355, ფურც. 12—13.

«1. Предоставить Южной Осетии права Автономной Области; 2. Предложить Ревкому Грузии совместно с Южно-Осетинским Исполкомом определить границы Южной Осетинской Автономной области»²⁹.

კავებუროს დადგენილებაში ავტონომიური ოლქის ადმინისტრაციული ცენტრის შესახებ არაფერია ნათქვამი. ეს საკითხი საქართველოს კომუნისტური პარტიის ცენტრალური კომიტეტის პრეზიდიუმმა გადაწყვიტა 1921 წლის 17 ნოემბერს, როცა ა. ჯატიევისა და მ. ორანგელაშვილის მოხსენების საფუძველზე დაადგინა:

«Принципиально признать гор. Цхинвали входящим в Южно-Осетинскую автономную область как административный центр последней»³⁰.

1921 წლის 23 ნოემბერს კი საქართველოს კომპარტიის ცენტრალური კომიტეტის პრეზიდიუმმა დაამტკიცა შემადგენლობა კომისიისა, რომელსაც უნდა დაედგინა სამხრეთ ოსეთის ავტონომიური ოლქის საზღვრები, და საქართველოს რევკომს წინადადება მისცა ამ კომისიაში შეეყვანა კაკაბაძე, შოტი, ჯატიევი და გაგლოვეი³¹.

კომისიის პირველი სხდომა 1921 წლის 5 დეკემბერს გაიმართა. კომისიის თავმჯდომარედ კირილე კაკაბაძე აირჩიეს, მდივანად — სერგო გაგლოვეი. იმსჯელეს კომისიის მუშაობის გეგმებსა და მეთოდებზე. დაადგინეს, რომ:

«При нанесении границ Автономной области Юго-Осетии руководствоваться соображениями целесообразности, удобствами административного управления, экономическим и культурнонациональным тяготением населенных пунктов к тому или иному центру. Причем для практического проведения в жизнь постановления ЦК, о признании Цхинвали административным центром последней, комиссия по ознакомлению на месте считает достоянным ограничиться пропагандой и разъяснением истинного положения, дабы рассеять распускаемые среди населения слухи»³².

მაშ ასე, გადაწყდა რომ იქმნება სამხრეთ ოსეთის არა საბჭოთა სოციალისტური რესპუბლიკა და არც ავტონომიური რესპუბლიკა, არამედ ავტონომიური ოლქი. ამ საკითხს რაიმე გართულება არ გამოუწვევია. უთანხმოება მოჰყვა სამხრეთ ოსეთის ადმინისტრაციულ ცენტრად ცხინვალის გამოცხადებასა და ოლქისათვის ქართული სოფლების გადაცემას. თუმცა ცხინვალის რაიონის ქართული სოფლების კომუნისტურ უჯრედთა კრებამ 1921 წლის 5 დეკემბერსვე დაადგინა:

«Выслушав доклад т. Какабадзе об образовании Автономной области Юго-Осетии с центром в гор. Цхинвале собрание комячеек признает правильным постановление ЦК

29 მლი ცხა, ფ. 64, აღწ. 1, საქ. 2, ფურც. 80.

30 მლისფა, ფ. 14, აღწ. 1, საქ. 8, ფურც. 7.

31 მლისფა, ფ. 14, აღწ. 1, საქ. 8, ფურც. 31.

32 სუიცა, ფ. 261, აღწ. 2, საქ. 3, ფურც. 172.

Компартии Грузии об образовании А.О.Ю.О. с центром в Цхинвале и приветствует это постановление»³³.

ცხინვალის რაიონის კომუნისტებმა, რომელნიც პარტიული დისციპლინის ერთგული იყვნენ, მხარი დაუჭირეს ზემდგომი ორგანოების დადგენილებას. კ. კაკაბაძეს აქ დიდი შრომა არ დასჭირდებოდა. სულ სხვა მდგომარეობა შეიქმნა ქართულ უპარტიო მოსახლეობაში. 1921 წლის 5 დეკემბერს ცხინვალში ორი კრება ჩატარდა. ერთზე უკვე ვთქვით. მეორე კრება ცხინვალის რაიონისა და ქ. ცხინვალის ქართველმა მოქალაქეებმა ჩაატარეს. ელერდოვის მოხსენების შემდეგ საერთო კრებამ დაადგინა:

«Собрание граждан представителей груз. сел большинством голосов высказалось против включения Цхинвали в состав Ав. О. Ю. О. Собрание в большинстве своем состояло из кулацко-меньшевистских элементов. Настроение в селах таково, что местные коммунисты не в состоянии выступать против них по слабости организации»³⁴.

კრების მესვეურებმა ვერ შეასრულეს პარტიული დავალება — კრებას ვერ მიაღებინეს მონაწილეთა ნების საწინააღმდეგო დადგენილება. ყველაფერი თურმე „კულაკურ-მენშევიკურმა უმრავლესობამ“ გადაწყვიტა, ყოველ შემთხვევისათვის ოქმში ასე ჩაწერეს.

230 კაცი აწერდა ხელს სოფლების დვანის, ნულისა და ანევის მცხოვრებთა ერთობლივ განცხადებას, რომელიც 1921 წლის 26 დეკემბერს დაიწერა: „ჩვენ, ქვემოთ ამისა ხელისმომწერელნი გორის მაზრის ცხინვალის რაიონის ს. ს. დვანის, ნულისა და ანევის მცხოვრებელნი, ამა რიცხვში შევიკრებებით ს. დვანში საერთო კრებაზე და ვიჭონით მსჯელობა ქ. ცხინვალის და მის რაიონის ოსეთის ადმინისტრაციულ მართვა-გამგეობაში მოსალოდნელი გადასვლის შესახებ. ამ მეტად მძიმე და საყურადღებო საკითხის გამოსარკვევად, რათა ხალხს თავიდან აცილებოდა ის პროვოკაცია, რაიც იწვევდა ამ ორ მოძმე ერთა შორის მტრობასა და შუღლსა, სსრ მთავრობის მიერ იყო დანიშნული და გამოგზავნილი კომისია ამხ. კაკაბაძის თავმჯდომარეობით, რომელსაც, როგორც გვიგით, პქონდა დავალება, რომ შეჰკითხვოდა ქ. ცხინვალისა და მისი რაიონის მოსახლეობას, რომლებიც წესდებდა, სულ ქართველებისაგან, სულ მცირედი გამონაკლისით, თუ რა აზრისანი იყვნენ ქ. ცხინვალის სამხრეთ ოსეთის მართვა-გამგებლობაში გადაცემის შესახებ. ამაზეც ყველა სოფლებსა გვყვანდა ქ. ცხინვალში გაგზავნილი ხუთ-ხუთი კაცი, სოფლის ნდობით აღჭურვილი. კრება მოხდა ქ. ცხინვალში, დაახლოებით ამ სამი კვირის წინათ. დაესწრნენ ყველა სოფლის წარმომადგენელნი (45 სოფელი). მოისმინა რა კრებამ კომისიის მოხსენება ცხინვალის ბედ-იღბალზე, რომელმაც თავის მოხსენებას მისცა განმარტება, რომ ქ. ცხინვალის გადაცემა სამხრეთ ოსეთის ადმინისტრაციულ ცენტრად, არავითარი საწინააღმდეგო არ უნდა იყოს ქართველობისათვის და ამასთანავე, შეეკითხა კრებას გამოეთქვა აზრი ამ საკითხის შესახებ. კრებამ ერთხმად, კატეგორიულად პროტესტი განაცხადა ქ. ცხინვალის და მისი რაიონის სამხრეთ ოსეთზე გადაცემის შესახებ. ...გარდა ამისა, კრებამ სურვილი გამოისთქვა და დიდი აღფრთოვანებით შეხვდა ოსეთის ერთგულ თვით-

33 სუიცსა, ფ. 281, აღწ. 2, საქ. 3, ფურც. 173.

34 იქვე, ფურც. 174.

გამორკვევას და გაუსვა ხაზი, რომ ეს თვითგამორკვევა მოხდეს თავიანთივე ეროვნულ ფარგლებში. ხოლო რაც შეეხება იმას, რომ ქ. ცხინვალი თავისი რაიონით გადაეცეს სამხრეთ ოსეთს, სცნო რა კრებამ ოსეთის ასეთი მოთხოვნის მიზანშეუწონლად და უკანონოდ, რაც გამოიწვევს ჩვენი ერის პოლიტიკურად და ზნე-ჩვეულებრივ დაჩაგვრა-დამონაგვებას, ერთხმად დიდი პროტესტი განუცხადა ქ. ცხინვალისა და მისი რაიონის სამხრეთ ოსეთის მართვა-გამგეობაში გადაცემის შესახებ.

დიდი ხნის ბჭობის შემდეგ ერთხმად დავადგინეთ შემდეგი: რადგანაც დღევანდლამდის ჩვენ ხალხს ამ კომისიის დადგენილების შინაარსი არაფერი არ გავგივია, თუ რამდენად ანგარიში გაუწია კომისიამ ხალხის პროტესტს, ან რაინარი რეზოლუცია გამოუტანეს, არის დამაკმაყოფილებელი ხალხის სურვილისა თუ არა. ამაზედ მოვმართავთ სსრ მთავრობას, რათა ჩვენ მიერ ამოჩეულ დელეგატის პირით გვამცნოს ვითარება ამ ფრიად საჭირო საკითხის შესახებ და იმედს გამოვთქვამთ, რომ ვინაიდან ქ. ცხინვალი და მისი რაიონი არის ფართოდ დასახლებული ქართველებით, რომელთა რიცხვიც მინიმალურად უდრის ხუთი ათას მეკომურსა და გარდა ამისა, ქ. ცხინვალი ითვლებოდა და ითვლება კიდევ, როგორც გეოგრაფიული მდებარეობით, აგრეთვე მის გარშემორტყმულ ქართველებით დასახლებული სოფლებით, ქართლის შუაგულ კუთხედ. ამისათვის განმეორებით დიდ იმედს გამოვთქვამთ, რომ მუშურ-გლეხური მთავრობა ანგარიშს გაუწევს ხალხის სამართლიან მოთხოვნის და მოსალოდნელ ჩვენ და ოსებს შორის ეროვნული შუღლის თავიდან ასაცილებლად ქ. ცხინვალი თავისი რაიონით დასტოვოს სს რესპუბლიკის მართვა-გამგეობის ფარგლებში...“³⁵.

კიდევ რამდენიმე ამონაწერი ქართული სოფლების მცხოვრებთა საერთო კრებების ოქმებიდან:

„...რისთვის უნდა ვიყოთ მოქცეულნი ოსეთის ფარგლებში ეროვნებათა თვითგამორკვევის აღსასრულებლად. მით უმეტეს, რომ მათი ენა ჩვენთვის სრულიად გაუგებარია და უცხო, მხოლოდ რაც შეეხება ეროვნებათა უმრავლესობას, მთელი ეს ჩრდილოეთი მხარე რაიონისა, მცირე გამოწკლისით, დასახლებულია ქართულ ენაზედ მოსაუბრე, მემკვიდრე ქართველებით“ (სოფ. ძარწემი, 1921 წლის 25 დეკემბერი).

... თუ ჩვენს მოთხოვნაზე უარს გვეტყვიან „...მთავრობამ მაშინ მოგვეცეს ბინა და გადავასახლოს შორს სადმე, რომ ჩვენს თვალსა და ყურს ვერ მოსწვდებოდეს ჩვენი ადგილების კენესა და არ ატირებდნენ ჩვენ ძველად განთქმულ გულგმირულ ჩვეულებას“ (სოფ. ქორდი, 1921 წლის 25 დეკემბერი).

„...ჩვენ მუდამეამს გვქონდა და ახლაც გვაქვს ოსებთან ძმური, მეგობრული, ნათესაური კავშირგანწყობილება. ეხლაც გულახდილად ვაცხადებთ, რომ მათთან, ოსებთან, ჩვენ მტრობა-ქიშობას არ ვაპყევთ. ქართველებმა იცხოვრონ თავიანთ ფარგლებში, ჰქონდეთ განსახდერული მიჯნები, ჰყავდეთ თავიანთი მოსამსახურე, მოსამართლე. ოსებმა კიდევ თავიანთ ფარგლებში განაგონ თავიანთი საქმე ისე, როგორც თვითონა სურთ. ეს ორი ეროვნება თავიანთ საზღვრებს ნუ გადავლენ“ (სოფ. ტირქნისი, 1921 წლის 26 დეკემბერი).

³⁵ გაზ. „ახალგაზრდა კომუნისტი“, 1990 წლის 20 იანვარი, ნ. ხუციშვილის დასახ. პუბლიკაცია.

„...ვატანთ რა ამ დადგენილებას ჩვენს წარმომადგენლებს, იმედს გამოვთქვამთ, მთავრობა ჩვენ სამართლიან მოთხოვნილებას შეიწყნარებს და თავზე არ მოგვახვევს იმას, რაც ხალხს არ სურს“ (სოფლები ზემო ნიჭოზი, ქვემო ნიჭოზი, ზემო ხვითი, ქვემო ხვითი. 1921 წლის 27 დეკემბერი)³⁶.

ასეთი იყო ქართული მოსახლეობის აზრი. ახლა ვნახოთ რას ფიქრობდა ამ საკითხზე საქართველოს სსრ შინაგან საქმეთა სახალხო კომისარიატი, რომელიც უშუალოდ სწავლობდა შიდა ქართლის ტერიტორიაზე შექმნილ მდგომარეობას (უწყებრივად ევალებოდა) და რომელსაც პრაქტიკულად უნდა განეხორციელებინა ზემდგომი პარტიული ინსტანციების გადაწყვეტილება.

საარქივო ფონდებში დაცულია საქართველოს სსრ შინაგან საქმეთა სახალხო კომისარის ბესო კვიციანიას მოხსენებითი ბარათი სამხრეთ ოსეთის ცალკე ადმინისტრაციულ ერთეულად გამოყოფის თაობაზე, რომელიც ჯერ კიდევ 1921 წლის 27 სექტემბერს განსახილველად გაეგზავნა საქართველოს სსრ რევოლუციურ კომიტეტს. იგი ასე იწყება: „სამხრეთ ოსეთის ცალკე ადმინისტრაციულ ერთეულად გამოყოფა სამაზრო ერთეულის უფლებებით გეოგრაფიულ და ეკონომიური მოსაზრებებით, საკითხის დეტალურათ შესწავლის შემდეგ, შინაგან საქმეთა სახალხო კომისარიატს შეუძლებლათ მიაჩნია.

სამხრეთ ოსეთი როგორც მთლიანი გეოგრაფიული ერთეული არ არსებობს. არის მხოლოდ ოსობით დასახლებული ცალკე რაიონები, რომელთაც ურთიერთშორის არავითარი დამოკიდებულება არა აქვთ არც გეოგრაფიულად და არც ეკონომიურათ. თვითეული ამ რაიონთაგანი წარმოადგენს განუყოფელ ორგანულ ნაწილს სხვა და სხვა გეოგრაფიულ და სამეურნეო პროვინციებისას. ეს რაიონები ერთმანეთისაგან დაშორებულნი არიან გადაუვალ მივებით და ამასთანავე თვითეულს მათგანს აქვს სრულიად თავისუფალი გამოსავალი მხოლოდ ბარში. იგინი ერთი მეორეს მოწყვეტილნი არიან წლის განმავლობაში რამდენიმე თვით და თვითეული მათგანი ეკონომიურათ დამოკიდებულია იმ ველთან, რომელთანაც დაკავშირებულია გეოგრაფიულად“³⁷.

მოხსენებითი ბარათი იწერება იმ პერიოდში, როცა სამხრეთ ოსეთის რეგკომი და პარტკომი აყენებდნენ საკითხს სამხრეთ ოსეთის საბჭოთა სოციალისტური რესპუბლიკის შექმნის შესახებ. საქართველოს შინაგან საქმეთა სახალხო კომისარს კი შეუძლებლად მიაჩნდა არათუ სამხრეთ ოსეთის სს რესპუბლიკის, ან ავტონომიური რესპუბლიკის, ან თუნდაც ავტონომიური ოლქის შექმნა, არამედ საერთოდ ამ რეგიონის ცალკე სამაზრო ადმინისტრაციულ ერთეულად გამოყოფაც.

სამხრეთ ოსეთის ცალკე სამაზრო ადმინისტრაციულ ერთეულად გამოყოფის მიზანშეუწონლობას (თუ კი მის ფარგლებში ქართული სოფლებიც მოექცეოდა) შინაგან საქმეთა სახალხო კომისარიატი უმთავრესად გეოგრაფიული, დემოგრაფიული და ეკონომიკური ფაქტორებით განიხილავდა.

ოსთა კომპაქტური დასახლება ყველაზე მეტად შესაძინევი იყო გორის, დუშეთის, რაჭისა და შორაპნის მაზრებში. გორის მაზრაში ოსური დასახლებით გამოირჩეოდა მდ. ფრონის სათავეები, ყორნისისა და წუნარას რაიონები, სადაც, სახალხო კომისარიატის მონაცემებით, ოსთა მოსახლეობა მცხოვრებთა

³⁶ კრებათა ოქმები. იხ. სუიცსა, ფ. 600, აღწ. 2, საქ. 5. გაზ. „ახალგაზრდა კომუნისტი“, 1990 წლის 20 იანვარი.

³⁷ მლისფა, ფ. 14, აღწ. 1, საქ. 10, ფურც. 121.

88 პროცენტს უდრიდა. დიდი ლიახვის ხეობაში ოსები ცხოვრობდნენ სოფ. კეხვამდე. ამ სოფლის სამხრეთით მხოლოდ ქართველებით დასახლებული სოფლები იყო, სადაც ოსთა რიცხვი მცხოვრებთა 15 პროცენტს არ აღემატებოდა. ასევე იყო პატარა ლიახვის ხეობაშიც, სადაც ოსები სოფ. ვანათამდე ცხოვრობდნენ. ვანათის ჩრდილოეთით განლაგებულია ქართული სოფლები: ზელეთი, ორი ხოწყურა, საცხენე, აწრისხევი და სხვ. დუშეთის მაზრაში ოსებაცხოვრობენ არაგვისა და ქსნის სათავეებთან, რაჭის მაზრაში — ჯოჯურას სათავესთან, ჩასავალის რაიონში.

გორისა და რაჭის მაზრებს ერთმანეთისაგან ყოფს გადაუვალი მთა, რომლის სიმაღლე 9 000 ფუტამდე აღწევს. ყველაზე დაბალი ადგილი ამ მთისა 6440 ფუტია. ასე რომ ჩასავალში მცხოვრები ოსების ეკონომიკური და ადმინისტრაციული დაკავშირება გორის მაზრის ოსობასთან, მით უმეტეს ზამთარში, ტექნიკურად დიდ სიძნელეებთან იყო დაკავშირებული, მაშინ როცა რაჭის მაზრის ადმინისტრაციული ცენტრი — ონი სულ რაღაც 7—10 ვერსით იყო დაშორებული ჩასავალის რაიონთან. „ამგვარათ ჩასავალის რაიონის მიწებზეა გორის მაზრის ოსობასთან იქნება სრულიად ხელოვნური, ბუნების და ეკონომიური ურთიერთობის საწინააღმდეგო კავშირი“, ნათქვამია შინაგან საქმეთა სახალხო კომისარიატის მოხსენებით ბარათში.

ამავე მოსაზრებებს ეყრდნობოდა ბ. კვირკველია, როცა გორისა და დუშეთის მაზრათა ოსობის ადმინისტრაციული და ეკონომიკური გაერთიანების შეუძლებლობას ამტკიცებდა. გორისა და დუშეთის მაზრებს, აღნიშნავდა იგი, „ყოფს თოვლიანი მთები, რომელთა სიმაღლე 11.333 ფუტამდის აღის და არსად 7.500 ფუტზე დაბლა არ არის და ეს მთები წლის განმავლობაში 7—8 თვე სრულიად ვარდაუვალა. ამავე ბუნებრივ გეოგრაფიულ მიზეზების გამო არაერთარი სამეურნეო კავშირი ამ ორ რაიონს შორის არ არსებობს. კობის რაიონი ე. ი. დუშეთის მაზრის ზემოთაღნიშნული ჩრდილო დასავლეთის სექტორი, სადაც ოსების მოსახლეობა 60% არ აღემატება, დაკავშირებულია ეკონომიურათ დუშეთთან სამხედრო გზით, რომელიც 30—40 ვერსით დაშორებულია ამ რაიონს. გორის მაზრის ოსობასთან კავშირისათვის კობის რაიონის ოსობა იძულებული იქმნება იაროს წელიწადში რვა თვე მაინც დუშეთზე — მცხეთაზე — გორზე — ცხინვალზე და შემდეგ ოსეთში — რისთვისაც დაახლოვებით 150 ვერსის გავლა დასჭირდებათ. ამ რაიონის ერთათ ერთი გამოსავალი მთელი წლის განმავლობაში არის მხოლოდ სამხედრო გზა, რომელიც პას როგორც გეოგრაფიულად, ისე ეკონომიურათ აკავშირებს მხოლოდ დუშეთთან, მასხადაძამე, ამ რაიონის მიწებზეა გორის მაზრასთან ბუნების და ეკონომიკის საწინააღმდეგო კავშირი ექნება“.

რჩებოდა მხოლოდ გორის მაზრა, სადაც, როგორც ითქვა, ოსები სახლობდნენ დიდი ლიახვის, პატარა ლიახვისა და ფრონის ხეობებში (სულ 32 000 სული). მაგრამ, ბ. კვირკველიას აზრით, ამ ხეობებში განლაგებული სოფლების ბაზაზეც არ შეიძლებოდა ცალკე სამაზრო აპარატის შექმნა, რადგან ამის საშუალებას ადგილობრივი პირობები არ იძლევაო. ყორნის — წუნარის რაიონი მდ. ფრონის ხეობით ქართლის ველს უკავშირდება და მას „დიდი ლიახვის ხეობისაგან ყოფს რუსთავ-ზარბოჯახის ქედი, რომლის სიმაღლე 6.230—5.664 ფუტზე დაბალი არ არის და წარმოადგენს ბუნებრივ საზღვარს მთასა და ველს შორის. გზების სრული უქონლობა და ბუნებრივი საზღვარი რუსთავ-ზარბოჯახის

ჯახის ქედი, მეურნეობის მხრივ ყორნის — წუნარის რაიონს აკავშირებს ქართლის ველთან — ტირიფონასთან და საერთო მას არაფერი აქვს ლიახვის ხეობის ოსობასთან. ამ რაიონის ერთადერთი გამოსავალი არის მხოლოდ თიღვა — ოქონაფცა — გომი და არაავითარ შემთხვევაში ლიახვის ხეობის ოსობასთან მას კავშირი არა აქვს“.

გეოგრაფიული პირობები შეუძლებელს ხდის დიდი და პატარა ლიახვის ხეობების დაკავშირებასაც. „აქაც მთელი ხეობის სიგრძეზე გადაჭიმულია მთების გრებილი, რომელთა სიმაღლე 11.000—6.000 ფუტზე დაბლა არ არის და ზამთრის თვეებში გადაუვალი სიმაღლენი არიან“.

საქართველოს სსრ შინაგან საქმეთა სახალხო კომისარიატის მოხსენებით ბარათში გაკეთებული იყო ასეთი დასკვნა: „...ოსების მიერ დასახლებული რაიონები მოკლებული არიან გეოგრაფიულ მთლიანობას და შეადგენენ გეოგრაფიულად და ეკონომიურად სრულიად სხვა და სხვა პროვინციების ნაწილებს, ასეთ ჩამონაჭურბიდან ხელოვნურად შემდგარ ადმინისტრაციულ ერთეულის შექმნა განუხორციელებლად უნდა ჩაითვალოს ტოპოგრაფიული პირობების გამო...“

შინაგან საქმეთა სახალხო კომისარიატმა თავისი აზრი გამოთქვა იმის თაობაზეც, თუ როგორ უნდა გადაჭრილიყო ეს პრობლემა. მოხსენებით ბარათში ვკითხულობთ: „ზემოთ ნათქვამიდან ცხადია, რომ ხელოვნური გამოკვეთა სამაზრო ერთეულის ოსეთისათვის გორის, დუშეთის და რაჭის მაზრებიდან შეუძლებელია, მაშასადამე, ოსების მოსახლეობა თვითუფლ ამ მაზრისა უნდა დარჩეს იმ მაზრაში, რომელშიც იყო აქნობამდისაც. ამასთანავე თვითუფლ ამ რაიონში ვარდა წერილ ადმინისტრაციულ ერთეულისა — თემისა, უნდა შეიქმნას სარაიონო ერთეული. ასეთები იქნება ჩასავალის — რაჭის მაზრაში, კობისა — დუშეთის მაზრაში, ყორნის, წუნარისა, დიდი ლიახვის ხეობისა და პატარა ლიახვის ხეობის — გორის მაზრაში. ამავე დროს თვითუფლ ამ მაზრის რეკომში ოსურ მოსახლეობას ეყოლება წარმომადგენელი, რომელიც დაიცავს ოსთა ინტერესებს მთელ მაზრის მასშტაბში. ამ უკანასკნელს, ე. ი. ოსურ მოსახლეობის წარმომადგენელს სამაზრო რეკომში უფლება უნდა მიეცეს რეკომის დადგენილება, თუ იგი ეწინააღმდეგება ოსურ მოსახლეობის ინტერესებს, განსაჩივროს საქართველოს რეკომში, რომელიც სადავო საკითხის შესახებ გამოიტანს საბოლოო გადაწყვეტილებას. ამგვარად საკითხის გადაწყვეტას ვეკარნახებ ოსური მოსახლეობის ადგილობრივი გეოგრაფიული პირობები და მათი ეკონომიური ინტერესი“³⁸.

ჩვეუ უკვე ვიცით სამხრეთ ოსეთის პრობლემაზე გორის მაზრას ქართული მოსახლეობისა და რესპუბლიკის შინაგან საქმეთა სახალხო კომისარიატის აზრები. ახლა ვნახოთ როგორ წყდებოდა ეს საკითხი ზემდგომ ინსტანციებში. ცხადია, საკითხის სირთულეს ყველა გრძნობდა. ცდილობდნენ ორივე მხარისთვის მისაღები გამოსავალი მოეძებნათ. ვერ ახერხებდნენ. ესეც გასაგებია. კომუნისტი ხელმძღვანელები, როგორც წესი, საკითხის პოლიტიკურ მხარესაც დიდ ყურადღებას აქცევდნენ. ოსთა თვითგამორკვევას ისინი აუცილებლად მიიჩნევდნენ. პოლემიკა მხოლოდ თვითგამორკვევის ფორმასა და სამხრეთ ოსეთის ავტონომიური ერთეულის საზღვრებს ეხებოდა.

38 მლისტა, ფ. 14, აღწ. 1, საქ. 10, ფურც. 121—122.

საცხებით დასაშვებია, რომ რკპ(ბ) ცენტრალური კომიტეტის კავბიუროს 1921 წლის 31 ოქტომბრის, ჩვენთვის უკვე ცნობილ, გადაწყვეტილებაზე ერთგვარი გავლენა იქონია საქართველოს სსრ შინაგან საქმეთა სახალხო კომისარიატის ზემოაღნიშნულმა პოზიციამაც. ამ დღეს ხომ კავბიურომ გარკვეულწილად კომპრომისული დადგენილება მიიღო — სამხრეთ ოსეთს მიანიჭა სტატუსი არა საბჭოთა სოციალისტური რესპუბლიკისა (რასაც სამხრეთ ოსეთის რევკომი და პარტკომი მოითხოვდნენ), არამედ ავტონომიური ოლქისა.

გარკვეული „კომპრომისი“ შეიძლება დავინახოთ საქართველოს კომპარტიის ცენტრალური კომიტეტის პრეზიდიუმის 1921 წლის 12 დეკემბრის შემდეგ დადგენილებაშიც, რომელიც კ. კაკაბაძის, გ. გაგლოევის (სასაზღვრო კომისია) და ბ. კვიციანიას მოხსენების საფუძველზე იქნა მიღებული (პრეზიდიუმის სხდომას ესწრებოდნენ: მ. ორახელაშვილი, მ. ოკუჯავა, ს. ქავთარაძე, ბ. მღვიანი, ლ. დუმბაძე, მ. ტორთაყვილი, ლ. ლობჯინიძე და სხვ.):

«1. Местопребыванием административного центра Автономной области Осетии признать г. Цхинвали с распространением автономной власти на территории, населенные осетинами, исключая Часавальское общество, которое остается в составе Рачинского уезда и Кобийского района, остающегося в составе Душетского уезда.

2) Детально границы автономной Осетии будут определены особой комиссией, уже работающей в этом направлении.

3) Впредь до перелома настроения населения Цхинвальского района в пользу включения этого района в Автономную Осетию, власть над городом и окружающими его грузинскими селами, оставить в руках районного ревкома, входящего в состав Горийского уезда»³⁹.

ეს დადგენილება მოწმობს, რომ საქართველოს კომპარტიის ცენტრალურმა კომიტეტმა გარკვეულწილად ანგარიში გაუწია ქართული მოსახლეობის პროტესტებს. კერძოდ, მან ჩასავალის საზოგადოება და კობის რაიონი შესაბამისად რაჭისა და დუშეთის მაზრათა შემადგენლობაში დატოვა. თუმცა, სამხრეთ ოსეთის ავტონომიური ოლქის ადმინისტრაციულ ცენტრად მაინც ქ. ცხინვალი მიიჩნია. რთული მდგომარეობიდან გამოსავალს ცენტრალური კომიტეტი მაშინ იმაში ხედავდა, რომ ქ. ცხინვალისა და მიმდებარე ქართული სოფლების მმართველობა დროებით გორის მაზრას დაქვემდებარებულ რაიონულ რევკომს მიანდო. ეს ასე უნდა ყოფილიყო მანამ, სანამ ქართული მოსახლეობის განწყობილება სამხრეთ ოსეთისათვის ქ. ცხინვალის გადაცემის სასარგებლოდ არ შეიცვლებოდა. წინ ჯერ კიდევ ბევრი სამუშაო იყო. სასაზღვრო კომისიას საბოლოო დასკვნა ჯერ კიდევ არ წარმოედგინა. კომისია დიდ წინააღმდეგობას წააწყდა. ქართული მოსახლეობის განწყობილება სამხრეთ ოსეთისათვის ქ. ცხინვალისა და მიმდებარე ქართული სოფლების გადაცემის სასარგებლოდ, ცხადია, არ იცვლებოდა.

ამ საკითხთან დაკავშირებულ დოკუმენტთა ერთ წყებას ჩვენ უკვე ვიცნობთ, ინტერესს მოკლებული არ იქნება სხვა მასალებიც. სპეციალური კო-

39 მლისფა, ფ. 14, აღწ. 1, საქ. 8, ფურც. 44.

მისიის მოხსენებით ბარათში, საქართველოს სსრ შინაგან საქმეთა სახალხო კომისარიატს რომ წარედგინა, ნათქვამია: 1921 წლის „ოქტომბერ-ნოემბრის თვეებში, როდესაც ხმები გავრცელდა, რომ ცხინვალის რაიონი ქალაქითურთ უნდა გადავიდეს სამხრეთ ოსეთის ხელისუფლებაზე, მთელმა ქართველმა მოსახლეობამ ცხინვალის რაიონისა, სახელდობრ, სოფლებმა: კეხვამ, ქვემო აჩაბეთმა, ზემო აჩაბეთმა, არბომ, დიცმა, კორდმა, ქვემო ნიქოზმა, აფნევემა, ძარწემმა, დაგვრისმა, ნულმა, ზემო ხეთმა, ქვემო ხეთმა, ზემო ნიქოზმა, ყელქცეულმა, ქემერტმა, ქურთამ, თამარამენმა, ვანათმა და თვით ცხინვალმა, ესე იგი, 20 სოფელმა წარმოგზავნა შინაგან საქმეთა სახალხო კომისარიატში თავისი წერილობითი დადგენილებანი, რომლებითაც ისინი თხოულობენ ძველ ადმინისტრაციულ ე. ი. გორის მაზრის ფარგლებში დარჩენას. შუამდგომლობა ამათი იმდენათ კატეგორიული ფორმით იყო გამოთქმული, რომ არავის ეჭვი ვერ დაეხადა მათი ასეთი ნებასურვილის სინამდვილესა და გულწრფელობაში. ბევრი ამ სოფელთაგანი ამასაც კი ამბობდა — სჯობს ცოცხლათ დავეხოცოთ, სადმე აქედან გადაგვასახლოთ, ვიდრე ოსეთის ხელისუფლების ქვეშ დავტოვოთ“⁴⁰.

ასეთივე პოზიცია ეკავა თვით ცხინვალის რევკომს, რომელიც საქართველოს სსრ შინაგან საქმეთა აცნობებდა, რომ ცხინვალისა და რამდენიმე ქართული სოფლის გლეხობა „აცხადებს, თუ მთავრობა ასეთ ნაბიჯს გადადგამს, ჩვენს მდგომარეობას არ გვეცნობა, ამ შემთხვევაში სჯობს ყველანი დავიხოცოთ“⁴¹. ცხინვალის რევკომი სთხოვდა რესპუბლიკის ხელმძღვანელობას, რომ სამხრეთ ოსეთის ავტონომიური ოლქისათვის ცხინვალისა და ქართული სოფლების გადაცემის საკითხს ჯერჯერობით მაინც დადებითად ნუ გადაწყვეტდა. „თორემ, ვიმეორებთ, ჩვენ ნამდვილი ცნობები ვვაქვს მიღებული და ღრმად ვართ დარწმუნებული, რომ სისხლის ღვრა აუცილებელია“⁴². სწორედ ასეთ ვითარებას ითვალისწინებდა საქართველოს სსრ შინაგან საქმეთა სახალხო კომისარიატი, როცა 1921 წლის ნოემბერში საქართველოს სსრ რევკომს სთხოვდა „სამხრეთ ოსეთისათვის ადმინისტრაციული ერთეულის შექმნის საკითხის რეკოლუციონერ კომიტეტის მსჯელობიდან დროებით მოხსნას, ვიდრე მოწესრიგდებოდეს ურთიერთობა ქართველთა და ოსთა შორის...“⁴³.

1922 წლის იანვარში საქართველოს შინაგან საქმეთა სახალხო კომისარიატს გადასცეს ქ. ცხინვალში მცხოვრებ ქართველთა, სომეხთა და ებრაელთა საერთო კრების დადგენილება. „რომლითაც ისინი მოითხოვდნენ ცხინვალისა და მისი რაიონის კვლავ ისტორიულ საზღვრებში დარჩენას“⁴⁴.

გავეცნოთ კვლევ რამდენიმე ქართული სოფლის მცხოვრებთა კრებების დადგენილებებს, რომლებიც გაანალიზებულია შინაგან საქმეთა სახალხო კომისარიატის სპეციალური კომისიის შემოხსენებულ მოხსენებით ბარათში:

„1) სოფ. ნედლათიდან. ოქმში, რომელიც დაწერილია 26 თებერვლის (1922 წლისა — ლ. თ.) თარიღით, ნათქვამია, რომ ჩვენ ნედლათის მცხოვრებნი მიწერილი ვიყავით ოქონას. დღეს ოქონა სამხრეთ-ოსეთს დაექვემდებარა და ჩვენც მძიმე პირობებში ჩაცკვივდით, სხვათა შორის იმიტომაც, რომ წარმო-

40 სუიცა, ფ. 284, აღწ. 1, საქ. 62, ფურც. 81.

41 იქვე.

42 იქვე.

43 იქვე.

ება რუსულათ და ოსურათააო, რაიც ჩვენთვის გაუგებარიაო. თხოულობენ გორის მაზრის, გომის რაიონის ავლევის თემზე მიწერას, სადაც აქამდე ვიყავით მიწერილიო.

2) სოფ. ხუნდისუბნიდან: ამ სოფლის მცხოვრებნი, ოქონაზე მიწერილნი იგივეს ამბობენ და იმასვე თხოულობენ, რასაც ნელდათის მცხოვრებნი.

3) სოფ. ბინდარადან. ამ თემის მცხოვრებნი (ავლევის თემისა გომის რაიონისა) 9 მარტის დადგენილებით ამბობენ: ჩვენ არ გვემხრობა (?! — ლ. თ.) მორჩილება სამხრეთ-ოსეთისა (შორს არის, გლახა სასიარულო გზები გვაქვს) და ამიტომ ვთხოვთ გორის მაზრაზე გადაგვრიცხოთ.

4. სოფ. თიღვიდან. ამ სოფლის მცხოვრებნი ამბობენ: გადაგვრიცხეს ცხინვალზე, ე. ი. ოსეთის ხელისუფლების ქვეშ დაგვაყენესო, წინად კი ვიყავით ავლევის თემში (გორის რაიონი), ხელაც ვესურს ვიყოთ გორზე მიწერილიო.

5) სოფ. ალაბარიდან. ოქმში, რომელიც ა. წ. 15 თებერვლის თარიღითაა შედგენილი, ნათქვამია: ვართ ოქონის რაიონისა, გვეწვიან ცხინვალისაკენ, ჩვენ — კი გესურს ვიყოთ მიწერილი გორზედ...

6) სოფ. საცხენეთიდან. იანვრის 20-ის დადგენილებაში ამ სოფლის მცხოვრებნი ამბობენ: სოფელი ქართველებითაა დასახლებული. ოსების ხელ-ქვეშ ყოფნას მეტს ვეღარ შევიძლებთ, ლამის არის ავიყარნოთ და გადავსახლდეთ სადმე, რადგან ოსები დაზარალებულნი არიან, ყველა ხარჯებს მთავრობისა თუ თავის სასარგებლოთ, ჩვენს კისრიდან იღებენო...

7) სოფ. ზემო და ქვემო ოქონიდან. ამ სოფლების მცხოვრებნი ა/წ. 22 თებერვლის დადგენილებით თხოულობენ — ზემო და ქვემო ოქონა დარჩეს გორის მმართველობის ქვეშ, როგორც დღემდის იყო, ახლა კი რატომღაც სამხრეთ-ოსეთი გვეერთებსო⁴⁴.

აქვე უნდა ითქვას, რომ ეს დადგენილებები მიღებულია მაშინ, როცა დეკრეტი სამხრეთ ოსეთის ავტონომიური ოლქის შექმნის შესახებ ჯერ კიდევ არ იყო გამოქვეყნებული. ქართული მოსახლეობის პროტესტები მიმართულია მათთვის მიუღებელი მოსალოდნელი გადაწყვეტილების წინააღმდეგ (პროტესტები, როგორც ქვემოთ ვნახავთ, დეკრეტის გამოქვეყნების შემდეგაც არ შეწყდება).

საგულისხმოა, რომ ქართული მოსახლეობის ამ აზრს ოსური მოსახლეობის ნაწილიც იზიარებდა. გორის სამაზრო აღმასკომის შინაგან საქმეთა სამმართველოს განყოფილება 1922 წლის 21 მარტს საქართველოს სსრ შინაგან საქმეთა სახალხო კომისარიატს აცნობებდა:

„ბევრია იმისთანა მაგალითები, რომ სხვადასხვა რაიონებში ოსები აცხადებენ სურვილს, რათა ისინი ჩამოვაშოროთ ოსეთის რეკომს, რადგან მათ სურთ ქართველებთან ერთად ცხოვრება, რადგან მათ, ოსებს, ქართველებთან გასაყოფი არა აქვთ და თუ ვინმე ამას მოითხოვს ე. ი. ოსების ცალკე ყოფნას, ყოველივე ეს სიკრუეა ან რაიმე მოსაზრებით დაინტერესებულიაო“. აღნიშნავს რა ამას, განყოფილების გამგეს საჭიროთ მიაჩნია საგანგებო კომისიის დანიშვნა შექმნილ მდგომარეობის გამოსაძიებლად. თან ამ მიმართვას დართული აქვს დადგენილება ს. ხურვალეთში ა/წ. 12 მარტს — შემდეგი შინაარსისა: ჩვენ ქვემო-ქალის რაიონის სოფლების 1) ზემო-ბაღების, 2) ქვემო, 3)

⁴⁴ სუიცა, ფ. 284, აღწ. 1, საქ. 62, ფურც. 81.

⁴⁵ იქვე, ფურც. 81.

გუდიანთ-კარის, 4) სალორეთის, 5) ჩაჩანანთ კარის, 6) მეტეხმანის და 7) დვდულეთის წარმომადგენლებმა დავადგინეთ: რადგანაც არწევის — მე-3 რაიონის აღმასკომი ძალით მოითხოვს ამ სოფლების მცხოვრებთაგან მათთან შეერთებას ადმინისტრაციულად და ახდენს ჩვენს მიმართ სხვა და სხვა განჯარგულებებს, ჩვენ კი მათთან კავშირი არა გვსურს, ვუვზავნით დადგენილებას უმაღლეს მთავრობას, რათა მან წინადადება მისცეს მე-3 რაიონის სოფ. არწევის აღმასკომს (ოსური აღმასკომია), რომ იგი ჩამოგვეხსნას, რადგან ჩვენი ღრმა სურვილია ვექვემდებარებოდეთ ქვემო-ჭალის რაიონის აღმასკომს (ქართველი აღმასკომია), როგორც ეს მთავრობისაგან არის დაწესებული. ამ დადგენილებას ხელს აწერს 14 წარმომადგენელი ყველა ზემოთ დასახელებული სოფლებისა, რომელთა ხელისმოწერას ადასტურებს ქვემოჭალის აღმასკომის თავმჯდომარე საკუთარი ხელისმოწერით და ბეჭდის დასმით.

ამ დადგენილებას მეორე გვერდზე ერთვის ასეთი დამატება: „1922 წ. 13 მარტს — ქვემო-ჭალა. ჩვენ, ხურვალეთის თემის სოფ. წინაგარის მცხოვრებთა წარმომადგენელი, ხუბულური და ქიჩინაშვილი (ოსებია) ჩვენი სოფლის მცხოვრებთა დავალებით, ვაცხადებთ სურვილს ზემოხსენებულ დადგენილებაში აღნიშნულ სოფლებთან ერთად შევეუერთდეთ ქვემო-ჭალის რაიონს, როგორც ვყოფილვართ მამაპაპურათ, რადგან უფრო ახლო და მოხერხებულია ჩვენთვის“. ამათ ხელის მოწერასაც ადასტურებს იგივე თავმჯდომარე ქვემო-ჭალის აღმასკომისა.

რას გვიჩვენებს ეს საინტერესო დოკუმენტი? ა) რვა სოფლის ოსობა თხოულობს — ქართველთაგან ნუ გამოგვითიშავთ და ქვემო-ჭალის ხელისუფლების ქვეშ დაგვტოვებთ; ბ) ეს რვა სოფელი ეკუთვნის ისეთ უდავო წმინდა ქართულ ტერიტორიას, როგორც არის ხურვალეთის თემი; გ) პრეტენზიას ძალაუფლების გავრცელებისას, ამ რვა ქართულ სოფლებზე აცხადებს, როგორც სჩანს, არწევის უფრო ჩრდილოეთით მდებარე სოფლის აღმასკომი, სადაც ავტონომიური ოსეთის ხელისუფლებაა.

ორივე უკანასკნელი დოკუმენტები კი, — ნათქვამია შემდეგ მოხსენებით ბარათში, — ე. ი. ის, რაც გომის რაიონის ავლეთის თემს ეხება და ის, რაც ქვემო-ჭალის რაიონის ხურვალეთის თემს, ნათელყოფს ერთს გარემოებას — ავტონომიური ხელისუფლება სამხრეთ-ოსეთისა ვრცელდება ისეთ რაიონებსა და თემებზე, რომელნიც სრულიად უდავო ქართული ტერიტორიაა. ეს გარემოება, რომლის დასაბუთებას ჩვენ ამ მოხსენების დიდი ნაწილი მოვანდომეთ, იმდენად უდავო და აშკარა იყო თვით მმართველ წრეებისათვის, რომ, როგორც ვსთქვით, მთავრობამ და კომ. პარტიის ცენტრალურმა ხელმძღვანელმა ორგანომ შესაძლებლათ ვერ დაინახეს თავიანთ დადგენილებებში სამხრეთ ოსეთის ავტონ, ოლქის შესახებ შეეტანათ დუშეთის მაზრის კობის რაიონი და რაჭის მაზრის ჩასავალის საზოგადოება, გარდა იმისა, რომ თვით ქალ. ცხინვალი სამხ. ოსეთის ადმინისტრ. ცენტრათ გამოაცხადეს მხოლოდ პირობით: იგი ასეთ ცენტრათ უნდა მას შემდეგ გამხდარიყო, თუ ადგილობრივი ქართველი მოსახლეობა გამოსთქვამდა სურვილს ავტონომიურ ოსეთში შესვლისას, მანამდე კი ქალ. ცხინვალში და მის რაიონში გორის მაზრის ხელისუფლება რჩება“⁴⁶.

დაიხ, ასეთ პირობას, როგორც ვნახეთ, მართლაც შეიცავდა საქართველოს კომპარტიის ცენტრალური კომიტეტის 1921 წლის 12 დეკემბრის დადგენილე-

⁴⁶ სუცისა, ფ. 284, აღწ. 1, საქ. 62, ფურც. 84—85.

ბა სამხრეთ ოსეთის ავტონომიური ოლქის ადმინისტრაციულ ცენტრად ქ. ცხინვალის გამოცხადების თაობაზე. ჩვენ ისიც ვნახეთ, რომ ქართული მოსახლეობის დამოკიდებულება ამ საკითხისადმი არ შეცვლილა. მიუხედავად ამისა, რესპუბლიკის ხელმძღვანელობამაც არ შეცვალა ამ საკითხზე თავისი ადრინდელი დადგენილება. 1922 წლის 15 იანვარს საქართველოს კომპარტიის ცენტრალური კომიტეტის პლენუმმა, რომელსაც ესწრებოდნენ ორახელაშვილი, მდივანი, დუმბაძე, ცინცაძე, ნაზარეთიანი, ეშბა, ლოღობერიძე, ბოლქვაძე, მურდალეიშვილი (ცენტრალური კომიტეტის წევრები) სვანიძე, კაკაბაძე, კახიანი, რუდაკოვი, დევდარიანი, კანდელაკი (მოწვეულნი) და ტექნიკური მდივანი ზირაქაშვილი, მოისმინა კ. კაკაბაძის მოხსენება სამხრეთ ოსეთში გამართული პოლიტიკური კამპანიის შესახებ და დაადგინა:

- «1. Подтвердить прежнее постановление о включении г. Цхинвали в Авто-Осетинскую область (за 7, пр. 3);
 2. Вопрос о клине с 12 грузинс. дерев., лежащими севернее Цхинвали, оставить открытым до съезда Советов Грузии»⁴⁷.

აქედანაც ჩანს, რომ საქართველოს კომპარტიის ცენტრალურ კომიტეტს უჭირს ქართული სოფლების ბედის გადაწყვეტა. ეს ურთულესი საკითხი მან საქართველოს საბჭოების ყრილობას მიანდო.

ქართული და ოსური მოსახლეობის ურთიერთობა თანდათან იძაბებოდა, რასაც, შესაძლოა, შეიარაღებული შეტაკება მოჰყოლოდა. ვერც ერთი მხარის ბოლომდე განიარაღება ვერ მოხერხდა. საზღვრების დაუზუსტებლობა კიდევ უფრო ამძაფრებდა მდგომარეობას. 1922 წლის 30 მარტს საქართველოს კომპარტიის ცენტრალური კომიტეტის პრეზიდიუმმა მახარაძის, კაკაბაძის, ორახელაშვილის, საბაშვილის, მამულიას, გასვიანის, ამასის, კანდელაკისა და ზირაქაშვილის (ტექნიკური მდივანი) მონაწილეობით განიხილა საკითხი „Об определении границ Юго-Осетинской автономной области“ და დაადგინა:

- «Автономии Юго-Осетии в определенных комиссией границах декретировать ВЦИКу. Обязать всех т.т. Горькинского уезда проводить это постановление всеми мерами и ответственность возложить на них»⁴⁸.

სამხრეთ ოსეთის პარტიული და საბჭოთა ხელმძღვანელობა, ცხადია, ყველა ღონეს ხმარობდა, რომ რესპუბლიკის ცენტრალურ ორგანოებს რაც შეიძლება მალე გამოეცათ დეკრეტი სამხრეთ ოსეთის ავტონომიური ოლქის შექმნის შესახებ. 1922 წლის 19 აპრილს ამ საკითხზე სპეციალურად იმსჯელა სამხრეთ ოსეთის ავტონომიური ოლქის ცენტრალური — აღმასრულებელი კომიტეტისა (ასეთი ორგანო სამხრეთ ოსეთის ავტონომიური ოლქის იურიდიულ გაფორმებამდეც არსებობდა) და საოლქო პარტიული კომიტეტის გაერთიანებულმა სხდომამ, რომელმაც დაადგინა, რომ დეკრეტი გაეგზავნათ საქართველოს სსრ ცენტრალური აღმასრულებელი კომიტეტისათვის და ეთხოვათ სამხრეთ ოსეთის ავტონომიური ოლქის იურიდიულად გაფორმების დაჩქარება⁴⁹.

47 მლისფა, ფ. 14, აღწ. 1, საქ. 189, ფურც. 2.

48 მლისფა, ფ. 14, აღწ. 1, საქ. 192, ფურც. 366.

49 მლისფა, ფ. 14, აღწ. 1, საქ. 263, ფურც. 9.

მდგომარეობა უთუოდ რთული იყო. ყურადღებას ის იპყრობს, რომ საქართველოს მმართველმა პარტიამ, მიუხედავად ქართული მოსახლეობის წინააღმდეგობისა, საბოლოოდ მაინც სამხრეთ ოსეთის მესვეურთა მოთხოვნის დაკმაყოფილება ამჯობინა — მიზანშეწონილად მიიჩნია ქართული სოფლების მიერთება სამხრეთ ოსეთის ავტონომიურ ოლქთან. ქართველ კომუნისტთა იმდროინდელი წარმოდგენებით ეს იყო ეროვნული საკითხის გადაჭრა პროლეტარული ინტერნაციონალიზმის საფუძველზე. ძვირად, ერთობ ძვირად დაგვიჯდა ეროვნული საკითხისადმი ასეთი მიდგომა. ცხადია, საკითხი შეთანხმებული იყო (თუ მეტი არა!) რკპ(ბ) ცენტრალური კომიტეტის კავბიუროსთან.

სამხრეთ ოსეთის ავტონომიური ოლქის შექმნის ოფიციალური თარიღია 1922 წლის 20 აპრილი. საქართველოს სსრ ცენტრალურმა აღმასრულებელმა კომიტეტმა და სახალხო კომისარტა საბჭომ ამ დღეს მიიღეს დეკრეტი სამხრეთ ოსეთის ავტონომიური ოლქის მოწყობის თაობაზე. გავითვალისწინოთ ჩვენი საზოგადოებრიობის დიდი ინტერესი ამ დოკუმენტისადმი და მთლიანად დავიმოწმით იგი:

დეკრეტი № 2

სრულიად საქართველოს საბჭოთა ცენტრალური აღმასრულებელი კომიტეტისა და საქართველოს სახალხო კომისარტა საბჭოს

სამხრეთ-ოსეთის ავტონომიური ოლქის მოწყობის შესახებ

სრულიად საქართველოს საბჭოთა ცენტრალური აღმასრულებელი კომიტეტი და სახალხო კომისარტა საბჭო ადგენენ:

1. მოეწყოს სამხრეთ-ოსეთის ავტონომიური ოლქი, როგორც საქართველოს სოც. საბჭ. რესპუბლიკის შემადგენელი ნაწილი; აღნიშნული ოლქის ცენტრად იქნეს ქ. ტხინვალი.

2. სამხრეთ-ოსეთის ავტონომიური ოლქის შედგენილობაში მოთავსდეს ტერიტორია, რომელიც უჭირავს სამხრეთ-ოსეთის ხალხს შემდეგ საზღვრებში:

ა) ჩრდილოეთით სანაპირო ხაზი გაივლის კავკასიონის მთავარ ქედზე მთიულთა ავტონომიური რესპუბლიკის სამხრეთ სახელმწიფო საზღვრის გასწვრივ;

ბ) დასავლეთით — სანაპირო ხაზი იწყება მთიულთა სოც. საბჭ. ავტონომიური რესპუბლიკის საზღვრებიდან მდინარე ჩანჩახის სათავესა და მის შენაკადებთან, გადასტრის სიმაღლეს 8.872, მიემართება წითელტის ქედის გასწვრივ, გადასტრის მდინარე ჩანჩახს, შენაკადი გესკეს შესართავში გავრქელდება სამხრეთ-დასავლეთის მიმართულებით გესკეს მთის კალთებზე ამა მდინარის დასავლეთით; გადასტრის გესკეს მთას, ძვარის მთას, სიმაღლეს 6.062, მდინარე ღარულას სოფ. დაბლა-კვაყას ქვევით, მდინარე ქვედრულას, სოფ. ქვედის აღმოსავლეთით; დაეშვება ველუანტის მთის კალთებზე, გადასტრის სიმაღლეს 7.616; გადასტრის ქუდევის მთას, 2.932-ს სიმაღლის ცოტა დასავლეთით; გავრქელდება აღმოსავლეთ-სამხრეთის მიმართულებით, 6.013 სიმაღლის ძირის გასწვრივ; გადასტრის მდინარე ყვირილის მარჯვენა შენაკადს სოფ. პერევის ჩრდილო-აღმოსავლეთით, გაივლის სოფ. პერევის აღმოსავლეთით; გადასტრის მდი-

ნარე ყვირილის 2.170 სიმაღლეს აღმოსავლეთით, მიებჯინება პერანგის მთას 5.201 სიმაღლეზე; მიემართება სამხრეთით ამა მთის კალთებზე ძირულის მთის დასავლეთით; გადასტრის უკანასკნელს და გაივლის კაპრების — სერის ქედს, 4.172 სიმაღლემდე; გაგრძელდება მდინარე ჭარათ-ხევის ზემო მიმდინარეობით და შემდეგ კაპრების — სერის ქედის კალთების იქით, მდინარე ლოპანის დასავლეთით.

გ) სამხრეთით: სანაპირო ხაზი გაგრძელდება ჭორჭან-წნელისის გზით, გადასტრის მდინარე ლოპანს, წნელისის ქვევით, მოუხვევს ჩრდილო-აღმოსავლეთით; გაივლის სოფ. ატოცის ზევით, გადასტრის მდინარე ფრონას სოფ. ოქონის ქვევით, მიიმართება სამხრეთით, მდინარე ფრონის აღმოსავლეთით, გადასტრის მდინარე ფრონის მარცხენა შენაკადს, სოფ. ქვათეთრის ქვევით; შემდეგ გადასტრის მდინარე ფრონას (ყორნისისა) სოფ. და დვანას ზევით; გაივლის დვანი-გუჯაბაურის გზის პარალელურად ჩრდილო-დასავლეთის მხრით; გადასტრის მდინარე დიდ ლიახეს ქალაქ ცხინვალის ქვევით და სოფელ ერგნეთის ზევით; მიებჯინება სოფ. ერედვას; გადასტრის მდინარე პატარა-ლიახეს, სოფ. არბოს ზევით, მდინარე ჭარებულას, სოფელ მერეთისა და კოშკის ზევით; მოუხვევს სამხრეთ-აღმოსავლეთით, გადასტრის მდინარე ოთრევას სოფ. ფლავისმანის ზევით და მდ. აჟურას და მეჯუდას, სოფ. აძვისა და მეჯვრისხევის ცოტა ზევით; გრძელდება სოფ. ყირბალისა და ბერშუეთის ჩრდილო-აღმოსავლეთით; გადასტრის მდინარე ტარტლას სოფ. წინაკარის ქვევით, მდინარე ლეხურის მარჯვენა შენაკადს სოფ. ხურვალეთის ზევით, შემოუვლის სოფელთა ჯგუფს: ორჭოშანს, აბრევას და სხვ., გადასტრის მდინარე ლეხურს სოფ. საკორინთლოსა და ოძისის ჩრდილოეთით; გადასტრის მდინარე ქსანს სოფ. ოძისის ზევით და მიებჯინება იფნიანის ქედის მთას;

დ) აღმოსავლეთით: სანაპირო ხაზი იფნიანის ქედის მთიდან მოუხვევს ჩრდილოეთით და გადასტრის ხნარცვსა, გაივლის სოფ. მიქელიანთკარის, ირმის სოფლის და სხვა სოფლების ხაზის დასავლეთით; შემოუვლის ჩრდილოეთით 6 409 სიმაღლის შუა კალთებს, გადასტრის უკანასკნელს ეკლესიის ნანგრევების ცოტა აღმოსავლეთით; შემდეგ გაგრძელდება ჩრდილოეთისაკენ ქედით მდ. ალევის მიმდინარეობის გასწვრივ ამა მდინარის აღმოსავლეთით; გადასტრის ჭარტალას მთას 8.283 სიმაღლეზე, საფერშეთის და ტახტის მთებს, გაგრძელდება მდინარე არაგვისა და ქსნის შენაკადების შუა წყალთა გამყოფი ქედის ხაზით; გადასტრის სიმაღლეებს: ყურყუტსა, მუნჯუხსა და ლომისის უღელტეხილს მონასტრის ნანგრევებთან და მიემართება ჯამურის უღელტეხილამდე; გადასტრის მდ. არაგვის მარჯვენა შენაკადებს — ვანისისა, ერეთისა და სხვა სოფლების დასავლეთით; გაგრძელდება ჩრდილო-დასავლეთით მდ. არაგვის ზემო-მიმდინარეობით; მოუხვევს დასავლეთით, გადასტრის ლახვ-წითის მთას და მიემართება წყალთა-გამყოფი ქედის ხაზით მდინარე თერგისა და დიდი ლიახვის შენაკადების შუა, გადასტრის 12.117, 11,333 და 12,572 სიმაღლეებს და მიებჯინება ვილიკ-პარსის მთას.

3. სამხრეთ-ოსეთის ავტონომიური ოლქის მმართველი ორგანოებია ცენტრალური აღმასრულებელი კომიტეტი და ადგილობრივი საბჭოები.

4. სამხრეთ-ოსეთის ავტონომიური ოლქის საქმეთა მმართველობისათვის დაარსდება სახალხო კომისარიატები: ა) შინაგან საქმეთა, ბ) იუსტიციისა, გ)

განათლებისა, დ) ჯანმრთელობისა; ე) შრომისა და სოც. უზრუნველყოფისა; ვ) მიწათმოქმედებისა ზ) სასურსათო, თ) ფინანსთა, ი) სახალხო მეურნეობის საბჭო და კ) მუშათა და გლეხთა ინსპექცია.

შენიშვნა 1: სამხრეთ-ოსეთის განსაკუთრებული სახალხო კომისართა საბჭო არ დაარსდება და სახალხო კომისარიატები მოქმედებენ, როგორც ცენტრალური აღმასრულებელი კომიტეტის განყოფილებანი.

შენიშვნა 2: გარეშე საქმენი და საგარეო ვაჭრობა რჩება საქ. სოც. საბჭ. რესპუბლიკის ცენტრალური ორგანოების გამგებლობაში.

სამხედრო საქმეს განაგებს სამხედრო კომისარიატი, რომელიც უშუალოდ ექვემდებარება საქართველოს სამხედრო და საზღვაო სახალხო კომისარიატს და მოწყობილ იქნება უკანასკნელის მიერ სამხრეთ ოსეთის ცენტრალურ აღმასრულებელ კომიტეტთან შეთანხმებით.

კონტრ-რევოლუციისთან ბრძოლა დარჩება საქართველოს საგანგებო კომისიის ორგანოთა გამგებლობაში, რომელნიც მოწყობილ იქნება უკანასკნელის მიერ სამხრეთ-ოსეთის ცენტრალურ აღმასრულებელ კომიტეტთან შეთანხმებით.

5. რათა საქართველოს სოც. საბჭ. რესპუბლიკის ტერიტორიაზე დაცულ იქნეს და მოეწყოს ერთიანი საფინანსო და სამეურნეო მოქმედება, სამხრეთ-ოსეთის ავტონომიური ოლქის სახალხო კომისარიატები: სასურსათო, საფინანსო, შრომისა, სახალხო მეურნეობის საბჭო და მუშათა და გლეხთა ინსპექცია დარჩებიან საქართველოს სოც. საბჭ. რესპუბლიკის სათანადო სახალხო კომისარიატების ქვემდებარებაში; ამასთანავე უკანასკნელთა ყოველი განკარგულება და ღონისძიება განხორციელებულ უნდა იქნეს სამხრეთ-ოსეთის სახალხო კომისარიატების მიერ სამხრეთ-ოსეთის ცენტრალური აღმასრულებელი კომიტეტის მეშვეობით.

შენიშვნა: მეხუთე მუხლში დასახელებული სახალხო კომისარები დანიშნულ იქნებიან საქ. სოც. საბჭ. რესპუბლიკის სათანადო სახალხო კომისარიატების მიერ, სამხრეთ ოსეთის ცენტრალურ აღმასრულებელ კომიტეტთან შეთანხმებით და დამტკიცებულ იქნებიან უკანასკნელის მიერ.

6. სამხრეთ-ოსეთის ავტონომიური ოლქის სახალხო კომისარიატები: შინაგან საქმეთა, იუსტიციისა, განათლებისა, ჯანმრთელობისა, მიწათმოქმედებისა და სოციალურ უზრუნველყოფისა; ავტონომიური არიან თავის მოქმედებაში და პასუხისმგებელნი საქ. სოც. საბჭ. რესპუბლიკის ცენტრალური ორგანოების წინაშე, სამხრეთ-ოსეთის ცენტრალური აღმასრულებელი კომიტეტის მეშვეობით.

7. სამხრეთ-ოსეთის ავტონომიური ოლქი ყველა საქირო საფინანსო და ტექნიკური საშუალებებით მომარაგებულ იქნება საქ. სოც. საბჭ. რესპუბლიკის საერთო სახსრიდან საქართველოს ცენტრალური აღმასრულებელი კომიტეტისა და სახალხო კომისართა საბჭოს უშუალო განკარგულებისამებრ სამხრეთ-ოსეთისა ცენტრალური აღმასრულებელი კომიტეტის მეშვეობით.

8. იმ ადმინისტრაციული ერთეულების ფაქტიურ გადაცემას, რომლებიც მიეთვისება სამხრეთ-ოსეთის ავტონომიურ ოლქს, აწარმოებს შერეული კო-

მისია, შემდგარი სამხრეთ-ოსეთის ცენტრალური აღმასრულებელი კომიტეტისა, მოსაზღვრე დანტერტესებული მხარის აღმასრულებელი კომიტეტისა და საქართველოს სოც. საბჭ. რესპუბლიკის ცენტრალური ხელისუფლების წარმომადგენელთაგან.

აღნიშნულ კომისიას დაევალება თავისი მუშაობა დაამთავროს არა უგვიანეს ამა 1922 წ. მაისის 1-სა.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე. საქართველოს სოც. საბჭ. რესპუბლიკის სახ. კომისართა საბჭოს თავმჯდომარე ს. ქავთარაძე.

აღმასრულებელი კომიტეტის მდივანი თ. კალანდაძე.

1922 წ. აპრილის 20.

ტფილისი-სასახლე⁵⁰.

დეკრეტის გამოქვეყნების შემდეგ გორისა და სხვა მხარების ქართული მოსახლეობის უკმაყოფილება კიდევ უფრო გაცხოველდა. მოსახლეობა იმ ქართული სოფლებისა, რომლებიც დეკრეტის ძალით სამხრეთ ოსეთის ავტონომიურ ოლქს მიაკუთვნეს, კვლავ უგზავნიდა საჩივრებს საქართველოს სსრ შინაგან საქმეთა სახალხო კომისარიატს. ეს საჩივრები (კრებათა დადგენილებები, განაჩენები) გაანალიზებულია სპეციალური კომისიის ზემოაღნიშნულ მოხსენებით ბარათში, რომელიც 1922 წლის 16 დეკემბერს ვაგზავნა სრულიად საქართველოს საბჭოთა ცენტრალური აღმასრულებელი კომიტეტის პრეზიდიუმს საქართველოს სსრ შინაგან საქმეთა სახალხო კომისრის ა. გეგეჭკორის ხელმოწერით. გვეცნოთ ამ დოკუმენტსაც:

სრულიად საქართველოს საბჭოთა ცენტრალური აღმასრულებელი კომიტეტის პრეზიდიუმს

ვარდგენ რა ამასთანავე შინაგან საქმეთა სახალხო კომისარიატთან არსებულ სპეციალურ კომისიის მოხსენებას, ფაქტიურ მასალთ დასაბუთებულს, და მიმაჩნია რა საჭიროთ, რომ ორ მეზობელ ერთა შორის ერთხელ და სამუდამოდ მოეღოს ბოლო ყოველივე უთანხმოება-კონფლიქტებს, ტერიტორიალურ ნიდავზე აღმოცენებულს, და დამყარდეს მათ შორის მშვიდობიანი ურთიერთობა და თანამშრომლობა, ვშუამდგომლობ სრულიად საქართველოს საბჭოთა ცენტრალურ აღმასრულებელი კომიტეტის პრეზიდიუმის წინაშე, რათა მიღებულ იქმნას ჭეղჩეობით მხოლოდ პრინციპიალური გადაწყვეტილება — გადასინჯულ იქმნას დეკრეტი ნომერი მე-2. რაც შეეხება იმ საკითხის დეტალურ გარკვევას, თუ რა ცვლილებანი იქმნას შეტანილი ამ დეკრეტში, ეს მიენდოს შინაგან საქმეთა სახალხო კომისარიატს, რომელსაც დაევალოს საკითხის განხილვა სპეციალურ კომისიაში სამხრეთ-ოსეთის წარმომადგენლის მონაწილეობით.

შინაგან საქმეთა სახალხო კომისარი — ა. გეგეჭკორი⁵¹.

ახლა დავიმოწმოთ მოხსენებითი ბარათის ის ადგილები, რომლებიც ქართული მოსახლეობის უკმაყოფილებას ეხება:

⁵⁰ სუცსა, ფ. 284, აღწ. 1, საქ. 26, ფურც. 5-6.

⁵¹ იქვე, საქ. 62, ფურც. 62, ფურც. 79.

«1. ოქმი, ა. წ. მკათათვის 11-ს შემდგარი, საერთო კრებისა ქვემოთ დასახელებულ 10 სოფლისა: თიღისა, ოქონისა, სუნისისა, ნაბაკევისა, ტყის უბნისა, შინდარისა, ნედლათისა, ალი-ბარისა, ახალშენისა და ხუნდისუბნისა. ოქმში ვკითხულობთ: «სამხრეთ ოსეთის ხაზის გავლების დროს მოვეყვით მის ფარგლებში, რაც წარმოადგენს ეკონომიური თვალსაზრისით დიდ უხერხულობას — ა) ცხინვალში სიარულს არ გვეხერხება, ძველთაგან ჩვეულებრივ ვართ გომში, სურამში და გორში სიარულს, რომელთა ბაზრითაც ვსარგებლობდით მუდამ და სადაც სადღედა ყოველი ჩვენი ნაწარმოები; ბ) ცხინვალის გზები იმდენად ძნელი სასიარულოა, რომ ყოველად აუტანელია ჩვენთვის და ჩვენი საქონლისათვის და გ) დაწესებულებებში სიარულის დროს, ჩვენი საქმეებისა გამო, მიგვაქვს იმავე დროს გასასყიდლათ ყოველი ჩვენი ნაწარმოები და ამით ვიმატებდით სამუშაო დღეებსო... დავადგინეთ: ვინაიდან სამხრეთ ოსეთის ოლქზე მიწერა გამოიწვევს ჩვენს დაღუპვას, კატეგორიულად მოვიტხოვთ, რათა ჩვენი სოფლები დარჩეს გორის მაზრის ფარგლებში და მიეწეროს მახლობელ საციხურას თემს.

2. სოფ. ქარების მცხოვრებნი ა. წ. 23 აგვისტოს განაჩენით თხოულობენ: ქარები გადადის ოსების, სახელდობრ: ცხინვალის აღმასკომზე, რომელიც დაშორებულია ჩვენგან 30 ვერსით; ჩამოდის მდ. პატრა ლიახვი, რომელმაც მოდიდება იცის 1 თებერვლიდან სექტემბრის ვასვლამდე, ასე რომ ამ მიზეზით კაცი ვერ გადის... ვარდა ამისა ჩვენ ქართველები ვართ და არ ვიცით ოსური ენა... ამ მოსაზრებათა გამო, გვინდა არა ოსების, არამედ ტყვიავის რაიონის აღმასკომზე ვიყვეთ მიწერილნი, რომელიც ჩვენზე ახლა.

3. ტყვიავის თემის სოფელ დისევის და კულბითის მცხოვრებნი ა/წ 26 აგვისტოს განაჩენით აცხადებენ: „სამხრეთ-ოსეთზე ჩვენი მიწერა არც ისტორიულად, არც გეოგრაფიულად, არც ეთნოგრაფიულად და არც ეკონომიურად მიზანშეწონილად და სამართლიანად არ მიგვაჩნია, ამიტომ იმედი გვაქვს, რომ მთავრობა ჩვენ ქართველებს გვართობით, უცხო ტომის ხელში არ გადაცემს, რომელთანაც ჩვენ არ გვაკავშირებს როგორც ზემოხსენებული გარუბანი, ისე არც ენა და არც ზნე-ჩვეულებანიო“.

4. რაჭის მაზრის აღმასკომი ა/წ 20 აგვისტოს თარიღით ატყობინებდა შინაგან საქმეთა სახალხო კომისარიატს: „რაჭის მაზრის ქართველ გლეხობის საბუთებით შეძენილი უძრავი ქონება, სახნავი, საძოვარი მიწები და ტყეები მოჰყვა სამხრეთ-ოსეთის ოლქში და დღეს თითქმის სადაოთ ხდება ეს მათი საკუთრება, რადგან ამ ადგილებს ოსები თავიანთ საკუთრებათ სთვლიან... გლეხობისათვის ტყით სარგებლობა იმ მხრითაც უხერხული ხდება, რომ ნებართვის ასაღებათ მათ ცხინვალში უნდა წავიდნენ, რომელიც 70 ვერსის მანძილზეა... აღმ. კომიტეტი თხოულობს: შეჩერებულ იქმნას ოსეთის ფარგლებში შეტანა იმ ტყეებისა, რომელნიც ქართველ გლეხობის საკუთრებას შეადგენს, წინააღმდეგ შემთხვევაში კონფლიქტი ოსებსა და ქართველებს შორის მოსალოდნელიაო“.

5. ამასვე ადასტურებენ რაჭის მაზრის წედისის თემის სოფ. წედისის, ქვედის... მცხოვრებთა რწმუნებულნი, რომელნიც თავიანთ განცხა-

დებაში ა/წ. 6 სექტემბერს დაწერილში, ამბობენ: „ოსების სასჯერებში მოხვდა ზემო-რაჰის თითქმის ყველა სატყეო აგარაკები, სათიბები და სახნავი ყანები, რომელთა შორის უფრო საყურადღებოა წედისის თემის სატყეო აგარაკი, სახნავი და სათიბი ადგილები, რაიც ზემოაღნიშნულ სოფლების საკუთრებას შეადგენს; ესლა კი ოსეთის განკარგულებაში გადავიდა. უნდა მოვახსენოთ ცენტრ. აღმასკომს (განცხადება ცენტრ. აღმ. სახელზე), რომ თუ ის არ მოაქცევს ყურადღებას ასეთ მნიშვნელოვან საკითხს, იძულებული გავხდებით ყველამ თავები დაიხიოთ და ჩვენი ოჯახები წყალში წაუყაროთ, მაგრამ ჩვენ იმედი გვაქვს, ჩვენს აგარაკს, სათიბებს, სახნავ მიწებს ისევ ჩვენ დაავიჯებრუნებთ ე. ი. მოაქცევთ საქართველოს რესპუბლიკის ტერიტორიაში“. ალბათ უნდოდით ეთქვათ „რაჰის მაზრის ფარგლებში“, თორემ საქართველოს ტერიტორიაში ხომ ახლაც არის — ოსეთის ავტონომიური ოლქის ტერიტორია საქართველოა (ამ განმარტებას თვით შინაგან საქმეთა სახალხო კომისარიატი იძლევა — ლ. თ.).

6. სოფ. ძვილეთის მცხოვრებლებმა შემდეგი თხოვნით მიმართეს შინაგან საქმეთა სახალხო კომისარიატს (თხოვნას ა/წ 5 მაკათათვის თარიღი აქვს): „სოფ. ძვილეთი აღმოსავ. დასავლეთით და სამხრეთით გარს შემორტყმულია ქართულ სოფლებით და ეს სოფლები და თვით ძვილეთი ეკუთვნის ზემო ქართლს. წინა დღეებით მიწერილი დირბის საზოგადოებაზე ანუ შემდეგ დირბის თემზე, ახლა მიგააწერეს სამხრეთ-ოსეთის ოლქზე. ჩვენ პიტალო ქართველები ვართ, ოსური ენა სრულიად არ ვიცით. დირბის სასამართლო ჩვენგან სამ ვერსზეა, ხოლო თუ სამხრეთ-ოსეთის ფარგალში დავრჩით, მაშინ წუნარში 15 ვერსტზე მოგვიხდება სიარული. ამასთანავე მდ. დვანის ფრონე დიდა და ჩვენთვის ძალიან ძნელია იქ სიარული, ამიტომ გთხოვთ მიგააწეროთ ისევ დირბის თემზე, გორის მაზრაზე და

7. ქსნის თემი (დუშ. მაზ.) შუამდგომლობს (დადგენილებით ა/წ 21 ოქტ. მიღებულით):

„გამოგვეცხადა რა, რომ ქსნის თემი გადადის სამხრეთ-ოსეთზე, ჩვენ ეს ყოველად შეუძლებლათ მიგვაჩნია: ა) ცხინვალი დაშორებულია ჩვენს თემზე 50 ვერსით მეტზე და ამ სიშორეზე სიარული საჩივრებისა თუ სხვადასხვა საქმისა გამო შეუძლებელია, რადგან მოითხოვს მუშა-კაცისაგან მოცდენას, წასვლა-წამოსვლაში არა ნაკლებ 3—4 დღისა, რაიც დამღუპველი იქნება იქ სიარული, მაშინ, როდესაც დუშეთი ჩვენზეა 18 ვერსის მანძილზე... რაც უნდა გავგიჟიოდეს ჩვენ ცხინვალში ვერ ვივლით და ბევრი უსამართლობა და ჩვენი გაჭირვება დარჩება მთავრობას გაუგებარი. ძლიერ მნიშვნელოვანია ისიც, რომ მეზობელ სოფლებთან, რომლებიც მდებარეობენ დუშეთისაკენ, გვაქვს ახლო დამოკიდებულება მამულის და სხვა საქმეებისა გამო და ამათთან საქმის მოსაგვარებლათ უნდა ვიაროთ დუშეთს და ისინი კი თუ ჩვენზე საჩივარი ექნებათ, — ცხინვალსამნაირად სულ ავეწეწება საქმე, ამიტომ, გთხოვთ მთავრობას მიგააწეროს ისევ დუშეთს და აგვაცდინოს მრავალი გაჭირვება და უსიამოვნება... ამგვარად, ქართველი მოსახლეობა გორის მაზრისა დაყენებით კატეგორიულათ ერთსა და იმავეს ითხოვს, არაერთხელ, — სხვადასხვა დროს, სხვადასხვა სახით (წერილობით თუ პირადად დეპუტაციის საშუალებით). ერ-

ოსა და იმავე სურვილს გამოსთქვამს ოთხჯერ — არ დაუმორჩილონ იგი ოსთა ხელისუფლებას⁵².

მაშასადამე, ქართული მოსახლეობა ვერ ურიგდებოდა იმ აზრს, რომ მრავალი ქართული სოფელი სამხრეთ ოსეთის ავტონომიურ ოლქს უნდა შეერთებოდა. როგორც ვნახეთ, ქართული მოსახლეობის უკმაყოფილება არ ჩაცხრა მას შემდეგაც, რაც გამოქვეყნდა საქართველოს სსრ ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს დეკრეტი სამხრეთ ოსეთის ავტონომიური ოლქის მოწყობის შესახებ.

შინაგან საქმეთა სახალხო კომისარიატის მიერ საქართველოს ცენტრალური აღმასრულებელი კომიტეტის პრეზიდიუმისათვის 1922 წლის 16 დეკემბერს წარდგენილ ზემოაღნიშნულ მოხსენებით ბარათში ამასთან დაკავშირებით ნათქვამია: „...ქართველი მოსახლეობა დღემდე განაგრძობს ამ გარემოებით გამოწვეულ უკმაყოფილების გამოთქმას, დრტივნებს და ასეთ უკმაყოფილების მიზეზზე ჩვენ უკვე მივუთითეთ, სახელდობრ: ა) სამხ. ოსეთის ავტონომიურ ოლქში შეტანილია დეკრეტით № 2 დასავლეთით რაჭის და შორაპნის მაზრების ნაწილები; ბ) აღმოსავლეთით დიდი ნაწილი დუშეთის მაზრისა და გ) სამხრეთით მთელი წყება სოფლებისა, რომელნიც თანახმად მთავრობისა და პარტიის ზემოდ აღნიშნულ დადგენილებათა (მუხ. მე-3) შეტანილ უნდა ყოფილიყვნენ ამ ტერიტორიაში მხოლოდ იმ შემთხვევაში, თუ გორის მაზრის ქართველი მოსახლეობა, ოსთა მეზობლათ თუ ოსთა შორის მცხოვრები, თავის კატეგორიულ სურვილს გამოსთქვამდა დაემორჩილოს ოსეთის ავტონომიურ ხელისუფლებას, მანამდე კი ეს ქართველი მოსახლეობა გორის მაზრის ხელისუფლების ქვეშ უნდა დარჩენილიყო“⁵³.

შინაგან საქმეთა სახალხო კომისარიატის მიერ გამოთქმული ეს საყვედური საფუძველს მოკლებული არ არის. როგორც ზემოციტირებული დოკუმენტები მოწმობენ, ქართული მოსახლეობის აზრი უცვლელი დარჩა, იგი ბოლომდე წინააღმდეგი იყო სამხრეთ ოსეთისათვის ქართული სოფლების გადაცემისა. დეკრეტის გამოცემისას კი ეს მომენტი უგულვებელყვეს.

აქვე გვინდა მკითხველს შეეთავაზოთ სია იმ ქართული სოფლებისა, რომლებიც საქართველოს სსრ ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1922 წლის 20 აპრილის დეკრეტით (№ 2) სამხრეთ ოსეთის ავტონომიურ ოლქს გადაეცა. ამ სიაში, რომელიც საქართველოს სსრ შინაგან საქმეთა სახალხო კომისარიატის სპეციალურმა კომისიამ (თავმჯდომარე გრ. გველესიანი, წევრები: დ. კარიჭაშვილი და ს. ვიორგაძე) შეადგინა, ნაჩვენებია ქართულ სოფელთა ეროვნული შემადგენლობაც. მთლიანად დაეიმოწმეთ სპეციალურა კომისიის მოხსენებით ბარათის სათანადო ადგილი (სოფელთა დასახელებაში მოსალოდნელი უზუსტობისათვის მკითხველს წინასწარ ვუხდით ბოდიშს):

„აქაც ჩვენი აზრის გასაშუქებლათ, ფაქტიურ მასალას მივმართავთ. ჩამოვთვლით იმ ქართულ სოფლებსა, თუ ქალაქს, რომელნიც ოსეთის სამხრეთით მდებარეობენ და დეკრეტით (№ 2) სამხრეთ-ოსეთზე გადავიდნენ.

52 სუიკსა, ფ. 284, აღწ. 1, საქ. 62, ფურც. 82—84.

53 სუიკსა, ფ. 284, აღწ. 1, საქ. 62, ფურც. 85.

1. თამარაშენის საზოგადოებისა:

12 ქართული სოფელი*, სახელდობრ:

	ქართ.	ოსები	სხვ. ეროვნებისა	სულ
ზემო აჩაბეთი				
ქვემო აჩაბეთი				
თამარაშენი				
პატარა ძარწეში				
დიდი ძარწეში				
საბაწმინდა	4119	525	6	4650
ქემურტი				
ხეითი				
დგერისა				
ქურთა				
კეხვი				
სვერი				

2. ცხინვალის საზოგადოება:

I. ქალაქი	ქ. ცხინვალი	1185	0	2697	3832**
	ს. გუჯაბაური	186	40	0	226

3. წუნარის საზოგადოებისა:

I. სოფელი,	ნული	413	24	0	437
------------	------	-----	----	---	-----

4. დირბის საზოგადოებისა:

I, სოფელი	ძველთი	324	10	10	344
-----------	--------	-----	----	----	-----

5. ავლევის საზოგადოებისა:

11 სოფელი, სახელდობრ:					
	ზუნდის უბანი				
	შინდარა				
	თიღვა				
	ძალეთი				
	ზემო ოქონა				
	ქვემო ოქონა	1526	334	0	1860
	ნელდათი				
	სუფნისი				
	ნაბაკევი				
	ჯერისისი				
	ბზისხევი				

*) ქართულ სოფლებათ ვსთელით ისეთ სოფლებს, სადაც ოსები 50% ნაკლებია.

***) 1917 წლის სამეურნეო აღწერაში ცხინვალის მოსახლეობის სტატისტიკა არ მოიპოვება. 1886 წლის საოჯახო სიებიდან შედგენილ სტატისტიკურ ნუსხით სულ 3832 მცხოვრებია, 1915 წლისათვის კი აღმინისტრაციის მიერ შეკრებულ ცნობების მიხედვით, — სულ 4618. დღეისათვის ეს ციფრი უნდა გაორგედეს.

6. მე რეთის ს აზოგადოებისა:

	ქართ.	ოსები	სხვ. ეროვნებისა	სულ
6 სოფელი, სახელდობრ:				
სნეკვი				
ზარდიანთ-კარი				
ქსუსისი	1536	119	0	1655
ქარები				
კუბითი				
ღისევი				

7. ო რტევის ს აზოგადოებისა:

1 სოფელი, სახელდობრ				
ვანათი	432	48	0	480

8. ბოლოთის ს აზოგადოებისა:

8 სოფელი, სახელდობრ:				
აწსრიხევი	299	0	0	299
საცხენეთი	289	0	0	289
ხაშურა	135	0	0	135
ხადურიანთ-კარი*	22	0	0	22
ბელოთი	220	0	0	220
ზემო აენევი*	287	0	0	287
ქემო აენევი*	127	0	0	127

სულ გადასულია 40 ქართული სოფელი და 1 ქალაქი, სადაც ოც ათასამდე ქართველია, ხოლო ოსთარაოდენობა უდრის — 1100 სულს“.

აი, ასე შეიქმნა სამხრეთ ოსეთის ავტონომიური ოლქი მასში მრავალი ქართული სოფლის გაერთიანებით. დეკრეტის გამოცემას, ბუნებრივია, ქართული მოსახლეობის უკმაყოფილება მოჰყვა. საქართველოს სსრ ცენტრალური აღმასრულებელი კომიტეტი იძულებული გახდა სულ მალე შეეტანა ზოგიერთი კორექტივი 20 აპრილის დეკრეტში. 25 აპრილსვე მან დაადგინა: „ქართულ სოფლებში ადმინისტრაცია და მილიცია დარჩეს ქართული“ და „კობის რაიონი ადმინისტრაციულად მიეწეროს დუშეთის მაზრას“⁵⁴. ამ შესწორებებმა შექმნილი მდგომარეობა, ცხადია, საბოლოოდ ვერ განუხტეს. შეიარაღებული შეხლა-შემოხლის საშიშროება კვლავ რჩებოდა. განშირდა ექსცესები ორივე მხრიდან სამეურნეო თუ სხვა ყოფითს საკითხებზე. ამიტომ იღებდნენ

*) 1917 წლის სამეურნეო აღწერაში ამ სამი სოფლის მცხოვრებთა რაოდენობა აღნიშნული არ არის, ამიტომ ჩვენ აქაც 1886 წლის საოჯახო სიებიდან ამოღებულ ცნობებზე ვსარგებლობთ და დღეისათვის ვაორკეცებთ.

54 სუიცსა, ფ. 284, აღწ. 1, საჭ. 2, ფურც. 85—86.
55 იქვე, ფ. 284, აღწ. 1, საჭ. 62, ფურც. 87.

ზომებს მოსახლეობის განიარაღებისათვის. 1922 წლის 26 მაისს სამხრეთ ოსეთის საოლქო პარტიულმა კომიტეტმა დაადგინა:

«Произвести разоружение по всей области беспартийных элементов. Для разоружения и подавления бандитизма в некоторые районы послать отряды с представителями обл. парткома, ЧОН и Политбюро. Одновременно обратиться Ц.К.К.П. Грузии, ЧОН, Наркомвоенмор и Грузчека о немедленном разоружении беспартийных в смежных с областью районах, где масса настроена контрреволюционно.

Особое мнение тов. Завадина: создать смешанную комиссию из представителей А.О.Ю.О. и смежных уездов для совместного разоружения районов не только входящих в А.О.Ю.О., но и в смежных, входящих уезды. Председатель Вл. Санакоев. Секретарь А. Чочиев»⁵⁶.

მკითხველი მიზნდება, რომ აქ ჩვეულებრივი ბანდიტების განიარაღებაზე როდია საუბარი. სიტყვა «ბანდიტიზმის» მოშველიებით დადგენილების ავტორები ცდილობენ გაიოლებულად წარმოაჩინონ საქმე. «კონტრრევოლუციურად განწყობილ მასაში» კი უმთავრესად სამხრეთ ოსეთისათვის ქართული სოფლების გადაცემით უკმაყოფილონი იგულისხმებიან. აქვე ნახსენები «პოლიტიბიურო» საგანგებო კომისიის ადგილობრივი ორგანოს იმდროინდელი სახელწოდებაა.

სამხრეთ ოსეთის საოლქო პარტიული კომიტეტის ამ დადგენილებაზე საქართველოს კომპარტიის ცენტრალური კომიტეტის პრეზიდიუმის რეაგირება ასეთი იყო: 1922 წლის 12 ივნისს მან მახარაძის, ოკუჯავას, ქავთარაძის, ცინცაძის, საბაშვილის, კანდელაკის, ბიბინეიშვილის, თუმანოვისა და ზირაქიშვილის მონაწილეობით განიხილა:

«Постановление Юго-Осетинского парткома с просьбой разоружить беспартийное население Юго-Осетии» და დაადგინა:

ა) Предложить парткому постановление это в жизнь не проводить,

ბ) Предложить парткому дать сведения в ЦК, в каких местностях население должно быть разоружено и по каким мотивам, в) Поручить ЧК выяснить вопрос о необходимости и возможности разоружения. Материалы представить в ЦК на рассмотрение»⁵⁷.

როგორც ვხედავთ, მოსახლეობის განიარაღება ადვილ საქმედ არ ჰქონდათ წარმოდგენილი. მას, შეიძლება, ახალი გართულება მოჰყოლოდა. ამიტომაც ფრთხილობდნენ...

საგულისხმოა, რომ როცა სამხრეთ ოსეთის ავტონომიური ოლქს ხელოვნურად ქმნიდნენ და მასში ქართულ სოფლებსაც ძალით აერთიანებდნენ, მაშინ, როგორც ითქვა, კავკასიონის იქეთა ოსეთს, რომელიც ოსთა ნამდვილი თავდაპირველი საშობლოა, არავითარი საკუთარი ავტონომია არ გააჩნდა. ჩრდილო ოსეთის ავტონომიური ოლქი მხოლოდ 1924 წელს წარმოიქმნა რუ-

⁵⁶ მლისტვა, ფ. 14, აღწ. 1, საქ. 192, ფ. 583.

⁵⁷ მლისტვა, ფ. 14, აღწ. 1, საქ. 192, ფურც. 559.

სეთის სფს რესპუბლიკაში. 1936 წელს ამ ავტონომიურ ოლქს ავტონომიური რესპუბლიკის სტატუსი მიეცემა, მაგრამ ვიდრე ეს მოხდებოდა, გარკვეული ძალები სამხრეთ ოსეთისა და ჩრდილო ოსეთის გაერთიანებას ცდილობდნენ. გადაიდგა სათანადო ნაბიჯებიც, რომელთა შესახებ, ალბათ, მოკლედ ჩვენც უნდა ვისაუბროთ. საკითხი განიხილეს ჩრდილო ოსეთის, სამხრეთ ოსეთის, სრულიად საქართველოსა და ამიერკავკასიის საბჭოთა წარმომადგენლობითმა ორგანოებმა⁵⁸.

გაერთიანების ინიციატივა ოფიციალურად ჩრდილო ოსეთიდან მომდინარეობდა. იქ ეს საკითხი 1925 წლის იანვარში, ჩრდილო ოსეთის საბჭოების პირველ ყრილობაზე წამოიჭრა. ამ პრობლემის გადაწყვეტა უშუალოდ ეხებოდა რუსეთის სფს და საქართველოს სს რესპუბლიკებს. ამიტომაც ორივე რესპუბლიკაში გაჩაღდა მოსამზადებელი მუშაობა. უწინარეს ყოვლისა უნდა გარკვეულიყო, თუ რომელ სახელმწიფოში (რუსეთის სფს თუ საქართველოს სს რესპუბლიკაში) შევიდოდა გაერთიანებული ოსეთი. აქ აუცილებლად გასათვალისწინებელი იყო ქართველი ხალხის აზრი. იგი, ბუნებრივია, ვერ შეურიგდებოდა ქართული ტერიტორიის (ოსებით დასახლებული გორის მაზრის ნაწილის) გასწვრივებას. ადვილად გადასაწყვეტი არც ჩრდილო ოსეთის შემოერთების საკითხი იყო, რადგან ისიც უნდა განეჭვრიტათ, თუ რა შეიძლებოდა მოპყლოდა ამ შემოერთებას მომავალში.

მოვლენები ასე განვითარდა: 1925 წლის 27—31 მარტს გაიმართა სამხრეთ ოსეთის ავტონომიური ოლქის მუშათა და გლეხთა დეპუტატების საბჭოების V ყრილობა, რომელმაც მე-10 საკითხად განიხილა:

«Сообщение представителя Северо-Осетинского ЦИК тов. Каргиева о решении I-го съезда Северной Осетии по вопросу объединения с Юго-Осетией» და დაადგინა:

«1. Выслушав заявление представителя ЦИК Северной Осетии тов. Харитона Каргисва о состоявшемся решении съезда Советов Авт. области Северной Осетии об объединении Северной и Южной Осетии, 5-й съезд Советов Автономной области Юго-Осетии приветствует решение I-го съезда Советов Автономной области Северной Осетии и считает своевременным постановку этого вопроса.

2. 5-й съезд Советов Юго-Осетии мыслит осуществление этого объединения Северной и Южной Осетии в пределах ССР Грузии.

3. 5-й съезд Советов поручает новому ЦИКу Юго-Осетии совместно с ЦИКом Северной Осетии образовать объединенную специальную комиссию по изучению вопроса объединения обеих Осетий.

4. По изучению комиссией вопроса объединения окончательное разрешение его, т. е. объединения обеих Осетий поручить соответствующим ЦИКа⁵⁹.

⁵⁸ ამ ისტორიულ-იურიდიულ ფაქტს თავისი შეფასება მისცა იაკობ ფუტყარაძემ გამოქვეყნებულ 1989 წლის 13 დეკემბერს გამოქვეყნებულ სტატიაში «სალი ძახილი».

⁵⁹ სუიკა, ფ. 284, აღწ. 1, საქ. 170, ფურც. 3.

როგორც ვხედავთ, სამხრეთ ოსეთის საბჭოების ყრილობამ აშკარად და გარკვევით გამოთქვა თავისი აზრი — სამხრეთ ოსეთისა და ჩრდილო ოსეთის ავტონომიური ოლქების გაერთიანება საქართველოს სსრ ფარგლებში უნდა მოხდესო. გინდა ირწმუნო სამხრეთელ ოსთა ამ სურვილის გულწრფელობა, რადგანაც, ჯერ ერთი, მათ კარგად იცოდნენ, რომ საქართველოში ოსთა დენაციონალიზაციის ნაკლები საშიშროება არსებობდა (თუ კი ამას გაურბოდნენ); ვიდრე, ვთქვათ, რუსეთის ფედერაციაში; მეორე, ასევე ცნობილი იყო ქართველი ხალხის უკმაყოფილება საქართველოს სსრ რესპუბლიკაში შემავალი სამხრეთ ოსეთის ავტონომიური ოლქისათვის გორის მაზრის ქართული სოფლების გადაცემის გამო, და ძნელი მისახვედრი როდი იყო, რომ უფრო მეტად გაძლიერდებოდა ქართველი ხალხის უკმაყოფილება და წინააღმდეგობა, თუ კი მთელი ე. წ. სამხრეთ ოსეთი სხვა რესპუბლიკას გადაეცემოდა. ამ წინააღმდეგობას შეეძლო ჩაემალა საქმე, გაეძნელებინა მთავარი მიზნის მიღწევა, რაც ოსი ხალხის გაერთიანებაში მდგომარეობდა. ამიტომ სამხრეთელ ოსებს სრული საფუძველი ჰქონდათ ეფექტათ, რომ მათ მიერ არჩეული გზა ნაკლებ წინააღმდეგობრივი იქნებოდა. და კიდევ ერთ გარემოებასაც მივიჩნით ყურადღება. ჩრდილო ოსეთის ავტონომიური ოლქის ტერიტორია ოსთა ისტორიული კუთვნილებაა და ამ ქვეყნის (ტერიტორიის) ბედის გადაწყვეტა იდეალურ ვითარებაში, უწინარეს ყოვლისა, თვით ოსების საქმედ უნდა მიეჩინათ. ამიტომ თუკი მთელი ოსი ხალხი გადაწყვეტდა საბჭოთა საქართველოსთან შეერთებას, საფიქრებელი იყო, რომ საბჭოთა რუსეთი ხალხის ნების წინააღმდეგ არ გაილაშქრებდა, ყოველ შემთხვევაში მას საამისო მორალური საფუძველი არ ექნებოდა. ყოველივე ამის გამო შეიძლება დავუშვათ, რომ ორი ოსური ავტონომიის საქართველოში გაერთიანების იდეას ორივე ავტონომიურ ოლქში მართლაც გულწრფელად უჭერდნენ მხარს. თუმცა, ისიც აშკარაა, რომ ძნელი იყო მათი ნამდვილი გულის წადილის ამოცნობა. ვინ იცის, იქნებ ეს გეგმა მომავალში „ქართული მიწა-წყლის მიტაცების შუალედურ ეტაპადაც“ (ი. ფუტყარაძე) კი ჰქონდათ წარმოდგენილი. ყოველ შემთხვევაში არ იყო გამორიცხული, რომ საქართველოსათვის ეს ერთი შეხედვით უვნებელი (თითქოს სასარგებლოც კი) წამოწყება მეტად ძვირი დაუჯდებოდა თვით საქართველოს მომავალში, იმ ქართველების დროს, საბჭოთა ქვეყნის ხელმძღვანელთა შეცვლას რომ მოჰყვებოდა ხოლმე უმთავრესად.

ასე იყო თუ ისე, საქმე დაიძრა. მას შემდეგ, რაც სამხრეთ ოსეთში მოჩონეს ოსთა ორივე ავტონომიის გაერთიანების იდეა და ისიც განსაზღვრეს, რომ ეს გაერთიანება საქართველოს ფარგლებში მოხდება, ჩრდილო ოსეთის ხელმძღვანელობამ სრულიად რუსეთის ცენტრალური აღმასრულებელი კომიტეტის პრეზიდიუმს აცნობა: „ჩრდილოეთი და სამხრეთი ოსეთი ერთიანდებიან ერთ ავტონომიურ საბჭოთა რესპუბლიკად და შედიან საქართველოს რესპუბლიკის შემადგენლობაში“⁶⁰.

სრულიად რუსეთის ცენტრალურ აღმასრულებელ კომიტეტს ამ იდეისათვის წინააღმდეგობა არ გაუწევია. „თანახმა გახდა საკითხის ასე დაყენებაზე“ ჩრდილო კავკასიის საოლქო აღმასრულებელი კომიტეტიც. თავისი სიტყვა

⁶⁰ ვაზ. „კომუნისტი“, 1989 წლის 13 დეკემბერი, ი. ფუტყარაძის დასახ. სტატია.

უნდა ეთქვა საქართველოს. და აი, 1925 წლის 15 ივლისს საქართველოს ცენტრალური აღმასრულებელი კომიტეტის სესიამ ამ საკითხზე მოისმინა ჩრდილო ოსეთის ავტონომიური ოლქის წარმომადგენლის ტაკოევის მოხსენება და ერთხმად მოიწონა საქართველოს ფარგლებში ჩრდილოეთ და სამხრეთ ოსეთის ავტონომიების გაერთიანების იდეა. დაემოწმათ რამდენიმე ადგილი ამ სესიაზე ტაკოევის გამოსვლიდან, რომელთა შესახებ იაკობ ფუტყარაძემ მოუთხრო ვაზეთ „კომუნისტის“ მკითხველებს ზემოდასახელებულ სტატიაში. ტაკოევმა განაცხადა: სამხრეთ ოსეთი „გადაჭრით მოითხოვს ჩრდილოეთ ოსეთისაგან, რომ... გაერთიანება მოხდეს საქართველოს ფარგლებში“, ჩრდილოეთ ოსეთი „სურვილს აცხადებს რსფსრ-ს ჩამოშორდეს და შევიდეს საქართველოს სსრ-ს შემადგენლობაში“. კიდევ უფრო საგულისხმოა ტაკოევის მიერ გაცემული პასუხი მის მიერვე დასმულ კითხვაზე: „იქნება ვისმე ეგულისხმება ოატიმ არის ორიენტაცია აღებული საქართველოზე? იმიტომ, რომ ოსეთი არსებობდა და მხარდამხარ ვიდოდა საქართველოს რესპუბლიკასთან, ჩრდილოეთ და სამხრეთ ოსეთის მშრომელნი, და მით უფრო პასუხისმგებელი მომუშავენი, თვალნათლივ ჰხედავენ, რომ საღი ნაციონალური პოლიტიკა ისე მიზანშეწონილად არსად არ ხორციელდება, როგორც საქართველოს რესპუბლიკაში“. გარდა ამისა, სამხრეთ ოსეთი კატეგორიულად აყენებს საკითხს, რომ იგი მხოლოდ მაშინ გაუერთიანდება ჩრდილო ოსეთს უკეთეს ეს უკანასკნელი თანახმა იქნება საქართველოს სსრ-ს შემადგენლობაში შესვლაზე“. ამავე სესიაზე ითქვა: «სამხრეთ ოსეთის მშრომელნი აცხადებენ, რომ მათ კულტურულ მოთხოვნილებათ და სამეურნეო საჭიროება საქართველოს რესპუბლიკა მთლად, სრულიად და უცილობლად აკმაყოფილებს. ამიტომ ისინი სცნობენ, რომ არავითარი საჭიროება არ არის და სრულიად უსარგებლოც იქნება რაიმე ახალი ექსპერიმენტის მოხდენა ე. ი. საქართველოდან გამოყოფა. აშკარაა, რომ სამხრეთ-ოსეთის ეს საღი ძახილი ყოველ მხრივ ყურადღების ღირსია“. ამ გამოწვევითან დაკავშირებით სწორად შენიშნავს ი. ფუტყარაძე, რომ ოსი კაცის ეს ბრძნული სიტყვები უფროსი თაობის პოლიტიკურ ანდერძად გაცხადდა სრულიად საქართველოს ცენტრალური აღმასრულებელი კომიტეტის სესიაზე⁶¹.

მაშასადამე, საქართველოს ფარგლებში სამხრეთ და ჩრდილოეთ ოსეთის გაერთიანების სასარგებლოდ თავიანთი აზრი გამოთქვეს, საქართველოსა და რუსეთის საბჭოთა წარმომადგენლობითმა ორგანოებმა. რა აზრისა იყვნენ ამ საკითხზე მაღალი პარტიული ინსტანციები? ამ კითხვაზე ნაწილობრივ პასუხს იძლევა ი. ბ. სტალინის დებეშა, რომელიც გ. კ. ორჯონიკიძემ სრულიად საქართველოს ცენტრალური აღმასრულებელი კომიტეტის 1925 წლის ივლისის სესიამდე დაახლოებით 2 კვირით ადრე მიიღო. დებეშაზე მხოლოდ თვე და რიცხვია აღნიშნული, მაგრამ შინაარსის მიხედვით შეიძლება გაირკვეს, რომ იგი 1925 წელს განეკუთვნება. აი ისიც:

«Подана из Москвы 29.VI. Получена и расшифрована 30.VI. Тифлис. Закрайком — Орджоникидзе.

Лично я не возражал против плана Осетии, но, ввиду поступивших возражений Юго-Востока, очень колеблюсь и не решаюсь дать никаких советов. Очень бы просил тебя

⁶¹ იხ. გაზ. „კომუნისტი“, 1989 წლის 13 დეკემბერი.

отложить ответом до нашей совместной встречи с Микояном. Сталин»⁶².

ამ დებუიდან ჩანს, რომ ი. ბ. სტალინს არაფერი ჰქონდა საწინააღმდეგო საქართველოს შემადგენლობაში ჩრდილოეთ და სამხრეთ ოსეთის ავტონომიური ოლქების გაერთიანებისა („ოსეთის გეგმა“), მაგრამ იმის გამო, რომ „სამხრეთ-აღმოსავლეთს“ საწინააღმდეგო მოსაზრებები გამოუთქვამს, გადაჭრით ვერაფერს ურჩევდა გ. კ. ორჯონიკიძეს, რომელსაც, უნდა ვივარაუდოთ, სწორედ რჩევა უთხოვია მისთვის. დებუში დასახელებულია ა. ი. მიქოიანი, რომელიც მაშინ პარტიის ჩრდილო კავკასიის სამხარეო კომიტეტის მდივანი იყო. ბუნებრივია, მისი აზრიც უნდა მოესმინათ ამ საკითხის გადაწყვეტისას. ა. ი. მიქოიანი ადრე რკპ (ბ) ცენტრალური კომიტეტის სამხრეთ-აღმოსავლეთის ბიუროს ხელმძღვანელობდა. ამიტომ, დებუში მოხსენიებული „სამხრეთ-აღმოსავლეთი“ იქნებ თავის დროზე ამ ორგანოს საგამგებლოში შემავალ რეგიონს ნიშნავდეს. თუმცა ცნობილია, რომ სამხრეთ-აღმოსავლეთის ბიურო მხოლოდ 1924 წლის მაისამდე არსებობდა, ი. ბ. სტალინის ეს დებუა კი 1925 წლის ივნისს განეკუთვნება.

ი. ბ. სტალინის დებუას ჩრდილოეთ და სამხრეთ ოსეთის ავტონომიების გამაერთიანებელი მოძრაობა თითქოს. უნდა შეეჩერებინა (დროებით მაინც). მაგრამ ეს ასე არ მოხდა. როგორც ვნახეთ, 1925 წლის 15 ივლისს ამ თემაზე მსჯელობა ჰქონდა საქართველოს ცენტრალურ აღმასრულებელ კომიტეტს; იმავე წლის 7 აგვისტოს კი ამიერკავკასიის ცენტრალური აღმასრულებელი კომიტეტის პრეზიდიუმმა (საქართველოს ცენტრალური აღმასრულებელი კომიტეტის წარდგინებით) განიხილა (27-ე საკითხად) ორი ოსური ავტონომიის გაერთიანების საკითხი და დაადგინა:

«Против постановления 2-й сессии Всегрузинского Центрального Исполнительного Комитета от 15-го сего июля об объединении Автономных областей Северной и Южной Осетии в одну Автономную социалистическую советскую республику не возражать.

Особое мнение члена Президиума ЗакЦИКа тов. Назаретяна А.: «Ввиду того, что в ближайшие пять-десять лет экономическое объединение невозможно, за отсутствием путей сообщения (перевал, соединяющий Сев. Осетию с Южной, закрывается на 9 месяцев), разрешение вопроса об объединении автономных областей Северной и Южной Осетии считаю преждевременным»⁶³.

ამრიგად, ჩრდილო და სამხრეთ ოსეთის გაერთიანების გზაზე სულ ცოტა ორნაირი წინააღმდეგობა გამოიკვეთა: ერთი — „სამხრეთ-აღმოსავლეთისა“, რაც, საფუძვრებელია, იმაში მდგომარეობდა, რომ არ სურდათ საქართველოს ფარგლებში გაერთიანება (ვერ თმობდნენ ჩრდილო ოსეთს); მეორე — ამიაკ ნაზარეტიალის პირით გაცხადებული (სამომოსვლო გზების უქონლობა, საუღელტეხილო მოძრაობის სეზონურობა), რომელმაც, უნდა ვივარაუდოთ, ბოლო მონენტში გადამწყვეტი გავლენა იქონია გაერთიანების საკითხის უარყოფითად

⁶² შლი ცვა, ფ. 558, აღწ. 1, საქ. 3333, ფურც. 1.

⁶³ სუიცსა, ფ. 607, აღწ. 1, საქ. 320, ფურც. 70.

გადაწყვეტაზე. დიას, ჩრდილო ოსეთისა და „სამხრეთ ოსეთის“ გავრთიანებისათვის აუცილებელი იყო მუდმივმოქმედი დამაკავშირებელი გზების გაყვანა, რაც მომავალში უნდა გაკეთებულყო. აქედან გამომდინარე, ადვილი მისახვედრია, თუ რა მნიშვნელობას ანიჭებდნენ როკის უღელტეხილის მშენებლობას.

და თუ ჩრდილო და „სამხრეთ ოსეთის“ თუნდაც საქართველოს ფარგლებში გავრთიანება შემდგომ თვით საქართველოსთვის საზიანო აღმოჩნდებოდა (!), უნდა ვლიაროთ, რომ მაშინ ა. ნაზარეტიანის პირით გაცხადებულ „განსაკუთრებულ აზრსა“ და მის მხარდამჭერებს გადაეფურჩენივართ.

ოსეთის საკითხთან დაკავშირებით გვინდა მკითხველს გავაცნოთ ი. ბ. სტალინის კიდევ ერთი დებემა, რომელიც სხვა საინტერესო საკითხსაც ენება და ამიტომ მთლიანად დავიმოწმებთ მას:

«Подана из Москвы 17.IX. Получена и расшифрована 18.IX. Тифлис — Закрайком РКП(б). Орджоникидзе. Жалею, что шутки о Мингрелии приняты всерьез легковерьными товарищами. Можешь заявить от меня, что я не высказывался и не намерен высказаться в пользу Автономии Мингрелии. Можешь заявить об этом в той форме, в какой найдешь целесообразным. Насчет Осетии поговорим по приезду. Сталин»⁶⁴.

„სამეგრელოს ავტონომიის“ საკითხი ცალკე საუბრის თემაა. რაც შეეხება დებუშის ბოლო ფრაზას, ოსეთს რომ ეხება, იგი მიგვანიშნებს, რომ ი. ბ. სტალინი 1925 წლის (დებემაში გამოგზავნილი წელი არ არის მითითებული, მაგრამ უეჭველია, რომ ისიც 1925 წელს განეკუთვნება) სექტემბერშიც ყოყმანობს და გარკვეულ დირექტივას ვერ აძლევს გ. კ. ორჯონიკიძეს ამ საკითხში. ჩრდილო და სამხრეთ ოსეთის ავტონომიური ოლქების ერთ ავტონომიურ რესპუბლიკად გარდაქმნისა და საქართველოში მისი გავრთიანების საკითხს, ცხადია, საბოლოოდ ი. ბ. სტალინი გადაწყვეტდა. ღვთის მადლით, გადაწყდა იგი უარყოფითად და ამით არც არაფერი დაშავებულა.

მაგრამ იდეა გავრთიანებისა (უფრო სწორად — ქართული მიწა-წყლის მიტაცებისა) თურმე არ ჩამკვდარა. ამაზე მეტყველებს სამხრეთ და ჩრდილო ოსეთიდან ცენტრში გაგზავნილი წერილები, რომელთა ავტორები ყალბ ბრალდებას უყენებენ ქართველ ხალხს, უღვთოდ ამახინჯებენ ქართველი და ოსი ხალხების ურთიერთობის ისტორიას, ცდილობენ დაარწმუნონ ზემდგომი პარტიული და საბჭოთა ინსტანციები, რომ სამხრეთელი ოსები იმყოფებოან აუტანელ მდგომარეობაში, რომელიც მათ თითქოს ქართველმა ხალხმა შეუქმნა და მოითხოვენ სამხრეთ და ჩრდილოეთ ოსეთის ავტონომიების გავრთიანებას რუსეთის სფს რესპუბლიკაში.

60-იან წლებში ოსი ინტელიგენციის ერთმა ნაწილმა აშკარა ანტიქართული კამპანია გააჩაღა, რაც, რასაკვირველია, შეუმჩნეველი არ დარჩა ქართულ საზოგადოებრიობას. ერთ-ერთ დოკუმენტში, რომელიც 1973 წლის ივლისს განეკუთვნება ვკითხულობთ:

«В последнее время в произведениях некоторых осетинских писателей особенно будируется тема Давида Сослана в нездоровом антиисторическом аспекте. В этой связи назовем поэму Д. Хетагурова «Гоцци», выдержавшую два издания на осетинском языке в гор. Орджоникидзе. В поэме грузины названы «подзащитным народом», «утопающим в грязи», говорится, что грузины якобы насильственно отторгли исконные земли Осетии («урвали долину реки Риони»). В поэме «Гоцци» Давид Сослан представлен как кондотьер, наемник... Можно было бы не вспомнить эту... поэму, публикации которой на русском языке в 1960 году решительно воспрепятствовало Московское издательство «Советский писатель», если бы с этих же позиций не относились к данной теме некоторые писатели Юго-Осетии, в том числе З. Хостицоева, Х. Дзуццати и др. Надо сказать, что стихотворение Ш. Джикаева «Печаль Давида Сослана» (опубликованное в 1966, 1967, 1970 гг.) является прямым перепевом вышеуказанной поэмы «Гоцци». В произведении Ш. Джикаева также говорится о том, что «стонут свои (т. е. осетины) на свободе», «что стонет своя страна в цепях», что потомки никогда не помянут добрым словом Давида Сослана, что ему «на их пиру никогда не будет места», ибо «когда родичу ты будешь чужд, — другому никогда не будешь родственником... Умрешь у них под забором».

В свое время некоторые осетинские критики выступили против подобных тенденций в литературе. — В стихотворении Ш. Джикаева, — писал Х. Джиоев, — показана реакционная идеология... Национальная вражда представлена здесь как идеал (журн. «Мах Дуг» № 5, 1967). К сожалению, ни автор, ни его сторонники не прислушались к голосу критики. Все современные «проблемы» национального «недовольства» некоторых писателей носят явно искусственный характер... Об этом свидетельствует хотя бы письмо Ф. Гаглоити (Гафеза), бывшего ответственного секретаря Юго-Осетинского отделения союза писателей Грузии. «Нам нужен патриотизм, может быть и национализм, — делился он своими мыслями (18.XII. 1966 г.) в письме, адресованному к писателю Р. Тедети. — Если бы положение сегодня у осетинского народа было таким же, как у грузинского или у русского народов, тогда бы ни один осетин не показал своих национальных чувств... Посмотри-ка на азербайджанцев, они тоже действуют точно, как наши соседи. Во имя будущности своего языка они накрыли своими лапами маленькие народы, живущие вокруг них. Ты же в России находишься, посмотри-ка вокруг: их литература, их искусство — все делается с целью укрепить руссизм (руссификацию). Пушкин заложил им хо-

роший фундамент: «Здесь русский дух, здесь Русью пахнет». Теперь посмотри на Шолохова, Твардовского, Грибачева, Федина и на многие сотни других. О чем они пишут? Заботятся ли, чтобы воспеть «дружбу между культурами и народами?» Черта с два!... Теперь все поставлено так, чтобы маленькие племена влились в утробу акул. Знакомясь с образцами художественного творчества Н. Джусойты, опубликованными на осетинском языке, и его статьями и публицистическими выступлениями, напечатанными на русском языке в центральной прессе, нетрудно заметить разительное противоречие. В своих статьях Н. Джусойты выступает как страстный поборник дружбы народов, сторонник тесных взаимосвязей братских литератур... Защищая... бесспорно правильную точку зрения на всесоюзной арене, Н. Джусойти... к сожалению, не всегда придерживается ее в своем художественном творчестве»⁶⁵.

ეს ვრცელი ამონაწერი დავიმოწმეთ საქართველოს კომუნისტური პარტიის ცენტრალური კომიტეტის მიერ შექმნილი სპეციალური კომისიის მოხსენებითი ბარათიდან, რომელსაც ხელს აწერენ თ. ნოდია, რ. მიმინოშვილი, ი. ბოგომოლოვი, გ. ციციშვილი, ვ. შადური, მ. კიკვაძე, ნ. წერეთელი. არაფერია გასაჭირი იმაში, რომ ოსი ინტელიგენციის ერთი ნაწილი საკუთარი ხალხის გასაჭირზე ფიქრობს, მის ბედზე წუხს, რაც აშკარად ჩანს ამ ამონაწერიდანაც. მაგრამ უმადურობაა შენთვის მზრუნველს მტრობა დააბრალო, მთელი სოფლების მჩუქებელს გადამგვარებელი უწოდო. ასეთ რამეებში კაცს მისამართები არ უნდა შეგეშალოს, აქცენტებიც სწორად უნდა დასვა. აქ დამოწმებული აზრებიდან ჩვენთვის, ცხადაა, ბევრი მიუღებელი და უსაფუძვლოა. სხვა ხალხების მიმართ გამოთქმულ საყვედურებზე პასუხის გაცემაც სხვათა მოვალეობად მივიჩნით. ამჯერად დავჯერდეთ მხოლოდ ორი ფაქტის კონსტატაციას: პირველი, ოსი ინტელიგენციის ერთი ნაწილი აშკარა ანტიქართულ განწყობილებას ქართულ ენის სახელმწიფო პროგრამის შემუშავებამდე დიდი ხნით ადრე ამჟღავნებდა, მეორე, ოსი ინტელიგენციის ეს ნაწილი პრეტენზიებს უყენებს არა მარტო ქართველ, არამედ რუს ხალხსაც. თანამედროვე ეტაპზე კი, როგორც ცნობილია, მას ბრძოლის მახვილი მხოლოდ ქართველი ხალხის წინააღმდეგ აქვს მიმართული. ამის შესახებ საზოგადოებრიობა ფართოდ არის ინფორმირებული.

კიდევ ერთი დოკუმენტი, რომელთა ავტორები მხოლოდ და მხოლოდ უმადურ ექსტრემისტთა სახელს იმსახურებენ. ეს გახლავთ სკკპ ცენტრალური კომიტეტის გენერალური მდივნის ი. ვ. ანდროპოვის სახელზე 1983 წლის 10 მაისს გაგზავნილი საჩივარი, რომელსაც ხელს აწერენ იურისტი ს. ჯიოვეი, ვაჭრობის მუშაკი ზ. დრიავეი, მძღოლი ტ. კუჩმაზოვი და პედაგოგი სიუჟაევი. კონვერტზე, რომელშიც საჩივარი იყო ჩადებული, გამგზავნის ასეთი მისამართია აღნიშნული: 355045, ქ. სტავროპოლი, ტამანის ქ. № 26, ს. ა. ჯიოვეი. ეს მისამართი და გვარიც, შეიძლება, ფიქტიური იყოს, მაგრამ, ცხადაა, ეს არაა მთავარი. მთავარია წერილის შინაარსი, მისი პროვოკატული ხასიათი და ის,

65 მლისფა, ფ. 14, აღწ. 48, საქ. 157, ფურც. 62—64.

რომ ეხება სამხრეთ ოსეთის ამბებს. საჩივარი შეიცავს ისტორიულ ნაწილს, გაუკუღმართებულს, ტენდენციურად და პრიმიტიულად შედგენილს. ავტორები ზოოლოგიურ სიძულვილს ამჟღავნებენ ქართველი ხალხის მიმართ, ყოველივე იმის მიმართ, რაც კი წმიდათა წმიდაა ქართველი და ოსი ხალხების ურთიერთობაში.

მკითხველის წინაშე ბოდიში უნდა მოვიხადოთ და კვლავ ვრცელი ამონაწერები დავიმოწმოთ. საჩივრის ავტორები ი. ვ. ანდროპოვის სწერდნენ:

«В 1920 г. меньшевикам стало известно о том, что у наших бойцов нет уже ни одного патрона и тогда они направили свою гвардию против Юго-Осетии. Бойцы наши со слезами на глазах вынуждены были со своими семьями отступать через Главные Кавказские хребты в Северную Осетию. Имущество их разграбили меньшевистские негодяи, все деревни, села были сожжены дотла. Из 75 тысяч беженцев остались живыми не более 50%, остальные погибли от азиатской холеры.

Свидетельством тому является телеграмма В. И. Ленина от 18 декабря 1920 г. на имя Владикавказского Ревкома об оказании немедленной помощи беженцам, бежавшим от грузинских меньшевистских банд».

«...22 апреля 1922 г. ЦИК Грузии издал декрет, коним Ю/Осетия включается в состав Грузии, как автономная область, конечно, без согласия нашего народа. В то время в Центре нашего государства в верхах находились грузины и поддержали их».

«В 1979 г. была издана книжонка Издательством политической литературы в Москве, автор Э. Шеварднадзе, где он описывает интересные вещи, а именно: во время гражданской войны за власть Советов боролись яростно грузинские трудящиеся, а что Ю/Осетия кровь проливала за Советскую власть ему неизвестно, ему также не ведомо, что Ю/О была безжалостно сожжена меньшевиками, а в Грузии и грузинского хлеба не повредили. Ему же неизвестно, что через Главные Кавказские горы перешла 2-я Ю/Осетинская бригада вместе с Ю/О повстанческими отрядами и они разгромили меньшевиков. Он же пишет, что в школах детей обучают на любом языке, не допуская никаких привилегий, ограничений или принуждений в употреблении тех или иных языков, т. е. получать образование на родном языке. На территории собственно Грузии проживает не менее 100 тыс. осетин, за пределами автономной области, где до господства Берия в школах преподавали предметы на русском и осетинском языках, а теперь на грузинском языке, т. е. происходит грузинизация осетинских детей... По переписи населения в 1926 г. население Ю/Осетии состояло из 130 тыс. человек, из них осетин 81%, грузин — 16%, остальные армяне, евреи и др.

(см. Путеводитель транспечати НКПС, под редакцией Э. С. Батенина, стр. 470, издания 1927 г. Москва)»...

«Далее, за последнее время в газетах пишут такие статьи, которые не признают существования Ю/Осетии, т. е. враждебные, именно: строительство транскавказской Рокской автотрассы окончено, которая соединила Северную Осетию с Южной Осетией.

Половина длины этой дороги проходит по территории СО АССР, а вторая половина этой дороги проходит только по территории Юго-Осетинской авт. обл. За эту дорогу вся осетинская нация вовеки будет благодарить наших верховных руководителей, которые положительно решили этот вопрос, но возмутительно то, что без шовинизма, без антиосетинской политики и здесь не обошлось и не обходится. Все время в газетах: «Заря Востока», «Вечер. Тбилиси», т. е. во всех газетах пишут, что транскавказская автострада соединит Северную Осетию с Грузией, т. е. наша авт. обл. Юго-Осетия исчезла, похоронили ее живьем. Отсюда простой вывод: грузинские меньшевистские банды открыто проводили политику: Южную Осетию растворить среди грузин, чтобы там ни одного осетина не было. Вот эта политика проводится и сейчас. Разве это не шовинизм?

Удивительно и то, что наши руководители проходят мимо такого отвратительного национализма. Неужели им неизвестно о том, что эта дорога проходит только по территории Северной и Южной Осетии, а в газетах читают, что указанная дорога соединила Северную Осетию с Грузией, но никто из руководителей нигде не задает вопрос шовинистам, а куда же делась автономная область Ю/Осетии? Возникает вопрос, когда же будет положен конец антиосетинской политике и кто положит такой конец и когда?»

«Юрий Владимирович, можно ли совместить такое отношение к нашей нации с Конституцией СССР? А если нет, то почему бы не объединить южную часть Осетии с Северной Осетией в составе РСФСР, ведь территория наша единая, теперь провели и первоклассную шоссеиную дорогу с г. Алагир СО АССР и до центра Юго-Осетии г. Цхинвали. В крайнем случае провести среди юго-осетинского населения плебисцит и тогда народ скажет свое слово, как это принято в международном праве... Мы просим провести плебисцит населения Ю-Осетии об объединении с Северной Осетией и чтобы единая Осетия избавилась от географических названий север, юг, а была единая Осетинская автономная советская социалистическая республика в составе РСФСР — ОА ССР. Тогда все вышеприведенные вопросы будут решены легко».

ი. ვ. ანდროპოვის სახელზე გაგზავნილი ეს საჩივარი სხვა დაუსაბუთებელ მტკიცებებსა და ცილისმწამებლურ გამოხდომებსაც შეიცავს (საჩივარი, ცხადია, მთლიანად არ მოგვიყვანია). ბრალდებები, რომლებსაც მომჩივანი ქართველ ხალხს უყენებენ, მკითხველმა იცის, არ ახალია. ბევრ მათგანს, თანამედროვე ადამონინისაგანებაც რომ იმეორებენ, ქართულ პრესაში დამაჯერებელი პასუხიც გაეცა. მაგრამ, ვინაიდან ი. ვ. ანდროპოვის სახელზე გაგზავნილი საჩივრის თვით ფაქტი და მასში წამოყენებული ზოგიერთი პრეტენზია ფართო საზოგადოებრიობისათვის უცნობია, გარკვეული პასუხი, ალბათ, ჩვენც გვმართებს.

დავიწყოთ იმით, რომ საჩივრიდან დამოწმებულ პირველივე ამონაწერში დამახინჯებულად არის გააზრებული საკმაოდ ცნობილი ისტორიული ფაქტი. კერძოდ, მომჩივანთა აზრით ვ. ი. ლენინი 1920 წლის 18 დეკემბრის დეპეშაში ვლადიკავკასის რეგკომს სთხოვდა სასწრაფო დახმარება აღმოეჩინა იმ ოსი ლტოლვილებისათვის, რომლებიც თითქოს „ქართველ მენშევიკთა ბანდებმა“ სამხრეთ ოსეთიდან განდევნეს 1920 წლის ივნისის ოსთა აჯანყებას ჩაქრობის შემდეგ. სინამდვილეში კი ვ. ი. ლენინის ამ დეპეშაში სრულიად სხვა ლტოლვილებზეა საუბარი, რაც ახლავე გახდება ცხადი. გავეცნოთ თვით დოკუმენტს.

«Телеграмма Владикавказскому Ревкому. Владикавказ, Ревком.

Копия члену реввоенсовета Кавфронта Орджоникидзе.

По полученным в Совнаркоме сведениям, беженцы гражданской войны, бежавшие от контрреволюционных банд в 1919 г. из селения Алагир в количестве, свыше 300 семей, находятся в станции Ардонской и в городе Владикавказе в чрезвычайно бедственном положении. Несмотря на все наши хлопоты, беженцы до сих пор не могут добиться возвращения в родные места или помощи по переезду и устройству на новых местах. Срочно удовлетворите законные требования беженцев и окажите им действительную помощь по устройству на постоянное жительство.

Написано 18 декабря 1920 г. Предсовнаркома Ленин»⁶⁶.

როგორც ვხედავთ, ვ. ი. ლენინის ამ დეპეშაში გარკვევით არის ნათქვამი, რომ საქმე ეხება არა სამხრეთ ოსეთიდან ჩრდილოეთ ოსეთში 1920 წელს გახიზნულ ოსებს, არამედ ჩრდილოეთ ოსეთში მდებარე სოფელ ალაგირიდან იმავე ჩრდილოეთ ოსეთის სტანიცა არდონსა და ქ. ვლადიკავკაში 1919 წელს გაქცეულ ლტოლვილებს. შეიძლებოდა ყოველივე ეს უბრალო ფაქტობრივ უზუსტობად მიგვეჩინა და ყურადღებაც არ გავვემაზვილებინა მასზე. შეიძლებოდა წერტილიც დავგვესვა აქვე, მაგრამ იმის გამო, რომ საქმე გვაქვს ისტორიული სინამდვილის არა მარტო ფაქტობრივ, არამედ პოლიტიკურ გაუკუღმართებასთანაც, იქნებ სჯობდეს მკითხველს მოკლედ მოვუთხროთ, თუ ნამდვილად ვისზე ზრუნავდნენ ამ შემთხვევაში ვ. ი. ლენინი და გ. ვ. ჩიჩერინი, ვინ იყვნენ ეს ალაგირელი ლტოლვილები?

⁶⁶ В. И. Ленин, Полн. собр. соч. т. 52, гл. 299—300.

დეპეშას ხელს აწერდა გ. ვ. ჩიჩერინი.

აბსოლუტურად დადგენილია, რომ საქმე ეხება ქართველ ლტოლვილებს, იმ ქართულ ოჯახებს, რომლებიც 1919 წლის იანვარში იძულებული გახდნენ მიეტოვებინათ სოფელი ალაგირი, სადაც კომპაქტური ქართული დასახლება ჯერ კიდევ გასული საუკუნის 80-იან წლებში გაჩნდა. 1918 წლამდე ალაგირელ ქართველებს კეთილმეზობლური ურთიერთობა ჰქონდათ ოსებთან, რაც სამოქალაქო ომის დროს მტრობით შეიცვალა. ამ წლის ივნისში ალაგირელმა ქართველებმა უმასპინძლეს ს. გეგეჭკორის შეიარაღებულ რაზმს, რომელიც საქართველოდან ჩრდილოეთ ოსეთში გადავიდა საბჭოთა ხელისუფლებისათვის საბრძოლველად. რაზმის წევრები ალაგირელ ქართველთა ოჯახებში დაბინავდნენ. ზოგიერთი ალაგირელი ქართველი ს. გეგეჭკორის რაზმშიც ჩაეწერა, რასაც სათანადო რეაქცია მოჰყვა ოსეთში იმ დროს არსებული სხვა პოლიტიკური, კერძოდ, ანტისაბჭოთა ძალების მხრიდან. ეს სტუმრობა ძვირად დაუჯდათ ალაგირელ ქართველებს. იგი ვახდა ერთ-ერთი მიზეზი მათი დარბევის, აწიოკებისა და ქონებრივი ვაპარტახებისა.

საბჭოთა ხელისუფლების წინააღმდეგ განწყობილი ოსთა შეიარაღებული რაზმები ცდილობდნენ არაოსი მოსახლეობისაგან გაეწმინდათ თავიანთი მხარე და ამით ქონებრივადაც მოეთხოთ ხელი. ისინი ვასაქანს არ აძლევდნენ ქართველებს: ართმევდნენ გაღწეულ პურს, ფქვილით დატვირთულ ურმებს, ცხენებს, ალაგირსა და მის მიდამოებს არბევდნენ ვ. ვანიევის, პოლკოვნიკ უგალუკ ცალიკოვის, ს. ურუმოვის, ა. ურუმოვის, ყ. რევაზოვისა და სხვათა შეიარაღებული რაზმები, რომლებსაც განზრახული ჰქონდათ ალაგირზე თავდასხმა, იქაური ქართული და რუსული მოსახლეობის განადგურება, მათი სახლ-კარისა და ქონების დაპატრონება. ალაგირზე პირველი თავდასხმა ოსთა შეიარაღებულმა რაზმებმა 1919 წლის 6 იანვარს მოაწყვეს, მაგრამ ქართველებმა წითელ გარნიზონთან ერთად უკუაგდეს ისინი. მეორე თავდასხმის მოგერიება კი შეუძლებელი შეიქნა: 1919 წლის 11 იანვარს მრავალრიცხოვანი შეიარაღებული რაზმები შეიჭრნენ ალაგირში და საშინელი ხოცვა-ჟლეტა მოუწყვეს ქართველებს, არ ზოგავდნენ ბავშვებსა და მოხუცებს. 75 წლის ალექსი ლობჯანიძე, პელაგია პოტიომკინა და მისი მცირეწლოვანი შვილები თოკებით შეკრეს, თავიანთ სახლებში ჩაკეტეს, ცეცხლი წაუკიდეს და ისე დაწვეს, ბევრი დახვრიტეს, ბევრს ყელი გამოჭრეს.

სწორედ ამ ამბების შედეგად აიყარა ალაგირიდან 300 ოჯახი და თოვლიან გზას გაუდგა. ბევრი ლტოლვილი გზაში დაიღუპა. თავდამსხმელებმა დაწვეს სახლები, გაანადგურეს და დაიტაცეს სურსათ-სანოვაგე, წაიყვანეს საქონელი, გაძარცვეს ეკლესია, თავდამსხმელთა უმრავლესობა ქართველთა მიერ მიტოვებულ ბინებში მოკალათდა, მათ ჭირნახულსაც დაეუფლა. კანონიერი მეპატრონეებისათვის სახლ-კარი შემდეგაც არ დაუბრუნებიათ⁶⁷.

აი ამ ლტოლვილებზეა საუბარი ვ. ი. ლენინისა და გ. ვ. ჩიჩერინის 1920 წლის 18 დეკემბრის დეპეშაში. ი. ვ. ანდროპოვის სახელზე გაგზავნილი საჩივრის ავტორებმა კი ეს ფაქტი სრულიად გაუქუღმართებულად წარმოაჩინეს. ალაგირელი ქართველების ტრაგიკული ისტორიის ცოდნას გარკვეული მნიშვნელობა აქვს საქართველოსა და ოსეთის ურთიერთობათა ზოგიერთი ჩრდილოვანი მხარის სრული წარმოდგენისათვის (ს. რეხვიაშვილი), ჩვენც

67 დაწვრ. იხ. სპარტაკ რეხვიაშვილის სტატია «ალაგირელ ქართველთა ტრაგედია», რომელიც «სახალხო განათლების» 1989 წლის 18 ოქტომბრის ნომერში გამოქვეყნდა. 5. „მაცნე“, ისტორიის სერია, 1990, № 4

მხოლოდ ამ მიზნით მოვიხსენიეთ ეს აღმავლობითი ფაქტი, რაც მუდამ შავ ლაქად დარჩება ქართველი და ოსი ხალხების ურთიერთობათა ისტორიაში. აქაც საჩივრის ავტორებმა გვაიძულეს.

გარდა აღნიშნულისა, საჩივარი ბევრ შეუსაბამობას შეიცავს, მაგრამ როგორ დავდლოთ მკითხველი ისეთ საყოველთაოდ ცნობილ ფაქტებზე საუბრით, როგორცაა, მაგალითად, რომ:

— 1920 წელს საქართველოს დემოკრატიული რესპუბლიკის შეიარაღებული ძალების მიერ სამხრეთ ოსეთის აჯანყების ჩაქრობის შემდეგ ჩრდილო ოსეთში გადავიდა არა 75000 სამხრეთელი ოსი ლტოლვილი, არამედ დაახლოებით 20000 (იხ. Известия Ю.—Осетинского научно-исследовательского Института краеведения, Выпуск II, Сталинир, 1935, с. 122, 127 და სხვ.).

— სამხრეთ ოსეთი საქართველოს შემადგენლობაში შედიოდა მუდამ და საქართველოს ცენტრალური აღმასრულებელი კომიტეტისა და სახკომსაბჭოს 1922 წლის 20 აპრილის დეკრეტმა ეს მხოლოდ დაადასტურა;

— „ჩვენი სახელმწიფოს ცენტრში“ იმ დროს მყოფი ქართველი ხელმძღვანელი მუშაკები (ალბათ ი. ბ. სტალინსა და გ. კ. ორჯონიკიძეს გულისხმობენ) ოსთა და საერთოდ არაქართველთა უკანონო პრეტენზიებსაც კი უფრო მეტი პატივისცემით ეპყრობოდნენ, ვიდრე ქართველთა სამართლიან მოთხოვნებს.

— ედუარდ შევარდნაძე თავის 1979 წელს გამოცემულ წიგნში, როცა საბჭოთა ხელისუფლებისათვის «საქართველოს მშრომელთა ბრძოლაზე» ლაპარაკობს, რასაკვირველია, სამხრეთ ოსეთის მშრომელებსაც გულისხმობს. ის სავსებით სწორად მიუთითებს, რომ საქართველოში მცხოვრებ ეროვნულ უმცირესობებს აქვთ საშუალება მშობლიურ ენაზე მიიღონ განათლება.

— საგაზეთო ცნობა იმის თაობაზე, რომ როცის ავტორტრასამ (ტრანსკავკასიის ავტოსტრადა) ჩრდილო ოსეთი საქართველოსთან დააკავშირა, არ შეიძლება ქართული „მოვინიშნისა“ და „ანტიოსური პოლიტიკის“ გამოვლინებად მივიჩნიოთ, რადგან სამხრეთ ოსეთის ავტონომიური ოლქი საქართველოს ნაწილია (ე. ი. ივგვე საქართველოა) თუმცა, ცხადია, არც ის იქნებოდა შეცდომა, თუ დაწერდნენ, ამ ავტოსტრადამ ჩრდილოეთ ოსეთი სამხრეთ ოსეთთან დააკავშირაო.

— 1926 წლის აღწერით სამხრეთ ოსეთის ავტონომიურ ოლქში ცხოვრობდა არა 130 000 ოსი (ანუ მოსახლეობის 21%), როგორც საჩივრის ავტორები წერენ, არამედ 60 351 ოსი (მოსახლეობის 69,1%) და 23 533 ქართველი (მოსახლეობის 26,9%).

კმარა. ქართველი ხალხის მიმართ საჩივარში წამოყენებულ უსაფუძვლო ბრალდებებზე უფრო ფართო მსჯელობა ცალკე საუბრის თემად მივიჩნიოთ. ამჟამად ჩვენი მთავარი ამოცანაა იმის დადასტურება, რომ რუსეთის სფს რესპუბლიკაში სამხრეთ ოსეთისა და ჩრდილოეთ ოსეთის გაერთიანების საკითხი გარკვეულმა ძალებმა, როგორც ზემოთ ვნახეთ, ჯერ კიდევ 1983 წელს (იქნებ ადრეც) დააყენეს სკკპ ცენტრალური კომიტეტის გენერალური მდივნის წინაშე. ასე რომ თანამედროვე ადამონიხასელები ამ ძალთა სულიერი მეგობდრენი არიან.

დიახ, ასეთ პრობლემებზეც გვიხდება დღეს საუბარი, სამწუხაროდ 20-იანი წლების ქართული საზოგადოებრივი აზრი თითქოს წინასწარ გრძნობდა



მომავალ გართულებებს. მან ხომ თავიდანვე საქართველოს ტერიტორიის მთლიანობის ხელყოფად აღიქვა სამხრეთ ოსეთის ავტონომიური ოლქის ხელოვნურად ჩამოყალიბება, რესპუბლიკის ტერიტორიაზე სხვა ავტონომიური ერთეულების შექმნა. თუმცა იგი ტრადიციას არ ღალატობდა და აუცილებლად მიიხნევედა საქართველოში მცხოვრებ ეროვნულ უმცირესობათა თუ ეთნიკური ჯგუფების უფლებათა დაცვას, მათ სამართლიან ეროვნულ-კულტურულ მოთხოვნათა დაკმაყოფილებას. მაგრამ არც იმის დავიწყება შეიძლება, რომ ცივილიზებულ საზოგადოებაში ეროვნულ უმცირესობებს უფლებებთან ერთად გარკვეული მოვალეობებიც უნდა ჰქონდეთ. ქართველ ხალხს არასოდეს არ უნდა მოეშალოს თავის გასაჭირში ეროვნულ უმცირესობათა თანადგომის იმედი. ეროვნული უმცირესობები კი ქართველ ხალხში მათს ქომაგს, დამცველსა და მფარველს უნდა ხედავდნენ. ეს უნდა იყოს ჩვენი ხალხების ურთიერთობის ამოსავალი წერტილი, რაც ყველამ უნდა შევიგნოთ. აქ ისტორიამაც ბევრი რამ უნდა გვასწავლოს. ისტორიის გაცვეთილები კი იმას მოწმობენ, რომ საბოლოოდ გონიერება იმარჯვებს უგუნურებაზე. ზღვარგადასული ემოციები როცა იქნება ჩაცხრება. ჩვენმა ხალხებმა კი ერთად უნდა იცხოვრონ. სხვა გზა არა გვაქვს. ჩვენ თავს ჩვენ თვითონ უნდა მოვუაროთ. სხვის იმედზე ყოფნა მდგომარეობიდან საუკეთესო გამოსავალი როდია. ურთიერთდათმობა, კომპრომისი, მიტევება და შერიგება, — აი რამ უნდა გადაკვარჩინოს და კვლავაც დაგვახლოვოს. ამაში უთუოდ დაგვეხმარება მართალი ისტორიის ცოდნა. უნდა ვიცოდეთ, თუ ვის, როდის, ვის მიმართ რა ცოდვა აქვს ჩადენილი. ისტორიული მესხიერება მერმისის განჰკერტასა და სამომავლო გაცვეთილების გამოტანას გავვიადვილებს. მაგრამ ისტორიიდან მხოლოდ ის უნდა ავიღოთ, იმას მივაქციოთ განსაკუთრებული ყურადღება, რაც გვაახლოებს ერთმანეთთან. ისტორიკოსის მთავარი ამოცანა ეს უნდა იყოს. თუმცა, სამწუხაროდ, ამ ნაშრომში ქართველ და ოს ხალხთა ურთიერთობის ნეგატიურ მხარეებზე მოგვიხდა საუბარი. მკითხველი ალბათ დარწმუნდა, რომ ჩვენ მხოლოდ თავს ვიცავთ, ვუპასუხებთ, ვცდილობთ მიუკერძოებლად და დოკუმენტურად დავასაბუთოთ უსაფუძვლობა ქართველი ხალხის მიმართ წამოყენებული ბრალდებებისა. აბა, როგორ არ უნდა ვთქვათ, მაგალითად, რომ სისასტიკე, რომელიც საქართველოს დემოკრატიული რესპუბლიკის შეიარაღებულმა ძალებმა გამოიჩინეს 1920 წელს ოსთა აჯანყების ჩაქრობისას, ვაპრობებული იყო კიდევ უფრო უღმობელი სისასტიკით, რომელსაც აჯანყებული ოსები იჩენდნენ ქართველთა მიმართ 1918—1919 წლებში. ასეთი უღმობლობის გამართლება არასაკადრისია კლასობრივი ბრძოლის თვალთახედვითაც. იგი ახალ კონფრონტაციამდე მიგვიყვანს.

საქართველოში მცხოვრები ეროვნული უმცირესობებისა თუ ეთნიკური ჯგუფებისათვის ძნელი გასაგები არ უნდა იყოს, რომ ქართველი ხალხი არასოდეს შეურიგდება საქართველოს ტერიტორიული მთლიანობის დარღვევას, ქართული მიწა-წყლის მიტაცებისა და სხვა სახელმწიფოსთან მიერთების მცდელობებს. ვინ ვინ და მით ხომ კარგად იციან საქართველოს ეთნიკური და დემოგრაფიული სიტუაცია, არც ის არის ძნელი მისახვედრი, რომ სწორედ ამ სიტუაციის გამო ქართველ ხალხს უკანდასახევი გზა აღარ აქვს. „მიდინართ ამოდენა გზაზე სამხრეთ საქართველოსკენ, აქეთ-იქიდან საუკეთესო მინდვრები, ველებია გადაშლილი, სოფლიდან სოფელში შედიხართ... გარშემო კი ქარ-

თულ მიწაზე ერთი ქართული სახლი არ მოიძებნება, ერთი ქართველი არ ჭკანებას, ერთი ღერი ქართული არ ისმის...“ (ირინა ტალიაშვილი). გულისშემძვრელია ეს ვითარება. ისიც ცხადია, რომ ამ რეალობამაც განაპირობა ქართული ეროვნული მოძრაობის აღმავლობა. შეცდომა, საბედისწერო შეცდომა იქნება, თუ ჩვენი ეროვნული უმცირესობები დაუპირისპირდებიან ამ მოძრაობას. ამით საერთო მტრის საქმე გაკეთდება. ქართული ეროვნული მოძრაობის პროგრამაში კი თვალსაჩინო ადგილი უნდა დაიკავოს რესპუბლიკაში მცხოვრები ყველა ხალხის ეროვნულ-კულტურულ სამართლიან მოთხოვნათა დაკმაყოფილებისათვის საქმიანმა ზრუნვამ.

ყველაფერი ისე უნდა გავაკეთოთ, რომ მომავალმა არ დაგვძრახოს. ვიფიქროთ, ყველამ ვიფიქროთ ამაზე. გავებით მოვეკიდოთ სხვათა გასაჭირსაც. დღეს არავის არ უღზინს. ჩვენი გაჭირვება, უმთავრესად, ავტორიტარიზმის, მბრძანებლურ-ადმინისტრაციული სისტემის ტოტალიტარული ბატონობის ეპოქამ მოიტანა. ნუ დავადანაშაულებთ ამაში რუს, ქართველ, აფხაზ, ოს თუ სხვა ხალხებს.

ნუ გვიწყენს ნურავინ, თუ ქართველი ხალხი მტკიცედ მოითხოვს, რომ საქართველოში მცხოვრებმა ეროვნულმა უმცირესობებმა პატივი სცენ ქართულ კულტურას, ისტორიას, ტრადიციებს, იზრუნონ რესპუბლიკის სახელმწიფო ენის — ქართული ენის დაუფლებისათვის.

ქართველი ხალხი იმსაც მოითხოვს, რომ არაქართველებით დასახლებული ქართული მიწა-წყალი არ გადაიქცეს ქართველთა და არაქართველთა დენაციონალიზაციის კერად. და ეს არავის არ უნდა აღიზიანებდეს...

ერთი სიტყვით, უნდა ვღიაროთ, რომ ეროვნული საკითხი ჩვენში ახალ გადაწყვეტას ელის. ეს არც არის გასაკვირი. ბუნებრივია, რომ წითელი არმიის მიერ ძალდატანებით გასაბჭოებულ საქართველოში იგი სამართლიანად ვერ გადაწყდებოდა. ამასთან დაკავშირებით, ვფიქრობთ, მკითხველისათვის ინტერესს მოკლებული არ იქნება ი. ბ. სტალინის აზრი, რომელიც მან, რკპ(ბ) XII ყრილობის მიერ შექმნილი ეროვნული საკითხის სექციის სხდომაზე გამოთქვა 1923 წლის 23 აპრილს. ლენინის (იგი სხდომას არ ესწრებოდა), ზოჯაევის, რაკოვსკის, ტროცკისა და სხვათა საპასუხოდ სტალინმა ამ სხდომაზე განაცხადა:

«...Тут говорили, что я мастер по национальным вопросам. Товарищи, я должен сказать, что никогда я на это звание не претендовал. Я дважды отказывался от доклада по национальному вопросу и оба раза мне единогласно приказывали делать доклад. Я скажу, что я несведущ в этих делах, кое-какие знания я имею в этом вопросе, но мне это надоело хуже горькой редки. Почему это обязательно Сталин должен делать доклад. Где это написано. Почему он должен отдуваться за грехи, которые творятся на местах. Это нигде не написано. Однако мне приказали и в качестве подневольного человека, я на съезде выступил, как докладчик. Это ответ тов. Ходжаеву...

2-я палата это не то же самое, что Наркомнац. Я два года дрался за уничтожение Наркомнаца и получил отказ. Это орган, ничего не делающий и тормозящий работу. Меня не



освобождали от наркомства. Я и здесь был подневольным человеком. Все-таки то, что я предложил, это не есть наркомнац. Наркомнац — комиссариат агитационный, никаких административных прав наркомнац не имеет, а предлагал создать 2-ю палату... Вот узда (2-я палата) против великорусского шовинизма... У тов. Раковского неясность по национальному вопросу. Вы полагаете, что если НКИД в республиках будет упразднены, а на этом настаивает тов. Ленин, чтобы они были слиты (голос: объединены)... извините, никакого союза у нас не будет, если у каждой республики будет свой наркоминдел.

Тов. Ленин забыл, он много забывал в последнее время. Он забыл, что вместе с ним мы принимали основы Союза (голос — он не был на пленуме). Тов. Ленин забыл резолюцию, принятую на октябрьском пленуме о создании союза, где говорится о влиянии 5-ти комиссариатов, объединении пяти и оставлении нетронутыми 6-ти комиссариатов. Это тов. Ленин принял и утвердил. Затем это внесли в ЦК, который тоже это утвердил. Я готов представить любой документ.

Вы скажите прямо, тов. Раковский, что вы против объединения, это я пойму. У Вас сорвалась фраза — конфедерация, Вы не за Союз, а за конфедерацию. Это я пойму. Вы скажите прямо, что Вы требуете того, чтобы в Донбассе руководила не центральная власть, а украинская (Раковский — неправда). Пока Вы этого не скажете, я Вам отвечать не буду. Относительно конфедерации, я хотел рассказать историю.

Я был на фронте, на Юге, тов. Ленин перед 2-м конгрессом Коминтерна прислал свой проект по национальному вопросу и просил меня отозваться, также как и других. Там говорилось, что мы, Коминтерн, будем добиваться федерирования национальностей и государств. Я тогда сказал, это все хранится в архивах ЦК, — не пройдет это. Если Вы думаете оставаться в рамках федерирования национальностей старой России, — это еще понятно, но если Вы думаете, что Германия когда-либо войдет к Вам в федерацию на правах Украины, — ошибаетесь. Если Вы думаете, что даже Польша, которая сложилась в буржуазное государство со всеми атрибутами войдет в состав Союза на правах Украины, — ошибаетесь. Это я говорил тогда. И тов. Ленин прислал грозное письмо — это шовинизм, национализм, нам надо Центральное мировое хозяйство, управляемое из одного органа.

Старый ленинист Раковский склоняет и спрягает фамилию товарища Ленина, но не мешало бы ему посмотреть кое-какие документы о конфедерации. Вы, товарищ Раковский,

должны знать, что по вопросу о конфедерации даже в рамках международных, тов Ленин стоял решительно против...

Нельзя обижать националов, нельзя поляка называть полячком, туркестанца называть татарской лопатой, нельзя грузина назвать кавказским человеком. Да, поляка нельзя называть полячком, а ковырять Польшу штыком можно? Прощупать Польшу штыком можно? Оказывается, что с точки зрения национального самоопределения это сделать можно. Нельзя туркестанца назвать татарской лопатой, хорошо, оставлять там войска русские можно? Тов. Троцкий сказал кусочек правды. Но не всю правду, а вся основа в этом. Нельзя (не разборчиво — Л. Т.) человека назвать кавказским человеком, а оставлять там войска с точки зрения национального самоопределения можно? Нельзя бухарца называть — я даже не знаю как его назвать — но вводить туда свои войска можно? С точки зрения определения прав национальностей этого делать нельзя. В чем же дело? В том то и дело, что в национальном вопросе есть свой предел. Это важный вопрос, но есть другой более важный вопрос, о власти рабочего класса. Вот в чем дело. Мы обязаны проводить в жизнь принцип самоопределения народов, безусловно, но кроме этого есть право рабочего класса на свою власть...

Вы должны честно и открыто сказать всем националам (национал, кажется, теперь ругательное слово), что мы иногда вынуждены идти против права самоопределения национальностей, против их интересов, за сохранение рабочими своей власти.

В этом не вина, а беда наша. И те, которые здесь охотно раздают обещания, должны это сказать честно, что мы нарушаем право на самоопределение и не можем не нарушать. Ибо вопрос национальный есть подчиненный вопрос в отношении к вопросу рабочему. Вам нужны цитаты из книги тов. Ленина? Я могу представить сколько угодно цитат. Национальный вопрос у тов. Ленина есть вопрос подчиненный высшему вопросу — рабочему вопросу. ...к поправке тов. Троцкого я вношу дополнение — чтобы начать формирование национальных частей, грузинских, армянских, азербайджанских, украинских и т. д. Нельзя, конечно, торопиться, так как было в Грузии, но начать это дело постепенно и подсесть основу недовольства в республиках, которое там имеется, выведя наши войска. Первое требование самоопределения — это вывод войск. Сейчас мы себе этой роскоши позволить не можем. Вот в чем беда. Если вывести войска из Грузии, туда войдут турки, пострадает революция»⁶⁸.

ძვირფასი დოკუმენტია. იგი ერთხელ კიდევ გვიდასტურებს, რომ ი. ბ. სტალინს XII ყრილობაზე „უჭირდა“. მის ველიკორუსულ პოლიტიკას „ნაციონალები“ დაუპირისპირდნენ. ი. ბ. სტალინის მოწინააღმდეგეთა შორის მთავარი ადგილი ეჭირა ქართველ კომუნისტთა ერთ ჯგუფს, რომელსაც მაშინ ვ. ი. ლენინიც უჭერდა მხარს. ვ. ი. ლენინს ამ დროს უკვე დაწერილი ჰქონდა ცნობილი ნაშრომი „ეროვნებათა საკითხისათვის ანუ «ავტონომიზაციის» შესახებ“. ამ ნაშრომსა და ვ. ი. ლენინის სხვა ბოლოდროინდელ დოკუმენტებში შეატრადაა გაკრიტიკებულ ი. ბ. სტალინი, ფ. ე. ძერჟინსკი და გ. კ. ორჯონიკიძე. ვ. ი. ლენინი მათ „გარუსებულ სხვატომელებს“ უწოდებს და ბრალსა დებს ეროვნებათა მიმართ ველიკორუსული სულსკვეთების გამოვლინებაში. ი. ბ. სტალინისათვის ყველაფერი ეს ცნობილია. მან თავი უნდა იმართლოს. ამიტომ იგი იძულებულია ყველაფერი ბოლომდე თქვას და შეუღამაზებლად წარმოაჩინოს საბჭოთა კავშირში ეროვნული საკითხის გადაწყვეტის პრაქტიკა. ი. ბ. სტალინი აღიარებს და მარქსისტული დოქტრინის საფუძველზე ამართლებს კიდევ, რომ რევოლუცია ზოგჯერ იძულებულია არათუ პატივი არ სცეს ერთა თვითგამორკვევის უფლებას, არამედ გაილაშქროს კიდევ მის წინააღმდეგ. ი. ბ. სტალინი ვ. ი. ლენინსაც გადასწვდა. საქმეში ჩახედული მკითხველი უთუოდ მიხვდება, რომ ი. ბ. სტალინის მიერ დამოწმებული სიტყვები, პოლონელის, ქართველის, თურქესტანელისა თუ სხვა ხალხების წარმომადგენელთა ეროვნული ღირსების შელახვის დაუშვებლობას რომ ენება, ვ. ი. ლენინს ეკუთვნის (იხ. ვ. ი. ლენინი, თხზ., ტ. 36. გვ. 692). ი. ბ. სტალინიც, რასაკვირველია, დაუშვებლად მიიჩნევს „ნაციონალთა“ სიტყვიერ შეურაცხყოფას. აქ ის ეთანხმება ვ. ი. ლენინს. მაგრამ ამასთან იგი აღნიშნავს, რომ „ნაციონალთა“ ეროვნული ღირსების, მათი უფლებების უფრო მეტი შელახვა სწორედ მაშინ მოხდა, როცა წითელი არმია პოლონეთს ხიშტით მიადგა, საქართველოსა და თურქესტანში კი დაუპატიჟებლად შევიდა და დარჩა. აქვე უნდა ითქვას, რომ ი. ბ. სტალინი როდი გმობს წითელი არმიის ნამოქმედარს. პირიქით, იგი ვ. ი. ლენინთან და სხვებთან ერთად, თვით გახლდათ დასახელებული ქვეყნების მიმართ წითელი არმიის მიერ განხორციელებული აქციების ერთ-ერთი სულისჩამდგმელი და ორგანიზატორი. ი. ბ. სტალინმა უბრალოდ ის დაადასტურა, რომ ერთიც დაუშვებელია და მეორეც, მაგრამ სხვა გამოსავალი არა გვაქვსო... სხვა გამოსავალი მაშინ ვერ „იპოვეს“. იგი მალე უნდა გამოინახოს.

* * *

აქვე დანართის სახით მკითხველს ვთავაზობთ რამდენიმე დამახასიათებელ (ზოგჯერ ურთიერთსაწინააღმდეგო) მასალას 1920 წლის ქართული პრესიდან. ვფიქრობთ, ეს მასალები დაგვეხმარება სამხრეთ ოსეთის 1920 წლის აჯანყების ხასიათის გარკვევაში (დანართი განკუთვნილი იყო ქურნალის წინა ნომრისთვის, რომელშიც ტექნიკური მიზეზების გამო ვერ გამოქვეყნდა).

გ ა ხ ე თ ი „სახალხო საქმე“. 1920 წლის 23 მაისი. გლეხიშვილის სტატია „ბოლო უნდა მოეღოს“.

„არაერთხელ წაგვიკითხავს გაზეთებში ცხინვალისა და როკის რაიონებში სამხედრო მოქმედების თაობაზე. წაგვიკითხავს და ცოტა არ იყოს გაგვეკვირებია: განა რა მოხდა ამ პირობებით, რომ აქ ჩვენი ჯარები დარაზმულან. არაფერი ბატონებო, მე აქ ვცხოვრობ ზუღმოდ და ერთხელაც ვერ ვნახე თათრების, ან ლეკების, ან სხვა რომელამე მტრის ჯარები, თუმცა ჩვენები კი ბევრჯერ მეტყვიან: მაშ ვინ აიკლო ცხინვალი 1918 წ. მარტში ვინ გადასწვა იგი, ვინ მოიტაცა მშრომელი ხალხის ქონება და მისი ვაი-ვაგლახით შეძენილი ავღადიდებო? ვინ და ჩვენი რესპუბლიკის უმადურმა შვილებმა. ეს უმადური შვილები არიან თავისი ცრუინტელიგენტების მიერ თავგზა არეული ოსები. ამ ცრუ-ინტელიგენტებს არ მო-

ეწონათ ჩვენი დამოუკიდებლობის გამოცხადება, რადგან ამით თბილი ადგილები ეკარგებოდათ და დაიწყეს ჩრდილოეთისაკენ ყურება და მისი იმედებით ცხოვრება.

ცხინვალის ოს-ინტელიგენტებს ზოგიერთი დაშნაკლებიც უჭერდნენ მხარს და დამეგობრებულბმა იწყეს ხალხში პროვოკაციის გავრცელება საქართველოს წინააღმდეგ. აიარაღებდნენ ხალხს, ემზადებოდნენ რაღაც ამბებისათვის და იყენენ ერთ ამბავში. არა ერთსა და ორს ოსს უთქვამს, რომ ყველა მამაკაცი დავალებულია შეიძინოს იარაღი და ვინც თავისი ნებით არ შეიძენს, იმას ძალათ გაუყიდიან ძროხას ან ხარს და შეაძენინებენ იარაღსო. აგიტაციამ და პროვოკაციამ თავისი საქმე გააკეთა, ხალხი არიგ-დარია. როცა შინაური არეულობით და გარედან მტრის მუქარით ისარგებლეს, დაესხნენ ცხინვალს და ააწიოკეს. ლაზუნგი ასეთი იყო: „ქარბინ ბახარ მცხეთა!“ (პური ეჭამოთ მცხეთაშიო). მაგრამ ეს მათი ავანტიურა მათთვისვე ზარალით დამთავრდა. მაშინ ჩვენი სამხედრო ძალის საუკეთესო ნაწილი აქ იყო დაბანდებული, ბათიში კი ჭერი კიდევ გაუწვრთნელის, ახალგაზრდა გამოუცდელი ჯარის ანაბარად იყო.

მას შემდეგ არა ერთხელ და ორჯელ შეუჩოჩოლებია ცხინვალი ოსეთს. რა წამს რომელიმე ძალას დანიახავდნენ ჩვენს წინააღმდეგ მომართულს, მაშინვე თვითონაც საშხადის შეუდგებიან და აბა ცხინვალელებს, იყავით შიშში და ვიი-ვაგლახში. ბოლშევიკები ვართ, კარგია ღმერთმანი, ბოლშევიკებმა ყველა ის, ვისაც კი საქართველო სძულს, და ნეტავი მაცოდინა, რატომ სძულდ ოსებს საქართველოს რესპუბლიკა? ხარჯებს ისინი არ იხდიან, საღდათად არ მიდიან, რესპუბლიკას არაფრით ეხმარებიან და ყოველისყვეს კი სარგებლობენ. აუარებელი ხარჯები მიდის მათზე და ვანა იმიტომ, რომ მტრულად იყენენ ყოველსაც დენიკინი იყო კავკასიაში, ისინი ღენიკინთან გარბოდნენ, ბოლშევიკები არიან და იმათთან გარბიან. ეს ყოველისფერი კი მათი ინტელიგენციის საქმეა, თორემ მე ხალხისაგან ხშირად ვამიგონია გულწრფელი ჩივილი: დაგვანებონ თავი, ჩვენ არაფერი გვაქვს საჩხტობი და სადვიდარაბოვო. დიან, ვიტყვი და მიუღამ ვამბობ, ეს მათი ინტელიგენციის საქმეა. ცხინვალში გასწესეს სკოლა ასე წოდებული „Ирон гимназ“, სადაც მხოლოდ რუსულ ენაზეა სწავლება, აქ, რა თქმა უნდა, ოსის ბავშვები არიან და ბევრმა დაშნაკლებმა თავისი შვილი მიავყვანა ამავე „Ирон гимназ“-ში, თუმცა თვითონ [მას] კი საქართველო „ემსახურება“ და ჯამაღებებს, საქართველოს ხაზინიდან იღებს. პო, და ია სასწავლებელში ისე მოწამულს (ღღანძვია — „მოსწავლეს“ — ლ. თ.) ახალი თობა, რომ დაფარულმა სიძულვილმა ბოშვებში იჩინა თავი და მათ კიდევ წაუკიდეს შერობას ცეცხლი, სადაც ცხინვალის უმაღლეს დაწყებით სასწავლებელია მოთავსებული. ეს კიდევ არაფერი, რომელიც მოზრდილები იყვნენ გაიქცნენ ამ ცოტა ხანში კავკავში და ბოლშევიკებს შეუერთდნენ. რა თქმა უნდა მათ სოციალიზმისაკენ კი არ უნდოდათ წასვლა, არამედ ცხინვალისაკენ და, საერთოდ, საქართველოს წინააღმდეგ. მათი ნშობლები კი არჩინიან დასეირნობენ ცხინვალში.

ეხლა კიდევ სდგას ჭარი ცხინვალში და მიემგზავრება ჯავა-როკში. მე მგონია ეხლა კი უნდა უკანასკნელად გადაწყდეს საკითხი: ვისთან გვაქვს საქმე, თუ ყაჩაღებთან გვაქვს, მაშინ ყაჩაღების წინააღმდეგ ჩვენ ომს არ ვიწყებთ, მხოლოდ მათ სასტიკადა ვსჯით და თუ მტრის წინააღმდეგ, მაშინ მათ ჩვენი რესპუბლიკის ფარგლებში ყოფნა არა სდომიათ და მათი გამოსვლები ისე უნდა აიხსნას, როგორც ომის გამოცხადება.

ასეთ გარეგნობაში ყოფნა კი, როგორც აქამდე იყო, ყოველად შეუძლებელია, ვინაიდან ყოველთვის წინააღმდეგ მათი და კანკალით შოელიან ცხინვალის მცხოვრებლები ან დღეს ჩამოვლენ ბრბობები და აგვაწიოკებენ ან ხეალოა“.

გაზე თი „ერთობა“. 1920 წლის 12 ივნისი — „ისევე ოსებზე“ (სტატია ხელმოუწერილია).

„ოსები კვლავ ამოძრავდნენ. ისინი ფიქრობენ საქართველოს რესპუბლიკის დანგრევას და ჩვენს „ჩამორჩენილ“ კუთხეებში თავისი კულტურის შეტანას. ამ „კულტურის“ მეტაურნი არიან ყოფილი ძველი მოხელეები, ხოლო სახელმწიფოებრივი ორგანიზაციის საძირკველი ძველი, ჩვენს ხალხში საქმარისად ცნობილი „სტრანეიკები“. მათ ეჯავრებათ ჩვენი დემოკრატია, რომელმაც დაამხო ძველი წესწყობილება. მათ სძულთ ჩვენი რესპუბლიკა, რომელიც მათ აღმზრდელ და მასზრდობელ რუსეთის თვითმპყრობელობის სრულ წინააღმდეგობას წარმოადგენს. ამ სამი წლის განმავლობაში, ჩვენი რესპუბლიკის სხვადასხვა კუთხეებში, ძველი შისიოლოგიით და სულისკვეთებით გაყვნილილი წრეებმა რამოდენიმეჯერ მოახდინეს შეიარაღებული გამოსვლები. რესპუბლიკამ ბოლო მოუღო მათ გამოსვლებს და ყველგან დემოკრატიული წეს-რიგი დაამყარა. ოსებს კი ვებოდიშებოდით. გეგგონა, რომ შეიგნებდნენ თავიანთ მოვალეობას რესპუბლიკის წინაშე. ამ ორი წლის განმავლობაში მათ ერთ ჯარის კა-

ცი არ მოუციათ სახელმწიფოსათვის. ერთი შაური არ შეუტანიათ რესპუბლიკის ხაზინაში და როგორც პარაზიტები ცხოვრობდნენ რესპუბლიკის დანარჩენ მოქალაქეების ხარჯზედ. ეს მათ არ ეკმარეს, როგორც ეტყობა, მათ მეთურებს გადაუწყვეტიათ, რომ უკეთესი იქნება, რომ მოსაგებიც, თუ ცხინვალის რაიონში მცხოვრებ ქართველ დემოკრატებს დაიმონებდნენ, მათ ქონებას ხელში ჩაიგდებდნენ და ჩვენ მოქალაქეებს ხარკს დაადებდნენ კონტრიბუციის სახით ყოველდღიურ ხარჯებისათვის.

იმ აღმანიებებს, რომელთაც ამ ორი წლის განმავლობაში არავითარი ვალი არ მოუხდიათ რესპუბლიკის წინაშე, სურთ ჩვენი მშვიდობიანობის სიყვარული ბოროტად გამოიყენონ. დღეს რესპუბლიკამ უნდა სთქვას „ამარა“. და მთელი თავისი სიძლიერით უნდა შეაგნებოს თავ-ამგებულ ბრბოებს, თუ რას ნიშნავს რესპუბლიკანური წეს-რიგის დაცვა და მოქალაქის ელემენტარულ მოვალეობის ასრულების საპირობა. აჯანყებულ ოსებს მეთურობენ ჩრდილოეთიდან მოსული შეიარაღებული მოყაჩაღე ბრბოები. ასე ესმით კავკასიის კომუნისტებს ხელშეკრულების ასრულება. ჩვენ გვარწმუნებენ, რომ მოსკოვის მთავრობამ ეს არ იცის, რომ ის წინააღმდეგია თავისი „პერიფერიების“ ამნაირ გამოსვლებისათვის. შეიძლება მართლაც ტაქტიკური მოსახრებით დღეს არ უნდოდეს მოსკოვს გამაწყვავის დამოკიდებულება ჩვენს რესპუბლიკასთან. თუ ეს ასე არის, მით უარესი მოსკოვის მთავრობისათვის. მაშასადამე, მას არ შესწევს ძალა ალაგმოს მისი ბანდები. რესპუბლიკის მთავრობა ერთხელ და სამუდამოდ ალაგმავს ქვეყნის მოლაღატეებს. ის ვალდებულია სამუდამოდ ბოლო მოუღოს ამ ვანდების.

ის მკაცრი ზომები, რომელსაც ჩვენი რესპუბლიკა იძულებული ხდება მიმართოს მესამეთ აჯანყებულ ოსეთის რაიონის ასალაგმავათ, იქნება წმინდა თვალდაკრული აქტი ჩრდილოეთიდან შემოჭრილი მტრის წინააღმდეგ, ეს იქნება მოძალადებთან და მტარვალებთან ბრძოლა ადგილობრივ მცხოვრებთა დასაცავათ, რესპუბლიკის და დემოკრატიის დასახსნელად.

გ ა ზ ე თ ი „კ. მ. უ. ნ. ს. ტ.“. 1920 წლის 13 ივნისი. „ყველას
გ ა ს ა გ ა რ ნ ა თ (ს ა მ ხ რ ე თ ო ს ე თ ი ს ა ჯ ა ნ ყ ე ბ ნ ი ს გ ა მ)“.
ს ტ ა ტ ი ა ხ ე ლ მ ო უ წ ე რ ე ლ ი ა

„ოსეთი კვლავ აჯანყდა და თავის შინ მან საბჭოთა ხელისუფლება (მთავრობა) გამო-აცხადა; ის ისწრაფვის ეროვნული თვითგამორკვევისაკენ. ასეთი აჯანყება იქ დაახლოებით ამ ორი უკანასკნელი წლის განმავლობაში მესამეჯერ ხდება. აქედან აშკარაა, თუ რანაირ სერიოზულ მოვლენასთან გვაქვს ჩვენი აქ საქმე. თითოეული პოლიტიკური პარტია ვალდებულია ნათლად და გარკვევით გამოთქვას თავისი დამოკიდებულება ოსეთის აჯანყების შესახებ. თავისთავად იგულისხმება. რომ საქართველოს სხვადასხვა ბურჟუაზიულ-ნაციონალისტური პარტიების დამოკიდებულება იმ წერილ ეროვნებათა ნაციონალური თვითგამორკვევის საკითხთან, რომლებიც საქართველოს ტერიტორიაზე ცხოვრობენ, წინდღწივლ ყველასათვის აშკარაა: ეს პარტიები არავითარ თვითგამორკვევის უფლებას არ ცნობენ არა თუ საქმით, არამედ სიტყვითაც კი და ამიტომ ისინი გადაჭრით ძალადობის მომხრენი არიან და ითხოვენ, რომ სამხრეთ ოსეთის აჯანყება იარაღის საშუალებით იქნას ჩაქრობილი. ნათელი და აშკარაა აგრეთვე საქართველოს კომუნისტური პარტიის დამოკიდებულება ამ აჯანყებასთან, რომელსაც მიზნით აქვს დასახული ეროვნული თვითგამორკვევა კომუნისტების პროგრამა ყველას გასაგონათ ამბობს, რომ ყველა ეროვნებას აქვს უფლება ნაციონალური თვითგამორკვევისას სრულ გამოყოფაზე და ცალკეულ სახელმწიფოს დაარსებამდე. მაშასადამე ამ უფლებას ვერ წაართმევენ ჩვენ ვერც ოსეთის სამხრეთ ოსეთის მცხოვრებთ, რამდენადაც მათ ვანსაზღვრულ ტერიტორია უჭირავთ და რამდენადაც ისინი სხვა ეროვნებათა ტერიტორიას თავს არ ესხმინან. ამას თხოულობს ნამდვილი, კომპარტი დემოკრატიზმის პრინციპი, და ამიტომ ნაციონალური მოძრაობის ყოველივე ძალდატანებითი ჩაქრობა დაუშვებელია და დასაგმობია.

ასეთია ორი ერთი მეორეს ძირიანათ საწინააღმდეგო შეხედულება კონკრეტულათ ოსეთის ხალხის თვითგამორკვევაზე. პირველი შეხედულება სასველით გაიზატავს ბურჟუაზიის იმპერიალისტურ სულისკვეთებას, მეორე დგას პროლეტარიატის თვალთახედვის წერტილზე და ეყრდნობა მუშათა ინტერნაციონალის საფუძველზე. მაგრამ არის კიდევ მესამენაირი დამოკიდებულება სამხრეთ ოსეთის აჯანყებასთან, რომელიც სიტყვით სცნობს ერთა თვითგამორკვევის უფლებას, მაგრამ საქმით მას უარყოფს. ასეთია ერთეულ მენშევიკების დამოკიდებულება სამხრეთ ოსეთის საკითხთან. სიტყვით ეს პარტია სცნობს ერთა თვითგამორკვევის, მაგრამ საქმით ის როგორც მმართველი პარტია საქართველოში, ისეების ნაციონალური მოძრაობას ძალდატანებით აქრობს. ჩვენ ვამბობთ, რომ მენშევიკების ასეთი პოლიტიკა ვერ გამარ-

თლდება მუშათა ინტერნაციონალის პრინციპებით; მისი გამართლება შეიძლება მხოლოდ კაპიტალისტური ან იმპერიალისტური იდეოლოგიით.

მენშევიკების გახეობა „იბრბა“ და „ერთობა“ ენერჯულატ შეუდგენენ ასეთი პოლიტიკის გამართლებას. კიდევ მეტი ისინი მოითხოვენ რომ ჩვენ, კომუნისტებმა, დაედასტუროთ ეს ძალმომრეობის პოლიტიკა წვრილ ერთა მიმართ. მენშევიკებს გონიათ, რომ ჩვენ განგებ არაფერს ვაძებთ აქამდის, მაგრამ ჩვენ არა ვართ ჩვეული სიჩუმეს, როცა ეს საჭიროა, მით უმეტეს ასეთ საკითხში.

თავის პოლიტიკას სამხრეთ ოსეთის შესახებ მენშევიკები ამართლებენ შემდეგი საბუთებით: 1) სამხრეთ ოსეთის თვითგამორკვევა ნიშნავს საქართველოს დამოუკიდებლობის წინააღმდეგ გალაშქრებას. 2) ოსეთის შეიარაღებული აჯანყება საქართველოს რესპუბლიკის წინააღმდეგ რუსეთთან საზავო ხელშეკრულების დარღვევაა; 3) ოსეთის მოძრაობა, ეს ჩამორჩენილი კუთხის მოძრაობაა, ისაა მოძრაობა საშუალო საუკუნოების ახალი დროის დემოკრატიის წინააღმდეგ, რასაც საქართველოს დემოკრატიული რესპუბლიკა წარმოადგენს, ერთი სიტყვით, ოსეთი ქართული ვანდელა, რომელიც რევოლუციის და დემოკრატიის სახელით დასჯილი და დამარცხებული უნდა იქნასო. ვერც ერთი ამ საბუთთან კრიტიკას ვერ უძლებს. რით უნდა შეუშალოს ხელი პატარა ოსეთის თვითგამორკვევამ შედარებით დიდ საქართველოს დამოუკიდებლობას. აშკარაა, თუ დიდი რუსეთის არსებობა, ხელს არ უშლის პატარა საქართველოს არსებობას, ის პატარა ოსეთის არსებობა ხელს ვერ შეუშლის საქართველოს არსებობას, რომელიც სრულებით არ საჭიროებს პატარა ოსეთის ტერიტორიას. მეორე მხრით, საბჭოთა რუსეთთან დადებული ხელშეკრულება აქ არაფერ შუაშია. საბჭოთა რუსეთმა, თანახმა მის მიერ აღსაჩებულ პრინციპსა ეროვნული თვითგამორკვევის უფლებისა, მან იცნო საქართველოს სახელმწიფოს დამოუკიდებლობა, მან უარი განაცხადა მის ყოველგვარ სუვერენულ უფლებებზე, მის შინაურ საქმეებში ჩარევაზე. მაგრამ ეს სრულებით არ ნიშნავს იმას, რომ საქართველოს ტერიტორიაზე მცხოვრებ სხვა წვრილ ეროვნებათ, როგორც არიან თუნდაც ოსები, ეროვნული თვითგამორკვევის უფლება ამ ხელშეკრულების ძალით აღარ აქვთ. ამის მტკიცება პირდაპირ ამსურლია. მაგრამ მენშევიკები ამბობენ, რომ აჯანყებას საიდუმლოთ ხელი შეუწყობ და დაეხმარა საბჭოთა რუსეთით. მაგრამ ოსეთი წინათაც ორჯერ აჯანყდა, როცა საბჭოთა რუსეთს მისთვის არავითარი დახმარების აღმოჩენა არ შეეძლო და რათ არ უნდა წარმოვიდგინოთ, რომ ახლაც ის დამოუკიდებლათ აჯანყდა? მაშასადამე, საზავო ხელშეკრულების არავითარ დარღვევას აქ ადგილი არ აქვს. მაგრამ მენშევიკებს აქვთ კიდევ მესამე საბუთი.

ოსეთი, იმათი აზრით, წარმოადგენს საქართველოს ვანდელს, ის იბრძვის რევოლუციის წინააღმდეგ, ის იცავს საშუალო საუკუნოების წეს-წყობილებას, მას აქვს მტაცებლობითი და ყმადური ხასიათი; და გარდა ამისა, ოსეთის აჯანყებამ ვერ წამოაყენა ვერავითარი ლოზუნგი, ვერც ნაციონალური და ვერც სოციალური. ჯავის აჯანყებულთ არასოდეს არ წამოუყენებიათ თავის დროზე რაიმე გარკვეული და განსაზღვრული ლოზუნგები, რომელთა სახელით ისინი იბრძვიან; ისინი იღებენ მათთვის სრულებით უცხო და გაუგებარს ლოზუნგებსო და სხვ. ყველა ამის ძალით საქართველოს დემოკრატია, მენშევიკების აზრით, ვალდებულია ჩააქროს ჯველ ოსების მოძრაობა იარაღის საშუალებით. რომ სამხრეთ ოსეთი საქართველოსათვის ის წარმოადგენს ვანდელს, რომ ის არ იბრძვის რევოლუციის წინააღმდეგ, ეს ყველასათვის აშკარაა, მაგრამ ყველაზე უფრო გაუგებარია აქ ის, რომ ოსეთის მოძრაობას თითქო არავითარი ლოზუნგი არ წამოუყენებია. როგორც ჩანს ბოლშევიკური კომუნისტური ლოზუნგები, ლოზუნგები საბჭოთა ხელისუფლებისა, მენშევიკებისათვის ლოზუნგები არაა, ვინაიდან ეს ლოზუნგები მათ არ მოსწონთ. მენშევიკები ვერ უარყოფენ იმ ფაქტებს, რომ სამხრეთ ოსეთი საბჭოთა მთავრობის დროშის ქვეშ იბრძვის, მაგრამ ეს მისი უფლებაა. ისე, როგორც ქართველი დემოკრატია მოითხოვს თავის თვითგამორკვევას და წინააღმდეგობას უწყევს ყველა იმათ, ვინც მათ ძალით თავს ახვევს თავის ნებისყოფას, ისევე ჯავის ოსებს სრული უფლება აქვთ ქვეშობილი დემოკრატიზმის სახელით მოითხოვონ რომ ძალდატანებით მათ ნურავინ მოახვევს თავის ნების ყოფას.

— თქვენ არ მოგწონთ საბჭოთა პრინციპები, მაგრამ ნება მოგვეცით ჩვენ შინ განვხორციელოთ ეს პრინციპები — იი რას ამბობენ და რას მოითხოვენ საქართველოს დემოკრატიისაგან ჯავის ოსები.

ერთი სიტყვით, შეიარაღებული ძალით ჯავის მოძრაობის ჩაქრობა არ მარაღდება საერთაშორისო სოლიდარობის პრინციპებით, ეს ეწინააღმდეგება მუშათა ინტერნაციონალის ჯე-

ლა საუკეთესო იდეებს. პარტიას, რომლის პროგრამაში ერთა თვითგამორკვევის უფლებაა აღიარებული, არ შეუძლია ოსეთის ხალხის თვითგამორკვევას შევბრძოლოს ტლანჭი ძალით. ეს იქნება თავისი პროგრამის უარყოფა, ეს იქნება დანაშაული ინტერნაციონალური პროლეტარიატის წინაშე.

მეზობელ ხალხთა ძმური სოლიდარობის სახელით, ჩვენ ვთხოვლობთ, რომ ოსებზე ძალდატანება არ იქნას ხმარებული, რომ ამ ნიადაგზე არ დაიღვაროს ქართველ და ოს მუშების და გლეხების სისხლი. თუ მართლა არსებობს ერთა თვითგამორკვევის უფლება, თუ მენშევიცებს არ ამოუშლიათ ეს უფლება თავის პროგრამიდან, იმათ არ აქვთ არავითარი საფუძველი ოსეთზე ძალდატანების გაცხადებულბათ. ამას თხოვლობს არა თუ სოკიალიზმის, არამედ უბრალო დემოკრატიზმის პრინციპი. და გარდა ამისა ამასვე თხოვლობს ოსეთის საქართველოს დამოუკიდებლობის ინტერესი იმ დროს, როცა ამ დამოუკიდებლობას გარეშე მტრები ემუქრებიან, ვინაიდან ასეთ დროს საჭიროა, რომ მას ზურგი გამაგრებული ქონდეს და არ საჭიროებდეს იმ სამხედრო ძალების დაბანდებას. საქართველოს ინტერესები თხოვლობენ, რომ ოსეთთან ის მეგობრულ განწყობილებაში იყოს, და ის შესაძლებელია მხოლოდ იმ შემთხვევაში, თუ რომ საქართველოს დემოკრატია იცნობს ოსების ეროვნულ თვითგამორკვევას. თუ ასეთი ცნობა არ მოხდა, თუ ოსეთის აჯანყება უხეში ძალით იქნა ჩაქრობილი, მაშინ მთელი პასუხისმგებლობა ამ ძმთა შორის სისხლის ღვრაში თავს დაატყდება საქართველოს მენშევიკების პარტიას და სხვას არავის. ეს კიდევ არაფერი. ამით საფრთხეში შევარდება თვით საქართველოს დამოუკიდებლობა, რომლის დაცვას თითქო ასე ენერგიულათ ცდილობენ მენშევიკები. მათ ძირის სისხლის მღვრელი თმი მოძმე ხალხთა შორის, და გაუმარჯოს ძმურ, სოლიდარულ განწყობილებას! გაუმარჯოს ერთა თვითგამორკვევის უფლებას“.

გ ა ზ ე თ ი „ე რ თ ბ ა“. 1918 წლის 15 ივნისი.
„ი ი დ ე ე ო ს ე თ ე“ (ს ტ ა ტ ი ა ხ ე ლ მ ო უ წ ე რ ე ლ ი ა)

„ბოლშევიკებმა ხმა ამოიღეს. მათ თქვეს თავის გულის ნადები, მაკრამ ისე, როგორც შეფერის მათ იდეურძობას.

ისინი წინააღმდეგი არიან, რომ საქართველოს ჯარმა იარაღით გასცეს პასუხი აჯანყებულ ჯავის ხელებს. რათა? იმიტომ ხომ არა, რომ ეს აჯანყება თითონ მათ მოაწყვეს და მათი ლოზუნგების საფარველ ქვეშ დააყენეს ის ნასტრაფიკალი და ნაპრისტავალი ხელმძღვანელები, რომელნიც ყაჩაღებთან ერთად ამყარებენ ცხინვალის რაიონში ბალშევიკურ „სოციალიზმს“?

ერთა თვითგამორკვევის — ამ დიდი იდეის სახელით ამართლებენ ბალშევიკები ოსების მუხანათურ თავდასხმას.

ოსები თავს დაგვესხნენ მაშინ, როცა, ჩვენ ფრონტი გვექონდა ადერბეიჯანის სახლვარზე და ბათუმის ოლქში. იმას ეძახიან ჩვეულებრივ ენაზე — მოლაღატობას, დემოკრატიისათვის ზურგში მახვილის ჩაქმვას, რაც ჯავის ოსებს მათი ბალშევიკური ყაჩაღების ლიდერობით სიტყმად გადაეჭკათ, და თუ ჩვენ ამის წინააღმდეგ გავილაშქრეთ, ესე იგი თავდასხმელო მოვიგვრეთ, ეს არის თურმე „თვითგამორკვევის უფლების შელახვა“.

მერე მართალია ბოლშევიკების იდეური წუწუნი? „კომუნისტების“ პროგრამა ყველას გასაგონათ ამბობს, რომ ყველა ეროვნებას აქვს უფლება ნაციონალური თვითგამორკვევისა, სრულ გამოყოფამდე და ცალკე სახელმწიფოს დაარსებამდე“. კეთილია მგარამ ერთი ვიკითხოთ, მართლა ახორციელებს ამას კომუნისტების ლაშქარი და კომისრები?

ავიღოთ ჩრდილო-კავკასია, სადაც იმყოფება ასეთი მთავარი ტერიტორია. ბოლშევიკებმა ჯავის ხეობის გაღმოსახლებულ ოსებს ურიგებენ სახელმწიფოებრივ უფლებებს — რატომ ჩრდილო ოსეთის, ესე იგი ოსეთის ნამდვილ ტერიტორიაზე არ ახორციელებენ ამ თავის პროგრამას? იქ ხომ საქართველო აღარ ყავთ ხელის შემშლელი! ან ჩეჩნები, დაღესტნელები რატომ ვერ ღებულობენ დამოუკიდებლობას, ან კიდევ ყაზახები და სხვ.? რათ დაუყენეს პათ სათავეში ზევიდან დანიშნული კომისრები და წითელ არმიელთა სისხლიანი ხმსტები ახლობენ მათ თავისუფლებას?

როცა გახ. „კომუნისტი“, რომელიც თფილისში გამოდის, ასე ებლაუჭება ამ დიდ ლოზუნგს, ამავე დროს, რათ ხდება, რომ კავკასიის გახ. „კომუნისტი“ რუსულ ენაზე, ძირითადად უარყოფს ამ ლოზუნგს? იგი ამბობს „რომ ბურჟუაზიული რევოლუციის ხანაში 1917 წელს ხალხთა თვითგამორკვევის პრინციპი იყო მომენტის შესაფერი ლოზუნგი იმისთვის რომ და-



ენგრა მეფისა და მემამულეთა სახელმწიფო, ძირი გამოთხარათ მისი ცენტრალიზმისათვის და ასე დაესუსტებიათ იგი“.

ახლა კი, ცხადია, თავის კომუნისტურ ცენტრალიზმისათვის ძირის გამოთხრა არ სურთ. ამრიგად, ბალშევიკების ეს იდეა ბუშმენურ წესით ტარდება. იგი კარგაა, როცა ამით სხვის სახელმწიფოს არღვევ. ცუდია, თუ იგი შენ სახელმწიფოს ვირღვევს.

ახლა ყველასთვის ცხადია, თუ რა მიზანს ემსახურება თვლისილი „კომუნისტა“, როცა ჯავის ხეობაში უნდა შექმნას საბჭოთა დამოუკიდებელი რესპუბლიკა და იმავე დროს მთავარი ოსეთისათვის თვითგამორკვევაზე სიტყვის თქმაც კი კონტრარეოლუციონერობათ მიიჩნია.

ღიბს, ცხადია, რომ ჯავის თვითგამორკვევა არის საქართველოს დარღვევის ბოროტ-სურვილით წამოყენებული, ხოლო განეთი ირწმუნება, რომ ჯავა არ ესაჭიროება საქართველოსო, და სხვა ლათიები, მხოლოდ ფარისევლობაა ამ შავი განზრახვებში დასაფარავათ მოყვანილი. მაგრამ მათი ორმაგი თვალთმაქცი პოლიტიკის კული კალთიდან მოსჩანს და ამხელს მათს აზრსა და მოქმედებას.

მაშ ასე, ბალშევიკები ორაბობენ. იდეურ ცუდუტობას ეწვეიან, რომ თავის აჯანყების წყურვილი ჩვენი დემოკრატიის წინააღმდეგ როგორმე მაღალი ფრახების სამოსელში გაახვიონ.

მაგრამ იქნება ჩვენთვის, დემოკრატიისათვის არის სავალდებულო, ოსთა თვითგამორკვევა ჯავის ხეობაში? ჩვენ ხომ მართლა მომხრე ვართ ეროვნული თვითგამორკვევის, ვაფსინჯით ესეც:

ყოველ ერს აქვს უფლება თვითგამორკვევის. ეს მართალია. მაგრამ ამ შემთხვევაში უნდა დაისვას საკითხი მთელი ერის. ანუ მისი დიდი უმრავლესობის შესახებ. ოსებს აქვთ უფლება თვითგამორკვევისა, ეს უდაოა. მაგრამ ყველა ოსის სიფელს, ან თემს ასეთი უფლება არ აქვს.

საქართველო დამოუკიდებელია დღეს, მაგრამ მასში არ შედიან არც სოჭის ოლქის ქართველები, არც კავკასის, არც მინერალურ წყლების რაიონში მცხოვრებნი, რამდენადაც ისინი ადგილობრივი მკვიდრნი არიან. განა მათი ყოფნა იმ რაიონებში, შეიძლება გახდეს საბუთი კავკასისა და სოჭისაგან ქართულ სახელმწიფოს შექმნისა?

რასაკვირველია არა. ეს არც ბოლშევიკებს მისვლია თავში. ჩვენ, მით უმეტეს.

გორის მაზრაშიც რამდენიმე სოფელია და ერთი-ორი თემი არის ოსებისგან შემდგარი. მაგრამ განა მათაც ისე არ უნდა ვუყურით როგორც ქართველთა კოლონიის ჩრდილო კავკასიაში? ცხადია, ეს არის მცირე ნაწილი ერისა, რომელიც მეორე-მესამე ფარგლებში მოყოლია ხალხთა ნარევათ ცხოვრების გამო. ოსები არიან კახეთში, ალაზან გაღმა, არიან ატენის ხეობაში, არიან ტრიბუნის ხეობაში, ჯავაში, რაჭაში, საჩხერის მაზრაში, მაგრამ ესენი შეადგენენ რამდენიმე სოფელს, რომელიც საქართველოს უდავო ტერიტორიაში შედის, ამიტომ მათ ეროვნულ განცალკევებაზე ლაპარაკი შეუძლებელია. აქ შეიძლება საკითხის დასმა მხოლოდ მათი კულტურული განვითარების უზრუნველყოფაზე. არც მეტი, არც ნაკლები. წინააღმდეგ შემთხვევაში ჩვენ მივიღებდით ისეთ დებულებას, როცა უმრავლესა-ერი უნდა გახდეს მსხვერპლი უმცირესობის, რომელიც მის საზღვრებზე ნარევათ ცხოვრობს და ამით მის ტერიტორიას აჭრელებს.

სად ვაგონილა, რომ რამდენიმე მილიონი მცხოვრები შეწიროდეს მსხვერპლად რამდენიმე ათასი ულს! ჯავის ხეობის დამოუკიდებლობა, კახეთის ოსების და სხვა წვირლ ეროვნულ ნაშთების, იქნებოდა საქართველოს დარღვევა, მისი საზღვრების მოშლა და ადვილათ დანაპყრობათ გადაქცევა. ბალშევიკებს რომ ეს სურთ, ჩვენთვის ეს ყოველ გეჟს გარეშეა, მაგრამ როცა ისინი ამ იდუმალ ზრახვას ერთა თვითგამორკვევის იდეას ახევენ თავზე, ეს იდეური შანტაჟია და მეტი არაფერი. თვითგამორკვევის უფლება სრულ დამოუკიდებლობამდე აქვს ერებს, და არა ერთა მცირე ნაშთებს, რომენიც განდასალბულან სხვა ეროვნების ფარგლებში და არც ერთ სოციალისტს არ უჭადაგნია აქამდე ყოველი სოფლის და თემის თვითგამორკვევა. არამედ აღიარებდენ თვითგამორკვევას მთელი ერის, როგორც ასეთის.

ოსეთის თვითგამორკვევა ამ პრინციპის მიხედვით უნდა მოხდეს ე. წ. ჩრდილო ოსეთში, სადაც ოსთა ოთხმოცდაათი პროცენტი ცხოვრობს და არა ჯავაში, სადაც სულ რამდენიმე სოფელია ოსის.

ეს ვახლავთ სოციალისტური სიმართლე და არა ის, რასაც ბალშევიკები გაიძახიან მუხანათური მიზნით ყველას განსაჯონათ, თვით განეთის ფურცლებზე.

ამ პრინციპს ვადგვივართ ჩვენ, ქართველი სოციალ-დემოკრატები საერთაშორისო პროლეტარიატის დიდებულ მოძღვრებთან ერთად.

ხოლო ბოლშევიკების აჯანყების მართლებას საკუთარ სახელს ვაძლევთ, ეს არის მოლა-
ლატეობა საერთაშორისო სოციალიზმის, ეს არის მოლალატეობა საქართველოს დემოკრატიის
და მისი რესპუბლიკის“.

გ ა ზ ე თ ი „ ე რ თ ბ ა “. 1920 წლის 18 ივნისი. „ოსების
აჯანყება და ჩრდილო-კავკ. კომუნისტები“
(სტატია ხელმოთწერულია)

„კავკასის კომუნისტების გაზეთი „სალდატ. რევოლუციის“ 4 ივნისის ნომერი სხვათა
შორის შემდეგსა სწერს „აჯანყება, რომლის შესახებაც ჩვენ თავის დროზე ვწერდით, ფა-
სიონებზე და ფეხს იკიდებს. სამხრეთ ოსეთის პროლეტარიატი ემზადება სამკედრო-სასი-
ოცხლო ომი გამოაცხადოს ქართველ ჯალათებს — ეორდანიას მთავრობას.“

როდესაც განმათავისუფლებელი მოძრაობის ტალღები შეიჭრნენ ჩრდილოეთიდან სამ-
ხრეთ ოსეთში, მშრომელი მთის ოსებმა გამოაცხადეს თავიანთ ჯეყიანში საბჭოთა მთავრობა.
მიმართავენ რა რუსეთის საბჭოთა მთავრობის ხელმძღვანელებს, სამხრეთ ოსეთის ყრილობის
წარმომადგენლები, პროტესტს აცხადებენ, რომ ისინი ძალით შეუერთეს ბიუროკრატიული
რუსეთის ნაბუშარ სოციალ-გამყიდველების საქართველოს რესპუბლიკას. მთას ესმის ეს ხმა,
ესმით გამხეცებულ მენშევიკების კბილების კრაპუნე და წინასწარვე გრძობენ, რომ დაკო-
ყებული ხელები რუსეთის პროლეტარიატის, მიეშველება მათ“.

ასე „იცავენ“ და „ასრულებენ“ მოსკოვში საქართველოსთან დადებულ ხელშეკრულებას
ჩრდილო კავკასიის კომუნისტები!
ვის უნდა მოეთხოვოს პასუხი?“

Л. М. ТОИДЗЕ

ОБРАЗОВАНИЕ ЮГО-ОСЕТИНСКОЙ АВТОНОМНОЙ ОБЛАСТИ

Резюме

Автор на основе анализа многочисленных документальных материалов прослеживает процесс образования Юго-Осетинской автономной области в составе Грузинской ССР.

После долгой подготовительной работы Юго-Осетинская автономная область была образована в апреле 1922 года. В ее состав, наряду с деревнями, населенными осетинами, были включены грузинские селения (с центром в г. Цхинвали), что вызвало законное недовольство со стороны грузинского населения.

Официальные протесты, направленные сельскими (грузинскими) сходами по этому поводу в высшие инстанции Грузинской ССР, не были учтены партийным и советским руководством республики, что было воспринято общественностью как ущемление национальных интересов грузинского народа.

В работе содержится попытка раскрыть причины, обусловившие обострение межнациональных отношений, обосновывается необходимость политического урегулирования отношений между грузинским и осетинским народами.

L. M. TOIDZE

FORMATION OF SOUTH OSSETIAN AUTONOMOUS OBLAST

Summary

Having analysed numerous documents the Authors traces back the process of formation of the South—Ossetian Autonomous Oblast (region) within the Georgian SSR.

The South Ossetian Autonomous Oblast was formed in the april of 1922 after a long preparatory work. Besides the villages inhabited by Ossetians, it contained Georgian villages (with the centre in the town of Tskhinvali), this latter fact causing quite legitimate discontent among the Georgian population.

Official protests addressed to the highest authorities of the Georgian SSR by the Georgian village meetings were ignored by the party and soviet authorities, and this was considered by the society, as infringement upon national interes s of the Georgian people.

The Author attempts to reveal factors causing strained national relations, gives reasons for the urgency of political settlement of relations between the Georgian and Ossetian peoples.

ვალერი სილოგავა

ეპიგრაფიკული ეპიფაგი და უნიფიკაცია

3. „ველი და სიმტიცი“ სოფელ ვარიანიდან

შუა ქართლში, ქ. გორიდან ჩრდ.-დასავლეთით 14 კმ-ზე, იაკობ გოგებაშვილის მშობლიურ სოფელ ვარიანში, სოფლის განაპირას, ვაშლის ვრცელი ბაღებით გარშემორტყმულ მინდორზე დგას აშკამად დანგრეული ეკლესია „დედაღვთისა“. ეკლესია აგებულია მდინარის ხეობის ქვევით, რომლებიც ერთმანეთთან შეკავშირებულია კირქვის დულაბის სქელი ხსნარით. კედლების კუთხისა და თაღების ქვევად გამოყენებულია მუქი შაბიამნისფერი და ღვინისფერი ქვის ფილების სწორკუთხად გათლილი მოზრდილი კვადრები. აშკამად (1983) დგას საყდრის მხოლოდ დახეთქილ-დაბზარული და ბევრგან სანახევროზე მეტად გადანგრეული კედლები, ხოლო მისი ჭერი და სახურავი მთლიანად ჩანგრეულ-ჩაქცეულია. აქა-იქ კედლებზე საკმაოდ მოზრდილი ხეებიცაა ამოსული (ძირითადად — ლეღვი, კუნელი...)*.

ღმრთისმშობლის მოზრდილ ეკლესიას შესასვლელი ჰქონია სამი მხრიდან. მათგან, შედარებით მეტ-ნაკლები სისრულით, მოღწეულია ჩრდ. შესასვლელი. მისი თალი და გვერდითი კიდეები ამოყვანილია ღვინისფერი ტუფის გათლილი ფილებით. შესასვლელის ჭრილის ბალავრად გადებულია შაბიამნისფერი ტუფის დიდი ზომის (140×30 სმ.) ფილა, რომელიც კედლის წყობაში ღრმად არის ჩასმული. ამის გამო, მას გადმოფარებული აქვს შესასვლელის თაღის განიერი წარბი, რომელსაც ატმოსფერული ნალექებისაგან კარგად დაუცავს, როგორც ეს ფილა, ისე მასზე ამოკვეთილი წარწერა (სურ. 1).

ფილაზე წარწერა ამოკვეთილია 8 სტრიქონად. პირველი სტრიქონი და მეორე სტრიქონის პირველი ასო (დ) შესრულებულია გარდამავალი მხედრული დამწერლობით. ხოლო დანარჩენი ტექსტი — ასომთავრულით. ასოები ამოკვეთილია ღრმა და განიერი კვეთით; ზოგიერთ ადგილას, სხვებთან შედარებით, ძალზე განიერი კვეთით. წარწერის სტრიქონებისათვის ფილის ზედაპირზე გავლებულია პარალელური განივი ხაზები, თუმცა, ასოები არათანაბარი სიმაღლისა და ხაზებს შორის მათი მოთავსება არ არის დაცული. ასოების სიმაღლე: 2—4, 5—5 სმ., განკვეთილობის ნიშნები არ ახლავს; ქარაგმის ნიშანი — მოკლე, ღრმად ამოკვეთილი განივი ხაზი.

წარწერიანი ფილის ქვედა კიდე შემომტვრეულია და, გარდა ამისა, კიდესთან ახლოს ფილის ზედაპირი ატკეცილ-ამომტვრეულია. ამის შედეგად, წარწერის ბოლო ორი სტრიქონი ძალზე დაზიანებულია და ნაკლული, ისე, რომ მისგან მხოლოდ მეტად უმნიშვნელო ნაწილია მოღწეული. ეს მით უფრო დასანანია, რომ როგორც ჩანს, სწორედ აქ ყოფილა მოთავსებული ტექსტის ძი-

* საქართველოს ისტორიისა და კულტურის ძეგლთა აღწერილობა, 5, თბ., 1990, გვ. 67, № 106.

რითადი და არსებითი ნაწილი, რომელიც, სამწუხაროდ, ამჟამად საბოლოოდ დაღუპულია. გარდა ამისა, ფილის ზედაპირი, უკვე ქვის თავისებურებიდან გამომდინარე, რამდენადმე ფოროვანია. ამის შედეგად, ასომთავრული ასოები ყო-




სურ. 1

ველთვის ერთნაირი სიმრგვალით და ლაზათით არ არის გამოყვანილი. ყოველივე აღნიშნულს ისიც უნდა დაემატოს, რომ ტიმპანის ფილა მარჯვენა მხარეს გააობილია მთელ სიგრძეზე.


წარწერის ტექსტი ასეთია (სურ. 2, 3):

† საზელითა ღ(მრ)თისა(ი)თა, მამისა და ძისა, ს(უ)ლისა წ(მი)დისაითა. მ(ეო)ხ(ე)ბ(ი)თა წ(მი)დ(ი)სა ღ(მრ)თისმშ(ო)ბელისაითა, შეწევნითა და მ(ეო)ხ(ე)ბ(ი)თა წ(მი)დ(ი)სა გ(იორგ)ისითა, ესე ჰელი მე, და სიმტკიცე მე, სამგზის

საწყალობელ[მ(ან სტეფ]ან[ნე(?) [დავწერე. შევსწირე ვარ]იანს ტე[...]. [სა-
ლოცველ]ად.



სურ. 2



სურ. 3

როგორც ვხედავთ, წარწერა ეპიგრაფიკული საბუთია და იისი ტექსტი წარმოადგენს „ჰელს“ და „სიმტკიცეს“. სამწუხაროდ, ტექსტის ნაკლებობის გამო, გაურკვეველია, თუ რას შეეხებოდა იგი. თითქოს ცხადია მხოლოდ ის, 6. „მაცნე“, ისტორიის სერია, 1990, № 4

რომ იგი რალაც შეწირულებას გადმოსცემდა. საეჭვოა ასევე, საბუთის გამცემის სახელის („სტეფანე“) აქ წარმოდგენილი წაკითხვა — ამის საფუძველს მხოლოდ სახელის აღმნიშვნელი სიტყვის ბოლოს შემორჩენილი ასოები **ა, ე, გ** ვაძლევს (თუ დავუშვებთ, რომ სახელი დაუქარაგმებლად იყო გადმოცემული, არ არის გამორიცხული, რომ აქ ასევე წავიკითხოთ „იოვანე“). შეიძლება მასთან რაიმე წოდების, ან თანამდებობის („კვიესუფალი“?) სიტყვაც იყო აღნიშნული. ტექსტის დასასრული ფორმულაც, ალბათ, უფრო ვრცელი იყო, მაგრამ რადგან აქ ვარიანტების დიდი მრავალფეროვნებაა შესაძლებელი, მისი უფრო ვრცელი სახით აღდგენისაგან თავს ვიკავებთ.

წარწერის პალეოგრაფიული ნიშნებიდან აღსანიშნავია შემდეგი:

ტექსტის პირველი სტრიქონი და მეორე სტრიქონის პირველი ასო, როგორც აღინიშნა, შესრულებულია გარდამავალი მხედრული დამწერლობით. ასომთავრული ასოებიდან:

ც ა-ს მუცელი ნახევარწრეზე მეტი მოხაზულობისაა, რომელსაც განივი ხაზი უშუალოდ, ყელის გარეშე, პირდაპირ რკალზე ადევს. ეს ასო ტექსტში დასტურდება ორნაირი მოხაზულობით — ერთია ჩვეულებრივი, მრგვლოვანი ასომთავრული მოხაზულობა, რომლის შესახებაც აღვნიშნეთ, მეორეა — კუთხოვანი მოხაზულობით (განსაკუთრებით თვალსაჩინოდ და გამოკვეთილად მე-4 სტრიქონის ბოლოს და მე-5 სტრიქონის დასაწყისში), რომელიც რამდენადმე ნუსხურ მოხაზულობას ემსგავსება, თუმცა, ზომით ასომთავრული ასოების სიდიდისაა.

დ დ-ს სწორი მოხაზულობის წრეს განივი ხაზი უშუალოდ ადევს, თანაც მარცხნიდან მარჯუთი გახსნილია, ბოლომდე განივ ხაზთან შეერთებული არ არის.

თ თ-ს მუცელი ყველა შემთხვევაში გადმოცემულია სწორი წრის სახით, რომელსაც მიდგმული აქვს მოზრდილი მარჯუთი, განივი ხაზი, ძირდაწვეული კაუჭით.

წ წ-ს თავმუცელი, რომელიც რამდენადმე დაკუთხული მოხაზულობისაა, განსაკუთრებით მუცელი, ყველა შემთხვევაში შეკრულია.

ზ ლ კუთხოვანი მოხაზულობისაა, განუსხურებისაკენ მიდრეკილებით, თუმცა, სიდიდით ასომთავრული ასოების ტოლია.

ი **ღ**, **ც** **ც** და მათთან ერთად კუთხოვანი **ე** **ტ** ნუსხური მოხაზულობისაა, თუმცა, როგორც ამ წარწერის ნუსხური მოხაზულობის მიდრეკილების სხვა ასოები, ესენიც დანარჩენი ასომთავრული ასოების ზომისაა და ტექსტში პროპორციულადაა განლაგებული.

აღსანიშნავია, აგრეთვე, დამწერლობის დაბალი დუქტუსი, ასოების „დამჯდარი“ მოხაზულობა.

აღწერილი პალეოგრაფიული ნიშნების მიხედვით წარწერა X ს-ით, ან XI ს-ის დასაწყისით თარიღდება. ამავე ხანით თარიღებს მას ტექსტის რეალები — დიპლომატიკური ტერმინი „ველი“, რომელიც, ჩვენს ისტორიოგრაფიაში დამკვიდრებული ტრადიციით, საბუთის აღსანიშნავად მხოლოდ XI ს-ში, ან X—XI სს-ში გვხვდება. ყოველივე აღნიშნულის მიხედვით, ვარიანს

წარწერა, როგორც ჩანს, X ს-ის დასასრულით და XI ს-ის დასაწყისით უნდა დათარიღდეს¹.

მიუხედავად იმისა, რომ ვარიანის წარწერის ტექსტის არსებითი ნაწილი ძალზე დაზიანებულია, ტექსტის მოღწეული ფრაგმენტები მაინც მნიშვნელოვანია: ჯერ ერთი, ტექსტის მიხედვით ცხადია, რომ წარწერა განეკუთვნება ჩვენამდე მოღწეულ იმ მცირერიცხოვან ეპიგრაფიკულ საბუთებს, რომელთაც „პელი“ ეწოდებათ; აქვე დასტურდება მეორე დიპლომატიკური ტერმინი „სიმტიციე“, რომელიც ეპიგრაფიკულ ძეგლებში აქამდე უცნობი იყო და ბოლოს, ტექსტის შემორჩენილი ფრაგმენტის („...იანს“) მიხედვით, თუ აქ წარმოდგენილი აღდგენა („კვაქიანს“) სწორია, მივიღებთ, რომ წარწერაში დასტურდება ტოპონიმი „ვარიანი“, რომელიც ამ ადგილს უძველესი დროიდან, სულ ცოტა X ს-დან მაინც პრქმევია.

სადღეისოდ, ვარიანის წარწერის გარდა, სპეციალურ ლიტერატურაში სულ შვიდი „პელია“ აღრიცხული — ოთხი ზემო სვანეთის წარწერა-გრაფიტებში, ერთი — რაჭაში (ზემო კრიხი), ხოლო ორი — აღმოსავლეთ საქართველოში (მეჭუდის და გომეწერის წარწერები)². ამჟამად მათ უნდა მივმატოს ვარიანის წარწერაც, რომელსაც ტექსტის მიხედვით, ეწოდება როგორც „პელი“ ისე „სიმტიციე“.

ტერმინი „პელი“, მისი მნიშვნელობა, დანიშნულება და გავრცელების ქრონოლოგიური საზღვრები საგანგებოდ შეისწავლა აკად. ნ. ბერძენიშვილმა³, რომლის მიერ მიღებული დასკვნები შემდეგშიც არაერთხელ დადასტურდა ახალგამოვლენილი მასალებით.

ტერმინი „სიმტიციე“ ერთ-ერთი ქართული დიპლომატიკურა ტერმინია. სადღეისოდ ცნობილ ისტორიულ დოკუმენტებში იგი ყველაზე ადრე დასტურდება მელქიზედეც ქართლის კათალიკოსის „დაწერილში“ სვეტიცხოვლისადმი. უკანასკნელი გამოცემის მიხედვით 1031/1033 წწ. დათარიღებულ ამ საბუთში, ტერმინი „სიმტიციე“ ორგზის გვხვდება: 1. მელქიზედეც კათალიკოსის ხელრთულობაში — „თქუენ, წმიდანო მღდელთ-მოდღუარნო, რომელთა ესე დაწერილი და განგებული სულისა ჩემისაი ჰნახოთ, თქუენ ს ი მ ტ კ ი ც ე დაწერიეთ“⁴ და 2. ოქროპირ ქართლის კათალიკოსის ხელრთულობაში, სადაც აღნიშნულია — „ესე, ვითა... მელქიზედეც ქართლისა კათალიკოსსა თვისა ჯელითა ს ი მ ტ კ ი ც ე დაუწერია... მეცა გლახაკსა... ჩემითა ჯელითა დამიწერია და მათი ბრძანებული დამიმტიციებია“⁵-ო⁶.

1 წარწერის ტექსტი 1984 წელს გამოსცა პროფ. ი. მეგრელიძემ (იხ. მისი, სიძველეები ლიახვის ხეობაში, თბ., 1984, გვ. 108). სამწუხაროდ, წარწერის ამ გამოცემაში ტექსტი რომ საბუთს წარმოადგენს შეუმჩნეველი დარჩა (ამის შესახებ იხ. სვანეთის წერილობითი ძეგლები, ტ. II, თბ., 1988, გვ. 186). ამავე პუბლიკაციაში წარწერის ვარდამავალი მხედრულით შესრულებული ნაწილი დაზიანებულია როგორც „ნაკლებ ოსტატურად გამოკვეთილი“, ხოლო წარწერა დათარიღებულია XII ს-ის II ნახ.-ით. ამავე დროს, წარწერის პირველი სტრიქონის ქ წაკითხულია, როგორც „აქ“, მე-4 სტრიქონის „მეოხებითა“, როგორც „თხზათა“, მე-5 სტრიქონის „მეოხებითა“, როგორც „გამგებთა“, მე-6 სტრიქონში წაუკითხავია „პელი მე და“, ხოლო იმავე სტრიქონის „სადაგზის“-იდან ბოლომდე წაკითხულია მხოლოდ „ურ...“.

2 სვანეთის წერილობითი ძეგლები, ტ. II. 1988, გვ. 188—189.

3 ნ. ბერძენიშვილი, საქართველოს ისტორიის საკითხები, წიგნი III, თბ., 1966, გვ. 135—191.

4 ქართული ისტორიული საბუთების კორპუსი, ტ. I, თბ., 1984, გვ. 29, № 2: 134—136.

5 იქვე, გვ. 30—31, № 2: 154—159.

მოყვანილი ნაწყვეტებიდან ჩანს, რომ „სიმტკიცე“ საბუთისადმი დართული ხელრთულობის აღმნიშვნელი ტერმინი უნდა ყოფილიყო. მელქიზედე კათალიკოსის იმავე დაწერილიდან, თითქოს, ისეც ჩანს, რომ საბუთისადმი დართულ ხელრთულობას „ველის ჩართვა და დამტკიცება“ ეწოდებოდა; კერძოდ, საბუთისადმი დართულ კვრივე კახთა მეფის ხელრთულობაში შემდეგია აღნიშნული: „ესე ვითა, დიდებულ-ყავს ღმერთმან სული მათი, მელქიზედეს ქართლის კათალიკოსსა, სულისა მათისათვის გაუგია და დაუწერია და შემდგომად, აღიდენ ღმერთმან, ბაგრატს კურაპალატსა კელითა მათითა ჩაურთავს და დაუმტკიცებია, ნეცა, კვრივე მეფესა, დისწულსა კვრივე მეფისასა, კელითა ჩემითა ჩამირთავს და დამიმტკიცებია“⁶.

მელქიზედე კათალიკოსის დაწერილის სხვა ადგილიდან, თითქოს, ისიც ჩანს, რომ „სიმტკიცე“ საბუთის აღმნიშვნელი ტერმინიც უნდა ყოფილიყო: „რომელნი სოფელნი ძუელად ჰქონდეს ამას წმიდასა დედაქალაქსა, შესავალნი იყუნეს. და მე მოვაკსენე გამზრდელსა ჩემსა ბაგრატ კურაპალატსა და შეუვალად ვამიჯანდეს და მიბოძეს სიმტკიცე შეუვალობისა“⁷. ისე ჩანს, რომ „სიმტკიცე“, თითქოს, ამ მნიშვნელობით დასტურდება ვარიანის წარწერის ტექსტშიც, მაგრამ, აქ ყურადღებას იქცევს ერთი გარემოება.

ვფიქრობთ, შემთხვევითი არ უნდა იყოს, რომ ამ წარწერაში ტერმინები „ველი“ და „სიმტკიცე“ გამოყოფილად, ცალ-ცალკეა დაწერილი, როგორც სხვადასხვა საგნის აღმნიშვნელი სახელები: „ესე ველი მე, და სიმტკიცე მე“. როგორც ჩანს, აქ „ველი“, ისევე, როგორც სხვა შემთხვევებში, ეპიგრაფიკულ საბუთს აღნიშნავს, ხოლო „სიმტკიცე“ ხელრთულობას, დართულს საბუთისადმი, რომლის თავდაპირველი დედანი ტექსტი რბილ საწერ მასალაზე იქნებოდა დაწერილი თავისი ხელრთულობა-დამტკიცებებით⁸. სწორედ ასეთი საბუთის მოკლე შინაარსის, ძირითადი არსის გადმოცემას წარმოადგენს ის „ველი“, რომელიც ვარიანის ეკლესიაზეა ამოკვეთილი, როგორც ამას ჰქონდა ადგილი სხვა ეპიგრაფიკული საბუთების შემთხვევებშიც.

ამრიგად, ვარიანის წარწერა-საბუთში დადასტურებული ორი დიპლომატიკური ტერმინიდან („ველი“ და „სიმტკიცე“) ერთი აღნიშნავს ეპიგრაფიკულ საბუთს, როგორც ეს აქამდეც იყო ცნობილი და მიღებული, ხოლო მეორე — საბუთისადმი დართულ ხელრთულობას.

4. ანტონ ქუთათელის წარწერა


თერჯოლის რაიონის სოფელ გოდოგანში, „ოქროს ვჯრის“ სახელით ცნობილი ეკლესიის ნანგრევების გაწმენდისას, სხვადასხვა არქიტექტურულ დეტალებს შორის აღმოჩნდა თეთრი კირქვის სწორი, ოთხკუთხა ფილა, რომლის ზედაპირი მთლიანად შევსებულია ამოკვეთით შესრულებული კიდურწა-

⁶ იქვე, გვ. 30, № 2: 143—148; ი. ჯავახიშვილი, ქართული სიგელთა-მოცღნეობა ანუ დიპლომატიკა, ტფ., 1926, გვ. 113—114.

⁷ იქვე, გვ. 27, № 2: 77—79.

⁸ იე. ჯავახიშვილის დაკვირვებით, „სიმტკიცის წიგნი“, ანუ „სიმტკიცე“ „საბუთების ერთ ჯგუფს ჰქვია“ (იხ. მისი, ქართული სიგელთა-მოცღნეობა, გვ. 42; თხზულებანი, ტ. VII, თბ., 1984, გვ. 127).

ისრული ასომთავრული წარწერით¹. ფილის ზომებია: 56×40 სმ., სასქე — 16—18 სმ. ფილის ზედა კიდე მარცხენა მხარეს ატეცილია, ასევე, უმნიშვნელოდ ჩამოთლილია ქვედა კიდე მარჯვენა მხარეს. ზედა კიდის ატეცივის გამო, წარწერის პირველი სტრიქონის დასაწყისი დაზიანებულია და ტექსტი ნაკლებია. 4—5 ადგილას ფილის ზედაპირზე დასმულია გვიან გავლებული ვერტიკალური ღარები — მარცხენა ნაწილში, ბოლო ორს სტრიქონის არეში ეს ღარები




სურ. 4

რები ჯვრებს გადმოსცემს ამ ვერტიკალური ღარებით გადახაზულია წარწერის ზოგიერთი ასო. გარდა ამის, დროთა განმავლობაში, როგორც ჩანს, ატმოსფერული ნალექებისაგან, ფილის ზედაპირი ოდნავ გადაცვეთილია. ამ დაზიანებათა მიუხედავად, წარწერის ტექსტი მთლიანად და თავისუფლად იკითხება. წარწერა ამოკვეთილია ხუთ სტრიქონად; ასოების სიმაღლე: 4—9 სმ; განკვეთილობის ნიშნები არ ახლავს; ქარაგმის ნიშანი: კიდურწაისრული, განივი,

¹ ეკლესიის ნანგრევების გაწმენდაზე მუშაობდნენ ს. სიმონეთის საშუალო სკოლის მოსწავლეები. მათ ზედამხედველობდა დავით კლდიაშვილის სახლ-მუზეუმის (ს. სიმონეთში) დირექტორი დავით გოცირიძე, რომელმაც გადმოცა ცნობები წარწერის აღმოჩენის ვითარების შესახებ (1984. 13. XII). წარწერიანი ფილა ამკამად (1986) ინახება დავით კლდიაშვილის სახლ-მუზეუმში.

სწორი ხაზი. დაზიანებული, ან ნაკლები ადგილების აღდგენით წარწერის ტექსტი ასეთია (სურ. 4, 5):



სურ. 5

ი(ე)უ ქ(რისტე), შ(ე)წყ(ა)ლ(ენ) ანტ(ო)ნი ქუთათელი აქა და ს(ა)უ-კ(უ)ნ(ო)სა; და შ(ე)წყ(ა)ლ(ენ) მონ(ა)ნი მასნი: ებანი, და კორეჭი და გუარაბ-ბერი; ა(მე)ნ იე(ა)ენ.

გარდა ამისა, წარწერის სტრიქონებს შორის მოთავსებულია გვიან ამო-კაწრული ასომთავრული გრაფიტები; მათგან, მეტ-ნაკლებად გარკვევით, გაირ-ჩევა შემდეგი: წარწერის პირველ და მეორე სტრიქონებს შორის, მარჯვენა კიდედან $\text{+} \text{7} \text{5} \text{R} \text{+} \text{[} \text{7} \text{]}$, ე. ი. „ქ(რისტე), შ(ე)წყ(ალ)ენ მი(ე)ქ(ა)ლ“; მე-2 და მე-3 სტრიქონებს შორის, ასევე მარჯვენა კიდედან, ამოკაწრულია მოზ-რდილი ასო $\text{2} \text{d}$; მე-3 და მე-4 სტრიქონებს შორის, მარცხენა ნაწილში — $\text{+} \text{7} \text{5} \text{[} \text{7} \text{]}$, ე. ი. „ქ(რისტე), შ(ე)წყ(ალ)[ე]“; შემდეგ, ასოთა კვეთის ღარების გადაცვეთის გამო, ტექსტი გადასულია. ამასთანავე, ფილის ზედაპირზე შეიმ-ჩნევა სხვა გრაფიტების ასოთა უმნიშვნელო ფრაგმენტები, რომელთა მიხედ-ვით არც ამ ასოების და არც, ცხადია, რაიმე ტექსტის დადგენა არ ხერხდება.

ანტონ ქუთათელის წარწერა, როგორც წერილობითი ძეგლი, ერთ-ერთი მოხდენილი და ლამაზი ქართული ეპიგრაფიკული ძეგლია. განსაკუთრებულ „სიმსუბუქეს“ ტექსტის ფილაზე განლაგებას ანიჭებს ქ, წ და ყ ასოების ხაზ-გასმით წავრქელებული ფორმები, რომელთა ქვედა კიდეები დამწერლობის ორხაზოვანი ბაღიდან დაბლაა დაწეული. ამის შედეგად, პირველი და მე-2, მე-2

და მე-3, მე-3 და მე-4 სტრიქონები ერთმანეთს საგრძნობლად დაშორებულია (მაშინ, როდესაც მე-4 და მე-5 სტრიქონები, შედარებით სხვებთან, მიჯრითაა ამოკვეთილი). ჩვეულებრივ, ტექსტის ასეთი შემკობა, წიგნური დამწერლობის ძეგლებში გვხვდება², მაგრამ, ამ წარწერის სახით, მან ეპიგრაფიკულ ძეგლშიც იჩინა თავი. ცხადია, მთელ წარწერას განსაკუთრებულ ღაზათს ანიჭებს ასოთა კიდურწაისრულობა და თეთრი ფერი ქვისა, რომელზედაც იგია შესრულებული.

კიდურწაისრული დამწერლობის ორი სახეობიდან, რომელთაგან, ერთ შემთხვევაში, კიდევში დასმული სამკუთხედების წვეტები მიმართულია ასოს ტანის შიგნით, ხოლო, მეორე შემთხვევაში — ტანის გარეთ, გოდოგნის წარწერაში დასტურდება პირველი, ე. ი. აქ წვეტები მიმართულია ასოს ტანის შიგნით. ამჟამად, რომ გოდოგნის წარწერის სახით ჩვენ საქმე გვაქვს მაღალი რანგის ხელისუფლის, ამ შემთხვევაში ქუთათელი მღვდელმთავრის, მემორიალური წარწერის ნიმუშთან. ასეთივე წარწერის კარგი ნიმუშებია, აგრეთვე, სამთავნელი მღვდელმთავრის ილარიონ ყანჩაელის წარწერა სამთავისის ტაძრის აღმოსავლეთ ფასადზე³, მელქიზედეკ ქართლის კათალიკოსის წარწერები სვეტიცხოვლის ტაძარზე⁴, ანანია მთავარეპისკოპოსის, ბაგრატ მეფისა და გურანდუხტ დედოფლის წარწერები ხცისის ტაძარზე⁵, სამაშენებლო წარწერა ბაგრატის ტაძარზე (ქუთაისში)⁶ და სხვ. ყველა ისინი, და მათი მსგავსი სხვა წარწერები, დანარჩენი თანადროული ეპიგრაფიკული ძეგლებიდან გამოირჩევიან სახეიშო იერით, წერილობითი ძეგლის მხატვრული ფუნქციითაც.

გოდოგნის წარწერის კონკრეტული პალეოგრაფიული ნიშნებიდან აღსანიშნავია შემდეგი:

С ა-ს განივი ხაზი ტანთან დაკავშირებულია დაბალი ყელით. ეს ნიშანი პირველი საფეხურია ა-ს განივი ხაზის ტანთან მოშორების გზაზე. იგი თავს იჩენს X—XI სს. მიჯნიდან. XI ს-ში უკვე ა-ს განივი ხაზი მაღალი ყელით უკავშირდება ასოს ტანს. ასეთი სახის ა-ს კლასიკური ნიმუშია სამთავისის ტაძრის 1030—1050-იანი წლების წარწერები⁷.

ყ ბ წარწერის ტექსტში გვხვდება ორჯერ (სტრქ. 3, 5) და ორივეჯერ მისი ქვედა განივი ხაზი გადმოცემულია ქუსლის გარეშე. ამ ადგილას ასოს წაისრული კიდური მიმართულია ზემოთ, ასოს შიგნით, და არა ქვემოთ, ე. ი. ასოს ტანის გარეთ, როგორც ეს საერთოდ მიღებულია ბ-ს მოხაზულობაში.

² ნიმუშები იხ.: P. O. Шмерлинг, Художественное оформление грузинской рукописной книги IX—XI вв., Тб., 1979, таб. 4, рис. 5—8; таб. 5, рис. 2; таб. 7, рис. 8, 9, 11, 12; таб. 8, рис. 5.

³ გ. სოხაშვილი, სამთავისი (მასალები ტაძრის ისტორიისათვის), თბ., 1973, ტაბ. 10, 51, 52, 55.

⁴ ლ. მუსხელიშვილი, მცხეთის სვეტიცხოვლის ტაძრის უძველესი წარწერები და მათი დამოკიდებულება მელქიზედეკ კათალიკოსის ანდერძთან, „ქართული ხელოვნება“, 1, 1942, სურ. 1, ტაბ. 36.

⁵ P. O. Шмерлинг, Древний Цвимозетский храм близ с. Хциси, „ქართული ხელოვნება“, 4, 1955, ტაბ. 54.

⁶ ქართული წარწერების კორპუსი, ლაბიძარული წარწერები, ტ. II. გამოსაცემად მოამზადა ე. სილოგავამ, თბ., 1980, № 33.

⁷ გ. სოხაშვილი, სამთავისი, ტაბ. 51, 52.



დ-ს განივი ხაზი ტანთან, ა-ს მსგავსად, შეერთებულია ასევე დაბალი ყელით. ეს ნიშანი დ-ს მოხაზულობაში X—XI სს. მკვნიდან იჩენს თავს და ამის შემდეგ განივი ხაზი ასოს ტანს ყოველთვის ყელით, მოგვიანო ხანებში (XII ს-დან) მაღალი ყელით, უკავშირდება.

ო მ წარწერის ტექსტში გვხვდება ოთხჯერ: ორჯერ, როგორც უ-ს პირველი ნაწილი („ქოვთათელი“, 1 სტრქ., „გოვარამბერი“ — 4—5 სტრქ.) და ორჯერ დამოუკიდებელი მნიშვნელობით („მონანა“ — მე-3 სტრქ., „კორეკი“ მე-4 სტრქ.). ორჯერ ეს ასო (1 და მე-3 სტრქ.) გადმოცემულია სწორი წრიული მოხაზულობით. ორჯერაც (მე-4 სტრქ.) იგი გადმოცემულია ორი პარალელური ვერტიკალური ხაზის განივი ხაზებით შეერთებით. აქედან, მარცხენა ვერტიკალური ხაზი, რამდენადმე მორკალურია ასოს ტანის შივნით. წარწერის ტექსტში უ-ს გადმოცემა ო და ვ ნიშნებით, ადრინდელი ტრადიციის ნიშანია — ეს ასო ამ სახით გადმოიცემა ყოველთვის V—X სს-ში.

დასახელებული პალეოგრაფიული ნიშნების მიხედვით, გოლოგნის წარწერა X—XI სს-ის მიჯნით, ან XI ს-ის I ნახ-ით თარიღდება.

წარწერაში დასახელებული პირები, ქუთათელის მონები — ებანი, კორეკი და გუარამბერი უცნობია. წარწერის ტექსტის „გუარამბერი“ უნდა ვავიჯოთ როგორც ერთი სიტყვა და არა როგორც ბერის (სასულიერო პირის) სახელი, რომელსაც „გუარამ“ ერქვა. ეს სახელი ისეთივე წარმოებისაა, როგორც იაბერი⁸, ჭიაბერი⁹, კახაბერი¹⁰, სულაბერი¹¹, გინდაბერი¹², ივანბერი¹³, და მისთანანი. სახელები ებანი, კორეკი¹⁴, და, მაშასადამე, გუარამბერიც საერო სახელებია და უნდა ვივარაუდოთ, რომ ქუთათელის მონებად დასახელებული ეს პირები საერო პირებია. მართალია, მათ მონები ეწოდებოთ, მაგრამ ჩანს, რომ გარკვეული დამსახურება მიუძღვით, ან ანტონი ქუთათელის წიანზე, ან იმ ეკლესიის აშენებაში, რომელზედაც წარწერა იყო მოთავსებული. ამ მხრივ ნიშანდობლივია, რომ სვეტიცხოვლის აშენებელი არსუკისძე ამ ტაძრის წარწერებში იხსენიება, როგორც „მონა“¹⁵, ხოლო ერთ-ერთი წარწერაში, როგორც ტაძრის მშენებლობის კტიტორის მელქიზედგე კათალიკოსის მონა: „ადი-

⁸ იაბერი ქოსაისძე, სხვა გლხებთან ერთად, ანტონ ჭყონდიდლის თხოვნით, წყაროს მკაზმავად შესწირა თამარ მეფემ შიომღვიმის მონასტერს (ქართული ისტორიული საბუთების კორპუსი, ტ. I, შეადგინეს და გამოსაცემად მოამზადეს: თ. ენუქიძემ, ვ. სილოგავამ, ნ. შოშიაშვილმა, თბ., 1984, № 20: 15, 17).

⁹ ჭიაბერი იყო თამარის დროის ცნობილი სახელმწიფო მოღვაწე — მანდატურთუხუცესი და ამირსპასალარი.

¹⁰ კახაბერი რაჭის ერისთავთა საგვარეულო სახელია XII—XIII სს-ში.

¹¹ ეს სახელი დასტურდება სვანეთის ერთ-ერთ გრაფიტში, რომელიც XI—XII სს. თარიღდება (სვანეთის წერილობითი ძეგლები, ტ. II. ეპიგრაფიკული ძეგლები, თბ., 1988, გვ. 375, № 224).

¹² 1200 წლის ახლო დროის ერთი საბუთის მიხედვით ცნობილია ივანბერი წუერ-გრძელისძე (ქართული ისტორიული საბუთების კორპუსი, ტ. I, გვ. 89, № 16: 33).

¹³ იმავე საბუთს ამოწმებს ვინმე ბერი გინდაბერი (იქვე, გვ. 91, № 16: 74).

¹⁴ „კორეკი“ ან მისი მსგავსი სახელი წყაროებში არ დასტურდება, ხოლო რაც შეეხება „ებანი“-ს, მის პარალელად შეიძლება დავასახელოთ ვინმე „ებანი“, გვარად ხარაისძე, რომელიც XIII ს-ის შუა წლებით დათარიღებულ ერთ საბუთში („დაწერილი კავთულა და თვედორა ბერაქულთა დემეტრე ტოხუაისისისადმი“) მოწმედ არის დასახელებული (ქართული ისტორიული საბუთების კორპუსი, ტ. I, გვ. 94, № 18: 9).

¹⁵ ლ. მუსხელიშვილი, მცხეთის სვეტიცხოვლის ტაძრის უძველესი წარწერები, გვ. 136, 137.

დენ ღმერთმან ქრისტეს მიერ მელქიზედეკ ქართლისა კათალიკოზი, ამენ. აღე-
შენა ესე წმიდაჲ ეკლესიაჲ ჯელითა გლახაკისა მონისა მათისა არსუესისისა-
ათა, ღმერთმან განუსუენე სულსა [მისსა]“¹⁶.

რაც შეეხება ანტონი ქუთათელს, ასეთი სახელით მღვდელმთავარი ცნობი-
ლია საღირისძეთა ფეოდალური სახლიდან. იგი თამარ მეფის ეპოქის ერთ-
ერთი ცნობილი და აქტიური მოღვაწეა: „ისტორიანი და აზმანი შარავანდედ-
თანში“ ორჯერ არის მოხსენიებული XII ს-ის ბოლო ოცეული წლების საქარ-
თველოს მეტად ბოზოქარ პოლიტიკურ მოვლენებთან დაკავშირებით: პირვე-
ლად, თამარ მეფის სამეფო ტახტზე მეორედ კურთხევის დროს, 1184 წელს,
როდესაც „ვიწაძეთან ლიხთ-იმერითგან იყო წესი დადგმაღ გვრგუნისა თავსა
სამეფუოსსა, აწვეეს მონაზონი ღირსი და მადლშემოსილი მთავარეპისკოპოსი
ქუთათელი ანტონი საღირისძე, მოღებდაღ გვრგუნისა“¹⁷. ხოლო მეორედ — და-
სავლეთ საქართველოს დიდებულთა აჯანყების დროს სამეფო სახლის წინააღ-
მდეგ 1190 წელს, როდესაც თამარ მეფე „ოდესმე თევდორე პატრიარქსა და ან-
ტონი ქუთათელსა, რომელი-იგი ოდენ დარჩა მას ჟამსა ერთგულად ლიხთ-
იმერით, სისხლთა დათხევამდის, და სხუათა ეპისკოპოსთა ვსაენიდის“¹⁸ აჯან-
ყებულთა მშვიდობიანი გზით შემოსარიგებლად. როგორც ამ ნაწყვეტიდან ჩანს,
სამეფო სახლის ერთგული ანტონ ქუთათელი ამ მისიას შესწორება კადეც.

მიუხედავად იმისა, რომ დიდია ცოტუნება გოდოგნის წარწერის ანტონი
ქუთათელის „ისტორიანი და აზმანი შარავანდედიანის“ ანტონ ქუთათელთან
გაიგივებისა, წარწერის პალეოგრაფიული თარიღი ამის შესაძლებლობას გამო-
რიცხავს, ისინი სხვადასხვა პირებად — ერთი XI ს-ის I ნახევრის, ხოლო მე-
ორე XII ს-ის II ნახევრის მოღვაწეებად უნდა მივიჩნიოთ.

უნდა აღინიშნოს, რომ საისტორიო წყაროებს დაუცავთ ცნობები აღრიწ-
დელი ხანის რამდენიმე ქუთათელი მღვდელმთავრის შესახებ. საჭიროა მათ
რიგში თავისი ადგილი მივიჩინოს გოდოგნის წარწერის ანტონი ქუთათელსაც.

სამწუხაროდ, XII ს-ზე აღრიწდელი ცნობები ქუთათელ მღვდელმთავართა
შესახებ საისტორიო წყაროებში არ აღმოჩნდა. ტბეთის ოთხთავის ანდერძში,
რომელიც 1160-იანი წლების ახლოს ჩანს შესრულებული¹⁹, ანდერძის ავტორი,
ხელნაწერის დამკვეთი პავლე მტბევაი აღნიშნავს, რომ „დავაწერე ესე
ოთხთავი... სალოცველად ღმრთივგვრგუნოსანთა მეფეთა: დიმიტრი, გამზრდე-
ლისა ჩემისა და გიორგი ძისა მათისა და სასკრად საწყალობელისა სულისა ჩე-
მისა“ და სულთა ნათესავთა ჩემთათვისო; ამ ნათესავებს შორის, სხვებთან ერ-
თად, იგი ასახელებს: „დისწულთა ჩემთა ნიკოლოზი ქუთათელ მთავარეპის-
კოპოსისა, და არსენი ქუთათელ მთავარეპისკოპოსისა, იოვანე ანჩელ მთავარ-
ეპისკოპოსისა, ანტონი ოპიზისა წინამძღვრისა, არსენი დიმიტრის მეფეს მწირ-
ველისა და ყოველთა თვსთა და ნათესავთა“²⁰.

¹⁶ იქვე, გვ. 137.

¹⁷ ისტორიანი და აზმანი შარავანდედიანი, „ქართლის ცხოვრება“, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. II, თბ., 1959, გვ. 26—27.

¹⁸ იქვე, გვ. 50.

¹⁹ ხელნაწერის ანდერძში აღწერილია გიორგი III-ის მეფობის მეხუთე წელს მომხდარი ამბები.

²⁰ ხელნაწერთა ინსტიტუტი, Q-929, 318v; ხელნაწერთა აღწერილობა, Q კოლექცია, ტ. II, თბ., 1958, გვ. 356.



აქედან ცხადია, რომ ანტონი საღირისძის ქუთათლობას წინ უძღოდა ნიკოლოზის და არსენის ქუთათლობა. შესაძლებელია პავლე მტბევარის ერთ-ერთი დისწული, ანდერძის ტექსტში დასახელებული ანტონი ოპიზისა წნამძღვარი, მემკვიდრე გახდა თავისი დანარჩენი დეიდაშვილების — ნიკოლოზის და არსენისა ქუთათელთა კათედრაზე. მაშინ, მოღვაწეობის დროის მიხედვით, იგი შეიძლება მივიჩნიოთ გიორგი III-სა და თამარის თანამედროვე ანტონი საღირისძე ქუთათელ მთავარეპისკოპოსად. ამ დაშვებიდან იმასაც მივიღებთ, რომ ტბეთის ოთხთავის ანდერძში დასახელებული პავლე მტბევარის მრავალრიცხოვანი ნათესაობიდან, რომელთაც მაღალი სასულიერო თანამდებობები სჭერიათ XII ს-ის საქართველოში, ერთ-ერთი საღირისძეთა ფეოდალური სახლის წევრი ყოფილა.

აკად. კ. კეკელიძე მიიჩნევდა, რომ ტბეთის ოთხთავის ანდერძში დასახელებული პავლე მტბევარის დისწულები — მღვდელმთავრები და სხვა მაღალი სასულიერო ხელისუფლების მატარებელი პირები, ძმებია — გვარად საღირისძეები²¹. მაგრამ, როგორც ჩანს, ყველა მათგანის ძმებად მიჩნევა და ერთი რომელიმე საგვარეულოსადმი მიკუთვნება სწორი არ უნდა იყოს. კ. კეკელიძეს, როგორც ჩანს, მხედველობიდან გამორჩა, რომ პავლე მტბევარის დისწულები — ორი სხვადასხვა პირი — ქუთათელი მთავარეპისკოპოსი და დიმიტრი მეფისა მწირველი, ერთი და იგივე სახელის — არსენის მატარებელია, რაც თუ მათ ძმებად მივიჩნევთ, ცხადია, გამორიცხულია. ნიშანდობლივია, რომ იგი როდესაც ჩამოთვლის პავლე მტბევარის დისწულებს, არსენი ქუთათელ მთავარეპისკოპოსს არ ახსენებს, ე. ი. მას იგი გამორჩენია და ნაცვლად სუთისა ოთხი პირი ჰყავს დასახელებული²². საერთოდ, ისედაც ძნელი საგარაუდებელია, რომ თითქმის მთელი XII ს-ის მანძილზე ქუთათლობა სამ ძმას ჰქონოდა თანმიმდევრობით დაკავებული. ამავე დროს, ისიც ფაქტია, რომ ისინი ერთმანეთის დეიდაშვილები და მამასადამე, ერთი ან მონათესავე ფეოდალური სახლის წევრები მაინც იყვნენ. დანამდვილებით მხოლოდ იმის თქმა შეიძლება, რომ მათავს საღირისძეთა ერთ-ერთი — ანტონი ოპიზისა წინამძღვარი, ისიც იმ შემთხვევაში თუ მას თამარ მეფის თანამედროვე ანტონ ქუთათელ მთავარეპისკოპოსს საღირისძესთან გვაიგივებთ²³.

უთუოდ, „ადრინდელი პერიოდის“ ქუთათელთა რიგში უნდა ვიგულისხმოთ სამოელ ქუთათელი მთავარეპისკოპოსი, რომლის მოსახსენებელი, გან-

21 კ. კეკელიძე, ძველი ქართული ლიტერატურის ისტორია, ტ. I, თბ., 1980, გვ. 309, 323.

22 იქვე, გვ. 309.

23 XI—XII სს-ის ერთი იერუსალიმური ხელნაწერის (№ 73) ერთ-ერთ კრაბტოგრაფულ მინაწერში იხსენიება ვინმე თეოდორე ქუთათელი („ქე აე თე ქუთათელი“ — 84r; იხ. ლ. ათანელიშვილი, ძველი ქართული საიდუმლო დამწერლობა, თბ., 1982, გვ. 41). იგივე თეოდორე იქვე (110r) ახსენიება „ქუთათლობის“ გარეშეც. ამავე ხელნაწერის, როგორც კრაბტოგრაფულ, ისე არაკრაბტოგრაფულ მინაწერებში იხსენიებიან სხვა პირებიც: მამია გელასი (დასახელებულია ათვრე, ივია ხელნაწერის დამკვეთი), დავითი, სუმეონ. აქ დასახელებული თეოდორეს „ქუთათლობა“, როგორც ჩანს, მის წარმომავლობას (ქუთათურობას, ქუთათესელობას) აღნიშნავს და არა სასულიერო წოდებას. ნიშანდობლივია, რომ ყველა მინაწერში, სადაც კი ქუთათელია დასახელებული, ყოველთვის აღნიშნულია მათი მთავარეპისკოპოსობა, ხოლო იერ. 73-ში, როგორც ვხედავთ, ეს ასე არ არის. ამავე დროს, „თეოდორე ქუთათელი“ მიჩნეულია ამ ხელნაწერის გადამწერად (გ. ნინუა, მაკარი მეგვაბტელის სახელით ცნობილ „სწავლათა“ ქართული თარგმანის შესახებ, „მრავალთავი“, VI, 1978, გვ. 46).



წესებული 20 აგვისტოს, შეტანილია ათონის ქართველთა მონასტრის („ივირონის“) „აღაპების წიგნში“²⁴. მართალია, ეს აღაპი, ისევე როგორც ამ წიგნში შეტანილი სხვა აღაპები, უთარიღოა, მაგრამ მოსახსენებლის ტექსტში აღნიშნულია, რომ სამოელ ქუთათელის აღაპი „ვითარცა მამწენებელთაჲ ვერეთ გარდაიდებოდენ“; აკად. ელ. მეტრეველის მოსაზრებით, ასეთი ფორმულირებით და სათანადო განწესებით, აღაპთა წიგნში შეტანილია მონასტრის დამაარსებელთა — ჩორჩანელთა ფეოდალური სახლის წევრთა აღაპები, მონასტერიც საგვარეულოდ ითვლებოდა XI საუკუნის 40-იან წლებამდე და აღაპებიც ასეთი განწესებით ამ დრომდე დაიდებოდა; ე. ი. გამოდის, რომ სამოელ ქუთათელი მთავარეპისკოპოსი ჩორჩანელთა სახლის წარმომადგენელი ყოფილა და ამავე დროს მისი მოღვაწეობა X ს-ის დასასრულისა და XI ს-ის 40-იან წლებამდე დროით უნდა განისაზღვროს (ამ დროის რომელიმე მონაკვეთით).

მივიღეთ, რომ სამოელ ქუთათელის მოღვაწეობა გოდოგნის წარწერის ანტონ ქუთათელის მოღვაწეობის ქრონოლოგიურ ჩარჩოებს დაემთხვა, ე. ი. ორივე, ცხადია, ერთიმეორის მონაცვლეობით, X ს-ის დასასრულსა და XI ს-ის I ნახევარში მოღვაწეობდა. პირობითად, თუნდაც გარკვეული თანმიმდევრობის დაცვისათვის, შეიძლება სამოელ ქუთათელი ანტონ ქუთათელის მომდევნო მოღვაწედ მივიჩნიოთ.

ათონის ქართველთა მონასტრის წინამძღვრის მამა პავლეს მიერ დაწესებულია „ადრეული პერიოდის“ კიდევ ერთი ქუთათელი მღვდელმთავრის აბულასან ქუთათელის მოსახსენებელი (29 დეკემბერს)²⁵, რომელიც, როგორც ჩანს, ტბეთის ოთხთავის ზემოდასახელებულ ანდერძში მოხსენიებულ არსენი ქუთათელის შემდგომი ხანის ქუთათელად უნდა ვიგულისხმოთ. საქმე იმაშია, რომ როგორც მამა პავლე აღნიშნავს, აბულასან ქუთათელს ივირონისათვის შეუწირავს „პერპერაჲ მ“ (40), რომელიც „მოგუჯა ჳელითა ნიკოლოზ გულაბერისძისაითა“. ხოლო ნიკოლოზ გულაბერისძე, როგორც ცნობილია, XII ს-ის საქართველოს, თამარის ეპოქის მოღვაწეა. ცნობილია, რომ იგი 1150--1178 წწ. ქართლის კათალიკოსი იყო, შემდგომ „სიმდაბლისა ძლით“ დატოვა კათალიკოსობა და იერუსალიმს წავიდა²⁶. თამარმა გამეფებისთანავე კვლავ კათალიკოსობა შესთავაზა, მაგრამ ნიკოლოზ გულაბერისძემ უარი განაცხადა; კ. კეკელიძის ვარაუდით ნიკოლოზ გულაბერისძე გარდაიცვალა 1190 წლის ახლო ხანებში²⁷. ალბათ, სწორი იქნება თუ დავუშვებთ, რომ ნიკოლოზ გულაბერისძე ათონზე იყო და აბულასან ქუთათელის სააღაპედ მონასტერს შესაწირავი გადასცა 1178 წლის შემდეგ, როდესაც მან კათალიკოსობა დატოვა და იერუსალიმს წავიდა, 1184 წლამდე, როდესაც იგი თამარ მეფის მიწვევით კვლავ საქართველოში დაბრუნდა. ამდენად, დაახლოებით ამავე დროზე — 70-იანი წლების დასასრულთა — 80-იანი წლების დასაწყისი, უნდა მოდიოდეს აბულასანის ქუთათლობაც. აბულასანი, როგორც ჩანს, ქუთათელის კათედრაზე შესცვალა ანტონ საღირისძემ.

²⁴ ათონის ივერიის მონასტრის 1074 წ. ხელთნაწერი აღაპებით, ობ., 1901, გვ. 241, აღაპი № 101.

²⁵ იქვე, გვ. 257, აღაპი № 149.

²⁶ ბასილი ეზოსმოძღვარი, ცხოვრება მეფეთ-მეფისა თამარისი, „ქართლის ცხოვრება“, ტ. II, გვ. 117: 14--15.

²⁷ კ. კეკელიძე, ძველი ქართული ლიტერატურის ისტორია, ტ. I, გვ. 318.

ნიკოლოზ გულაბერისძის მიერ „სიმდაბლისა ძლიო.“ ქართლის კათალიკოსობის დატოვება „ქართლის ცხოვრების“ — სამეფო კარის იფიციალური ისტორიის ვერსიასა. საქმის ფაქტიური ვითარება ასეთი უნდა ყოფილიყო: მაინცდამაინც 1178 წელს ნიკოლოზ გულაბერისძემ იმიტომ დატოვა კათალიკოსობა, რომ იგი, უნდა ვიფიქროთ, წინააღმდეგი იყო საქართველოს სამეფო სახლის ისტორიაში უპრეტენდენტო შემთხვევისა — ქალის მეფედ, თუნდაც თანამოსაყდრედ კურთხევისა; რადგანაც მისი პოზიცია დამარცხდა, როგორც ჩანს, იგი იძულებული გახდა ათონსა და იერუსალიმს წასულიყო.

საკუთრივ ქალის მეფედ კურთხევის იდეის წინააღმდეგი ნიკოლოზ კათალიკოსი შეიძლება არც იყო, რადგან მისსავე ნაწარმოებში „საკითხავი სუეტისა ცხოველისაჲ“, ივ. ჯავახიშვილის შეფასებით, მან პირველმა დასვა და თავისებურად ახსნა საკითხი იმის შესახებ, თუ რატომ იყო, რომ ყველა სხვა ქვეყნისაგან განსხვავებით, სადაც ქრისტიანობა იქადაგეს და ვააერცელეს მამაკაცმა მოციქულებმა, საქართველოში ეს მისია განახორციელა ქალმა, წმ. ნინომ (ივ. ჯავახიშვილი, ნიკოლოზ კათალიკოზი, იხ. მისი, ქართული ენისა და მწერლობის საკითხები, თბ., 1956, გვ. 97—109). ცხადია, რომ სასულიერო სფეროში ქალისა და კაცის თანაბარუფლებიანობის აღიარებიდან ამ იდეის საერო ყოფაში გადატანამდე არაფერი რჩებოდა (საერო სფეროში, ვიცით, რომ ეს იდეოლოგია დასაბუთდა „ვეფხისტყაოსანსა“ და მის ფორმულაში „ლეკვი ღომისა სწორია, ძუ იყოს თუნდა ხვადია“). მართალია, ნიკოლოზ კათალიკოსი ასე შორს არ წასულა და ასეთი იდეოლოგია არ შეუშუშავებია, მაგრამ მცხი ნაწარმოების მთავარი აზრი — ქალი მოციქულისა და კაცი მოციქულების თანაბარუფლებიანობისა, იმ დროის სამეფო ხელისუფლებისათვის საცსებით მისაღები იყო და 1184 წელს, ე. ი. თამარის მეფედ მეორედ კურთხევისას, მისი კვლავ მოწვევა საქართველოში ამით უნდა ყოფილიყო ნაკარნახევი. შეიძლება ეს ნაწარმოები ნიკოლოზ კათალიკოსმა 1184—1190 წწ. შექმნა, საქართველოში დაბრუნების შემდეგ — მისი დაწერის თარიღი ხომ ჩვენთვის უცნობია, და მაშინ, მოახსენება წინააღმდეგობა მის მიერ კათალიკოსობის „დატოვების“ მიზეზებსა და მის ნაწარმოებში გატარებულ იდეას შორის.

ჩვენ არ ვიცით 1155—1156 წლების მოვლენებში ნიკოლოზს, რომლის კათალიკოსობა ამ დროს უკვე ხუთ წელს შოითვლიდა, რა პოზიცია ეჭირა. როგორც ვიცით, ამ დროს გადადგა სამეფო ტახტიდან დემეტრე I, მისი სურვილის საწინააღმდეგოდ გამეფდა მისი უფროსი ვაჟი დავითი, რომელიც 6 თვის მეფობის შემდეგ გარდაიცვალა, ისე რომ დარჩა ძე, ტახტის კანონიერი მემკვიდრე; ჯერ თანამოსაყდრედ ეკურთხა, ხოლო შემდეგ სამეფო ტახტზე ავიდა დემეტრეს უმცროსი ვაჟი გიორგი III. სომეხი ისტორიკოსის სტეფანოს ორბელიანის ცნობით, გიორგი III ხომ იმ პირობით აკურთხეს მეფედ, რომ დენას სრულწლოვნად გახდომისას ტახტს მას გადასცემდა (ივ. ჯავახიშვილი, ქართველი ერის ისტორია, წიგნი II, თბ., 1965, გვ. 242—243).

მოვლენები ისე განვითარდა, რომ გიორგი III-ემ ტახტი არ დას-
თმო; შეიძლება ნიკოლოზ კათალიკოსი დემნას, უფრო სწორად ივანე
ორბელის ბანაკს მიემხრო, ხოლო მათი დასჯისა და სასტიკად დამარ-
ცხების შემდეგ, იძულებული შეიქნა კათალიკოსობა დაეტოვებინა და
ათონსა და იერუსალიმს წასულიყო. არც ის არის გამორიცხული, რომ
გიორგის III-ის მიერ დემნა-ორბელთა წინააღმდეგ მიმართულ სას-
ტიკ და მეტად მკაცრ რეპრესიებს ნიკოლოზი წინ აღუდგა და რო-
დესაც ვერაფერს გახდა, დასტოვა საკათალიკოსო ტახტი, როგორც ეს
გააკეთა სულ სხვა ვითარებასთან დაკავშირებით ასი წლის შემდგომ
მისმა თანამოსახველ კათალიკოსმა ნიკოლოზ III-ემ დემეტრე II-ის
მეფობის დროს.

1184 წელსაც ნიკოლოზის საქართველოში ჩამოსვლა და მის მიერ
კათალიკოსის გადაყენების ცდაც ხომ უშედეგოდ დამთავრდა, რადგან
კათალიკოსმა მიქაელ მირიანისძემ საკათალიკოსო საყდარი არ დას-
თმო. ცნობილია, რომ ამ უკანასკნელმა თამარის მეფედ ორავე კურ-
თხევამი აქტიური მონაწილეობა მიიღო და, როგორც ჩანს და აღიარ-
ებულია ჩვენს ისტორიოგრაფიაში, ყოველივე ამის სანაცვლოდ კა-
თალიკოსობასთან ერთად „ჯყონდიდელ-მაწყურებლობა და მწიგნო-
ბართუხუცესობა მოევერაგა უფლისაგან“ (ქცა, II, 118: 26—27).
ამავე დროს მასვე „აქუნდა სამთავისიცა“ (იქვე, 122: 11).

ყოველივე ამის შედეგად მიქაელ კათალიკოსსა და სამეფო კარს
შორის იმდენად დაიძაბა ურთიერთობა, და იგი ვაგრძელდა ამ სახით
მიქაელის გარდაცვალებამდე (1186), რომ „ქართლის ცხოვრების“
ავტორი (ამ შემთხვევაში, პირობითად, ბასილი ეზოსმოდვარი) გა-
უგონარ მკრეხელობას სჩადის — ახალგარდაცვლილი კათალიკოსის
შესახებ წერს, რომ „მოკუდა ქართლის კათალიკოსი... მირიანის ძე
მიქაელ... და არავინ შეწუხნა მისთვის, არცა დიდი და არცა მცირე,
რამეთუ ყოველნი სძულობდეს“ (ქცა, II, 122 11—13) და იქვე, ამის
საპირისპიროდ, თითქოსდა ნიშნისმოგებით — „მოკუდა ამარსპასალარი
გამრეკელი და ესე ყოველთა იგლოვეს“ (იქვე, 122: 14).

ამდენად, ნიკოლოზ გულაბერისძის მიერ „სიმდაბლისა ძლით“ კა-
თალიკოსობის დატოვება ოფიციალური ისტორიოგრაფიისა და სა-
მეფო კარის თვალსაზრისია. ჩვენს საკითხთან ყოველივე ამის ის კავში-
რი აქვს, რომ ნიკოლოზ გულაბერისძეს, ცხადია, საქართველოს ეკლე-
სიის მღვდელმთავრებში თავისი მომხრეები ეყოლებოდა. ერთ-ერთი
მათგანი ყოფილია აბულასან ქუთათელი, რომლის შესაწირავიც მას
ათონზე წაუღია და რომლის სპარსულ-არაბული სახელი, ერთ-ერთი
უმაღლესი რანგის სასულიერო იერარქისა, თავისთავად იწვევს გა-
კვირებას. როგორც ჩანს, ნიკოლოზ გულაბერისძეს ეს მისი დასის
ქუთათელიც თან ვადაჰყოლია, რადგან სწორედ მის შემდეგ და 70-
იანი წლების დასასრულიდან ჩანს ქუთათელად სამეფო კარის უად-
რესად ერთგული და მისთვის თავდადებული ახალი ქუთათელი ანტონი
სადირისძე, რომელთანაც ერთად მოუხდა 1184 წელს საქართველო-
ში დაბრუნებული ნიკოლოზ გულაბერისძეს მიქაელ წირიანისძის წი-
ნააღმდეგ წარუმატებელი ბრძოლა (ქცა, II, 118: 4, 5, 23). ცხადია,

რომ თუ ნიკოლოზ გულაბერისძემ 1178 წელს ქართლის კათალიკოსის ტახტი მართლაც „სიმდაბლისა ძლით“ დასტოვა, ექვსიოდე წლის შემდეგ ამ ტახტის ახალი მპყრობელის წინააღმდეგ ბრძოლას არ დაიწყებდა კვლავ მის მოსაპოვებლად.

ათონის ქართველთა მონასტრის „საღაპე წიგნში“ შეტანილია კიდევ ერთი ქუთათელი მღვდელმთავრის პავლე ქუთათელის მოსახსენებელი (15 იანვარს)²⁸, რომლითაც, როგორც ჩანს, უნდა დასრულდეს XII ს-ის ქუთათელ მღვდელმთავართა რიგი. როგორც მოსახსენებლის ტექსტშია აღნიშნული, აღაპის დაწესებისათვის პავლე ქუთათელმა „მოსცა დრაჰკანი პერპერაჲ მ, მამისა პავლეს ჯელთა“. ხოლო ათონის ქართველთა მონასტრის ერთ-ერთი წინამძღვარი „მამაჲ პავლე“, როგორც იმავე საღაპე წიგნში მისივე ხელით ჩაწერილი 1170 წლის დამტკიცება-ხელრთულობიდან ჩანს²⁹, 70-იანი წლების შემდგომი ხანის მოღვაწეა³⁰. 80-იანი წლებისათვის, როგორც ზემოთ აღინიშნა, მას აბულასან ქუთათელისათვის აღაპი დაუწესებია. იგი მონასტრის წინამძღვრის თანამდებობაზე XII ს-ის 90-იან წლებშიც ჩანს (იხ. აკად. ელ. მეტრეველის გამოკვლევა, რომელიც იბეჭდება). ამდენად, პავლე ქუთათელისათვის, აქ დასახელებულ სხვა ქუთათელთა მოღვაწეობის დროის გათვალისწინებით, ადგილი რჩება მხოლოდ XII ს-ის 90-იანი წლებისათვის. როგორც ჩანს, მას შემდეგ, რაც 1190 წელს ანტონ საღირისძე ქუთათელი შეეწირა დასავლეთ საქართველოს აჯანყებულ დიდებულთა შემორიგებას საქართველოს სამეფო კარისათვის, მისი ადგილი პავლე ქუთათელმა დაიკავა.

ამრიგად, წყაროების მიხედვით ამჟამად ცნობილ „ადრეული პერიოდის“ ქუთათელ მთავარეპისკოპოსთა შემდეგი რიგი მივიღეთ:

ანტონ (I) — X—XI სს. მიჯნა, ან XI ს. I ნახ.

სამოელ — X ს. დასასრ. — XI ს. I ნახ.

.....

ნიკოლოზ — XII ს. I ნახ.

არსენი — XII ს-ის შუა ხანები.

აბულასან — XII ს-ის 70-იანი წლები — 80-იანი წლების დასაწყისი.

ანტონ (II) საღირისძე — XII ს-ის 80-იანი წლები.

პავლე — XII ს-ის 90-იანი წლები³¹.

²⁸ ათონის ივერიის მონასტრის 1074 წ. ხელთნაწერი აღაპებით, გვ. 263, № 156.

²⁹ იქვე, გვ. 273.

³⁰ კ. კეკელიძის ვარაუდით, მამა პავლე ივერონის წინამძღვრად იყო 1170—1184 წწ. (კ. კეკელიძე, ათონის ლიტერატურული სკოლის ისტორიიდან, ეტიუდები, II, თბ., 1945, გვ. 235).

³¹ ცხადია, ქუთათელთა აქ წარმოდგენილი რიგი პირობითია და აღბაჲ, არასრული: ორი საუკუნის მანძილზე — XI ს-ის დასაწყისიდან XII ს-ის დასასრულამდე, უნდა ვივარაუდოთ, რომ მეტი იყო ქუთათელი ვიდრე აქ დასახელებული პირებია. შედარებისათვის, მაგალითად, შეიძლება აღვნიშნოთ, რომ მართო XV ს-ში, ერთი საუკუნის მანძილზე, საქართველოში 12 კათალიკოსი მეთუფობდა (მართალია, ორიოდე მათგანი — რამდენჯერმე; იხ. ბ. ლომინაძე, XV საუკუნის საქართველოს ქრონოლოგიიდან, კრ. „კავკასიის ხალხთა ისტორიის საკითხები“, თბ., 1966, გვ. 279—280).

ცნობილია, რომ საეპისკოპოსო კათედრა ქუთაისში (და ბეღიაში) დააარსა ბაგრატ III-მ (975/978—1014)³². ბაგრატ III-ის მიერვეა აგებული ქუთათელთა საკათედრო ტაძარი³³, დღეს ბაგრატის ტაძრის სახელწოდებით ცნობილი, რომელშიც ტარდებოდა საქართველოს მეფეთა კურახევა სამეფო ტახტზე. რადგან სხვა ცნობები არ გავაჩნია და ქრონოლოგიურადაც ვოდოგნის წარწერა ბაგრატის ტაძრის აგების დროისა ჩანს³⁴, იქნებ უსაფუძვლო არ იყოს ვარაუდი, ამ წარწერის ანტონ ქუთათელის, საერთოდ პირველ ქუთათელ მღვდელმთავრად მიჩნევის შესახებ.

5. ელმელიქ ფადლისძის წარწერა და თამარ დედოფლის გამზრდელის დოფის შესახებ

1848 წელს აკად. მ. ბროსემ გამოაქვეყნა ასომთავრული ტექსტი და ფრანგულ¹ თარგმანი ერთი წარწერისა, რომლის ასლი გადაუღია და მისთვის გადაუცია ვინმე ტოპოგრაფ სემიონოვს. მისივე ცნობით, ეს წარწერა მოთავსებული ყოფილა ბორჩალოს მახრასში, ლოქის მთაზე, ს. ორო-ჯოდლში მდებარე ეკლესიის ნანგრევებში¹.

1942 წელს წარწერის შესახებ საქართველოს სსრ მეცნიერებათა აკადემიის საზოგადოებრივ მეცნიერებათა განყოფილების VII სამეცნიერო სესიაზე მოხსენება გააკეთა აკად. ა. შანიძემ. მოხსენების თეზისებში აღნიშნულია, რომ „წარწერა მოთავსებულია დარბაზული ტიპის უგუმბათო ეკლესიაზე, რომელიც მდებარეობს ლოქის წყლის მარცხენა ნაპირას მომალლო გორაზე, შვიდიოდე კმ-ის მანძილზე ჩათახიდან“².

1956—58 წლებში ამ ადგილებში მოეწყო ისტორიის ინსტიტუტის საქართველოს ისტორიული გეოგრაფიის განყოფილების სამეცნიერო ექსპედიცია დ. მუსხელიშვილის ხელმძღვანელობით. 1960 წელს გამოქვეყნდა ექსპედიციის მუშაობის ანგარიში, სადაც პირველად არის გამოქვეყნებული მხედრული წარწერის ტექსტი³. აქვეა აღნიშნული, რომ ადგილს, სადაც ეკლესია მდებარეობს, ეწოდება „ორთაფოში“ და ამის შემდეგ წარწერას დაუშვებდრდა ორთაფოშის ეკლესიის წარწერის სახელი⁴. მართალია, აქ წარწერა სრულად

³² მატეანე ქართლისა, „ქართლის ცხოვრება“, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, თბ., 1955, გვ. 281 : 1, 6.

³³ ქართული წარწერების კორპუსი, II, გვ. 52—53, № 33.

³⁴ ტაძრის ჩრდ. ფასადის ერთ-ერთი წარწერის თანახმად, დიდი ხანია ცნობილია, რომ 1003 წლისათვის ტაძრის იატაკი „განმტყიცნა“ (ქართული წარწერების კორპუსი, ტ. II, გვ. 51—52), ე. ი. ტაძრის აგება ძირითადად დამთავრებული იყო.

¹ M. Brosset, *Rapports sur un voyage archéologique*, 3^e et dernier livraison, St-Pb., 1851, VI rapp. 133.

² ა. შანიძე, ერთი უცნობი თამარის დროინდელი წარწერა, საქართველოს სსრ მეცნიერებათა აკადემიის საზოგადოებრივ მეცნიერებათა განყოფილების VII სამეცნიერო სესია, 1942 წლის 20 და 22 ივნისს. მუშაობის გეგმა და მოხსენებათა თეზისები, თბ., 1942, გვ. 8.

³ დ. მუსხელიშვილი, ქვემო ქართლის ისტორიულ-გეოგრაფიული ექსპედიციის საველე სამუშაოთა (1956—1958 წწ.) შედეგები, „საქართველოს ისტორიული გეოგრაფიის კრებული“, I, თბ., 1960, გვ. 50—51, № 10.

⁴ იქვე, გვ. 28; ავტორი გამოთქვამს ვარაუდს, რომ ნასოფლარს „ძველად თიოქოს ანდოქი უნდა რქმეოდა“.

არ გამოქვეყნებულა, მაგრამ გამოცემულის მიხედვით (აგრეთვე, ა. შანიძის თეზისების მიხედვითაც) აშკარა იყო, რომ წარწერის ტექსტი, სამშენებლო შინაარსთან ერთად, ეპიგრაფიკულ საბუთსაც წარმოადგენდა.

1973 წელს „ქართული ისტორიული საბუთების კორპუსის“ I ტომის გამოსაცემად მომზადებისას, წარწერა, როგორც ეპიგრაფიკული საბუთი, ადგილზე შევისწავლე („კორპუსის“ თავდაპირველი პროექტით გათვალისწინე-



სურ. 6

ბული იყო მასში ეპიგრაფიკული საბუთების ჩართვაც. შემდეგში ეს პროექტი შეიცვალა და შეკრებილი და გამოსაცემად მომზადებული საბუთების გამოცემის ბედი გაურკვეველია. ამიტომაც გადაწყდა, ამ წარწერა-საბუთის ცალკე გამოქვეყნება⁵.

⁵ წარწერა 1981 წელს გამოაქვეყნა გ. ოთხმეზურმა; იხ. მისი, XII—XIII სს. მიწის ქართული ლაპიდარული წარწერები, როგორც საისტორიო წყარო, თბ., 1981, გვ. 86—29, № 11.

ორთაფოშთის ეკლესია, თანამედროვე ადმინისტრაციული დაყოფით, მდებარეობს ბოლნისის რაიონში. იგი, წარწერის მიხედვით, ღმრთისმშობლის სახელობისა ყოფილა; აღმართულია გორაზე, მდ. ლოქისწყლის მარცხენა ნაპირას (როგორც ჩანს, ამის გამოა, რომ მას ა. შანიძე „ლოქის ეკლესიასაც“ უწოდებს, ხოლო მ. ბროსე იმ ადგილს, სადაც ეკლესია დგას, „ლოქის მთის“ სახელით მოიხსენიებს⁶); წარმოადგენს დარბაზული ტიპის ნაგებობას, რომლის გადახურვა ამჟამად ჩაქცეულ-ჩანგრეულია (სურ. 6). ამის შედეგად ეკლესიის



სურ. 7

შიგნით მრავლად ყრია ქვები და შეღესილობის ნარჩენები. ადგილი, სადაც ეკლესია მდებარეობს, ამჟამად დაუსახლებელია და არც ახალი საფლავები ჩანს მის გარშემო.


წარწერა, უფრო ზუსტად — სამი დამოუკიდებელი ტექსტისაგან შედგენილი ვრცელი ასომთავრული წარწერა, ამოკვეთილია ეკლესიის სამხრეთ კე-

⁶ III წარწერის მიხედვით (იხ. ქვემოთ), თითქოს, ამ ადგილს, სადაც ეკლესია და მონასტერი აშენდა, „ოვსლე“ ეწოდებოდა, თუ ამ სიტყვას ტოპონიმად მივიჩნევთ.

7. „მაინე“, ისტორიის სერია, 1990, № 4

დელზე, კარიბჭის შიგნით, ეკლესიაში შესასვლელი კარების გარშემო — ბალავრის ქვაზე და შესასვლელის კრილის ანაყოლის ქვების ფილებზე (სურ. 7).

პირველი, მთავარი წარწერა, შესრულებულია 20 სტრიქონად; წარწერის დასაწყისი — 1—9 სტრიქონები, ამოკვეთილია ბალავრის ქვაზე; ტექსტის გაგრძელება-დასასრული — 10—20 სტრიქონები — შესასვლელის მარჯვენა ანაყოლის ზედა ფილაზე. საკუთრივ ბალავრის ფილაზე წარწერის ტექსტი ორ ნაწილად არის გაყოფილი შესასვლელს ზემოდან შემოყოლებული ოთხკუთხა მოჩარჩოვებით. ბალავრის ქვის ზომაა: 180×75 სმ., ხოლო მარჯვენა ანაყოლის წარწერიანი ფილის ზომა — 109×58 სმ. აქ წარწერას უჭირავს ფართობი: 80×75 სმ. სამუშეაოდ, ამ ფილის მარცხენა კიდე ჩამომტვრეულია და ზედაპირიც ადგილ-ადგილ ატყეცილია. ამის გამო, წარწერის ეს უმთავრესი ადგილი, სადაც აღნიშნული იყო მონასტრისათვის შეწირული მიწის საზღვრები, დაზიანებულია და ნაკლული (სურ. 8, 9).



სურ. 8


მეორე წარწერა (სურ. 10, 11) მოთავსებულია შესასვლელის მარცხენა ანაყოლის ფილაზე. იგი ამოკვეთილია 7 სტრიქონად, წარმოადგენს დამოუკიდებელ, თუმცა, ძირითად წარწერასთან დაკავშირებულ ტექსტს დასაწყისში დასმული ქანწილით. ეს წარწერა გადმოსცემს ეკლესიის აშენების თარიღს. წარწერიანი ფილის ზომაა: 107×37 სმ. მასზე ტექსტს უჭირავს ფართობი: 45×18 სმ. აქაც შესასვლელის ანაყოლის ფილა ჩამომტვრეულია, ოღონდ მარჯვენა მხარეს და ამის შედეგად ნაკლულია წარწერის სტრიქონთა დასასრულები, თუმცა ტექსტის აღდგენა ადვილად ხერხდება.

მესამე წარწერა (სურ. 12, 13), რომელიც ასევე დამოუკიდებელ ტექსტს შეიცავს ქრისტესადმი მიმართვით, მოთავსებულია შესასვლელის წარბის მარჯვენა საყრდენ ფილაზე, მის დასავლეთ მხარეს. ამოკვეთილია 2 სტრიქონად. ფილის ზომაა: 22×29 სმ., მასზე წარწერას უჭირავს ფართობი: 27×15 სმ.

სამივე წარწერა ისე განლაგებული ეკლესიაში შესასვლელის გარშემო, რომ ერთ მთლიან კომპოზიციას ქმნის. პირველი წარწერა თავიდან იწყება მოზრდილი ასოებით, შემდეგ ასოების სიმაღლე თანდათან მცირდება, ხოლო ბალავრის ოთხკუთხა მოჩარჩოებაზე მკვეთრად კლებულობს. დანარჩენი ორი წარწერა შედარებით თანაბარი ზომის მოზრდილი ასოებითაა ამოკვეთილი. ასოების სიმაღლე: 3—5—7—9 სმ. როგორც ვხედავთ, იგი მეტად ცვალებადია და სტრიქონებიც ორხაზოვან ბადეს შორის არ არის განლაგებული. აშკარაა, რომ წარწერა ამოკვეთილია კედლის წყობაში უკვე ჩასმულ ქვის ფილებზე.



სურ. 10



სურ. 11

ტექსტში განკვეთილობის ნიშნებად დასმულია ორწერტილი, თავიდან — ყოველი სიტყვის შემდეგ, შემდეგში — ადგილ-ადგილ, ხოლო წარწერის ბოლოს ტექსტი წარმოდგენილია განკვეთილობის ნიშნების გარეშე. ქარაგმის ნიშნად გამოყენებულია განივი, კლაკნული ხაზი.

შე(ი)ლთა ჩ(ე)მთა მზეგრძელ(ო)ბისათ(უ)ის, და კ(ოველ)თა მ(ო)მ(ა)ვ(ა)ლთა ჩ(ე)მთათ(უ)ის, ძუ(ე)ლს(ა)ვე და მკუ(ი)დრსა მ(ა)მ(უ)ლსა ჩ(ე)მსა შ(ან)ა. და შევსწირე და მოვ(ა)ვს(ე)ნე მონ(ა)სტ(ე)რსა ამ(ა)ს ანდია(ა)მ, მისითა მზღვრ[ი]-თ[ა] — ნა||კალოები|სა წყლ(ი)სა აქ(ა)მთ, [ზემო]თა რ(ომე)ლ გზ(ა)მ ვ(ა)-პვ(ა)ლს, და ჩაღმა წყლისა მისსა ნაკალოებნი [მ(ა)წ(ა)მ. ვ(ინ)ცა ჩ(ემ)ი ესე შეწირ[ული, ანუ] რ(ა)მ(ა)ნ[ცა გუ(არ)მ(ან) კ(ა)ცმ(ან) შეცვალ(ო)ს — შე-მცა-იცივ(ა)ლ(ე)ბის ს[ჯულის(ა)გ(ა)]ნ [ქრისტია]ნ(ე)თ(ა)ჲს[ა] და ი(უ)დ(ა)მ[ს თ(ა)ნა არს] ნ(ა)წ(ი)ლი მისი; დ(ა)მ(ა)მტკ(ი)ც(ე)ბ(ე)ლ[ნ]ი ამისი დაამტკიცოს ღ(მერთ)მან [და წმიდ(ა)მ(ან) დ(ე)დაქ(ა)ლ(ა)ქმ(ან)].

† აშენ[და ესას]ი ესე მ(ე)ფ(ე)[თ]-მ(ე)ფ(ო)ბ(ა)ს[ა] თ(ა)მ(არ)ის(ს)[ა] ინ-(დი)კტ(ი)ონ[სა] ე⁷.

ქ(რისტე), შეიწყალე ს(უ)ლ(ი)თა თუსლეს მკ(უ)იდრ(ნ)ა.

მ. ბროსემ გამოაქვეყნა ამ წარწერის მხოლოდ პირველი ოთხი სტრიქონის ტექსტი. როგორც ჩანს, დანარჩენის ასლი მას ხელო არ ჰქონია. მის მიერ გამოცემული ტექსტის ბოლო სიტყვების („ფ დ ცდელისა“) შესახებ აღნიშნავს, რომ უკანასკნელი ორი სიტყვა ამოუცნობია, თუმცა, შინაარსის გაგებაზე გავლენას არ ახდენს⁷. უნდა აღინიშნოს, რომ ეს სიტყვაა საკუთარი სახელი „დოფი“; დოფი ელმელიქ ფადლისძის ცოლი იყო და მისი სახელის სწორად წაკითხვას და გააზრებას წარწერის ტექსტის გაგებისათვის არსებითი მნიშვნელობა აქვს.

აქვე ისიც უნდა აღინიშნოს, რომ ნაცვლად სიტყვისა „დოფისა“, ტექსტის ამ ადგილას ა. შანიძე კითხულობს სიტყვას „დედოფლისა“, ხოლო მოხსენების თეზისებში წარწერის შესავალი ტექსტის ნაწყვეტი ასე აქვს გადმოცემული: „სადიდებელად მამისა და ძისა და სულისა წმიდისა, სამკვდრებელად და სალოცველად სულისა ჩემისა და დედოფლისა და მშობელთა ჩემთა და შვილთა ჩემთა მზეგრძელობისათვის“⁸.

ტექსტის ამ ადგილის სწორი წაკითხვა — „დოფისა“ პირველად დ. მუსხელიშვილმა წარმოადგინა⁹.

წარწერის დაზიანებული ადგილები, სიტყვის შემდეგ „მზღვრისა“ სიტყვამდე „დედაქალამან“, აღუდგენლად და მხოლოდ დღეს არსებული უმნიშვნელი ნაწყვეტების სახით არის წარმოდგენილი ბოლო ორ გამოცემაში¹⁰. აღ-

7 M. Brosset, დასახ. ნაშრომი, გვ. 133; მ. ბროსე, ნაცვლად „დოფისა“ კითხულობს „ფრიად ცოდვილისა“.

8 ა. შანიძე, დასახ. ნაშრომი, გვ. 8.

9 დ. მუსხელიშვილი, დასახ. ნაშრომი, გვ. 51.

10 დ. მუსხელიშვილი: „ნა----საწყ---აქით---მეთა რღვზ? გვლ(რომელ გზა გუჯღის?)--ო-ს ჩაღმა წყლისა მ----ა ნაკალოებნი----ა ვინცა ჩემი ესე შეწირ[ული]-მნ-ა გორ(?) ბნ კაცმან [შეცუა]ლ(ო)ს შემცაიცივლების ს---თასა და იღმ (იუდა?)---ნაწილი მისი [რომელ]ან დ[ა]ამტკიცოს ღმერთმან----დაქქმნ (დედა ქალამან?)“.

გ. თთხმეზურაი: „ნა-----თა რ(ომე)ლ გზ(ა)მ ვ(ა)პ[ვ(ა)ლს] ჩაღმა: წყლისა მ-- --ა ნაკალოებნი ----აჩი ესე შეწირ(უ)ლი რ(ა)მ(ა)ნ[ცა] გუ(არ)მ(ან) კ(ა)ცმ(ან) [შუც] [ვ(ა)ლ(ი)ს] შე(მ)ცა ცვ(ა)ლ(ე)ბ(უ)ლ (ა)რს ს[ჯ(უ)ლ]ისა [გ] (ან) ---მდალა (sic) -----ლი ც[ოცხალი] მა[თ]ინ-- მცხ(ე)თა წ(მი)დ(ა)მ(ან) ა[მ] (ან) დ(ე)დაქ(ა)ლ(ა)ქმ(ან) ს[ა]ნა“. აგრეთვე — ესასი ე(კლეს)იაჲ, თუსლეს თქს(ი)თა(ა) ზხეს (sic)“.

დგენილი ჰქონდა თუ არა ეს ადგილები ა. შანიძეს, არ ჩანს, რადგან, მოხსენების თეზისებში, ბუნებრივია, მას წარწერის მთლიანი ტექსტი არ გამოუქვეყნებია. მისივე დაკვირვებით, „ნაკალოებნი“, რომელიც წარწერის დაზიანებულ ნაწილშია მოხსენებული, შეიძლება ანდიკის მზღვარი იყოს, ან ანდიკასთან ერთად შეწირული ადგილი“¹¹.

რადგანაც მ. ბროსესათვის წარწერის ტექსტის ბოლო ნაწილები უცნობი იყო, თარიღთან დაკავშირებით იგი აღნიშნავს, რომ თარიღის უქონლობა ინტერპრეტაციის ფართო ასპარეზს იძლევა. მისივე შენიშვნით, ორი მნიშვნელოვანი სიტყვის კავშირი, რომელთაგან ერთია ელ-მელიქი, რომელიც უცნობი პირია, ხოლო მეორე ფადლა, ხშირად გვხვდება ბენშადიდების დინასტიაში ფაზლის ფორმით, მაფიქრებინებს, ამ დინასტიის წარმომადგენლებსო. მის სასახლოდ უნდა ითქვას, რომ ტექსტის მცირე ნაწყვეტის მიხედვითაც, რომელიც მის განკარგულებაში იყო, მან სწორად მიანიშნა წარწერის თარიღად XII ს.¹².

წარწერაში აღნიშნული თარიღი — თამარის მეფობის ხუთი ინდიკტიონი, პირველად ა. შანიძემ წარმოადგინა. შემდეგში იგივე დადასტურა დ. მუსხელიშვილმა. მათ შორის განსხვავება ისაა, რომ ა. შანიძე არ აღნიშნავს კონკრეტულად, თუ რომელი წელი იგულისხმება ამ თარიღის ქვეშ, ხოლო დ. მუსხელიშვილის მიხედვით, აქ 1189 წელი იგულისხმება. ცხადია, რომ იგი ინდიკტიონებს ითვლის თამარის მეფედ მეორე კურთხევიდან. უკანასკნელ პუბლიკაციაში თამარის მეფობის ინდიკტიონები ათვლილია მისი მეფედ პირველი კურთხევიდან და წარწერის თარღად აღნიშნულია 1183 წელი¹³.

წარწერაში აღნიშნული თარიღის — „მეფეთ-მეფობასა თამარისსა ინდიკტიონსა ე“ (5), კონკრეტულად განსაზღვრისას ყურადღება უნდა მიექცეს ორ გარემოებას: 1. თამარის მეფედ პირველი კურთხევიდან (1178) მე-5 წელს (1183) მამამისი გიორგი III ჭერ კიდევ ცოცხალი იყო (იგი 1184 წელს გარდაიცვალა). თამარი გიორგის თანამოსაყდრე იყო და არა ერთპიროვნული მმართველი¹⁴. ამიტომ საეჭვოა, რომ 1183 წლისათვის, ე. ი. გიორგი III-ის სიცოცხლეში, წარწერაში თარიღი მხოლოდ თამარის, ან საერთოდ მისი მეფობის წლებით აღენიშნათ. 2. თამარი წარწერაში მოხსენიებულია „მეფეთ-მეფობით“. ასეთი ტიტული მას შეიძლებოდა ჰქონოდა მხოლოდ მაისი გარდაცვალების შემდეგ. ამიტომ, ვთვლით, რომ ორთაფოშთის წარწერის თარიღის განსაზღვრისას, თამარის მეფეთმეფობის ინდიკტიონები უნდა ავთვალთ მისი მეფედ მეორე კურთხევიდან (1184) და წარწერაც 1189 წლით უნდა დათარიღდეს, როგორც ამას მიიჩნევს დ. მუსხელიშვილი, თუმცა, ცნობილია, რომ სხვა შემთხვევებში მეფეთა ინდიკტიონები აითვლებოდა მათი თანამოსაყდრედ კურთხევიდან¹⁵.

შინაარსით ორთაფოშთის წარწერა, როგორც ვხედავთ, ერთდროულად

11 ა. შანიძე, დასახ. ნაშრომი, გვ. 8.
12 M. Brosset, დასახ. ნაშრომი, გვ. 133—134.
13 გ. ოთხმეჯური, დასახ. ნაშრომი, გვ. 87.
14 ი. ჯაფარიშვილი, ქართველი ერის ისტორია, წიგნი II, იხ. მისი, თხზულებანი თორმეტ ტომად, ტ. II, თბ., 1983, გვ. 244.
15 ქართული ისტორიული საბუთების კორპუსი, I, თბ., 1984, გვ. 167, 175 და განსაკუთრებით გვ. 182, საიდანაც ჩანს, რომ ღვეთ ნარინის მეფობის „ორმოცდამეათეუქუსმეტე“ ინდიკტიონი, თუ მისი მეფედ პირველი კურთხევიდან, ანუ თანამოსაყდრეობიდან არ ავთვლით, არც აღწევს მისი მეფობის ინდიკტიონების რაოდენობას (იქვე, გვ. 180).

საამწენებლოც არის და ეპიგრაფიკულ საბუთსაც წარმოადგენს — მასში აღნიშნულია ელმელიქ ფადლისძის მიერ მისი და მისი ახლობლების სამარხავ-სამლოცველო ეკლესიისა და მონასტრის აშენება და მისთვის ადვილ ანდიკას შეწირვა. აქვე დადგენილია ამ ანდიკას, თუ ანდიკის საზღვრები — „ნაკალოებისა წყლისა აქათ, ზემოთ რომელ გზაჲ ვაკვალს და ჩაღმა წყლისა მისსა ნაკალოებნი მიწაჲ“.

ნაკალოები მიწის ეკლესიისათვის შეწირვის, ან ნაკალოების მძღვრად დადების საინტერესო პარალელური მასალა დასტურდება 1200 წლის ახლო დროით დათარიღებულ და, მამასადამე, ორთაფოშთის წარწერასთან კრონოლოგიურად ახლო მდგომ, ერთ საბუთში — დაწერილი შიომღვიმის კრებულისა ზოსიმესადმი. აქ, ერთ-ერთი შეწირულების შესახებ აღნიშნულია, რომ „კულა, მასვე ვენავსა საგლეხოსა ზედა იოვანეს — შენსა გამზრდელსა, ნაკალოები მშეიდლურა ეყიდა და ზედავე მოეკიდა“¹⁶. აქ, როგორც ვხედავთ, ნაკალოების სახელია „მშეიდლურა“. რომელიც შიომღვიმეში კვირიკე კახთა მეფის მწირველის ზოსიმეს გამზრდელს იოვანეს უყიდიდა და საგლეხო ვენახისათვის მიუმატებია („ზედავე მოეკიდა“).

როგორც ამ საბუთის ტექსტის მომდევნო ნაწილიდან ჩანს, ეს მიწა სადღო გამხდარა („იოვანეს მთხრობელი აუღვა — ივანებრი წუთერგრძელისძე და მიწაი დაკარგული უთხრა“). მაგრამ, ბოლოსდაბოლოს ეს საქმეც მოუგვარებია ზოსიმეს („საურავთა ზედავე შესძინა“) და ამის შესახებ ცალკე საბუთი შეუდგენიათ („თუთ ამისი დაწერილი ძეს“).

როგორც ჩანს, ორთაფოშთის წარწერა-საბუთში დასახელებული ადგილი „ანდიკაჲ“ ეკლესიისა და მონასტრისათვის შეწირული ნაკალოები მიწის სახელი უნდა იყოს, ისევე, როგორც „მშეიდლურა“ არის ნაკალოები მიწის სახელი შიომღვიმის კრებულის დაწერილში ზოსიმესადმი. ამ ანდიკას შეწირულების შესახებ მონასტერს ცალკე საბუთიც ექნებოდა, ისევე, როგორც მშეიდლურას შეწირულების შესახებ ჰქონდა ცალკე საბუთი შიომღვიმის მონასტერს. ხოლო ეკლესიის კედელზე ამოკვეთილ წარწერაში ანდიკას შეწირულების საბუთის ძირითადი არსია გადმოცემული, როგორც ამას ადვილი ჰქონდა, ჩვეულებრივ, სხვა შემთხვევებშიც¹⁷.

წარწერის ტექსტში იხსენიებიან: ელმელიქ ფადლისძე, მისი მეუღლე დოფი, ელმელიქის მშობლები და შვილები — სახელების ჯარზე. ცხადია, მათში მთავარია ელმელიქი, რომელსაც „ძუელი და მკვიდრი მამული“ ჰქონია და ამ „მამულსა შინა“ ეკლესია და მონასტერი აუშენებია. ამასთანავე, მის მიერ აშენებული ეკლესია-მონასტრისათვის მას, წარწერაში დასახელებულ ანდი-

¹⁶ ქართული ისტორიული საბუთების კორპუსი, I, გვ. 89, № 16: 31—32.

¹⁷ ზოსიმესადმი შიომღვიმის კრებულის დაწერალს ერთი გვიანდელი ვინაწერი მოეპოვება, რომელშიც ეპიგრაფიკული ძეგლი დამოწმებულია საბუთის სიმტკიცის სადუქტოდ — აქ, მღვიმეს რომ კრებულნი ბერები რომ წასულან და ბჳიტებს საყდარი აუშენებიათ, ის კრებულნი ამაშიგან სწერია. იქ რომ სახელები სწერია საყდარზედა — ისინი არიან ეს კრებულნი“ (ქართული ისტ. საბ. კორპუსი, I, გვ. 91, № 16: 88—91). აქ საუბარია ბჳიტების საყდრის, ანუ ბჳითის შესახებ, რომელიც გიორგი III-ის ერთი შიომღვიმური საბუთის მიხედვით, ჯერ კიდევ ადარნესე ჰერთა პატრიკვა შესწირა შიომღვიმის მონასტერს (იქვე, გვ. 83, № 11: 31—32; დაწერილებით ამის შესახებ ახ.: „მაცნე“, ისტორიის სერია, 3, 1989, გვ. 78). ცხადია, რომ რბილ საწერ მასალაზე შესრულებული საბუთი და ეკლესიის კედელზე ამოკვეთილი მისი მოკლე შინაარსი ერთმანეთს ავსებდნენ ამათომ შეწირულების სიმტკიცის დასამოწმებლად.

კას გარდა, სხვა სახის ქონებაც შეუწირავს. ერთ-ერთი მათგანია მინიატურებით მიღირულად შემკული ოთხთავის ეტრატზე ვადაწერილი ხელნაწერი, რომელმაც ჩვენს დრომდეც მოაღწია და ამჟამად ხელნაწერთა ინსტიტუტში ინახება (A-26).

ოთხთავის ამ ხელნაწერს მოეპოვება გადაწერის ხელითვე შესრულებული მინაწერი: „უფალო ღმერთო, მეოხ ექმენ ელმელიქს და დოფსა და მათთა ძეთა — ვიორგის, დაღუნასა“. ხელნაწერი აღწერილობაში XIII საუკუნითა დათარიღებული¹⁸, მაგრამ, ცხადია, რომ მის მინაწერში დასახელებული პირების ორთაფოშთის წარწერაში მოხსენიებულ პირებთან გაიგვების შემთხვევაში, ამ უკანასკნელის თარიღის მიხედვით, იგი უფრო XII ს-ის დასასრულთ, ან XIII ს-ის დასაწყისით უნდა დათარიღდეს.

ოთხთავი A-26 (მას „ლარგვისის სახარებასაც“ უწოდებენ, რადგან ბოლოს ლარგვისის მონასტრის საკუთრებას წარმოადგენდა და იქიდან მოხვდა საეკლესიო მუზეუმში¹⁹, ხოლო შემდეგ ხელნაწერთა ინსტიტუტში) გადაწერილია ნიკოლოზ კატარაწისძის მიერ. კატარაწისძეები, როგორც ჩანს, XII ს-ის ბოლოსა და XIII ს-ის პირველ ნახევარში სამეფო კარის ერთ-ერთი მწიგნობრები იყვნენ; ცნობილია, რომ ლაშა-გიორგის მიერ გაცემული და ჩვენამდე მოღწეული ორი სიგელი-ბრძანება — ერთი 1207 წლისა კელათისადმი და მეორე 1221 წლისა შიომღვიმისადმი, დაწერილია მიქაელ კატარაწისძის მიერ (ორივე სიგელი მთარგმნა ერთნაირი ტრაფარეტული ფორმულით: „დაიწერა ბრძანებაი და სიგელი ესე ჩუენი... კელითა მწიგნობრისა ჩუენისა მიქაელ კატარაწისძისაითა“²⁰).

რადგანაც ელმელიქისა და დოფის მიერ მათგან აშენებული ეკლესიისა და მონასტრისათვის შეწირული სახარება-ოთხთავი სამეფო კარის მწიგნობართა საგვარეულოს წარმომადგენლის მიერ არის გადაწერილი, უნდა ვიფიქროთ, რომ მათ XII ს-ის II ნახევრის საქართველოს სამეფო კართან რაღაც კავშირი უნდა ჰქონოდათ. მართლაც, როგორც ათონის სენიაქსრის ერთი სააღაპე ჩანაწერიდან ჩანს, დოფი — ორთაფოშთის წარწერისა და A-26 ხელნაწერის მიხედვით, ელმელიქ ფადლისძის მეფულე, თამარ დედოფლის გამზრდელი ყოფილა.

ათონის ქართველთა მონასტერში დოფის სახელზე დაწესებული ყოფილა ორი ალაპი — 23 დეკემბერს და 6 ოქტომბერს. პირველი მათგანი ჩაწერილია ათონის სენიაქსარში (Ath.-36; ხელნაწერი გადაწერილია 1074 წ.), ხოლო მეორე შეტანილია ათონის მონასტრის ალაპების წიგნში (A-558).

ათონის სენიაქსრის 122r გვერდზე, ძირითადი ტექსტისაგან თავისუფალ

¹⁸ ქართულ ხელნაწერთა აღწერილობა. A კოლექცია, ტ. I, თბ., 1973, გვ. 88—89. სპეციალურად ამ ხელნაწერის დათარიღების შესახებ იხ: ელ. მაკავარიანი, ერთი ქართული ოთხთავის დათარიღების საკითხისათვის, „პალეოგრაფიული ძიებანი“, I, თბ., 1965, გვ. 95—108. აქ, „მხატვრული შემკულობის“ სტილისტური ნიშნებით, ხელნაწერი დათარიღებულია XIII ს-ის I ნახ-ით.

¹⁹ Ф. Д. Жордания, Описание рукописей Тифлисского Церковного Музея, книга I, Тифлис, 1903, с. 20.

²⁰ ქართული ისტორიული საბუთების კორპუსი, ტ. I, გვ. 106, № 21: 16—18, გვ. 110, № 23: 22—24. ცნობილია ნიკოლოზ კატარაწისძის გადაწერილი კადეც ერთი ხელნაწერი — იერ, 67 („მარზვანი“), დაცული იერუსალიმის ბერძნულ საპატრიარქოს ბიბლიოთეკაში. რ. ბლეიცი, განსხვავებით სხვა ავტორებისაგან, მას, სავსებით სწორად, XII ს-ით ათარიღებს. შდრ. ელ. მაკავარიანი, დასახ. ნაშრომი, გვ. 96—97.

ამაზე, წვრილი ნუსხურით, მაგრამ XII ს-ის მკაფიო და გარკვეული ხელით, მიწერილია:

„თ(უეს)ა დ(ე)კ(ე)ნბერსა კვ.

ამ(ა)სვე დ(ე)სა აღაპი დოფისაჲ, თამ(არ) დედოფლისა გ(ა)მზრდე-
 ლის(ა)ჲ.

ამ(ან) კ(ურთ)ხ(ეულ)მ(ან) დედაკ(ა)ცმ(ან) დიდსა დაჭირებასა და უღონო-
 ბასა ასი დუკ(ა)ტი შემოსწირა ამ(ა)ს მონ(ა)სტ(ე)რსა და ეგრე მოეწერა, ვი-
 თა: „სრ(უ)ლი აღ(ა)პი დამიწვეთ და რაჲცადა აკლდეს ამას ოქროსა, მიბრძა-
 ნეთ და ზ(ე)და გავ(ა)სრ(უ)ლებო“.

ამისთ(უ)ს მე, მ(ა)მ(ა)მ(ან) მ(ა)კ(ა)რი, თ(ა)ნაჯერჩანებითა ყ(ოველ)თავე
 მმ(ა)თ(ა)ჲთა, დაუწევე პ(ან)დ(ა)მ(უ)ღი ესე, რ(ა)თ(ა) ს(ა)ს(ოე)ბისა მისისაგერ
 გ(ა)რდაეკდებოდის ყ(ოველ)ით(უ)რთ ს(რულა)დ და უნ(ა)კლულ(ო)დ, ვითა წესი
 არს ამის მონ(ა)სტრის(ა)ჲ, გ(ა)ლ(ო)ბითა და ლოცვითა, და დ(მერთმან) არ-
 წმ(უ)ნოს; მემსგვესმ(ან) ჟ(ა)მი უწიროს და ყ(ოველ)თა მმ(ა)თა ულოცონ. და
 დ(მერთმან) შეუნდვნეს და აკ(ურთ)ხოს იგი და ყ(ოველ)ნი კ(ე)თილისმყო-
 ფ(ე)ლნი მონასტრბსა ჩუწნისანი, ამინ“²¹.

როგორც ჩანს, შეწირულების „ზედაგასრულება“ საქირო გამზდარა და
 დოფის ათონის ქართველთა მონასტრისათვის კიდევ გაუგზავნა 246 დრაჰკანი.
 ამის შესახებ ათონის სააღაპე წიგნში შემდეგი მოსახსენებელია შეტანილი:

„თ(უეს)ა ოკლ(ონ)ბ(ე)რსა ვ. აღაპი არს ოფი დოფაჲსი. მისცა ეკლე-
 ს(ია)სა დრაჰკანი სმჱ. ვარდაიკდებოდის პანაშუდი. დაეწდიოს სამი მწუხრსა და
 ოთხი სამხრად“ (A-558, 196v)²².

ამ აღაპის ბოლო წინადადება ასე უნდა გავიგოთ: „დაეწდიოს“ მიღებუ-
 ლია ზმნიდან „წღევა“, რაც ძვ. ქართულში „სხპას“, „დაღვეინებას“ ნიშნავ-
 და²³. აღაპის გადახდის დროს, დოფის სახელზე, მონასტრის ბერებს უნდა და-
 რიგებოდა — მწუხრად სამი და სამხრად ოთხი, ალბათ, კრასოვული ღვინო.

დოფის ეს აღაპი, ისევე როგორც აღაპების დიდი რაოდენობა, გადაწე-
 რილია იოვანე თაფლასძის ხელით. როგორც ჩანს, იგი მას თავდაპირველი
 დედანი ჩანაწერიდან შემოკლებულად გადმოუწერია²⁴. გარდა ამისა, დედანში
 სახელის პირველი ასო „დ“, თითქოს, დაზიანებული ყოფილა, ან შეიძლება
 გარკვევით არც იკითხებოდა და თაფლასძეს ჯერ „ოფი“ გადმოუწერია, ხოლო
 შემდეგ, ამის გადაუშლელად, იქვე, მისსავე გაგრძელებაზე „დოფაჲსი“ და-

²¹ ეს სააღაპე ჩანაწერი გამოცემულია ოთხჯერ: სანჯერ — კ. კეკელიძის ერთი და იმავე
 ნაშრომის პუბლიკაციებში (იხ. მისი, ათონის ლიტერატურული სკოლის ისტორიიდან,
 ოსუ შრომები, VI, 1936, გვ. 160; იგივე — მისი, ეტიუდები, II, თბ., 1945, გვ. 236. იგი-
 ვე — იხ. კრებული „ივირონი — 1000“, თბ., 1983, გვ. 45). ხოლო მეოთხედ — ათონის ხელ-
 ნაწერთა აღწერილობის I ნაკვეთში (იხ. ქართულ ხელნაწერთა აღწერილობა. ათონურა კო-
 ლექცია, I, თბ., 1986, გვ. 92). რადგანაც ეს გამოცემები ორიოდ შემთხვევაში რამდენადმე
 სხვაობენ ოთოგრაფიულად (ხოლო ერთგან — ტექსტობრივადაც) ჩანაწერის დედნისეული
 ტექსტისაგან, აქ იგი მოგვეყვას მთლიანად.

²² ათონის ივერიის მონასტრის 1074 წლის ხელთნაწერი აღაპებით, თბ., 1901, გვ. 244,
 აღაპი № 114.

²³ ილ. აბულაძე, ძველი ქართული ენის ლექსიკონი (მასალები), თბ., 1973, გვ. 541.

²⁴ ნ. ბერძენიშვილის დავიკრებით, იოვანე თაფლასძეს გადაწერისას აღაპები საერ-
 თოდ შეუმოკლებია — მათგან ამოუღია სხვადასხვა ისტორიული ხასიათის ცნობები (ნ. ბერ-
 ძენიშვილი, „ათონის კრებულის“ რედაქცია, იხ. მისი, საქართველოს ისტორიის სა-
 კითხები, წიგნი IV, თბ., 1967, გვ. 214—215).

უწერია. ასე მივიღეთ ათონის მონასტრის სააღაპე წიგნში ალაპის დამკვეთის სახელად „ოფი დოფაჲ“. კ. კეკელიძესაც მიუჩნევია, რომ ალაპის დამკვეთის ასეთი სახელი ერქვა სახელის მეორე, სწორ ფორმასთან („დოფა“) ერთად²⁵. მაგრამ, როგორც აღინიშნა, სახელის ასეთი ფორმა იოვანე თაფლასძის — ათონის ქართველთა მონასტრის აღაპების ერთ წიგნად შემკრებ-გადაამწერის შეედომაჲ, ალაპის დამდებების სახელი იყო „დოფა“²⁶.

მაშასადამე, სხვადასხვა სახის წერილობითი წყაროების — ეპიგრაფიკული ძეგლის, ისტორიული საბუთების, ხელნაწერის მინაწერისა და სააღაპე ჩანაწერების ცნობათა ურთიერთდაკავშირებით მივიღეთ, რომ:

1. XII ს-ის II ნახ-ის საქართველოს ერთ-ერთი წარჩინებული ოჯახი ყოფილა ელმელიქ ფადლისძის სახლობა. ელმელიქი, როგორც მისი და მისი მამის სახელებიდან ჩანს, არაქართული, უფრო „არაბულ-ალმოსავლური“ წარმოშობის პირი უნდა იყოს; ხოლო მისი მეუღლე დოფი — ასევე მისი სახელის მიხედვით, ქართული წარმოშობის მანდილოსანი ყოფილა. ასეთი ქორწინებანი მაშინ რომ უცხო არ იყო, ჩანს იქედანაც, რომ რუსუდან მეფის (1123—1249), როგორც პირველი, ისე მეორე ქმარი, წარმოშობით მაჰმადიანი იყო. მათგან მეორე, არზრუმის მმართველის ტოღრილის შვილი მოღის-ედ-დანი, როგორც მძევალი, საქართველოს სამეფო კარზე იზრდებოდა, იგი „იყო ქმნულ-კეთილი და სრული ასაკათა, შეუნიერი გუამითა, მკნე და სლიერი ძალითა. ვითარ განიცადა, სთნდა მეფესა რუსუდანს და ინება ქმრად მოყვანებაჲ მისი, რომელ აღასრულა და იქორწილა ტოღრილის შვილი“²⁷. მეორე ქმარი იმ პირობით დააქორწინეს რუსუდანზე, რომ მან მაჰმადიანობა უარყო, მოინათლა და გაქრისტიანდა²⁸. უნდა ვიფიქროთ, რომ ასეთსავე ფაქტს ექნებოდა ადგილი ელმელიქისა და დოფის დაქორწინების შემთხვევაში.

2. ელმელიქ ფადლისძის მეუღლე თამარ დედოფლის გამზრდელი ყოფილა და, მაშასადამე, ეს ოჯახი საქართველოს სამეფო კართან დიდად დაახლოებული იქნებოდა.

3. ელმელიქს, როგორც ჩანს, ქრისტიანობაზე „საბოლოოდ მოქცევის“ ნიშნად ეცლესია და მონასტერი აღუშენებია. მისთვის ცოლ-ქმარს შეუწერავეს, რო-

²⁵ იხ. მისი, ეტიუდები, II, გვ. 235. ნ. ბერძენიშვილი იოვანე თაფლასძეს XII ს-ის 40-იანი წლების მოღვაწედ მიიჩნევდა (იხ. მისი, „ათონის კრებულის“ რედაქცია, გვ. 209). ცხადია, მისი ხელით გადმოწერილ „ოფი დოფაჲს“ ალაპი ამაზე უნა დროით უნდა დაიბრუნდეს და, მაშინ, იგი თამარ დედოფლის გამზრდელის დოფის სახელს ვერ დაუაჯობრდებდა. როგორც ჩანს, ან იოვანე თაფლასძის მოღვაწეობის დრო უნდა გადმოწერილი XII ს-ის დასასრულისაკენ, ან „ოფი დოფაჲ“ და „თამარ დედოფლის გამზრდელი დოფი“ სხვადასხვა პირად უნდა მივიჩნიოთ. მართალია, ამ საკითხს შემდგომი კვლევა სჭირდება, მაგრამ იგი ხელს არ უშლის ელმელიქისა და დოფის შესახებ აქ წარმოდგენილ სხვა იდენტიფიკაციებს.

²⁶ ძველ საქართველოში ეს სახელი რომ იშვიათი არ იყო იქედანაც ჩანს, რომ ტბეთის სულთა მატიანიში შეტანილია ორი სხვადასხვა დოფის მოსახსენებელი (ტბეთის სულთა მატიანი, ტექსტი გამოსაცემად მოამზადა, გამოკლევა და საძიებლები დაურთო თ. ენუქიძემ, თბ., 1977, გვ. 86, № 207; გვ. 110, № 388); ორივე მათგანი ამ მატიანის XII ს-ით ლათინურ-ბულ ფენას განეკუთვნება. გარდა ამისა, ამ სახელმა თითქმის ჩვენს დღეებამდე მოაღწია — იხ. მაგალითად, ლ. ქ ი ა ე ლ ის მოთხრობა „თავადის ქალი შაია“, სადაც ეს სახელი „დოფის“ და „დოფინოს“ ფორმით დასტურდება; შდრ. ალ. ლ ო ნ ტ ი, ქართველური საკუთარი სახელები, თბ., 1986, გვ. 114 („დოფა“).

²⁷ ეპითაღმწერელი, „ქართლის ცხოვრება“, ტექსტი დადგენილი ს. ყაუხჩიშვილის მიერ, ტ. II, თბ., 1959, გვ. 172 : 4—6.

²⁸ ი. ჯ ა ვ ა ხ ი შ ვ ი ლ ი, ქართველი ერის ისტორია, წ. III, თბ., 1966, გვ. 39—42.

გორც უძრავი ქონება — ადგილი ანდიკაჲ, ისე საეკლესიო სამსახურებელი — მინიატურებით მდიდრულად შემკული, ეტრატზე დაწერილი სახარება-ოთხთავი.

4. დოფის, როგორც ღმრთისმოსავ და „კურთხეულ დედაკაცს“, ათონის მთის ქართველთა მონასტრისათვის ორჯის უხვი შეწირულება გაუტოა, რისთვისაც მის სახელზე 6 ოქტომბერს და 23 დეკემბერს ალაპი დაუწესებიათ. ცნობილია, რომ ათონის ქართველთა მონასტრისათვის შეწირულება გაუტოა თამარ დედოფალსაც — ათონის სალაპე წიგნში „თუესა ივლისსა კე“ (25) შეტანილია ვრცელი სალაპე ჩანაწერი მის სახელზე²⁹. ამ ჩანაწერიდან ისიც ჩანს, რომ თავისი შეწირულების ნაწილი („კ პერპერაჲ“) ათონზე მას გაუგზავნია ნიკოლოზ გულაბერისძის ხელით, რასაც ადგილი უნდა ჰქონოდა 1178—1184 წლებს შორის, როდესაც ნიკოლოზ გულაბერისძე იერუსალიმში და ათონზე იმყოფებოდა. არ არის გამორიცხული, რომ ამ წლებში მისივე ხელით გაგზავნოს ათონზე თავისი მოსახსენებელი თამარ დედოფლის გამზრდულს დოფის. ამ ვარაუდს მტკი საფუძველი ექნება თუ გავცხენებთ, რომ ნიკოლოზ გულაბერისძეს, გარდა თამარ დედოფლის შეწირულებისა, ათონზე წაუღია, აგრეთვე, აბულასან ქუთათელის შეწირულებაც — 40 პერპერაჲ³⁰; ე. ი. მოსახსენებელთა სხვათა ხელით გაგზავნის პრაქტიკა მიღებული ყოფილა. აქედან გამომდინარე, ათონის მონასტრისათვის დოფის შეწირულება შეიძლება 1178—1184 წწ. დათარიღდეს.

5. ელმელიქს და დოფის ჰყოლიათ შვილები — ვიორგი და დადუნა, რომელთა შესახებ ჩვენ, სამწუხაროდ, სხვა ცნობები არ გავაჩნია და მათი შემდგომი ბედი ჩვენთვის უცნობია.

ორიოდე სიტყვით უნდა აღინიშნოს, იმ „არაბულ-აღმოსავლური“ გარემოს შესახებ, რომელიც ამ სახლობას ახლდა, მით უმეტეს, რომ ამგვარი ოჯახები იმდროინდელ საქართველოში, როგორც ჩანს, უცხო არ იყო.

აკად. ა. შანიძე ორთაფოშთის წარწერასთან დაკავშირებლად შენიშნავდა: „ქართული ენის ისტორიისათვის წარწერა მნიშვნელოვან მასალას გვაწვდის: არაბული წარმოშობის საკუთარი და საზოგადო სახელები, რომლებიც წარწერაში გვხვდება (საკუთარი: ფადლი, ელმელიქ, საზოგადო: ე ს ა ს ი „საფუძველი, დაფუძნება“, „შენებულება“), აშკარად მოწმობენ აღმოსავლური ელემენტების გაძლიერებას ენაში“³¹. ასეთი ელემენტები მეტი რაოდენობით და უხვად დასტურდება ა. შანიძის მიერვე გამოცემულ ერთ ასტროლოგიურ ტრაქტატში, რომელიც არაბულიდანაა თარგმნილი³² და ჩვენამდე მოღწეულია ორთაფოშთის წარწერის თანადროული 1188 წლის ხელნაწერით (A-65). ეს ელემენტები დაწვრილებით არის აღრიცხული და გაანალიზებული თვითონ ა. შანიძის მიერ.

ჩვენი საკითხისათვის საინტერესო სურათი ვაშოავლინა ელმელიქისა და დოფის შეკვეთით გადაწერილი სახარება-ოთხთავის მონატულობის დეკორზე

²⁹ ათონის ივერიის მონასტრის 1074 წ. ხელთნაწერი ალაპები, გვ. 258—259.

³⁰ იქვე, გვ. 257—258.

³¹ ა. შანიძე, ერთი უცნობი თამარის დროინდელი წარწერა, გვ. 8. სიტყვა „ესასა“, „ესესა“ — ს ფორმით, თითქოს დასტურდება ს. დილომის წმ. გიორგის ეკლესიის ერთ-ერთ წარწერაშიც, რომელიც X—XI სს. მიჯნით თარიღდება (პ. ზაქარაია, დილომი, „საქ. სახ. მუზეუმის მოამბე“, XVII-B, 1953, გვ. 101—102; შენ. 4 (გვ. 102).

³² ეტლთა და შუდა მნათობათს. ასტროლოგიური თხზულება XII საუკუნისა. გამოსცა, წინასიტყვაობა და ენობრივი მიმოხილვა დაერთო ა. შანიძემ, თბ., 1975, გვ. 43—44.

დაკვირვებამ. ხელნაწერს, როგორც ეს წესად იყო მიღებული სხვა ხელნაწერი-ოთხთავების შემთხვევაში, წინ უძღვის კანონები³³, რომლებიც ჩასმულია ორნამენტირებულ თაღოვან ჩარჩოებში. ხელნაწერში რვა ასეთი გვერდია — 1v, 2v, 3v, 4v, 5r, 6r, 7r, 8r. ყველა შემთხვევაში ჩარჩოს თაღები შემკულია ორნამენტებით. აქედან ხუთი გვერდი (3v, 5r, 6r, 7r, 8r) შემკულია ფოთლოვანი ორნამენტით, ხოლო სამი გვერდი — 1v, 2v, 4v, სტილიზებული ქუფური ასოებისაგან შედგენილი ორნამენტით³⁴ (სურ. 14, 15, 16).



სურ. 14

სტილიზებული ქუფური ასოების ორნამენტად გამოყენება XII ს-ის ქართულ ქრისტიანულ ძეგლებში უცხო არ არის. იგი სხვაგანაც დასტურდება: მაცხარიშის მაცხოვრის ეკლესიის (ზემო სვანეთი) 1140 წლის მოხატულობაში ეს ორნამენტი ოთხჯერ გვხვდება — დასავლეთი და ჩრდილოეთი კარების თავზე, შიგნიდან, წმ. ეკატერინეს გვირგვინით შემკობის სცენაში და დემეტრე I-ის სამკლავებზე (როგორც ცნობილია, ამ ეკლესიის ჩრდილოეთ კედლის მოხატულობის დასავლეთ მონაკვეთში წარმოდგენილია დემეტრე I-ის მეფედ კურთხევის სცენა)³⁵. ასეთივე მოტივითაა შემკული სამკლავები გიორგი

³³ ქართულ ხელნაწერთა აღწერილობა, A კოლექცია, ტ. I, გვ. 88—99.

³⁴ A-26-ის კანონების ორნამენტად ქუფური ასოების გამოყენების შესახებ პირველად აღნიშნა თ. ვირსალაძემ (იხ. T. B. Virsaladze, *Фресковая роспись художника Микаэла Маглаკели в Мацхвариши*, «ქართული ხელოვნება», 4, 1955, გვ. 199, შენ. 1.).

³⁵ T. B. Virsaladze, დასახ. ნაშრომი, გვ. 171, სურ. 2; 172, სურ. 3; 175, 184—185, 199; ტაბ. 56, 57.

III-ისა და რატი სურამელისა ვარძიაში³⁶, ერისთავებისა ზემო კრიხში³⁷, მიქელ ჩევიანისა აღიშში³⁸. ყველა მათგანი XII ს-ს განეკუთვნება³⁹.



სურ. 15



სურ. 16

³⁶ Г. Гаприндашвили, Вардзия, Л-д, 1975, таб. 78. 80.

³⁷ Т. Б. Вирсаладзе, Фресковая роспись в церкви Архангелов села Земо Крихи, „ქართული ხელოვნება“, 6, 1963.

³⁸ ნ. აღადაშვილი, ა. ა. ვოლსკაია, ზემო სვანეთის კედლის მხატვრობის ძეგლები, „ძეგლის მეგობარი“, 9, 1967, გვ. 31; სვანეთის წერილობითი ძეგლები, II, თბ., 1988, ტბ. 11.

³⁹ შდრ., ნ. ჩოფიკაშვილი, ქართული კოსტუმი (VI—XIV სს.), თბ., 1964, გვ. 107.

თავისთავად, სახარების ხელნაწერისა (A-26) და ეკლესიების, აგრეთვე დიდებულთა სამოსლის მორთულობის ელემენტებად მაჰმადიანურ-აღმოსავლური მოტივის — ქუფური დამწერლობის, თუნდაც სტილიზებული ასოების ორნამენტებად გამოყენება დიდად საინტერესო ფაქტია და მიუთითებს, ერთი მხრივ, როგორც არაბულ-აღმოსავლური ელემენტების გაძლიერებას კულტურაში (ენაში — ა. შანიძე, ხელოვნების ძეგლებში — დასახელებული მაგალითების მიხედვით), ისე, მეორე მხრივ, ქრისტიანულ და აღმოსავლურ-მაჰმადიანურ კულტურათა ღრმა და მჭიდრო სინთეზს XII ს-ის საქართველოში: მის უმაღლეს გამოხატულებას „გვფხისტყაოსანი“ წარმოადგენს, რომლის ფაბულის არაბულ-აღმოსავლურ საბურველში ქართულ-ქრისტიანული სამყაროა წარმოდგენილი.

როგორც ჩანს, დასახელებულ კულტურათა ეს სინთეზი ბევრად უფრო ღრმა და მრავალსიმომცველი იყო, ვიდრე ეს ჩვენ დღეს გვაქვს წარმოდგენილი. ამ მიმართულებით საგანგებო კვლევამ (კონკრეტული მაგალითებისა და ნიმუშების გამოვლენით და გაანალიზებით) ძალზე საინტერესო სურათი შეიძლება მოგვცეს.

ამ სინთეზის კონკრეტული გამოვლინების მაგალითს ჩვენს შემთხვევაში ვხედავთ ელმელაქისა და დოფის არაბულ-ქართული, გაქრისტიანებული ოჯახის შექმნაში, მათ მიერ შეკვეთილი ქრისტიანული წერილობითი ძეგლის მორთულობის ერთ-ერთ ელემენტებად მაჰმადიანური, არაბულ-აღმოსავლური მოტივის გამოყენებასა და უფრო მეტი, მათ მიერ ეკლესიისა და მონასტრის აშენებაში.

6. ზოგიერთი ახალი მასალა ქობერის ქართული ეპიტაფიების შესახებ


სომხეთის ქართულ ეპიგრაფიკულ ძეგლებს შორის ერთ-ერთი მნიშვნელოვანია XIII—XIV სს. საფლავის ქვების წარწერები ქობერის (ქობაჯრის) მონასტრიდან. პირველად პ. მურადიანმა გამოაქვეყნა 11 ასეთი წარწერა¹. ამ ეპიტაფიებს შორის გვხვდება, როგორც ცნობილი ისტორიული პირების, მაგ. მხარგრძელთა ფეოდალური სახლის წევრების, ისე სხვა წყაროებით უცნობი პირების საფლავის ქვის წარწერები. უნდა ვივარაუდოთ, რომ გარდა პ. მურადიანის მიერ გამოქვეყნებული ეპიტაფიებისა, ქობერის მონასტრის ეზოში, ან მის მიმდებარე ტერიტორიაზე, სადაც ეს წარწერები აღმოჩნდა, კიდევ არის მოსალოდნელი სხვა დღემდე უცნობი საფლავის ქვების ქართული წარწერების გამოვლენა.

ამჟამად მათ მიკვლევას და ამ მეტად საინტერესო მასალის სრულად მოპოვებას ხელს უშლის ის, რომ მონასტრის ტერიტორია მთავარი ტაძრის გარშემო, ასევე, ამ ტაძრის იატაკი და მონასტრის ეზო, მოფენილია დიდი ზომის ქვის ლოდებით, რომლებიც მიწისძვრისა თუ მცირე მიწისქვეშა ბიძგების შედეგადაა ჩამოცვენილი და, შეიძლება ითქვას, დღემდე ცვივა, მონასტრის თავზე

¹ პ. მურადიანი, სომხეთის ქართული წარწერები, წყაროთმცოდნეობითი გამოკვლევა, ერევანი, 1977, გვ. 178—181 (სომხურ ენაზე).

წამომართული კლდეებიდან². როგორც ჩანს, ამ ლოდების ქვიშ დღემდე დაფარულია და მიუკვლეველი არა ერთი და ორი უცნობი ეპიტაფია. უფრო მეტი, ცნობილი ეპიტაფიების ნაწილიც ამჟამად უკვე ლოდების ქვეშაა მოყოლილი და მათი შესწავლა, ან მასალის შემოწმება, შეუძლებელია.

როგორც ჩანს, სწორედ ამავე მიზეზით, ე. ი. იმის გამო, რომ ლოდებით იყო დაფარული და არ ჩანდა, პ. მურადიანის მიერ გამოქვეყნებულ ეპიტაფიებში ქობერის მონასტრიდან არ არის წარმოდგენილი ორი წარწერა — ერთი ვინმე მაკარისა და მეორე — მაკარის შვილის გრიგოლისა. მათი საფლავის ქვები არც ამჟამად ჩანს მონასტრის ტერიტორიაზე. ამ წარწერების მაღალხარისხოვანი, მინაზე გადაღებული ფოტონეგატივები აღმოჩნდა გ. ჩუბინაშვილის სახელობის ქართული ხელოვნების ისტორიის ინსტიტუტის მეტად მდიდარ და ხშირად უნიკალური მასალის შემცველ ფოტოთეკაში. ფოტოთეკის საინვენტარო წიგნის მიხედვით ეს ნეგატივები (№ 5363, 5367) ენიმკის ყოფილი კოლექციიდანაა, დამზადებულია 30-იან წლებში; თუ ვის მიერ, ამის დადგენა, სამწუხაროდ, ამჯერად არ მოხერხდა. ასევე, არ ჩანს სხვა ცნობები ამ მასალის შესახებ.



სურ. 17

მაკარისა და მისი შვილის გრიგოლის ეპიტაფიები ქობერის მონასტრიდან შესრულებულია ასომთავრული, კიდურწერტილოვანი დამწერლობით, პირველი ხუთ და მეორე ექვს სტრიქონად. ორივე წარწერის დასაწყისში დასმულია ქანწილი, რომლის განივი ხაზის ბუდეებში ამოკვეთილია თითო წერტილი. განკვეთილობის ნიშანი ორივე წარწერის ტექსტში — ორწერტილი; ქარაგმის ნიშანი — განივი, კლაცნილი, კიდურწერტილოვანი ხაზი.

² ვერ კიდევ 1276 და 1279 წლებში, როგორც ეს მონასტრის მთავარი ტაძრის კედელზე ამოკვეთილ ორ სხვადასხვა წარწერაშია აღნიშნული, „ეკლესიაი ესე ყოვლით კარისბჰითურთ“ „დალეწილინი ზედაით ქვისაგან“ „შეუკაჲმავს“ გიორგი ბერს — შაჰანზე მანდატურთუხუცაის ძეს (პ. მურადიანი, დასახ. ნაშრომი, გვ. 174—175, 177).

ა. მაკარის ეპიტაფია (სურ. 17, 18):

✠ 𐌆𐌸: 𐌸𐌹𐌸: 𐌸𐌹𐌸: 𐌸𐌹𐌸
𐌸𐌹𐌸: 𐌸𐌹𐌸: 𐌸𐌹𐌸: 𐌸𐌹𐌸
𐌸𐌹𐌸: 𐌸𐌹𐌸: 𐌸𐌹𐌸: 𐌸𐌹𐌸
𐌸: 𐌸+𐌸𐌸>

სურ. 18

✠ ესე საფლ(ა)ეა არის მ(ა)კარ(ი)ს ი,
შ(ე)უნდვე(ი)ნ ღ(მერთმა)ნ; და მ(ა)სცა
შ(ე)უნდვე(ი)ნ ღ(მერთმა)ნ, ვინცა თქუას.

ბ. მაკარის შვილის გრიგოლის ეპიტაფია (სურ. 19, 20):

✠ ესე საფლ(ა)ეა არის მ(ა)კარ(ი)ს
შე(ი)ლ(ი)სა გ(რი)გ(ო)ლი ს ი, შ(ე)
უნდვე(ი)ნ ღ(მერთმა)ნ; და მასცა შ(ე)უნ-
დვე(ი)ნ ღ(მერთმა)ნ, ვ(ი)ნცა თქუას.

როგორც ვხედავთ, ორივე ეპიტაფიის ტექსტი შედგენილია მსგავსი ტრაფარეტული ფორმულით, რომელიც, ამავე დროს, ქობერის მონასტრის სხვა ეპიტაფიების ფორმულების მსგავსია, თუმცა ამათსა და ქობერის სხვა ეპიტაფიებს შორის მცირე განსხვავება მაინც არის. მაგ., აქამდე ცნობილი ქობერის ყველა ეპიტაფია იწყება სიტყვებით „ესე საფლავი...“ და შემდეგ დასახელებულია დაკრძალული პირი³. მაკარისა და გრიგოლის ეპიტაფიაში აღნიშნულ სიტყვებს მოსდევს „არის“, ე. ი. „ესე საფლავი არის...“. გარდა ამისა, განსხვავებით ქობერის ყველა ცნობილი ეპიტაფიისაგან, მაკარისა და გრიგოლის წარწერა მთავრდება სიტყვებით „და მასცა შეუნდვენ ღმერთმან, ვინცა თქუას“. მასასადამე, ისინი ქობერის მონასტრის ეპიტაფიების ტრაფარეტული ტექსტების შემდგომ განვითარებად შეიძლება მივიჩნიოთ, ქრონოლოგიურად მათ მომდევნო დროს მიეკუთვნეთ. მართალია, მაკარისა და გრიგოლის ეპიტაფიები ქრონოლოგიურად ერთმანეთისაგან დიდად დაშორებული არ უნდა იყოს, როგორც მამა-შვილის საფლავის ქვების წარწერები, მაგრამ პალეოგრაფიული ნიშნებისა და ტექნიკური შესრულების ზოგიერთი მონა-

3 იხ. პ. შურადიან, დასახ. ნაშრომი, გვ. 144—145.

8. „მაცნე“, ისტორიის სერია, 1990, № 4

ცემის მიხედვით, ეს წარწერები სხვადასხვა პირების მიერ შესრულებულად უნდა ჩაითვალოს. ეს ნიშნები შემდეგია:

Ⴆ ႧႨ : ႩႪ ႫႬ : Ⴍ
 Ⴎ : ႱႲ ႳႴ ႵႶ ႷႸ
 ႹႺ ႻႼ . ႽႾ Ⴟ
 ႺႻ ႼႽ Ⴞ Ⴟ : Ⴟ
 Ⴟ Ⴟ Ⴚ Ⴛ Ⴜ Ⴞ Ⴟ
 Ⴟ Ⴟ :

სურ. 19

ბ დ-ს მუცელი მაკარის წარწერაში მორაკულურ განივ ხაზს, ასოს თავს უერთდება ორი პარალელური ხაზებით ვადმოცემული ყვლით, ხოლო გრიგოლის წარწერაში ასეთივე დ-ს მუცელი მთელ განივ ხაზს უერთდება ერთი სწორი ხაზით.

ტ ა მაკარის წარწერაში ყოველთვის ვადმოცემულია ზემოთ აწეული რკალით, ხოლო გრიგოლის წარწერის ბოლო სამ სტრიქონში ა-ს რკალი ქვემოთ არის მოხრილი.


მაკარის წარწერისაგან განსხვავებით, გრიგოლის წარწერის სტრიქონები (ბოლო ორი სტრიქონის გამოკლებით) ერთმანეთისაგან ვამოყოფილია ორმა განივი ხაზებით; როგორც ჩანს, სწორედ ამის გამოა, რომ გრიგოლის წარწერაში, ვარდა ერთი შემთხვევისა (მესამე სტრიქონის ბოლოს სიტყვაში ღწ) ქარაგმის ნიშნები არ ზის.

ორივე წარწერაში ტექსტის დასასრულის აღმნიშვნელი სხვადასხვა ნიშნები დასმული (იხ. წარწერების ფოტო და მონახაზები).

ერთი სიტყვით, რამდენადაც ეს წარწერები სხვადასხვა პირების ეპიტაფიებია, იმდენად სხვადასხვა პირების მიერ ჩანს შესრულებულიც.

მსგავსად ქობერის მონასტრის სხვა ეპიტაფიებისა, ეს წარწერებიც, ზოგადად, XIII—XIV სს. თარიღდება. ალბათ, უფრო სწორი იქნება მაკარისა

და მისი შვილის გრიგოლის ეპიტაფიების დათარიღება XIII ს-ის დასასრულით და XIV ს-ით, სავარაუდოდ, მათ შორის ერთი თაობის ქრონოლოგიური სხვაობით. სამწუხაროდ, როგორც მაკარი, ისე გრიგოლი, ისევე როგორც ქობერის ეპიტაფიებში დასახელებული პირების უმრავლესობა, სხვა წყაროებით უცნობია.



სურ. 20

* * *

ქობერის მონასტრის საფლავის ქვების წარწერებს შორის განსაკუთრებით საინტერესოა ერთი ეპიტაფია-ლექსი, რომელიც გამართულია შაირით, ე. ი. თექვსმეტმარცვლიანი სტრიქონებით, თარიღდება XIII ს-ის შუა ხანებით, ან XIII ს-ის II ნახევრით და, ამდენად, როგორც ასეთი, ე. ი. შაირით გამართული, ახლოს დგას „ვეფხისტყაოსნის“ ეპოქასთან⁴. თუმცა, ამასთან ისიც უნდა აღინიშნოს, რომ ამ ლექსის გამოქვეყნების შემდეგ აღმოჩნდა XII ს-ის დასაწყისის (1103 წ.) წარწერა-ლექსი, გამართული ასევე შაირით⁵. მაშასადამე, „ვეფხისტყაოსნის“ ეპოქის წერილობით ძეგლებში შაირით გამართული პოეტური ფორმების დადასტურება თუ ჩვეულებრივ მოვლენად არა, განსაკუთრებულ გამონაკლისად უკვე აღარ ჩაითვლება.

⁴ ე. სილოგავა, სომხეთის ქართული ეპიგრაფიკული ძეგლების გამოცემის შესახებ, „მაცნე“, ვნისა და ლიტერატურის სერია, № 2, 1980, გვ. 169—170.

⁵ გაზ. „ლიტერატურული საქართველო“, 16. XI. 1984, გვ. 10—11.

ქობერის ეს ეპიტაფია-ლექსი დაკავშირებულია მხარგრძელთა ფეოდალური სახლის წევრებთან. წარწერაში ლექსის ტექსტის შემდეგ, ორ სტრიქონად ამოკვეთილია აქ დაკრძალული პირის, თუ პირების სახელი. ეს სტრიქონები პ. მურადიანისეული წაკითხვით ასეთია: „...იწ...ნშს (?) და ხვაშსა შეუნდვენ ღმერთმან“⁶. ამ ტექსტის მეორე ნახევრის წაკითხვა ჩვენც წარმოვადგინეთ: „...და ხვაშ(ა)სა შე(უ)ნდვენ ღ(მერთმა)ნ“⁷, ხოლო პირველი ნახევრის წაკითხვა მაშინ არ მოხერხდა. საქმე იმაშია, რომ საფლავის ქვას ბზარი დაუყვება სწორედ იმ ადგილებში სადაც წარწერის პირველი ნახევრის ასოებია ამოკვეთილი. ამის გამო, ასოთა კვეთის ნაწილი ქვის ანატაკეცებს გაჰყოლია და ტექსტი აქ სხვა ადგილებზე მეტადაა დაზიანებული და ნაკლული. წარწერის ამ ადგილების დამატებითა შესწავლის და ადგილზე შემოწმების შემდეგ შესაძლებელი შეიქნა შემდეგის წაკითხვა:

ღ მ შ ს შ ს ჯ ჯ ს ს
წ ო ნ

მაშასადამე, წარწერის ტექსტში ამ ადგილას იკითხება:

[ს(უ)ლსა შ]ანშ(ე)ს და ხვაშ(ა)სა, შ(უ)ნდვენ ღ(მერთმა)ნ.

მივიღეთ, რომ ეპიტაფიის ტექსტში მხარგრძელთა ფეოდალური სახლის ორი წევრის — შანშეს და ხვაშას, სახელებია მოხსენიებული. ცნობილია, რომ ქობერის მონასტერთან კავშირი ჰქონდა 1261 წელს გარდაცვლილი შანშე მანდატურთუხუცესის — საქართველოს სამეფოს ერთ-ერთი დიდმოხელის ცოლს, რომელმაც ეს მონასტერი შეიძინა სომეხებისაგან, როგორც ამას XIII ს-ის სომეხი ისტორიკოსი კირაკოს განძაკეცი გადმოგვცემს. მისივე ცნობით, 1261 წელს ოძუნში გარდაცვლილი შაჰანშე ქობერის მონასტერში დაკრძალეს⁸. გამოთქმულია ვარაუდი, რომ შანშეს ცოლი და, შესაძლებელია, თვით შანშეც უნდა იყვნენ გამოსახულები ქობერის მონასტრის მთავარი ტაძრასათვის მიშენებული სამლოცველოს XIII ს-ის მხატვრობაში⁹. მაშასადამე, მხარ-


6 პ. მურადიანი, დასახ. ნაშრომი, გვ. 180.

7 ვ. სილოგავა, დასახ. ნაშრომი, გვ. 169.

8 Киракос Гандзакци, История Армении. Перевод с древнеармянского, предисловие и комментарий Л. А. Ханларян, М., 1976, с. 236.

9 ზ. სხირტლადე, გამოკვლევა ქობაირის ტაძრის მონატულობის შესახებ, თსუ შრომები, ტ. 24, 1983, გვ. 195.

გრძელთა ფეოდალურ სახლში, წყაროების მიხედვით, სახელი ხუაშა, ასეთ პოზიციებში დასტურდება:



როგორც ვხედავთ, სახელი „ხუაშა“ მხარგრძელთა დიდ ფეოდალურ სახლში ოთხჯერ დადასტურდა — ერთხელ რძალ-დედამთილის და ერთხელ ბებია-შვილიშვილის სახელებად. აქედან, ქრონოლოგიურად პირველ ხუაშას, რომელიც XIII ს-ის დასაწყისში მოღვაწეობდა და უკანასკნელ ხუაშას, რომელიც XIII ს-ის II ნახევარში მოღვაწეობდა, მეუღლეთა სახელი იყო ივანე. ეს გახდა მიზეზი იმისა, რომ კოშის წარწერა-საბუთის ივანე და ხუაშა — XIII ს-ის II ნახ-ის მოღვაწეები, შეცდომით მიჩნეული იყო XIII ს-ის დასაწყისის მოღვაწეებად — ივანე ათაბაგად და მის მეუღლე ხუაშად¹⁰.

ამჟამად, როდესაც მოხერხდა ქობერის მონასტრის ეპიტაფია-ლექსის ბოლო სტრიქონში შაპანშეს და ხუაშას — ყველა მონაცემის მიხედვით ცოლ-ქმრის, სახელების წაკითხვა, შეიძლება მეტი დაბეჯითებით ვამტკიცოთ, რომ კოშის წარწერისეული ხუაშა — „შაპანშეს და მისთა ძმათა დედა“, არის ივანე II მანდატურთუხუცესის მეუღლე, რომლის სახელი უცნობი იყო და მხოლოდ ვივარაუდეთ, რომ მასაც ხუაშა ერქვა, ისევე როგორც მისი მეუღლის (ივანე II-ის) დედას.

В. И. СИЛОГАВА

ЭПИГРАФИЧЕСКИЕ ЭТЮДЫ И ЗАМЕТКИ

Резюме

Статья состоит из четырех эпиграфических этюдов: 1) Эпиграфический документ из с. Вариани. 2) Надпись Антония Кутатели. 3) Надпись Элмелика Падлисдзе и о воспитательнице царицы Тамар Допе. 4. Некоторые новые материалы о грузинских эпитафиях Коберского монастыря.

В первом этюде опубликован эпиграфический документ, датирующийся X—XI вв. „წელი და სიმტკიცე“ — „xeli da simtqice“ („рука и подтвер-“

¹⁰ დაწვრილებით იხ.: ვ. სილოგავა, დასახ. ნაშრომი, გვ. 159—163.

ждение“), высеченный на тимпане северного входа церкви „დედა ღვთისა“ — „dedayvtisa“ („Матерь Божья“) картлийского села Вариани (Горийский р-н). Эпиграфические документы подобного вида (их до этого было известно семь единиц) в текстах названы как „ხელი“ — „xeli“ („рука“), а варянская, кроме того, названа еще и как „სიმტკიცე“ — „simtqice“ („подтверждение“). В связи с этим представлены материалы и высказано предположение о том, что дипломатический термин „სიმტკიცე“ — „simtqice“ („подтверждение“) в древнегрузинских письменных памятниках обозначал рукоприложение к документу.

Во втором этюде впервые издается надпись Антония Кутатели (Кутаисского архиепископа) начала, или же I пол. XI века. Так как известен Антоний Кутатели и во II пол. XII века, как один из активных деятелей эпохи царицы Тамар, представлены аргументы размежевания этих двух одноименных церковных иерархов. Здесь же представлены материалы упоминания в письменных источниках всех известных к настоящему времени Кутаисских архиепископов «раннего периода» и установлен их ряд с начала XI в. по конец XII в.

В третьем этюде публикуется восстановленный текст одной довольно обширной грузинской надписи, датированной «пятым индиктионом царствования царицы Тамар» (т. е. 1189 годом). Надпись по содержанию является как строительной, так и юридическим документом (о пожаловании местности Андика Элмеликом Падлисдзе построенному им монастырю). Упомянутые в надписи ктиторы — Элмелик Падлисдзе и его супруга Допи, идентифицируются с лицами таким же именем в других письменных источниках (приписки рукописей, исторические документы, поминальные записи). Здесь же представлены конкретные материалы относительно памятников христианской и восточной (арабо-мусульманской) культуры Грузии XII века.

В четвертом этюде опубликованы неизвестные ранее две грузинские эпитафии конца XIII—XIV вв. из Коберского монастыря — некоего Макария и его сына Григола. Уточнено заключительное предложение текста одной и ранее известной эпитафии II пол. XIII в. из того же монастыря. Выясняется, что эпитафия принадлежит мандатуртухуцесу Шаханше и его супруге Хуаша. В связи с этим предложена новая, дополненная генеалогическая схема феодального дома Мхаргдзели.

V. I. SILOGAVA

EPIGRAPHIC STUDIES AND NOTES

Summary

The paper comprises four epigraphic studies: 1) an epigraphic document from the village of Variani; 2) an inscription of Anton Kutateli; 3) an inscription of Elmelik Padlisdze and Dopî, tutoress of Queen Tamar; 4) some new materials on the Georgian epitaphs of the Koberi monastery.

Published in the first study is an epigraphic document, dated to the 10th-11th cent., xeli dasimtqice („hand and confirmation“), carved on the tympanum of the northern entrance of the dedayvtisa („Mother of God“) church in the Kartli village of Variani (Gori dist.). In

the texts, epigraphic documents of this type (hitherto seven specimens were known) have been designated *xeli* („hand“), whereas the Variani specimen has the additional designation *simtkice* („confirmation“). Materials are adduced in this connection and it is suggested that the diplomatic form *simtkice* in Old Georgian written documents meant the signing of such a document.

In the second study, the inscription of Anton Kutateli, Archbishop of Kutaisi, datable to the beginning or the first half of the 11th cent., is published for the first time. As another Anton Kutateli is known in the second half of the 12th cent., an active churchman of the period of Queen Tamar, arguments are adduced towards the differentiation of these same-name church hierarchs. Evidence is adduced also on the references in the written sources of all the Kutaisi archbishops of the earlier period, known to date; their sequence is established, beginning with the 11th up to the end of the 12th cent.

The third study presents the reconstructed text of one fairly extensive Georgian inscription dated to the „fifth indiction of the reign of Queen Tamar“ (i. e. 1189). In content, the inscription is both a constructional and a legal document (on the bestowal of the locality of Andika by Elmelik Padlisdze to the monastery built by him. Elmelik Padlisdze and his spouse Dopi—the donors mentioned in the inscription—are identified with same-name persons found in other written sources (colopons of manuscripts, historical documents, feast-day records). Some data are also presented on monuments of the Christian and Oriental (Arabic-Islamic) culture in 11th cent. Georgia.

The fourth study features two hitherto unknown Georgian epitaphs of the end of the 13th-14th cent. from the Koberi monastery; the epitaphs belong to a certain Makari and his son Grigol. The closing sentence in the text of one earlier-known epitaph of the second half of the 13th cent. from the same monastery is specified. The epitaph proves to have belonged to the *mandartukhutsesi* Shahansha and his spouse Khuasha. In this connection, a new supplemented genealogical diagram of the feudal house of the Mkhargrdzeli is proposed.

წარმოადგინა საქართველოს რესპუბლიკის მეცნიერებათა აკადემიის კ. კეკელიძის სახ. ხელნაწერთა ინსტიტუტმა

კათოლიკოს-პატრიარქის

კოკაბუარი ეთნოგრაფიული თემის მნიშვნელობა
თანამედროვე ეგვიპტეში

აღმოსავლეთის ქვეყნებში მოსახლე ეთნიკურ უმცირესობათა ისტორიისა და დღევანდელი მდგომარეობის შესწავლა თანამედროვე ორიენტალისტიკის ერთ-ერთი ყველაზე აქტუალური საკითხია. ამის გარეშე შეუძლებელია არა მარტო ამა თუ იმ ქვეყანაში შექმნილი კონკრეტული ეროვნული სიტუაციის ღრმა გააზრება, არამედ მთლიანად აზიასა და აფრიკაში მიმდინარე რთული სოციალურ-პოლიტიკური და კულტურული პროცესების სრულყოფილი კვლევა. მიუხედავად ამისა, საბჭოთა აღმოსავლური ისტორიოგრაფიის ყურადღების არეალში ეს საკითხი შედარებით გვიან მოექცა. ამის ერთ-ერთ მიზეზად შეიძლება ისიც ჩაითვალოს, რომ კოლონიური სისტემის დაშლამდე მარქსისტული ორიენტალისტიკა ეროვნულ საკითხს ძირითადად როგორც ეროვნულ-კოლონიურს ისე განიხილავდა და ყურადღებას პირველ რიგში კოლონიალიზმისა და იმპერიალიზმის წინააღმდეგ მიმართულ ეროვნულ-განმათავისუფლებელ მოძრაობებზე ამახვილებდა¹. ამის გამო, მიუხედავად ბოლო წლებში გამოქვეყნებული ამ პრობლემისადმი მიძღვნილი არა ერთი საყურადღებო ნაშრომისა ამ დარგში სამკალი ჯერ კიდევ ფრიად არს.

ეგვიპტის კოპტური ეთნოგრაფიული თემი სწორედ იმ ეთნიკურ უმცირესობათა რიცხვს განეკუთვნება, რომლის როლი და სტატუსი ქვეყნის ეკონომიკურ, სოციალურ-პოლიტიკურ და კულტურულ ცხოვრებაში სრულად შესწავლილი არ არის. ეგვიპტის უძველესი ავტოხტონური მოსახლეობის უცვლლობად ნამდვილმა შემკვიდრებმა, კოპტებმა ჩვ. წელთაღრიცხვის I ს-ში მიიღეს ქრისტიანობა. გადმოცემით ქრისტიანობა ეგვიპტეში წმ. მარკოზმა იქადაგა². მან ალექსანდრიაში დააარსა საეპისკოპოსო კათედრა, რომელიც დროთა განმავლობაში აღმოსავლური ქრისტიანული სამყაროს ერთ-ერთ ყველაზე ავტორიტეტულ ცენტრად იქცა. V ს-ში (451 წ.) ქალკედონის საეკლესიო კრების გადაწყვეტილებით, ალექსანდრიის არქიეპისკოპოსს, რომის, კონსტანტინეპოლის, ანტიოქიისა და იერუსალიმის არქიეპისკოპოსებთან ერთად პატრიარქის წოდება მიენიჭა³. ალექსანდრიის ეკლესიამ თავის უმაღლეს ბრწყინვალეობას IV ს-ში მიაღწია. ამ პერიოდისათვის, როგორც ჩანს, ეგვიპტის მთელს

¹ ამ აზრისა მკ. მ. ლაზარევი. იხ. მისი სტატია „Национальный вопрос в странах Азии и Африки (проблемы исследования), Народы Азии и Африки, № 1, 1979, გვ. 126.

² დაწვრილებით ამის შესახებ იხ. Болотов В. В., Из церковной истории Египта, вып. 4, СПб., 1893.

³ Дурново Н. Н., Исторические исследования о патриарших и египетских (автокефальных) престолах в православной восточной церкви, М., 1910, გვ. 23.

მოსახლეობას უკვე მიღებული ჰქონდა ქრისტიანობა, ქვეყნის ტერიტორიაზე მრავალრიცხოვანი ეკლესია-მონასტრები არსებობდა⁴. ამ დროისათვის ეგვიპტე აღმოსავლეთ რომის იმპერიის პროვინცია იყო. პოლიტიკურმა უთანხმოებამ კონსტანტინეპოლსა და ალექსანდრიას შორის რელიგიური განხეთქილების სახე მიიღო. ქალკედონის კრებაზე ალექსანდრიელმა ეპისკოპოსებმა პატრიარქ დიოსკორუსის წინამძღოლობით ქრისტეს ერთბუნებრივობის მომხრეებს დაუჭირეს მხარი და ამით გეგმიკენ ბიზანტიის მართლმადიდებლობას⁵. ამ დროიდან მონოფიზიტობა ეგვიპტის ძირითადი მოსახლეობის რწმუნად იქცა. ბიზანტიის იმპერატორები ცდილობდნენ ეგვიპტელი მონოფიზიტების წინააღმდეგობა გაეტეხათ. ამ მიზნით ისინი დამსჯელ რაზმებს აგზავნიდნენ. ქვეყანა რელიგიური სისხლიანი შეტაკებების სარბიელად იქცა. ამან ხელი შეუწყო ეგვიპტეში ბიზანტიური ბატონობის დამოხმას. VII ს-ში (639—641 წწ.) აქ მოსულ არაბ სარდალს ამრ-იბნ-ალ-ასსას, ადგილობრივი მოსახლეობა მეგობრულად შეწვდა. კოპტების პატრიარქმა ბენიამინმა ამრს აღუთქვა, რომ ღმერთს შეევედრებოდა არაბთა გამარჯვებას და ამის სანაცვლოდ „ეკლესიის აღსადგენად“ ფული სთხოვა⁶. არაბულ სახალიფოში კოპტები, სხვა ქრისტიანთა მსგავსად, მუსლიმთა მფარველობაში შევიდნენ და ამის საფასურად სულად გადასახადს ჯიზიას იხდიდნენ. თავდაპირველად, ისევე როგორც სახალიფოს სხვა პროვინციებში, ეგვიპტეშიც ქრისტიანული და მუსლიმური თემები მშვიდობიანად თანარსებობდნენ. არაბები გადასახადების აკრეფით კმაყოფილდებოდნენ და ქვეყნის მართვა-გამგეობის საქმეში ნაკლებად ერეოდნენ, — იგი ეგვიპტელთა ხელში რჩებოდა, მაგრამ თანდათანობით, არაბიზაციისა და ისლამიზაციის პროცესის გაღრმავებასთან ერთად, მდგომარეობა შეიცვალა, გახშირდა ქრისტიანთა დევნა-დაწიოკება და ამის საპასუხო კოპტების აჯანყებები. ერთ-ერთი უკანასკნელი ყველაზე დიდი აჯანყება 831 წელს ჩაახშეს⁷. პირველი ფატიმიანი ხალიფები რჯულშემწყნარებლურად იყვნენ განწყობილი, მაგრამ ხალიფა ჰაქიმის დროს კვლავ ფანატიზმმა დაისადგურა — კოპტებს მრავალრიცხოვანი მძიმე და დამამცირებელი შეწულდევები დაადეს. ჰაქიმის მემკვიდრეების დროს მდგომარეობა ერთგვარად გაუმჯობესდა, მაგრამ შემდგომ საუკუნეებში კოპტებს კვლავ ხშირად სდევნიდნენ XIV ს-ში, სულთან კალაუტინს დროს არაერთმა ათასმა კოპტმა მიიღო ისლამი. მრავალი ეკლესია-მონასტერი მეჩეთად გადააკეთეს. ოსმალთა პერიოდის ეგვიპტეში კოპტების როლი კიდევ უფრო შემცირდა, მოხდა მათი სოციალური იზოლაცია, ქალაქებში მათ განცალკევებულ უბნებში დაიწყეს სახლობა, წარმოიშვა კარჩაკეტილი კოპტური თემები — სოფლებიც. ნაპოლეონ ბონაპარტის ხანმოკლე ბატონობას ეგვიპტეში (1798—1801) კოპტების მდგომარეობაში არსებითად არაფერი შეუცვლია, მაგრამ მან საუკუნეობრივ ძილს მიცემული ქვეყნის გამოღვიძებას მისცა დასაბამი და, ამდენად, აქ მცხოვრები არამუსლიმი ეთნოსების ყოფაცხოვრებაში ზოგიერთ

⁴ ო. შეინარდუსის აზრით, „ბერების“ (სასულიერო პირთა) რაოდენობა ამ დროს ეგვიპტეში 0,5 მილიონს აღემატებოდა. Meinardus O., Monks and monasteries of the Egyptian Deserts, Caire, 1960, გვ. 380.

⁵ Петров Л., Восточные христианские общества. Краткий очерк их минувшей судьбы и нынешнего состояния, СПб., 1869, გვ. 47.

⁶ იქვე, გვ. 48.

⁷ Мец А., Мусульманский Ренессанс, М., 1973 გვ. 56-57.



არსებით ცვლილებასაც ჩაუყარა საფუძველი. უკვე მუჰამედ ალის მმართველობის ხანამ ამ მხრივ ბევრი სიახლე მოიტანა. იმ დიდი გარდაქმნებისათვის, რომელიც ენერგიულმა ეგვიპტის ფაშამ წამოიწყო, მას ნიჭიერი და მცოდნე თანამოსაქმენი ესაჭიროებოდა. სახელმწიფოებრივ სამსახურში, სხვადასხვა პოსტზე დაწინაურებისას იგი ყურადღებას არ აქცევდა პიროვნების რელიგიურ მრწამსს. ამან გაუხსნა გზა კობტებს მაღალი თანამდებობებისკენ. ბევრმა მათგანმა ბენისა და ფაშის ტიტული მიიღო. მუჰამედ ალიმ გააუქმა ქრისტიანების წინააღმდეგ მიმართული ბევრი კანონი და ებრძოდა მუსლიმური ფანატიზმის გამოვლინებებს⁸. მუჰამედ ალის მემკვიდრეების დროს კობტებმა ახალ, უფლებები მოიპოვეს. 1855 წ. ეგვიპტის მმართველმა მუჰამედ საიდმა გააუქმა არამუსლიმებზე დაწესებული სულადი ვადასახადი — ჯიზია, კობტებს მიეცათ საშუალება სამხედრო სამსახურში შესვლისა — „არაბების მიერ ეგვიპტის დაპყრობის შემდეგ კობტებმა პირველად მიიღეს უფლება იარაღის ტარებისა⁹. ზედიზე ისმაილის დროს დეპუტატთა სათათბიროს საკრებულოში (ნოტაბლების პალატაში) იწყეს კობტი დეპუტატების არჩევა. ეგვიპტის ბრიტანულმა ოკუპაციამ 1882 წელს ძირფესვიანად შეცვალა კობტების მდგომარეობა. რიგი მიზეზების გამო, რომელთაც ქვემოთ განვიხილავთ, არამუსლიმური ეთნორელიგიური ჯგუფების წარმომადგენლებმა მუსლიმებზე უფრო ადრე და ინტენსიურად ჩაებნენ კაპიტალიზაციის პროცესში, რომელიც ოკუპაციამ დააჩქარა. კობტური თემის ზედაფენშიც გაჩნდნენ კომპარატორები, რომლებიც უცხოურ კაპიტალთან იყვნენ დაკავშირებული და ინგლისელებთან თანამშრომლობდნენ, მაგრამ კობტური მოსახლეობის ფართო მასები აქტიურად ჩაებნენ ეგვიპტელი ხალხის ეროვნულ-განმათავისუფლებელ მოძრაობაში¹⁰. კობტმა მოღვაწეებმა თავიანთი წვლილი შეიტანეს ეგვიპტური ნაციონალიზმის იდეოლოგიის ჩამოყალიბებაში, რომლის გარშემო ერთიანდებოდნენ ეგვიპტელი პატრიოტები განურჩევლად ეთნიკური და რელიგიური კუთვნილებისა, უცხოელ დამპყრობლებთან საბრძოლველად. 1922 წელს ეგვიპტისათვის ფორმალური დამოუკიდებლობის მინიჭების დღიდან 1952 წლის ივლისის ანტიმონარქისტულ და ანტიიმპერიალისტურ რევოლუციამდე, ქვეყანას მეფე ფარუკის უკიდურესად რეაქციული დასი მართავდა. ამ პერიოდში მმართველი წრეების პროიმპერიალისტური განწყობილებები პარალელურად ეხამებოდა მეზობელი პანარაბიზმისა და პანისლამიზმის იდეოლოგიას. ეგვიპტის არაარაბ და არამუსლიმ უმცირესობათა წარმომადგენლები საზოგადოებრივ-პოლიტიკური საქმიანობის ბევრ სფეროს ჩამოაცილეს. იმ მწვავედ მდგარ სოციალურ-ეკონომიკურ პრობლემებთან ერთად, რომლებიც

⁸ მუჰამედ ალის პოლიტიკა კობტებისა და საერთოდ ეთნორელიგიურ უმცირესობათა მიმართ გასათვალისწინებელია საზოგადოდ მისი პიროვნებისა და მმართველობის მნიშვნელობის შეფასებისათვის. სსრკ მეცნიერებათა აკადემიის აფრიკის ინსტიტუტის მეგრ მომზადებულ აფრიკის ისტორიის სახელმძღვანელოში ვკითხულობთ: „Главной целью Мухамеда Али было возрождение былой славы и могущества ислама. Мухамед Али хотел сочетать европейскую технологию с традиционным исламом, ничего не меняя в его социальных и политических структурах (დაყოფა ჩვენია—ქ. ა.). (История Африки XIX—начале XX в., М., 1984 გვ. 48). ეს აზრი ჩვენ საკმაოდ გვეჩვენება.

⁹ Wakin E. A Lonely minority. The modern Story of Egypt's Copts, № 7., 1963, გვ. 10.

¹⁰ კობტებმა თავიდანვე მხარი დაუჭირეს ვაფდის პარტიას. ვაფდის ერთ-ერთი დამაარსებელი, მაგრამ უბეიდ ფაშა კობტი იყო.

ეგვიპტის ძირითადი მოსახლეობისათვის საერთო იყო, განურჩევლად ეთნიკური კუთვნილებისა და რელიგიური მრწამსისა, ზემოხსენებულმა გარემოებამაც შეუწყო ხელი იმას, რომ კოპტების უმრავლესობა ორმოცდაათიანი წლების რევოლუციურ გარდაქმნებს თანაგრძნობით შეხვდა და გადაწყვეტ მომენტებში აშკარად და პირდაპირ უჭერდა მხარს ახალგაზრდა ოფიცერთა პოლიტიკურ ხაზს¹¹.

დღესდღეობით კოპტები თანამედროვე ეგვიპტის ყველაზე მნიშვნელოვან ეთნიკურ უმცირესობას წარმოადგენენ, როგორც რაოდენობრივად, ასევე იმ წვლილის მიხედვით, რომელიც მათ ქვეყნის ეკონომიკურ, სოციალურ-პოლიტიკურ და კულტურულ ცხოვრებაში შეაქვთ. ე. უოკინი მათ „ერთადერთ უმცირესობას“ უწოდებს და ეს სახელწოდება თავისი მონოგრაფიის სათაურშიც აქვს გამოტანილი¹². ვფიქრობთ, ჩვენ მიერ მოტანილი მოკლე ისტორიული ცნობებიც საკმარისია იმისათვის, რომ ნათელი გახდეს კოპტური თემის ისტორიულ-სოციალური განვითარებისა და თანამედროვე მდგომარეობის გულდასმითი შესწავლის აუცილებლობა.

დასავლეთში გამოცემულია რამოდენიმე ფუნდამენტური მონოგრაფია კოპტების შესახებ, მაგრამ მათი უმრავლესობა კოპტური თემის ისტორიისა და თანამედროვე ყოფის გარკვეულ მხარეებს — უმთავრესად საეკლესიო ისტორიას, დღევანდელ სამონასტრო ყოფასა და რელიგიურ მდგომარეობას ეხება¹³. იმავე ხასიათს ატარებდა თხზულებები და მოგზაურთა ჩანაწერები, რომლებიც რევოლუციამდელ რუსეთში ქვეყნდებოდა¹⁴. საკითხი კი გაცილებით უფრო ფართოა.

დღესდღეობით კოპტების ზუსტი რაოდენობა უცნობია. სხვადასხვა წყაროს მონაცემებით იგი 1,9 მილიონიდან 7 მილიონამდე (შესაბამისად ეგვიპტის არაბთა რესპუბლიკის მოსახლეობის 5—20%) მერყეობს¹⁵. ჩვენ შევეცადეთ შეგვედარებინა ერთმანეთისათვის ზოგიერთ ცნობარსა და ლიტერატურაში დამოწმებული მონაცემები (იხ. ცხრილი)¹⁶.

¹¹ სუეცის კრიზისისა და სამთა აგრესიის პერიოდში კოპტებმა მუსლიმებთან ერთად იარაღით ხელში იცადნენ ეგვიპტის დამოუკიდებლობას. იგივე შეიძლება ითქვას 1957 წლის ისრაელის აგრესიის მოგერიებაზე.

¹² Wakin E. დასახ. ნაშრომი.

¹³ მაგ. ო. მენარდუსის მოხსენიებული ნაშრომი. აგრეთვე, Butler A. G., *The Ancient Coptic churches of Egypt* t. 1-2. Oxford, 1884., *History of the Patriachs of the coptic church of Alexandria*, Paris, 1904; Cramer M. *Das christlich-koptische Ägypten einst und heute*, Wiesbaden, 1959; Farag K. *Sociological and moral studies in the Field of coptic Monasticism*, Leiden, 1964 და. სხვ.

¹⁴ გარდა მოხსენებულისა იხ. მაგ.: Тураев Б. А. *Египетские церковные впечатления*, СПб., 1910; Успенский П., *Вероучение, богослужение, чиноположение и правила церковного благочиния египетских христиан (коптов)*, СПб., 1856.

¹⁵ ზოგიერთი ავტორის ვარაუდით, კოპტების ზუსტი რაოდენობის დადგენა იმატომაც არის გაძნელებული. რომ ჩვეულებრივ ფელაზები ერიდებიან შეილების რაოდენობის ოფიციალურად დასახელებას. იხ. მაგ., Hopwood Derek „Egypt: Politics and Society 1945—1981“, L., 1983, გვ. 45. ეს დაკავშირებულია ცრურწმენებთან, მცირეწლოვანი ბავშვის გათვალისწინებით.

¹⁶ ჩვენ მიერ გამოანგარიშებული რიცხვები ჩასმულია კვადრატულ ფრჩხილებში.

მოტანილი ცხრილიდან ადვილია დავასკვნათ, რომ ყველაზე მცირე რაოდენობა კომპტებისა მითითებულია იმ გამოცემებში, რომლებიც ძირითადად ევგებტის ოფიციალურ წყაროებს ეყრდნობიან. დასავლურ პრესასა და გა-

წყარო	პერიოდი	რაოდენობა	% მთელი მოსახლეობისა
1. Wakin E. „A Lonely minority“ ¹⁷	XX ს. 50-იან წწ. დასასრული 60-იანი წწ. დასაწყისი	4 მლნ	16—17%
2. UW Demographie Year Book 1963 ¹⁸	60-იანი წწ. დასაწყისი	1,9 მლნ	[≈ 8%]
3. Area Hand Book for the United Arab Republic (Egypt) Washington 1970 ¹⁹	60-იანი წწ. დასასრული	2,3 მლნ	7%
4. Dekmejian R. H. „Egypt under Nasir“ ²⁰	70-იანი წწ. დასაწყისი	4 მლნ	16%
5. Chalaby A. „Les Coptes d’Egypte“ ²¹	70-იანი წწ. დასაწყისი	7 მლნ	20%
6. Большая Советская энциклопедия ²²		2 მლნ	
7. ქართული საბჭოთა ენციკლოპედია ²³	70-იანი წწ. დასაწყისი	1,9 მლნ	5%
8. ქართული საბჭოთა ენციკლოპედია ²⁴	1975	2 მლნ-ზე მეტი	
9. „Die Neue Züricher Zeitung“ ²⁵	1980	[≈ 4 მლნ]	10%
10. „Le monde“ ²⁶	1980	5 მლნ-მდე	12%(მაქსიმუმი)
11. Шпажников Г. А. Религия стран Африки ²⁷	80-იანი წწ. დასაწყისი	2, 4—3 მლნ	5—7%
12. Настольная книга атеиста ²⁸	80-იანი წწ. დასაწყისი	3,5 მლნ	9%

მოკვლევებში გაცილებით უფრო დიდი რაოდენობა არის დასახელებული, ხოლო ყველაზე მაღალ რიცხვს (ქვეყნის მოსახლეობის 20%) კომპტი მეცნიერი ა. შალბი ასახელებს, მაგრამ ეს გაზვიადებული ჩანს²⁹. პირადად ჩვენ ყველაზე

¹⁷ Wakin E. დასახ. ნაშრომი, გვ. 4.
¹⁸ Dekmejian R. H. Egypt Under Nasis, New-Iourk, 1971, გვ. 3247.
¹⁹ Соловьев А. К.: К вопросу о значении коптской общины.
²⁰ Dekmejian R. H. იქვე.
²¹ Chalaby A. დასახ. ნაშრომი, გვ. 69.
²² Большая Советская энциклопедия, изд. т. 13 გვ.
²³ ქართული საბჭოთა ენციკლოპედია, ტ. 4, გვ. 13,
²⁴ ქართული საბჭოთა ენციკლოპედია, ტ. 5, გვ. 661.
²⁵ „Die Neue Züricher Zeitung“, 1980, IV, 13, 14.
²⁶ „Le monde“, 1980, IV, 24.
²⁷ Шпажников Г. А. დასახ. ნაშრომი, М., 1981, გვ. 40.
²⁸ Настольная книга атеиста, М., 1985, გვ. 94.

²⁹ სხვადასხვა პროფესიისა და განათლების კომპტებთან ჩვენმა შეხვედრებმა და საუბრებმა დაგვარწმუნა, რომ ისინი ჩვეულებრივ მიდრეკილებას იჩენენ ევგებტეში ქრისტიანული მოსახლეობის რაოდენობის გაზვიადებისაკენ.

რეალურად გვეჩვენება მონაცემი 4,5—5 მლნ (ქვეყნის მოსახლეობის დაახლ. 9—10%)³⁰. დღესდღეობით ეგვიპტის ქრისტიანთა დიდი უმრავლესობა ზემო და შუა ეგვიპტის ქალაქებში ცხოვრობს (ასიუტში, ახმიმში, ელ-მინიაში, ლუქ-სორში და სხვ.) კაიროსა და ალექსანდრიაშიც ტრადიციულად ბევრი კობტი სახლობს. ქალაქებში კობტები მისდევენ ხელოსნობასა და ვაჭრობას, საგარეო-საზღვაო დიდია მათ შორის მოხელეთა და ინტელიგენციის ფენა, არიან კობტი მუშები და კობტი მეწარმეები. სოფლად კობტური მოსახლეობის ხვედრითი წილი შედარებით უფრო მცირეა. ეს განპირობებულია იმით, რომ სოფლის მეურნეობაში მუსლიმების მიერ ქრისტიანებზე დაწესებული გადასახადები ყველაზე მძიმე იყო. ამდენად, საუკუნეების განმავლობაში სოფლად მცხოვრები კობტების ძირითადმა ნაწილმა მიიღო ისლამი, ან ქალაქებში გადასახლდა. ეგვიპტელი ფელაქების ცხოვრებაზე ცნობილი მონოგრაფიის ავტორი, თვით წარმოშობით ეგვიპტელი, კათოლიკე სასულიერო პირი ა. აირუ ვარაუდობდა, რომ 50-იანი წწ. დასაწყისისათვის ველახთა შორის დაახლ. 2 მლნ. კობტი იყო და ეს ეგვიპტის სოფლის მოსახლეობის 10—12%-ს შეადგენდა³¹. ა. აირუს მონაცემები ა. შალაბის მსგავსად, გაზვიადებულად რომც არ მივიჩინოთ, ქალაქად კობტური მოსახლეობის ხვედრითი წილი მაინც მეტი ჩანს და ჩვენი ვარაუდით მის მეხუთედს უახლოვდება. ეგვიპტის გარდა კობტების მცირე თემები არას სუდანში, თურქეთში, ისრაელში, იორდანიაში, ერაყში, კუვეიტში და სხვ.³²

კობტების თანამედროვე მდგომარეობისა და როლის კვლევა, სრულყოფილი გაშუქება შეუძლებელია იმ ფაქტორების წარმოჩენის გარეშე, რომლებიც გადამწყვეტ ზეგავლენას ახდენდნენ მათ ეკონომიკურ და სოციალურ-პოლიტიკურ სტატუსზე, კულტურაზე, მსოფლმხედველობაზე და ა. შ. მთელი მათი ისტორიის განმავლობაში, განსაკუთრებით კი ეგვიპტეში ისლამის შემოჭრის პერიოდთან.

ზემოთ უკვე აღვნიშნეთ მიზეზები, რომელთაც განაპირობეს სოფლად მცხოვრები მიწათმოქმედი მოსახლეობის ინტენსიური ისლამიზაცია, სხვა ფენებთან და სოციალურ ჯგუფებთან შედარებით და ქრისტიანი-კობტების უფრო მაღალი კონცენტრაცია სამეურნეო და სოციალური საქმიანობის სხვა სფეროებში.

ისლამის ცნობილი სამართლებრივი და მორალური დებულებების გამო, რომლებიც მუსლიმებს საფინანსო საქმიანობის მთელ რიგ სფეროებში უკრძალავდნენ მონაწილეობას, მთელს არაბულ სახალიფოში და შემდგომ მუსლიმანურ სამყაროში ამ სფეროებში სწორედ არამუსლიმებმა (ქრისტიანებმა, ებ-

³⁰ გასათვალისწინებელია აგრეთვე ისიც, რომ 60-იანი წლების დასაწყისში ჩატარებული გამოკვლევის მიხედვით, მუსლიმი ქალები უფრო ხშირად მშობიარობენ, ვიდრე იმავე სოციალური მდგომარეობის კობტი ქალები (Morroe Berger., The arab world, New-Iourk, 1964, გვ. 178; Белыев И. П., Примаков Е. М. Египет. Время президента Насера, М., 1981, გვ. 215. თუმცა კობტების სოციალურ-კულტურული სტატუსი მოლიანობაში უფრო მაღალია ვიდრე მუსლიმებისა, რაზედაც ქვემოთ ვიმსჯელებთ, და ეს გავლენას ახდენს არა მარტო შობადობის, არამედ სიკვდილიანობის შემცირებაზეც, მაინც აღნიშნულა გარემოება შეიძლება გაჩნდეს მიზეზი ეგვიპტის მოსახლეობაში კობტების შეფარდებითი რაოდენობის შემცირებისა.

³¹ Айру А. Феллахи Египта, М., 1954, გვ. 82, 104.

³² ბოლო ათწლეულებში გაჩნდა კობტური თემები აშშ-ში, ავსტრალიაში, დასავლეთ ევროპის ზოგიერთ ქვეყანაში.

რაელებმა) მოიციდეს ფეხი. ეგვიპტეში კობტებმა თავიდან დაისაკუთრეს მავ, ისეთი დარგები, როგორც მეფავშეობა და გადასახადების აკრეფა იყო. ასევე ტრადიციულია კობტების მოძალემა სამოხელეო-ბიუროკრატიულ აპარატში. მართალია, ისლამურ სახელმწიფოში არამუსლიმისთვის გზა ძალაუფლების უმაღლესი მწვერვალებისკენ მოჭრილი იყო, მაგრამ სახელმწიფო მმართველობის ქვედა და შუა ეშელონებს უმეტესად ქრისტიანი — კობტები შეადგენდნენ. თავიდან ასე ჩაეყარა საფუძველი კობტური თემის შედარებით ეკონომიკურ წელმაგრობასა და მაღალ სოციო-კულტურულ სტატუსს. როგორც უკვე აღვნიშნეთ, ოსმალთა ბატონობის პერიოდში კობტების პოლიტიკური მდგომარეობა გაუარესდა, გაძლიერდა მათი სოციალური იზოლაცია, მაგრამ კობტური თემის ეკონომიკური საფუძველი მაინც შეუტყვეველი დარჩა, XIX ს-ში ქვეყანაში მოსულმა ევროპელებმა, განსაკუთრებით კი ინგლისელებმა კობტებთან საერთო ენის გამოჩახვა სცადეს, ვინაიდან მათ კოლონიებში კომპრადორული ფენა ესაპირებოდათ³³. რელიგიის მფარველობის საბაზით მიღებულმა პროტექტორატმა გამოაცოცხლა კობტური თემი, ხელი შეუწყო აქ დაგროვილი საკმაო პირვანდელი კაპიტალის ამოძრავებას. იგი გამოსავალს პოულობდა ევროპელების მიერ მოტანილ ახალ საწარმოო ურთიერთობებში. თანდათანობით, საქმიანობის ტრადიციულ დარგებთან ერთად, კობტებმა მტკიცედ მოიციდეს ფეხი ვაჭრობაში და უფრო მოგვიანებით კაპიტალისტურ წარმოებაში „დასპეციალდნენ“³⁴. ბურჟუაზიულ-კოლონიურ სამოხელეო აპარატშიც, რომლებიც ინგლისელებმა შექმნეს, მათ შესამჩნევი ადგილი დაიკავეს. ეს აადვილებდა მათ წრეში დასავლური, ბურჟუაზიული კულტურის შეღწევას, ევროპულად განათლებული ინტელიგენციის გაჩენას.

XIX ს-ის დასასრულს ბ. ტურაევი წერდა, რომ კობტები „ავსებენ ყველა კანცელარიებს“³⁵. ბ. მოროს ცნობით, გადასახადების ამკრეფთა 97—98% კობტები იყვნენ³⁶. ა. შალაბი, დიდი ბრიტანეთის უმაღლესი კომისრის ე. ჰორსტის სიტყვებზე დაყრდნობით, წერს რომ XX ს-ის დასაწყისში კობტებს დაკავებული ჰქონდათ სახელმწიფო თანამდებობების 45% და იღებდნენ მთელი ხელფასის ფონდის 40%³⁷. აქედან შეიძლება დავასკვნათ, რომ კობტები ძირითადად ბიუროკრატიული აპარატის საშუალო რგოლში იყვნენ წარმოდგენილნი, რაც კანონზომიერია. დღესდღეობით კობტები, აგრეთვე, მრავლად არიან თავისუფალი პროფესიის პირთა და მოსამსახურეთა შორის. ასე მავ, ადვოკატთა შორის 33% კობტია, ხოლო მედიკოსთა შორის მათი რაოდენობა 40% შეადგენს³⁸. ბიოგრაფიული ცნობარების ფურცლებზეც არაერთი კობტია წარმოდგენილი ასე მავ, 70-იანი წლების დასაწყისში ჩიკაგოში გამოცემულ ცნობარში დასახელებულ 132 ეგვიპტელს შორის 20-ზე მეტი კობტია⁴⁰. მათ შორის

³³ Соловьев А. К., О положении коптов..., გვ. 130.

³⁴ იქვე.

³⁵ Тураев Б. А., „Копты“, Энциклопедический словарь, Изд. Брокгауза Ф. И. и Ефрона И. А., т. XVI, СПб., 1895.

³⁶ Morroe Berger, Bureaucracy and Society in modern Egypt Princeton, 1957, გვ. 64.

³⁷ Chalaby A., დასახ. ნაშრომი, გვ. 62.

³⁸ „Le Figaro“, 8, II 1973.

³⁹ Chalaby A., დასახ. ნაშრომი, გვ. 74.

⁴⁰ „Who'swho in the world“, 1871—1972, Chicago.

არიან მეცნიერები, ჟურნალისტები, მსახიობები, იურისტები, ინჟინრები, დაპლომატები, სახელმწიფო მოღვაწენი, სასულიერო პირები და სხვ.

მოლიანობაში კოპტური თემის სოციოკულტურული დონე საკმაოდ მაღალია და ეს მდგომარეობა სტაბილურობით ხასიათდება. მისი სოციალური სტრუქტურის კოპტების ზნე-ჩვეულებების, რელიგიის; აზროვნების თავისებურებათა და ა. შ. გულდასმითი შესწავლა მნიშვნელოვნად გვესახება იმის გამოც, რომ საბჭოთა ორიენტალისტიკაში წარმოიშვა აზრთა სხვადასხვაობა მათი ეთნიკური სტატუსის შესახებ. ამის ძირითადი მიზეზი ის იყო, რომ კოპტური ენა, დიდი ხანია მკვდარია როგორც სალაპარაკო ენა⁴¹. თანამედროვე კოპტები არაბულად მეტყველებენ⁴² და კოპტური, რომელიც დღემდე გამოიყენება საეკლესიო მსახურებაში, არათუ თემის რიგით წევრებს, სასულიერო პირთა უმრავლესობასაც ცუდად ესმის.

ამასთანავე, უნდა გავითვალისწინოთ ისიც, რომ თანამედროვე ეგვიპტის მუსლიმი მოსახლეობის დიდი ნაწილი წარსულში გამუსლიმებული კოპტ-ქრისტიანებისაგან შედგება. ქვეყანაში მოსული არაბების რაოდენობა აღვილობრივ მოსახლეობასთან შედარებით მცირე იყო. კოპტების ინტენსიური არაბიზაციის პარალელურად მიმდინარეობდა არაბების „ნილოტიზაციის“, მათი ნილოსის დაბლობის ძველ კულტურასთან ასიმილაციის არანაკლებ ინტენსიური პროცესი. ამაზე მეტყველებს თუნდაც ძველი და თანამედროვე ეგვიპტელების ეთნიკური ტიპის სიახლოვე⁴³.

სავარაუდებელია, რომ ყოველივე ამან მისცა საფუძველი რიგ მკვლევარს გამოეთქვა აზრი, რომ კოპტები ეგვიპტის მოსახლეობის ძირითადი ნაწილისაგან განსხვავდებიან მხოლოდ თავიანთი რელიგიით და შეცდომა იქნებოდა, რომ ისინი დამოუკიდებელ ეთნიკურ ელემენტად ჩაგვეთვალა. მ. კოროსტოვეცი წერდა: „Иногда приходится сталкиваться с неверным утверждением, что копты являются национальным меньшинством Египта. Это в корне неверно. Копты в эгипетском отношении часть, египетского народа, отличаясь от основного населения лишь религией...“⁴⁴

⁴¹ კოპტური თემის შედარებით მაღალი სოციოკულტურული სტატუსის მიმანიშნებელია აგრეთვე დანაშაულებათა სტატისტიკაც. ე. უოკინის ცნობით, 1958 წ. მკვლევლობა და სხვა მიზეზ დანაშაული ჩაიდინა 1612 მუსლიმმა და 73 ქრისტიანმა 1959 წ. ეს მონაცემები შესაბამისად იყო 1709 და 57 ქურდობისათვის 1958 წ. დაკავებული იყო 11000-ზე მეტი მუსლიმი და მხოლოდ 354 ქრისტიანი; 1959 წ.— 9243 მუსლიმი და 261 ქრისტიანი; მათხოვრობისათვის დაკავებულ მუსლიმთა და ქრისტიანთა რიცხვი 1958 წ. იყო 6978 და 237, ხოლო 1959 წ.— 6218 და 204 და ა. შ. ქრისტიანებს შორის თითქმის არ არსებობს პროსტრატუცია. იხ. 22. ამ მონაცემებთან გამომდინარე, ქრისტიანების მიერ ჩადენილი დანაშაულებანი აღნიშნულ წლებში არ აღემატებოდა 4,3%.

⁴² ზოგიერთი მკვლევარი ვარაუდობს, რომ კოპტური ენა ყოველდღიური ხმარებიდან არაბულმა უკვე XI—XII სს. განდევნა. ზოგიერთს მიაჩნია, რომ XVII ს-მდე იგი მაინც გამოიყენებოდა სალაპარაკოდ. გ. მელიქიშვილის აზრით, კოპტური ცოცხალ მეტყველებაში შემორჩა XVII ს-მდე. იხ. ძველი აღმოსავლეთის ხალხთა ისტორია, თბ., 1971, გვ. 12. ეს უკანონკელი მოსაზრება ჩვენ ნაალებ საარწმუნოდ მიგვაჩნია.

⁴³ Семенова Л. А., Сосуществование феодализма в Египте, В сборнике типы общественных откшевий на Востоке в средние века, М., 1982, გვ. 107.

⁴⁴ Коростовцев М. А. Египтяне древние и современные, „Вестник древней истории“, 1966, № 1, გვ. 44.

ზოგიერთი მკვლევარი საერთოდ უვლის გვერდს კობტების ეთნიკური კუთვნილების საკითხს. ასე მაგ. ი. ბელიაევსა და ე. პრიმაკოვს თავიანთ მონოგრაფიაში კობტები მოხსენიებული ჰყავთ როგორც „რაოდენობით მცირე მოსახლეობის ჯგუფი“⁴⁵. ამავე დროს მაგ. გ. შპაენიკოვს კობტები დამოუკიდებელ „ეთნიკურ ჯგუფად მიაჩნია“⁴⁶.

ჩვენი აზრით საკითხი სწორად ვერ გადაწყდება, თუკი მხედველობაში მივიღებთ მხოლოდ ერთ ან ორ თუნდაც ისეთ მნიშვნელოვან მახასიათებელს ეთნოსისა, როგორც ენა, ან ეთნიკური ტიპია. ყველა სხვა ფაქტორებთან ერთობლიობაში განხილვის გარეშე ისინი არსებული მდგომარეობის ნამდვილ სურათს ვერ მოგვცემენ. ჯერ კიდევ ფ. ენგელსი აღნიშნავდა სიტუაციას, როცა ენა არ წარმოადგენდა კრიტერიუმს (ეთნიკური კუთვნილების აზრით) საკითხის გადასაწყვეტად⁴⁷. გ. ყორანაშვილი სწორად აღნიშნავს, რომ კაცობრიობის ისტორიაში ყოფილა შემთხვევები, როდესაც ესა თუ ის ხალხი კარგავდა ენას, მაგრამ ამით იგი, როგორც განსაზღვრული სახის ეთნოსი არ ქრებოდა⁴⁸. ამის დასადასტურებლად მკვლევარს მოჰყავს ებრაელებისა და ირლანდიელების მაგალითი⁴⁹.

ენა, როგორც ეთნოსის კულტურის შემადგენელი ნაწილი, ტრადიცია-ებთან, ადამ-ჩვევებთან და ა. შ. ერთად ძალზე მნიშვნელოვან როლს ასრულებს მის კულტურულ ერთიანობაში, ხოლო კულტურული ერთიანობა, ტერიტორიულ ერთიანობასთან და ეკონომიკურ კავშირებთან ერთად საფუძველია ეთნოსის ფსიქიკური წყობის ერთობისა. ჩვენი აზრით, სწორედ ამ უკანასკნელის არსებობა თუ არარსებობა განსაზღვრავს ეთნოსის არსებობა-არარსებობის საკითხს.

მრავალ ფაქტორთა შორის, რომლებიც ეთნოსის ფსიქიკის ჩამოყალიბებაში იღებენ მონაწილეობას, „ეთნიკური ხასიათის დეტერმინანტების სიმრავლე-ში“⁵⁰, ზემოდანსახელებულის გარდა განსაკუთრებით უნდა გამოვყოთ ეთნიკური თვითშეგნება, თვითშემეცნება და რელიგია. სავსებით ვეთანხმებით იმ მკვლევართა შეხედულებას, რომელთაც მიაჩნიათ, რომ „ამა თუ იმ ეთნოსის ფსიქოლოგიის, მისი წევრების ქცევის... შესწავლა აღნიშნული მომენტის (ეთნოსის თვითშემეცნების, თვითშეგნების — ქ. ა.) გარეშე შეუძლებელია...“⁵¹ და რომ ეს საკითხი დღესდღეობით არასაკმარისად არის შესწავლილი, რაც ბევრ გაუგებრობასა და შეცდომას ბადებს⁵².

⁴⁵ Беляев И. П., Примаков Е. М. დასახ. ნაშრომი, გვ. 29.

⁴⁶ Шпашников Г. А., Религии стран..., გვ. 37.

⁴⁷ Маркс К. и Энгельс Ф., Сочинения, т. 6, 1957, გვ. 181.

⁴⁸ გ. ყორანაშვილი, ეთნიკური თვითშეგნება და ტრადიცია, თბ., 1984, გვ. 26.

⁴⁹ ებრაელებთან დაკავშირებით შევნიშნავთ, რომ დიასპორების შედეგად მათმა უმრავლესობამ დაკარგა არა მარტო ენა, არამედ ტერიტორიული და აქედან გამომდინარე ეკონომიკური ერთიანობაც, მაგრამ ამანაც ვერ გამოიწვია მათი დეფინიციაც.

⁵⁰ გ. ყორანაშვილი, ეთნოფსიქოლოგია და ტრადიცია, თბ., 1983, გვ. 20.

⁵¹ იქვე, გვ. 24.

⁵² მ. ლაზარევი წერს: „Особого внимания заслуживают изучение этнолингвистической ситуации в ее социально-политическом аспекте..., а также вопросы этнопсихологии (этнонационального самосознания). Последние ввиду их недостаточной исследованности часто получают толкование совершенно неприемлемое в идейном и научном отношении“, Лазарев М. С., Национальный вопрос в странах Азии и Африки..., გვ. 131.

გ. ყორანაშვილი ანალიზებს საბჭოთა პერიოდულ გამოცემათა ფურცლებზე ერის, ნაციის შესახებ გამართულ დისკუსიის შედეგებს და მიღის დასკვნამდე, რომ „ეთნიკური კუთვნილების თვითშეგნების გარდა, აღნიშნულ (ეთნიკური თვითშეგნების — ქ. ა.) ცნებაში უნდა ვიგულისხმოთ ეთნოსის, ერის წევრთა მიერ ამ კუთვნილების განცდა, მათი წარმოდგენები, აზრები საკუთარი ეთნოსის, ერის ღირსებების შესახებ, ე. ი. ეთნიკური ავტოსტერეოტიპები და საერთოდ ავტოპორტრეტი, ასევე მათი შეხედულებანი სხვა ეთნოსების თვისებების პრიზმაში“⁵³; და რომ „ეთნიკური, ეროვნული თვითშეგნება დაკავშირებულია შესაბამის ტრადიციებთან, ამ თვითშეგნების შინაარსში, სტრუქტურაში შედის აგრეთვე ეთნოსის, ერის ზნე-ჩვეულებების, საერთოდ ტრადიციების გაცნობიერება“⁵⁴. ასევე ვეთანხმებით მეცნიერის აზრს იმის შესახებ, რომ ისტორიულად „მასების ცნობიერების ძირითად ფორმას სწორედ რელიგია წარმოადგენს“⁵⁵ და რომ „განვითარებას უწინდელ ფაზებზე აღნიშნულ ააქმეში (ეთნიკური თვითშეგნების ჩამოყალიბებაში — ქ. ა.) დიდი წვლალი შეჰქონდა რელიგიასაც... ამის რეციდივები შეიძინევა თვით თანამედროვე პეისაჲ საყაროში“⁵⁶.

ის არეალი, სადაც გაბატონებულ რელიგიად ისლამი ითვლება, ამ თვალსაზრისით კიდევ უფრო სპეციფიკურია. საქმე ის არის, რომ ისლამი თავიდანვე არ სცნობდა ეროვნულ განსხვავებას და აღაიარათა სოციალურა გრადაციის დროს მხოლოდ რელიგიურ ფაქტორს ითვალისწინებდა. არაბული სახალიფოს მთელი მოსახლეობა თავიდანვე დაიყო მუსლიმებად, აჰლ-ალ-ზიმმად (აჰლ-ალ-ქითაბად)⁵⁷. და მრავალმერტიან წარმართებად. სახალიფოს თეოკრატიულ-სახელმწიფოებრივი ორგანიზაცია განაპირობებდა მის ტერიტორიაზე მხოლოდ რელიგიური სამართლის განვითარებას. ამის გამო ყოველი რელიგიური თემი ხელმძღვანელობდა საკუთარი სარწმუნოებრივ-სამართლებრივი ნორმებით, რომლებიც მის წევრთა არა მარტო სულიერ, არამედ სოციალურ ცხოვრებასაც წარმართავდა.

კოპტების მდგომარეობა სახალიფოს სხვა ქრისტიანთა მდგომარეობის მსგავსი იყო. შეიძლება ითქვას, რომ კოპტური თემის სარწმუნოებრივ-სამართლებრივი ნორმების ჩამოყალიბება და მისი სასულიერო მესვეურების მიერ საერო ფუნქციების შეთავსება ეგვიპტეში ჯერ კიდევ ისლამის შემოჭრამდე მოხდა, იმ მიზეზების გამო, რომლებიც ზემოთ აღვნიშნეთ. არაბთა ბატონობის ხანაში ამ პროცესს უფრო ფართო გასაქანი მიეცა, მაგრამ თავის ყველაზე უფრო სრულ გამოხატულებას მან ოსმალთა ბატონობის დროისათვის მიღწია, რადგან პორტამ თავისი ქრისტიანი ქვეშევრდომები ცალკეულ მილეთებში

53 გ. ყორანაშვილი, ეთნიკური თვითშეგნება და..., გვ. 10.
54 იქვე, გვ. 29.
55 გ. ყორანაშვილი, ეთნოფსიქოლოგია და..., გვ. 24.
56 გ. ყორანაშვილი, ეთნიკური თვითშეგნება და..., გვ. 13.
57 აჰლ-ალ-ზიმმა (أهل الذمة) — მფარველობაში (იგულისხმება მუსლიმთა მფარველობა-

ში) მყოფი ხალხი. აჰლ-ალ-ქითაბ (أهل الكتاب) წმინდა წერილის მქონე ხალხი. ასე უწოდებდნენ მუსლიმები იუდეველებსა და ქრისტიანებს იმის გამო, რომ მათ „წმინდა წერილი“ (ბიბლია, ახალი აღთქმა) ჰქონდათ, მათ წარმართებთან შედარებით განვითარების უფრო მაღალ საფეხურზე მყოფად მიიჩნევდნენ და ამის გამო ისინი მუსლიმების მფარველობით სარგებლობდნენ.

გაერთიანა და ოფიციალურად მიანიჭა პატრიარქებს არა მარტო სასულიერო, არამედ საერო ძალაუფლება. სწორედ ამ პერიოდში ყალიბდება საბოლოოდ კობტური თემის ის ინსტიტუციური სტრუქტურა და სოციალური სახე, რომელსაც ის დღესაც ინარჩუნებს. ქვემოთ შევეცდებით მოკლედ დავახასიათოთ იგი.

ზემოთ აღვნიშნეთ, რომ კობტები ცხოვრობენ როგორც ქალაქად, ასევე სოფლად. მათ არ გააჩნიათ დასახლების ლოკალურად შემოსაზღვრული არე. ისინი განსახლებულნი არიან ეგვიპტის მთელ ტერიტორიაზე, იმავე ქალაქებში და იმავე ან გვერდიგვერდ სოფლებში სადაც მუსლიმები. კობტებით დასახლებული სოფლები და უბნები ადვილად გაირჩევა, რადგანაც აქ მჭიდრობის მიზანრთების მაგივრად ქრისტიანული ეკლესიები მოჩანს. იგივე შეიძლება ითქვას კობტების სახლებზე და მათ კუთვნილ სავაჭროებზე, სახელოსნოებზე და ა. შ. თუმცა სახლების არქიტექტურა ძირითადად არ განსხვავდება მუსლიმების სახლების არქიტექტურისაგან, მაგრამ შესასვლელი კარის თავზე ჩვეულებრივ ჯვარია გამოსახული, ხოლო ინტერიერი (როგორც საცხოვრებლის, ასევე სავაჭროსა თუ სახელოსნოსი) შემკულია იესო ქრისტეს, ღვთისშობლის, ქრისტიანული წმინდანების, კობტების პატრიარქის გამოსახულებებით. გულსაკიდი ჯვრების ტარება გავრცელებულია ყველა სოციალური ფენის კობტებში, გარდა ამისა მათ უმრავლესობას მარჯვენა წინამხრის შიგა მხარეს ტატუირებული აქვს ჯვრის გამოსახულება, კობტური სახელებიც განსხვავდება მუსლიმების სახელებისაგან, თუმცა, დღეს ისინი იმავე ანტროპონიმიკულ მოდელზეა აგებული, რაც მუსლიმური ეგვიპტური და, ამდენად, ახლოს დგას არაბულ კლასიკურ სახელთან⁵⁸, მცირედი დაკვირვების შედეგად, უმეტეს შემთხვევაში, ხერხდება სახელის მიხედვით კობტის გამოცნობა იმ შემთხვევაშიც კი, თუ იგი არ ეკუთვნის ისეთ საყოველთაოდ ცნობილ კობტურ გვარებს, როგორიცაა მაგ., ვალი, სალამა, ხანნა და ა. შ.

კობტურ სახელში ისტორიულად რამოდენიმე შრე განირჩევა. ყველაზე გავრცელებულად შეიძლება ჩაითვალოს ბიბლიური და ქრისტიანულ წმინდანთა სახელები, მაგ. ბუტროს, ანტუნ, გეორგ, აკულინა, ბულოს, მახაელ, საბა და ა. შ. გარდა ამისა, პოპულარულია ძველეგვიპტური და ელინისტური სახელები (მაგ., რამზეს, მუსა, სეზოსტრის, იზის), ამასთან ერთად კობტურ ინტელიგენციაში, როგორც ჩანს, ევროპელების ბატონობის ხანიდან დაშვებულა ისეთი სახელები, როგორიცაა ნელი, უილიამ, ალფონს, ალბერტ, ჟოზეფ, ჯორჯ, ამალია და ა. შ.⁵⁹

კობტების ცხოვრების წესზე, ზნე-ჩვეულებებზე ზოგადი დაკვირვებაც კი ცხადყოფს, რომ ქრისტიანული რელიგია, ეკლესია დღესაც გადაშფყვეტ როლს ასრულებს მათი ყოფისა და კულტურის ყველა სფეროში, ძალზე დიდ გავლენას ახდენს მათ აზროვნებაზე.

კობტური ეკლესიის მეთაური არის პატრიარქი (ამჟამად შენუდა III), რომლის რეზიდენცია XI ს-დან კაიროში იმყოფება. ჯერ კიდევ ცოტა ხნის წინათ იგი ატარებდა „ეგვიპტის, იერუსალიმის წმინდა ქალაქის; ნუბიის, 12 ქალაქისა

⁵⁸ Системы личных имён у народов мира, М., 1986, გვ. 48, 49—50.

⁵⁹ კობტების სახლების შესახებ დაწერილებით იხ. Meinardus O., *Tatto and name. A Study on the Marks of Identification of the Egyptian christians* — Wiener Zeitschrift für die Kunde des Morgenlands, Wien, 1972.

და ყველა იმ ადგილის, სადაც წმ. მარკოზმა იქადაგა, უწმინდესი პაპის“ სახელს, მაგრამ ვინაიდან ნუბიაში ქრისტიანობა დიდი ხანია გაქრა, ხოლო ეთიოპიის ეკლესიამ ავტოკეფალია მიიღო, კობტური ეკლესიის მესვეურთ მოუზნდათ ამ სახელწოდების შეცვლა. 1969 წლის დეკრეტით პატრიარქს ეწოდა „ალექსანდრიის პაპი და იმ ადგილთა პატრიარქი, სადაც ყოფილა წმ. მარკოზი“.

ეგვიპტის ტერიტორიაზე განლაგებულია 19 ეპარქია, რომელთაც არქიების-კობოსები უდგანან სათავეში, გარდა ამისა, არის ორი „თავისუფალი“ ეპისკოპოსი. პირველი ხელმძღვანელობს კობტური ეკლესიის ეკუმენურ განყოფილებას, ხოლო მეორე თეოლოგიურ დაწესებულებებს და საკვირაო სკოლებს. საზღვარგარეთ კობტურ ეკლესიას აქვს ხუთი ეპარქია — იერუსალიმში, სუდანში, უგანდაში, სამხრეთ აფრიკასა და კუვეიტიში.

ეპისკოპოსებსა და არქიებისკობოსებს ემორჩილებიან საეკლესიო მსახურნი და ბერები. დღესდღეობით ეგვიპტეში დაახლ. 1200 ეკლესია და სამლოცველო, რვა მოქმედი მონასტერი⁶⁰ და 1500-ზე მეტი კობტი მღვდელია⁶¹.

კობტური ეკლესიის საინტერესო თავისებურებაა ის, რომ პატრიარქის ტახტზე შეიძლება ავიდეს მხოლოდ ბერი და არა ეპისკოპოსი, ან საეკლესიო იერარქიის სხვა წარმომადგენელი.

ამასთანავე იგი უნდა იყოს 50 წლის ასაკს მიღწეული, არ უნდა გააჩნდეს ფიზიკური ნაკლი და ქრონიკული დაავადება და უნდა ჰქონდეს კარგი რეპუტაცია.

კობტური მონასტრები და სამონასტრო ცხოვრება დღეს, რა თქმა უნდა, თავისი ძველი დიდების მხოლოდ ჩრდილს წარმოადგენს, მაგრამ მათი როლი თანამედროვე კობტურ საზოგადოებაში მაინც საკმაოდ შესამჩნევია, როგორც ზემოთ აღვნიშნეთ, დღესდღეობით ეგვიპტის ტერიტორიაზე 8 მუდმივმოქმედი მონასტერია. ესენია: წმ. ანტონიუსის (მთავარი) და წმ. პავლეს — აღმოსავლეთ უდაბნოში, წმ. მაკარიოსის, წმ. ბიშოის, ას-სურიანის და აღ-ბარამუსის — ვადი-ენ-ნიტრუნში, წმ. სამუელის — ფაიუმში, აღ-მუხარაკი — ასიუტში და სიტ-დამიანა — მანსურას მახლობლად. ამ მონასტრებსა და მათ შემოგარენში მღვთმეებსა და აკლდამებში განდევილად მოსახლე ბერების რიცხვი ყველაზე ობტიმისტური გამოთვლებითაც 3—4 ასეულს არ აღემატება⁶².

ოდითგანვე ბერებს კობტების სულიერ და რელიგიურ ფასეულობათა მცველების მოვალეობა ეკისრათ. ამ საქმეს ისინი დღესაც ემსახურებიან, რადგან თანამედროვე კობტებიც თავიანთ შვილებს ხშირად აბარებენ მონასტრებში აღსაზრდელად. ბევრ მონასტერში დღესაც ინახება ძველი კობტური წიგნები და ხელნაწერები. ასე მაგ., წმ. ანტონიუსის მონასტრის ბიბლიოთეკა შედგება 1562 ტომისაგან, აღ-ბარამუსისა დაახლ. 3 ათ. ტომისაგან, წმ. ბიშოისა — 500 ტომისაგან, ას-სურიანის მონასტერში არის ბიბლიოთეკა და მუზეუმი⁶³.

⁶⁰ Назарова Н., Коптская церковь..., გვ. 60.

⁶¹ Meinardus O., „Monks and Monasteries“... გვ. 109. ზოგიერთი სხვა ავტორი უფრო დიდ რაოდენობას ასახელებს.

⁶² ადრე დედათა მონასტრებიც ისევე ყოფილა გავრცელებული ეგვიპტეში, როგორც მამათა. დღესდღეობით დედათა მონასტრები მხოლოდ კაიროში შემორჩა. მკვლევართა აზრით, დღეს აქ ორმოცდაათამდე მონაზონი ცხოვრობს.

⁶³ Meinardus O., Monks and Monasteries...; Farag R., დისხ. ნაშრომის მიხედვით.

კობტეში დღესაც არსებობს ჩვეულება საერო პირების გარკვეული ხნით მონასტრებში საცხოვრებლად წასვლისა. ე. უოკინს ერთ-ერთ მონასტერში ნაცხოვრები კობტი-სტუდენტის სიტყვებზე დაყრდნობით მოჰყავს დღის განრიგი, რომელსაც იცავენ საერო პირები ამ მონასტერში ცხოვრებისას. განრიგი შეიცავს ისეთ პუნქტებს როგორცაა — „საერთო ლოცვა“, „მესა“, „სიჩუმის დაცვა და მედიტაცია“, „მუშაობა მონასტრის ტერიტორიაზე, კითხვა ან მედიტაცია“, „განბანვა და მოშადება სულური მოქმედების განახლებისათვის“, „კითხვა, მუშაობა და საუბარი ბერებთან, რომლებიც „გვესაუბრებიან ჩვენი ცხოვრების, ცოდვებისა და მომავლის შესახებ“, „შეხვედრები ბერებთან ინდივიდუალურად და ჯგუფურად“⁶⁴.

ყველა მონასტრის თავისი საკუთარი ტიპიონი აქვს. თითოეული მათგანი ადგილობრივ არქიეპისკოპოსს ემორჩილება და პრაქტიკულად თვითმმართველობის უფლებით სარგებლობს. მონასტრების ასეთ სტატუსს მათი ეკონომიკური დამოუკიდებლობაც უწყობს ხელს. მონასტრის ბიუჯეტი, რომელსაც მთლიანად მისი წინამძღვარი განაგებს, დგება მორწმუნეთა შემოწირულებებიდან და იმ შემოსავლიდან, რომელსაც მონასტრის კუთვნილი მიწიდან იღებენ.

კობტური ეკლესია-მონასტრების არქიტექტურა ღრმად ფუნქციონალურია. კობტების ისტორიულად განპირობებულმა ცხოვრების წესმა შექმნა არქიტექტურული სტილი, რომელიც თემის წევრთა არა მარტო სულიერი, არამედ ყოველდღიური სასიცოცხლო მოთხოვნების დაკმაყოფილებას ემსახურებოდა. ყოველ კობტურ ტაძარს (განუჩრჩველად იმ-სა, ეკლესია იქნებოდა ის, თუ მონასტერი) აშენებდნენ როგორც ციხე-სიმაგრეს. მის გარშემო ავლებდნენ გლუვ, ციკაბოხედაპირიან ქვის გალავანს. გარდა საკულტო ნაგებობებისა როგორც მონასტრის, ასევე ეკლესიის შენობაში მოთავსებული იყო სასულიერო პირთა საცხოვრებელი ოთახები, ჭა ან წყალსაცავი, ზიარების პურის გამოსაცხობი ღუმელი და სხვ. ტრადიციულად ეკლესია იმ მიდამოში მოსახლე კობტების ცხოვრების ცენტრსა და თავშესაყარს წარმოადგენდა. თავიანთ ტაძრებში კობტები ეძებდნენ თავშესაფარს დევნა-დაწიოკების დღეებში⁶⁵. კობტური განათლების სისტემაც ისე იყო აგებული, რომ ოდიფანვე სკოლები ეკლესიებთან არსებობდა. და თუმცა 1958 წლის საგანმანათლებლო რეფორმამ მათი უფლებები ძლიერ შეზღუდა, სკოლები დღესაც არსებობს. ამჟამად ეს ძირითადად საკვირაო სკოლებია. აქ მოზარდ თაობას ასწავლიან ქრისტიანულ ღვთისმეტყველებასა და კობტურ ენას. ბოლო წლებში გაიზარდა კობტების ინტერესი თავიანთი ენის შესწავლისადმი, მაგრამ ცხადია, ვერც ეს სკოლები, ვერც კობტური თეოლოგიური კოლეჯი კაიროში, რომელსაც ყოველწლიურად 100-მდე მსმენელი ამთავრებს, ვერც ეგვიპტის უნივერსიტეტების რიგ ჰუმანიტარულ და თეოლოგიურ ფაკულტეტებზე კობტური ენის სწავლება ვერ უზრუნველყოფს მის მკვდრეთით აღდგენას. როგორც აღვნიშნეთ, იგი არა მარტო რიგით კობტებს, არამედ ღვთისმსახურთა უმრავლესობასაც ცუდად ესმის⁶⁶. ამის გა-

⁶⁴ Wakin E., დასახ. ნაშრომი, გვ. 126.

⁶⁵ მ. კრამერის მიერ გამოქვეყნებული საბუთების მიხედვით, ერთ-ერთი ასეთი დევნის დროს მარტო თვითი მონასტრის კედლებს 20 ათასამდე ლტოლვილმა შეაფარა თავი (Cramer M., დასახ. ნაშრომი, გვ. 121).

⁶⁶ ე. უოკინი წერს, რომ ოცამდე ოჯახში კაიროში შინ კობტურად ლაპარაკობენ. მათ შორისაა კობტური მუზეუმის დირექტორის ოჯახი, Wakin E., დასახ. ნაშრომი, გვ. 154.

მო მთელი ლიტერატურა, რომელსაც კოპტური ეკლესია გამოცემს, გამოდის ორ ენაზე — კოპტურად და არაბულად (პარალელური ტექსტის სახით), ხოლო კოპტური ყოველკვირეული გაზეთი „ალ-ვატანი“. (პატრიოტი“) არაბულ ენაზე იბეჭდება.

კოპტური თემის მართვა-გამგეობა ხორციელდება სათემო საბჭოების მეშვეობით. ე. უოკინის ცნობით, ასეთი საბჭოები 60-იანი წლების დამდეგისათვის ეგვიპტის ოცზე მეტ ქალაქსა და დასახლებულ პუნქტებში მოქმედებდა. ეს საბჭოები ეკლესიის კონტროლის ქვეშ იმყოფება. მიუხედავად იმისა, რომ მე-19 ს-ის ბოლოს დაწყებული კოპტური ეკლესიის კრიზისი დღესაც გრძელდება, მისი ავტორიტეტი ეგვიპტის ქრისტიანთა დიდ უმრავლესობაში ამჟამადაც იმდენად მაღალია, რომ ეს აძლევს მას საშუალებას თემის მართვის საქმეში გადამწყვეტი სიტყვა შეინარჩუნოს. მაგრამ საბჭოსა და ეპისკოპოსების წმინდა სინოდს შორის რაც საკითხთა გარშემო აზრთა სხვადასხვაობა და უთანხმოება არსებობს. 1955 წ. ნასერის მთავრობის მიერ რელიგიურა სასამართლოების გაუქმებამ კოპტურ სათემო საბჭოს მისი ერთ-ერთი უმთავრესი ფუნქცია მოუშალა. იმავე ხანებში შეიქმნა „კოპტური ორთოდოქსული ეკლესიის ორგანიზაცია“, რომელიც მთლიანად ეკლესიის დაქვემდებარა, ამან მნიშვნელოვნად შეზღუდა საბჭოს ფინანსური ძალაუფლება. ამის გამო კოპტებს შორის იძალაპესიმისტურმა განწყობილებებმა.

კოპტური საეკლესიო რიტუალისა და ადათ-წესების განხილვისას, აშკარად ჩანს კვალი, რომელიც ეგვიპტურ ქრისტიანობას ისლამის გავლენამ დაამჩნია. კოპტები არ ჰქავენ ღორის ხორცს, ლოცულობენ აღმოსავლეთისაკენ შებრუნებულნი, მიემგზავრებიან წმინდა ადგილების მოსახილავად (ჰაჯი იერუსალიმში). ეკლესიაში, ისევე როგორც მეჩეთში, მამაკაცები და ქალები ცალ-ცალკე, მათთვის განკუთვნილ ნახევრებში სხედან⁶⁷.

კოპტები ცნობენ ქრისტიანობის შვიდივე საიდუმლოს — ნათლობას, მორცხვას, მონანიებას, ქორწინებას, ზეთისკურთხევას, მღვდლობას და ზიარებას. ისინი იცავენ სხვადასხვა მარხვას (დაახლ. 200 დღე წელიწადში თავს იკავებენ ყველანაირი საჭმლისაგან შუალამიდან შუალდემდე და საზოგადოდ არ ჰქავენ ცხიმიანსა და ხორციან კერძებს). მთავარი დღესასწაულებია შობა და აღდგომა. საყურადღებოა ისიც, რომ კოპტური აღდგომის მეორე დღეს, ორშაბათს დღესასწაულობენ შამ-ენ-ნესიმს. გაზაფხულის ეს დღესასწაული ძველ ეგვიპტიდან მოდის და მასში კოპტებთან ერთად მუსლიმებიც მონაწილეობენ. საზოგადოდ კოპტურმა ქრისტიანობამ არამართო ბევრი პირუანდელი ქრისტიანული, არამედ ძველეგვიპტური ელემენტებიც შემოინახა. ა. აირტუს მოჰყავს კოპტური საგალობელი მიძღვნილი მიწის ნაყოფიერებისა და მღ. ნილოსის ცხოველყოფელი ძალისადმი, რომლის მსგავსება ნილოსის ძველეგვიპტურ ჰიმნთან აშკარაა⁶⁸. ბ. ტურაევი წერდა, რომ ღვთისმსახურების დროს კოპტები იყენებენ ძველეგვიპტურ მუსიკალურ ინსტრუმენტს — სისტრს⁶⁹, ძალზე დიდ-

⁶⁷ ბევრ მკვლევარს ისლამის გავლენად მიაჩნია ის, რომ კოპტები მისდევენ წინადაცვლას. ჩვენი აზრით, ეს ჩვეულება შესაძლოა ძველი ეგვიპტიდან მიმდინარეობდეს, სადაც ჰისი არსებობა უცილობლად დადასტურებულია. იხ. შაგ., *Культура Древнего Египта, под ред. Каинельсона И. С., М., 1975* გვ. 260.

⁶⁸ Айру А. დასახ. ნაშრომი, გვ. 143.

⁶⁹ Тураев Б. А., Копты...

ხანს შემორჩა გვამების მუმიფიცირების ჩვეულება⁷⁰. შეიძლება ვივარაუდოთ, რომ ძლიერად განვითარებული დემონოლოგია და ავგაროზების რწმენა აგრეთვე ამ ელემენტთა რიცხვს განეკუთვნება.

კობტური ტრადიციებიდან, რომლებიც მათ მუსლიმებისაგან განასხვავებს, უდაოდ საყურადღებოა მათი ოჯახური ტრადიციები. ისინი ქრისტიანულ მორალურ-ეთიკურ წარმოდგენებზეა დაფუძნებული. აქედან გამომდინარე, პირველ რიგში თვალში საცემია განქორწინებების ვაცილებით უფრო მკაცრე რიცხვი, ვიდრე მუსლიმებში, ქალის საგრძნობლად მაღალი მდგომარეობა და შედარებით უფრო დემოკრატიული ოჯახური ცხოვრება მთლიანობაში (რა თქმა უნდა, იგივე პატრიალქალური ოჯახის პირობებში)⁷¹.

საზოგადოდ, კობტების თვითშეგნებაში ქრისტიანულ სამყაროსადმი მათი კუთვნილების შეგრძნება ორგანულად არის შერწყმული ეგვიპტის უძველესი ცივილიზაციისადმი კუთვნილების, ამ ცივილიზაციის შემქმნელთა უშუალო და პრდაპირი მემკვიდრეობითობის შეგრძნებასთან⁷². ეს არც არის გასაკვირი, რადგან როგორც ვიხილეთ, საუკუნეების განმავლობაში სწორედ ქრისტიანული რელიგია უწყობდა ხელს მათი ეთნიკური თვითმყოფადობის შენარჩუნებას.

ძველეგვიპტური ცივილიზაციისადმი, საზოგადოდ ეგვიპტისადმი კუთვნილების მძაფრი შეგრძნებით უნდა აიხსნას ის გარემოება, რომ მიუხედავად იმ სოციალური ჩაგვრისა, რომელსაც კობტები განიცდიან და იმ ტრადიციული კონტაქტებისა, რომელიც მათ დასავლეთის სამყაროსთან აქვთ, ემიგრაცია მათ შორის მცირეა⁷³.

მაღალი ეკონომიკური და კულტურულ სტატუსი, ერთი მხრივ, და ის საუკუნეობრივი სოციალური ჩაგვრა, რომელსაც კობტები განიცდიან, უწყობს ხელს იმას, რომ „ნამდვილ ეგვიპტელობის“ შეგრძნებას ხშირად თან სდევს ნაციონალური განწყობილებების გლვივება, მტრული დამოკიდებულება ორი რელიგიის წარმომადგენელთა შორის. შემთხვევითი როდი იყო, რომ ა. სადათის პრეზიდენტობის პერიოდში ისლამური ექსტრემისტული ორგანიზაციების საქმიანობის გააქტიურებას მოჰყვა მუსლიმური და ქრისტიანული თემების ურთიერთობის უკიდურესი გამწვავება, სისხლიანი შეტაკებები მათ შორის.

მუსლიმური ექსტრემიზმი საპასუხო კობტურ ექსტრემიზმს ბადებს, მაგრამ ეს უკანასკნელი უმეტესწილად მეორადა, ვაცილებით უფრო ნაკლებაგრესიულ ხასიათს ატარებს და ხშირად იგი არა მუსლიმების მიმართ, არამედ თვითონ კობტების შედარებით შემრიგებლურად განწყობილი ფენებისადმი მიმარ-

⁷⁰ Тураев Б. А., „Копты“...

⁷¹ ა. აირუ წერს, რომ ეგვიპტის სოციალური უზრუნველყოფის სამინისტროს მონაცემებით იმ ქალაქებში და სოფლებში, სადაც მუსლიმები კობტების გვერდიგვერდ ცხოვრობენ მათ შორისაც განქორწინებების რიცხვი საგრძნობლად მცირეა და ეს გამოწვეულია იმით, რომ მუსლიმებს მუდმივად თვალწინ უდგათ კობტური ოჯახების შავალითი.

⁷² რელიგიურად განწყობილ კობტურ წრეებში არსებობს აზრი, რომ ეგვიპტელების მიერ ქრისტიანობის მიღება გასაგები და გარდუვალიც იყო, რადგან თვით ქრისტიანობა ძველეგვიპტური რელიგიისა და კულტურის უშუალო ნაყოფია. ამ აზრითაა გამსჭვალული მაგ. რ. ფარავის დასახ. ნაშრომი.

⁷³ კობტების ასეთი განწყობილება უპირისპირდება ეგვიპტის მუსლიმური უმრავლესობის განწყობილებას, რომლის შეგნებაშიც ეგვიპტური ნაციონალიზმის იდეებს მუდამ ებრძოდა „ეგვიპტ-ალ-არაბი“ — მთლიანი არაბული სამყაროსადმი კუთვნილების შეგრძნება. ცნობილია, რომ 1952 წლის რევოლუციის შემდეგ ქვეყანაში საერთო არაბული ერთიანობის პანარაბისტულმა იდეებმა იმძლავრა.

თული. ამის საუკეთესო მაგალითია ექსტრემისტული ორგანიზაციის „უმმა კუბტიას“ მოქმედება 50-იან წლებში, როდესაც მან გაიტაცა და აიძულა გადამდგარიყო პატრიარქი იუსაბ II. მთლიანობაში კი კობტებისათვის უფრო დამახასიათებელია „გასროლის გარეშე ომის წარმოების ტექნიკა“⁷³.

ეს ტაქტიკა გულისხმობს აგრეთვე მჭიდრო ურთიერთმხარდაჭერას, ურთიერთგატანას, თემობრივი ინტერესების პირველ პლანზე დაყენებას. თანამედროვე ეგვიპტის სოციალურ-პოლიტიკურ ვითარებას, რომ ანალიზებს, ბევრი ავტორი აღნიშნავს, რომ ზოგიერთი მუსლიმური წრეები. უკმაყოფილონი არიან იმით, რომ კობტები განსაკუთრებულ ერთგულებას იჩენენ თავიანთი კლანის მიმართ და ყოველ ღონეს ხმარობენ, რომ უზრუნველყონ თავიანთი თემის წევრები სამუშაოთი და გავლენიანი პოსტებით, რომ ქარხანაში ერთი კობტი ინჟინრის მოსვლა მოასწავებს მის კვალდაკვალ ათეულობით კობტს; მუშის გამოჩენას და ა. შ. მაგრამ ასეთი სიტუაცია დამახასიათებელია მთლიანად დღევანდელი ეგვიპტის საზოგადოებისათვის.

ამრიგად, როგორც ვიხილეთ, საუკუნეთა განმავლობაში ეგვიპტის ქრისტიანული ეკლესია კობტურ თემში ასრულებდა ინტეგრაციულ და კომუნიკაციურ ფუნქციას, ადგენდა და ავითარებდა თემის შიგნით ყოველგვარ არასარწმუნოებრივ-ეკონომიკურ, საოჯახო-ყოფით და ა. შ. კავშირებს, იცავდა და ინარჩუნებდა კობტების ეთნიკური ტიპის სიწმინდეს, ძველ კულტურულ ტრადიციებს, ამ უკანასკნელის და ახალი ქრისტიანული ეთიკისა და ტრადიციების სინთეზის საფუძველზე აყალიბებდა სპეციფიკურ აზროვნებასა და ფსიქიკას, უწყობდა ხელს განსაკუთრებული ეთნიკური თვითშეგნების შექმნას.

ამრიგად, კობტები იმ ეთნიკურ ერთობათა რიცხვს განეკუთვნებიან, რომელთა ჩამოყალიბების პროცესში ეთნიკური და რელიგიური კუთვნილების პრინციპები ურთიერთგანპირობებულად და ურთიერთგანმსაზღვრელად გვევლინებიან და ამის გამო მათ ყოფასა და ცნობიერებაში ეს პრინციპები დიფერენცირებული არ იყო.

ზემოთქმული გვაძლევს საფუძველს კობტები ე. წ. ეთნორელიგიურ უმცირესობათა რიცხვს მივაკუთვნოთ და ეგვიპტის ისტორიაში და თანამედროვე სოციალურ-პოლიტიკურ ცხოვრებაში მათი როლი სწორედ ამ პოზიციიდან ვიკვლიოთ.

К. Р. АМИРЕДЖИБИ

ЗНАЧЕНИЕ КОПТСКОЙ ЭТНОРЕЛИГИОЗНОЙ ОБЩИНЫ В СОВРЕМЕННОМ ЕГИПТЕ

Изучение истории и нынешнего положения этносоциальных меньшинств в странах Азии и Африки является одной из самых актуальных проблем современного востоковедения.

Статья посвящена одному из наименее исследованных вопросов — роли и статусу потомков автохтонного населения Египта — коптов-христиан в экономической и социальной жизни страны. После краткого исторического обзора судеб коптской общины, автор переходит к анализу причин, обусловивших сравнительно высокий экономический и социально-культурный статус коптов. Исследуя положение монофизитской церкви в Египте и структуру коптского

⁷³ Wakin E. დასახ. ნაშრომი, გვ. 37.



общинного самоуправления, а также культурные обычаи, традиции-некоторые особенности мышления и поведения коптов, автор приходит к заключению, что на протяжении веков коптская церковь играла относительно общины интегративную и коммуникативную роль, устанавливала и развивала внутри нее всевозможные вневероисповедальные — экономические, семейно-бытовые и т.д. связи, способствовала сохранению чистоты этнического типа и древних культурных традиций коптов, а также синтезу последних с христианской этикой и традициями, формируя тем самым у своих приверженцев специфическое мышление и психику, особое этническое самосознание. Следовательно, копты относятся к числу тех меньшинств Ближнего Востока, в формировании которых принципы этнической и религиозной принадлежности совпадали и поэтому не поддавались дифференциации в их самосознании. Следовательно, по мнению автора, коптов следует отнести к т. н. этнорелигиозным меньшинствам Ближнего Востока.

K. R. AMIREDJIBY

SOME NOTES ABOUT THE PART OF COPTIC COMMUNITY IN MODERN EGYPT.

Summary

The Study of the history and modern life of ethnic and social minorities in the countries of Asia and Afrika is very actual today.

The article is dedicated to the least known problem —the part and the status of the cristian descendants of autochtonic population of Egypt in economical and social life of the Country.

After the short review of the history of Copts, the author passes to the analysis of the reasons, which caused comparatively high economical, social and cultural status of the Coptic Community.

Having studied the condition of Monophisit Church in Egypt and the structure of the Coptic Community self-government, cultural customs and traditions, some peculiarities of the thinking and behavior of Copts, the author comes to the conclusion, that Coptic Church played integrative and communicative role in the Community during centuries. it established and developed different (economical, family etc) relations, promoted the preservation of the purity of ethnic type and ancient cultural traditions of Copts, the synthesis of them with christian ethics and traditions. Consequently specific thinking and psychology, particular self-consciousness was built up in minds of its followers. Therefore, Copts belong to those minorities of the Middle East, in formation of which, the principles of ethnic and religious belonging coincided. Because of this fact they resisted differentiation in their self-consciousness. Thus, to the author's mind, Copts have to be attributed to the so-called ethno-religious minorities of the Middle East.

ცნობები და შენიშვნები

ზურაბ ბრატვიანი

კოლხეთის აღმოსავლეთი რეგიონების (ყვირილის ხეობის)
ქართიზაციის საკითხისათვის

წინამდებარე წერილი ეძღვნება ძვ. წ. IV—I საუკუნეების აღმოსავლეთ კოლხეთის (ყვირილის ხეობა) ქართიზაციის და მასთან მჭიდროდ დაკავშირებული ისტორიული პროცესების, კერძოდ, აღმოსავლურ-ქართული კულტურისა და იბერიის პოლიტიკური გავლენის გავრცელების შესწავლას უახლესი არქეოლოგიური აღმოჩენების შუქზე.

რა თქმა უნდა, ისეთი ურთულესი პრობლემა, როგორც კოლხეთის ქართიზაციის პროცესია, შეუძლებელია, ერთი ავტორის მიერ იქნას გადაჭრილი. ეს პერმანენტული საკითხია, რომლის სრულად შესწავლა მომავლის საქმეა, მაგრამ მიგვაჩნია, რომ ყვირილის ხეობაში გამოვლენილ არქეოლოგიურ ძეგლებს (საირხე, მოდინახე) შეუძლიათ გარკვეულად განამტკიცონ ადრე წამოყენებული არაერთი დებულება და წამოჭრან ზოგიერთი ახალი საკითხიც.

ადგილობრივი, ასევე უცხოენოვანი — ბერძნული, ბიზანტიური — წერილობითი წყაროები აღმოსავლეთ კოლხეთის (ყვირილის ხეობის) ტერიტორიაზე მხოლოდ შორაპნის ციხის შესახებ გვაწვდიან ცნობებს. ლეონტი მროველის მიხედვითაც ელინისტური ხანის ყველაზე მძლავრი პუნქტი ამ მხარეში ქართლის სამეფოს საერისთავოს ცენტრი შორაპანი ჩანს¹. მაგრამ, ელინისტური ხანის ფენები არქეოლოგიურად მხოლოდ მოდინახეზე, საირხეში და ითხვისშია დამოწმებული². ამათგან ითხვისის მასალები დღემდე გამოუქვეყნებელია, ამდენად, იძულებული ვართ ამ საკითხების კვლევისას ნაწილობრივ მოდინახეს და ძირითადად საირხის მასალის მიხედვით ვიმსჯელოთ.

არქეოლოგიური აღმოჩენები საირხის ნაქალაქარზე ნათელყოფენ, რომ ძვ. წ. I ათასწლეულის დასაწყისში აქ საფუძველი ეყრება მძლავრ ეთნოტიკრიტიკულ ერთობას, რომელიც თავის აღმავლობას ძვ. წ. V—IV სს-ში აღწევს³.

ძვ. წ. IV ს-ნის II ნახევრის საირხეში რამოდენიმე საინტერესო პროცესი შეინიშნება; ესენია: ურთიერთობის შესუსტება ატიკასთან (ეს ურთიერთობა მეტად ინტენსიურია ადრეანტიკურ ხანაში)⁴, ურთიერთობის გაძლიერება მც-

¹ ქართლის ცხოვრება, ტ. I, თბ., 1955, გვ. 24.

² ქ. ნადირაძე, ყვირილის ხეობის არქეოლოგიური ძეგლები, თბ., 1975.

³ საბადურის გორაზე მოპოვებული მასალის დაწვრილებითი ანალიზი, რომელიც წარმოდგენილია ქ. ნადირაძის ნაშრომში (საირხე — საქართველოს უძველესი ქალაქი, თბ., 1990), საშუალებას იძლევა, გამოიყოს მთელი რიგი პერიოდები საირხის განვითარების ისტორიაში. ერთი ასეთი პერიოდი, ანუ საირხის აყვავების ხანა ძვ. წ. V—IV სს-ზე მოდის.

⁴ ქ. ნადირაძე, საირხე საქართველოს უძველესი ქალაქი.

რე აზიის ელინიზებულ ცენტრებთან და მატერიალურ კულტურაში აღმოსავლურ-ქართული ნაკადის შემოჭრა⁵.

ელინისტური ხანის საირხის მატერიალური კულტურის ძეგლებმა და თვით ძეგლის სტრატეგრაფიამ, ვფიქრობთ, შესაძლებელია, დიდი სამსახური გაგვიწიოს ამ მხარის ქართიზაციის და მისი თავისებურებების დადგენაში.

საირხის მდიდრული სამარხები ქრონოლოგიურად ძვ. წ. V—III საუკუნეებს შორის თავსდება. ძვ. წ. III ს-ის I მეოთხედში სამარხები ქრება და ცოტა ხანში იმავე ადგილას წარმოიქმნება სამოსახლო, რომელიც სტერალური ფენითაა გამიჯნული სამარხებისაგან⁶. ელინისტურა ფენის სისქე 3 მეტრს აღწევს, შეიცავს ორ პორიზონტს და ერთი შეხედვითაც ნათელი ხდება, რომ ამ დროის დასახლება საკმაოდ მძლავრია. იმისათვის, რათა მსჯელობას თანამიმდევრული ხასიათი მივცეთ და ჩვენ მიერ გამოთქმული ვარაუდების მეტ-ნაკლები დასაბუთება შევძლოთ, მოკლედ შევეხებით ზემოიშვრეთის არქეოლოგიურ ძეგლებზე მოპოვებულ მასალას, რომელიც კოლხეთის მატერიალური კულტურის ისტორიოგრაფიაში ინოვაციად და ელინიზმისა და ქართიზაციის პროცესის შედეგებადაა მიჩნეული. უნდა აღინიშნოს, რომ აღმოსავლეთ კოლხეთში (ყვირილის*ხეობაში) ამიერკავკასიის სხვა რეგიონებისაგან განსხვავებით ქართიზაციისათვის დამახასიათებელი მოვლენები მკვიდრდებოდა ელინიზმის პროცესთან მჭიდრო კავშირში, მასთან ერთად. როგორც საფიქრებელია, ძვ. წ. III ს-ის I მეოთხედის ბოლოს იწყება კოლხეთის აღმოსავლეთი რეგიონების მძლავრი ქართიზაცია, რაც პირველ რიგში დაკავშირებული უნდა ყოფილიყო ფარნავაზის პოლიტიკურ მოღვაწეობასთან.

სამწუხაროდ, საქართველოს ისტორიის ე. წ. შიდა საორიენტაციო საკითხებს ჩვენში ჭრჭერობით არ ექცევა სათანადო ყურადღება. როგორც აკად. ნ. ბერძენიშვილი მიუთითებდა, „ცალკე განსახილველია იბერიის ეს დიდი ექსპანსიის ხანა, რაც როგორც საფიქრებელია, სამხედრო დემოკრატიის ხანაში დაიწყო და ფარნავაზით დაგვირგვინდა“⁷.

ფარნავაზის მიერ ამ ტერიტორიების (ყვირილის ხეობის) ქართლის სამეფოს გავლენის არეალში მოქცევა, ცხადია, უნდა გამოეწვია, აღმოსავლურ-ქართული კულტურის ნიშნების მომძლავრება-დამკვიდრება, მაგრამ არქეოლოგიური მონაცემები და კერძოდ, საბადურის გორის № 1 სამარხის ინვენტარი⁸, გვაძლევს საშუალებას, ვიფიქროთ რომ აღმოსავლურ-ქართული ელემენტების შემოჭრა ფარნავაზამდე დაიწყო. ყვირილის ხეობის კერამიკულ ნაწარმში ასეთ ნიმუშებად მსხლიცებურკორპუსიანი დოქები ჩანან, რომლებიც საირხის გარდა მოდინახეცაა ფიქსირებული⁹. ვანში მათ გამოჩენას მცირე აზიიდან მესხური

⁵ აღსანიშნავია, რომ აღმოსავლურ-ქართული კულტურის ნიშნები ყვირილის ხეობის კერამიკულ და ბრინჯაოს ნაწარმში ადრეელინისტურ ხანაზე ვაცილებით ადრე ჩნდება (იხ. ქვემოთ).

⁶ საირხის სტრატეგრაფია საბადურის გორის მიხედვით იხ. ჯ. ნაღირაძე, საირხე — საქართველოს უძველესი ქალაქი, აგრეთვე გ. მახარაძე, საირხის ელინისტური ხანის კერამიკა (ხელოვნების მუზეუმის XI სამეცნიერო სესიის თეზისები), თბ., 1989; მისივე, საირხის საბადურის გორის სტრატეგრაფიისათვის (ხელნაწერი).

⁷ ნ. ბერძენიშვილი, საქართველოს ისტორიის საკითხები, წ. VIII, თბ., 1975, გვ. 444.

⁸ ჯ. ნაღირაძე, საქართველოს უძველესი ქალაქი, გვ. 91.

⁹ ჯ. ნაღირაძე, ყვირილის ხეობის არქეოლოგიური ძეგლები, თბ., 1975, ტაბ. XI, სურ. 15.

ტომების შემოჭრას და მათ მიერ ელინისტური კულტურის შემოტანას უკავშირებენ¹⁰. ყვირილის ხეობაში ეს ნაწარმი მასიურად ძვ. წ. III ს-ის შუა ხანებიდანაა წარმოდგენილი (საბადურის გორის № 1 ფენა) მსხლისებურკოროპუსიანი დოქების ვაჩენა, მართალია, ემთხვევა ელინიზმის ეპოქას, მაგრამ ყვირილის ხეობაში კერამიკის ამგვარი სახეობების გავრცელება, ჩვენი აზრით, დაკავშირებული უნდა იყოს ქართლიდან ეთნიკური ჯგუფების ინფილტრაციასთან, რასაც თან სდევდა აღმოსავლურ-ქართული მატერიალური კულტურის ელემენტების შემოჭრა კოლხეთში.

ძვ. წ. IV ს-ის II ნახევრის კოლხეთში და ქართლში დადასტურებულ ახალმოვლენებში ერთ-ერთი წამყვანი ადგილი მოხატულ კერამიკას უკავია. ყვირილის ხეობაში ამ ტიპის ნაწარმი ყველაზე დიდი რაოდენობით საბადურის გორის ზედა ნასახლარ ფენაშია აღმოჩენილი. ძვ. წ. IV ს-ის III მეთხედში ვანის ნაქალაქარზე ასეთი სახის კერამიკა თანაარსებობს კოლხური თუნის ნაწარმთან¹¹. დღემდე აზრთა სხვადასხვაობაა მოხატული კერამიკის გენეზისის შესახებ, მაგრამ ჩვენ ამჯერად გვაინტერესებს მისი საქართველოს ტერიტორიაზე გავრცელების გზების პრობლემა.

ი. ვაგოშიძის აზრით, მოხატული სამტუჩა დოქები კოლხეთში იბერიიდან გავრცელდა, ხოლო რაც შეეხება ზოგადად მოხატული კერამიკის გაჩენას, ი. ვაგოშიძე ვარაუდობს, რომ წითლად ანგობირებულმა თიხის ჭურჭელმა საფუძველი მოუზადა ჩვენში მოხატული თუნის ნაწარმის წარმოშობას¹². არსებობს მოსაზრება იმის თაობაზე, რომ მოხატული ჭურჭელი ქართლში გავრცელდა სინოპედან¹³, ხოლო რადგანაც სამადლოს მოხატული ნაწარმი თითქმის იდენტურია სინოპური კერამიკისა, სავარაუდებელია, ეს ჭურჭელი სამადლოში სინოპელი ოსტატების მოღვაწეობის შედეგად იყოს. რაც შეეხება ვანს, აქ მის გაჩენას მესხური ტომების ექსპანსიას და ელინიზმის გავლენას უკავშირებენ¹⁴.

საირხის ადრეელინისტური ხანის მოხატული კერამიკა ძირითადად ვანის და სამადლოს მოხატულ ჭურჭლებთან პოვლობს ანალოგიას. საერთოა როგორც ცალკეული კომპლექსების ფორმები, ასევე მოხატვის მოტივებიც (სარტყლები, სამკუთხედები). ამიტომ იზადება კითხვა, ხომ არ უნდა ვივარაუდოთ სინოპელი ოსტატების არსებობაც საირხეში? საკითხი საკმაოდ რთულია და მისი გადაჭრა ბევრ სიძნელესთან არის დაკავშირებული. მით უმეტეს, რომ ელინისტური ხანის საირხეში ჯერჯერობით კერამიკის მეტი სხვა არავეითარი მასალა (მაგ., სინოპური დამღები, კრამიტი, მონეტები და სხვა) არ არის გამოვლენილი, ამის გამო, დღეს მხოლოდ გამოფიქვამთ ვარაუდს, რომ მოხატული კერამიკა, რომელიც შესაძლებელია, მართლაც სინოპედან გავრცელდა იბერიაში, საირხეში და საერთოდ ყვირილის ხეობაში უფრო იბერიის გზით უნდა შემოსულიყო. აქედანვე სავარაუდებელია, საირხეში მომხატველ ოსტატ-ხელოსანთა ინსტიტუტის ვაჩენაც. როგორც ცნობილია, IV ს-ის II ნახევრის

¹⁰ О. Д. Лордкипанидзе, Древняя Колхида, Тб., 1979, გვ. 211.

¹¹ О. Д. Лордкипанидзе, Вани в IV—II вв. до н. э. Причерноморье в эпоху эллинизма, Цхалტუბო III—1982, Тб., 1986, გვ. 476.

¹² Ю. М. Гагошидзе, Самадло, Тб., 1979, გვ. 90—92.

¹³ ბ. ი. ნაძე, ელინიზმის გავლენის საკითხისათვის ამიერკავკასიის ქვეყნებში, კრებული მიძღვნილი ნ. ბერძენიშვილის დაბადების 80 წლისთავისადმი, 1976, გვ. 80.

¹⁴ О. Д. Лордкипанидзе, Вани в IV—II вв. до н. э. გვ. 476

ვანში მოხატული კერამიკა თანაარსებობს როგორც კოლხურ, ასევე ატიკურ წითელ და შავფიგურთან თიხის ნაწარმთან¹⁵. ამ დროის საირხეში ატიკური იმპორტი აღარ ჩანს, გარდა ერთი შემთხვევისა — ლომინაურში, სადაც მოხატული კერამიკისა და ბერძნული ჯამის ნატეხია აღმოჩენილი¹⁶. ამრიგად, მოხატული კერამიკის ნიმუშების გამოჩენა საირხეში ქრონოლოგიურად ესადაგება ვანში მსგავსი კერამიკის გავრცელებას. თავდაპირველად მოხატული ნაწარმი ალბათ იმპორტის საგანი იყო, რითაც აიხსნება მისი მცირე რაოდენობით არსებობა (საბადურის გორის ელინისტური ხანის ფენის ქვედა ჰორიზონტი). მაგრამ თანდათანობით იბერიასთან კონტაქტების გაძლიერებამ და აღმოსავლურ-ქართული კულტურის მოზღვავებამ ამ სახის კერამიკაშიც პოვა ასახვა. და საჭირო გახდა მისი ადგილზე დამზადება. მიგვაჩნია, რომ სწორედ იბერიიდან დაიწყო მასიურად აღნიშნული თუნის ნაწარმის გავრცელება და ამავე ვითარებაში გადაიწყვეტი როლი აღმოსავლეთ კოლხეთის ქართოზაციის პროცესმა შეასრულა. ასე რომ, თუ თავდაპირველად მოხატული კერამიკა მხოლოდ იმპორტის საგანს წარმოადგენდა და სინოპედან ვრცელდებოდა, იბერიის გავლენის გავრცელებასთან ერთად იგი უკვე იბერიიდან მომავალ გზას დაუკავშირდა. ამასთან ვფიქრობთ, რომ მისი უშუალოდ ადგილზე (საირხეში) წარმოებაც დაიწყო. ეს პროცესი კი ძვ. წ. III საუკუნეზე ადრე არ უნდა მომხდარიყო.

ჩვენ შევეცადეთ, წარმოგვეჩინა ის სიახლენი, რომლებშიც შეიმჩნევა ადრე-ელინისტური ხანის საირხის კერამიკის წარმოებაში. მაგრამ ისიც უნდა აღინიშნოს, რომ ეს სიახლენი თანაარსებობენ კერამიკის ადრე ჩამოყალიბებულ ტრადიციულ ნიმუშებთან ერთად. უფრო მეტიც, ძვ. წ. IV—III სს-ების ყვირილის ხეობაში გადაიწყვეტი როლი წარმოების ამ დარგში ძირძველ მოსახლეობას რჩება. მსგავსი ვითარება შეინიშნება ოქრომჭედლობაშიც. საირხეში ოქრომჭედლობის არაერთი ნიმუშია აღმოჩენილი. მაგრამ ჯერჯერობათ არ ხერხდება ადრეანტიკური და ადრეელინისტური ეპოქების მასალის მკვეთრი გამოიჯნა და მათ შორის ძირეული განსხვავებების დადგენა. ჩვენამდე მოღწეულ ნივთებში ვერ ვპოულობთ ისეთ სხვაობებს, როგორსაც, მაგალითად ვანში აღმოჩენილ ოქრომჭედლობის ნაწარმში, სადაც აშკარად შეინიშნება მთელა რიგი ინოვაციებისა და ადრეანტიკური ხანის ტრადიციების გავლენა¹⁷. ეს კიდევ ერთი მინიშნება უნდა იყოს იმაზე, რომ ძვ. წ. IV—III სს-ებში ყვირილის ხეობის ზემო წელზე ძველი ყოფისათვის დამახასიათებელი ნიმუშები ჯერ კიდევ ინარჩუნებენ არსებით მნიშვნელობას. ამ მოსაზრების გამო შევეხოთ საირხეში და მოდინახეზე ფიქსირებულ დაკრძალვის წესს.

არქეოლოგიური აღმოჩენებით დადგენილია, რომ ვანის ქვეყანაში IV ს-ის II ნახევრიდან სამარხების სხვადასხვა სახეობა ჩნდება¹⁸. რა სიტუაციაა ამ მხრივ საირხის ქვეყანაში? როგორც ითქვა, საბადურის გორის მდდრული სამარხები ქრონოლოგიურად ძვ. წ. V—III სს-ებს შორის თავსდება. სამარხები წარმოადგენენ აკლამებს, რომლებიც ნაგებია ქვის მშრალი წყობით, ხის მორებით, და რკინის დიდი ზომის ლურსმნებით. ყველა მათგანი დატული ქვა-

¹⁵ О. Д. Лордкипанидзе, Вани в IV—II вв. до н. э., 33. 476.

¹⁶ ჯ. ნადირაძე, დასახ. ნაწარმი, 33. 99—100. ტაბ. IX, სურ. 1—2.

¹⁷ А. Чкония, Ювелирное искусство Колхиды в IV—II вв., до н. э., „Цхалტубო, III, 1982“, Тб., 1986, 33. 519.

¹⁸ О. Д. Лордкипанидзе, Вани в IV—II вв. до н. э., 33. 475.

ყრილებით¹⁹. საბადურის გორის აკლდამები საზოგადოების დაწინაურებულ ფენას — ყვირილის ხეობის საგამგეო ერთეულის არისტოკრატიის წარმომადგენლებს ეკუთვნით. შედარებით დაბალი სოციალური წრის მოქალაქეებისათვის, როგორც საირხეში, ასევე მოდინახეზე გამოყენებულია ჩვეულებრივი ორმო-სამარხები. მიცვალებულნი დაკრძალული იყვნენ მოკრუნჩხულ პოხაში და დამხობილნი აღმოსავლეთით. ადრეანტიკური და ადრეელინისტური ხანის სამარხების შედარებამ ცხადყო, რომ ამ ხანებში არავითარი განსხვავება არც დაკრძალვის წესსა და არც აკლდამების აღნაგობაში არ შეიმჩნევა.

ორივე პერიოდის სამარხებში შენარჩუნებულია დაკრძალვის უძველესი ტრადიცია და სამარხების აგებულებაც ერთი და იგივეა. ის გარემოება, რომ ადრეანტიკური (ძვ. წ. V—IV სს-ების) და ძვ. წ. IV—III სს-ების მიჯნის სამარხები საბადურის გორაზე ერთადაა წარმოდგენილი, მიანიშნებს იმ ფაქტზე, რომ ადრეელინისტური (ძვ. წ. IV ს-ის II ნახევარი — III ს-ის დასაწყისი) ხანის საირხის კულტურა საუკუნეთა მანძილზე ფორმირებული კოლხური კულტურის გაგრძელებაა, ხოლო ასეთ მსჯელობას უნებურად მივყავართ ადრეანტიკური და ადრეელინისტური (ძვ. წ. IV ს-ის II ნახევარი — ძვ. წ. III ს-ის I მეოთხედი) ყვირილის ხეობაში ერთი და იმავე გვარის, მმართველი ზედაფენის კონტინუიტეტის აღიარებამდე.

ამ ორი ეპოქების სამარხები ერთადაა ფიქსირებული მოდინახეს სამარგანზეც²⁰. დაკრძალვის წესი არც აქ განიცდის სხვაობას და სამარხთა აღნაგობაც ერთი და იგივეა. ამიტომ როცა აღმოსავლეთ კოლხეთში ქართიზაციის და ელინიზმის პროცესებზეა საუბარი, აუცილებლად გათვალისწინებულ უნდა იქნას ყვირილის ხეობის ადრეელინისტური (ძვ. წ. IV ს-ის II ნახევარი — ძვ. წ. III ს-ის I მეოთხედი) სამოსახლოს თუ სამაროყნის ფუნქციონირება და ამათი კავშირი ადრეანტიკური ხანის კოლხურ სამყაროსთან. ეს კი ქმნის შთაბეჭდილებას, რომ ყვირილის ხეობის ელინისტური ხანის საზოგადოებრივ-ეკონომიკური ცხოვრება ვითარდებოდა ადრეჩამოყალიბებული და განვითარებული კოლხური ცივილიზაციის ბაზაზე. ე. ი. ძვ. წ. IV ს-ის II ნახევარსა და III საუკუნის I მეოთხედშიც წამყვან როლს ადგილობრივი მოსახლეობა ასრულებდა და ამ თვალსაზრისით მთლიანად ელინიზმის ეპოქა გენეტიკურ კავშირშია მის წინამორბედ ხანასთან. შემოტანილი მატერიალური კულტურის ელემენტები არ იწვევს საუკუნეთა მანძილზე ჩამოყალიბებული სულიერი ცხოვრების რამდენადმე მნიშვნელოვან შეცვლას. მართალია, ეთნიკური ჯგუფების მიგრაცია-ინფილტრაცია შეიმჩნევა, მაგრამ ადრეელინისტურ (ძვ. წ. IV—III სს-ების მიჯნა) ხანაში სხვადასხვა მატერიალური კულტურის — ადგილობრივის, აღმოსავლურ-ქართულისა და ბერძნულის — შერწყმის პროცესში გადამწყვეტი როლი მაინც ადგილობრივ მოსახლეობას უნდა შეესრულებინა; მასვე უნდა მოეხდინა ჩამოსახლებული მასების ასიმილაცია და მისი კულტურის ელემენტების ათვისება. აქვე არც იმის დავიწყება შეიძლება, რომ აღმოსავლეთ კოლხეთი განსაკუთრებით ყვირილის ხეობის ზემო წელი *Ab initio* იქცა აღმოსავლური და დასავლური ქართული ტომების, მათის კულტურის შერწყმის ადგილად. როგორც გ. ლომთათიძე აღნიშნავდა, ქართლის საძეგროს

19 გ. ნაღორაძე, საირხე, საქართველოს უძველესი ქალაქი.
20 გ. ნაღორაძე, ყვირილის ხეობის არქეოლოგიური ძეგლები, გვ. 41.



შექმნისთანავე ყვირილის ხეობაში გადიოდა იბერია-კოლხეთის სახელმწიფო-ებრივი საზღვარი, რომელსაც არავითარი გამმიჯნელი ფუნქცია ამ ორ სახელმწიფოს შორის არ ჰქონდა²¹. ამ მოსაზრების ერთგვარი დასტური შეიძლება გამოდგეს ზემო იმერეთის ტერიტორიაზე ამ ბოლო დროს გამოვლენილი ძეგლები (საირხე, მოდინახე, გორაძირი), რომლებზედაც კარგად გამოჩნდა სხვადასხვა ქართველურ ტომთა მჭიდრო კონტაქტები გვიანბრინჯაო-ადრერკინის ხანიდან. ქართველური ტომები ნ. ბერძენიშვილის დებულების თანახმად, უძველესი დროიდანვე ერთად, ურთიერთმეზობლად ცხოვრობდნენ და ამ ურთიერთობის მრავალსაუკუნოვანი პროცესი ქართველურ ტომთა გაერთიანებით და ამ ტომთა ასიმილაციით დამთავრდა. ამ გაერთიანებას სათავეში ედგა ქართის ტომი, რომელმაც ითავა სხვადასხვა ტომთა გაერთიანება და მოახდინა სხვა ქართველურ ტომთა ასიმილაცია. ქართულ ისტორიოგრაფიაში დამკვიდრებული აზრის თანახმად, იბერიის სამეფოს ჩამოყალიბებისთანავე დასავლეთ საქართველოში და, კერძოდ, არგვეთში უკვე უნდა ეცხოვრათ აღმოსავლურ-ქართულ ტომებს. და იბერიის ძალაუფლებაც უკვე ძვ. წ. III ს-ის დასაწყისში უნდა გავრცელებულიყო აქ²².

ლეონტი მროველის ცნობით, „ფარნავაზმა“ განაწესა ერისთავნი რვანი და სპასპეტი... ერთი გააზნა მარგუს ერისთავად და მისცა მცირით მთითგან, რომელ არს ლიხი, ვიდრე ზღურამდე ეგრისისა რიონს ზემოთ, და ამანვე ფარნავაზ აღაშენა ორნი ციხენი შორაპანი და დიმნა“²³.

ლეონტი მროველი არგვეთით თითქმის არ არის დაინტერესებული. იგი არც იმას გვამცნობს, თუ რა ნდებოდა აქ ფარნავაზამდე, ან რა მოხდა ფარნავაზის პოლიტიკის შედეგად. მან არ იცის ყვირილის ხეობის წარსული და არ ასახელებს მნიშვნელოვან ცენტრებს. ფაქტობრივად ისტორიკოსი არგვეთის ამ ნაწილზე საერთოდ დუმს. ეს ვითარება არც არის გასაკვირი, ვინაიდან როგორც სამეცნიერო ლიტერატურაშია შენიშნული, ლეონტი მროველსა და ჭუან-შერს მიზნად არ ჰქონიათ დასავლეთ საქართველოს ისტორია დაეწერათ. მათი მიზანი იყო აღმოსავლეთ საქართველოს, საკუთრივ ქართლის სამეფოს ისტორიის აღდგენა და დასავლეთ საქართველოს, ისევე როგორც სხვა მეზობელ მხარეებს, ეხებოდნენ იმდენად, რამდენადაც ამას მათი თვალსაზრისით ქართლის სამეფოს ისტორია მოითხოვდა²⁴. ამის გამო, ლეონტი მროველი მხოლოდ და მხოლოდ მშრალ ისტორიულ ფაქტებს გვაწვდის, მაგრამ ამ ერთი ცნობიდანაც შესაძლებელი ხდება მნიშვნელოვანი დასკვნების გამოტანა.

როგორც უკვე ითქვა, ყვირილის ხეობის არქეოლოგიურ ძეგლებზე განსაკუთრებით მოდინახეს გვიანბრინჯაოს ხანის სამაროვანზე²⁵ და გორაძირის ადრერკინის ხანის სამაროვანზე²⁶ ზემოთმოტანილი მოსაზრებების დამადასტურებელი სიტუაცია წარმოჩნდა. მოდინახეს და გორაძირის გვიანბრინჯაო-ადრერკინის ხანის მასალაში მკვეთრად გამოიყოფა ორი ჯგუფი. ერთი ჯგუფი

²¹ გ. ლომთათიძე, კლდეთის სამაროვანი, თბ., 1956, გვ. 133.

²² Г. А. Меликишвили, К истории древней Грузии, Тб., 1959, გვ. 119

²³ ქართლის ცხოვრება, I, გვ. 32.

²⁴ დ. მუსხელიშვილი, საქართველოს ისტორიულ გეოგრაფიას ძირითადი საკითხები, I, თბ., 1977, გვ. 81.

²⁵ მასალა ინახება ხელოვნების მუზეუმში.

²⁶ ე. გოგაძე, ც. დავლიანიძე, გორაძირი, თბ., 1981.

ახლო ანალოგიებს კოლხურ ნაწარმთან პოულობს, ხოლო მეორე — აღმოსავლეთ საქართველოს, კერძოდ, სამთავროს პარალელებთან. ამდენად, შესაძლებელი ხდება ვიფიქროთ, რომ აღმოსავლურ-ქართული ეთნოსი ყვირილის ხეობაში ელინისტურ ხანაშდ ჩანს დასახლებული. რა თქმა უნდა, არ გამოირიცხება ამ ნივთებისა და ცალკეული კომპლექსების შემოტანა გაცვლა-გამოცვლის, ან ვაჭრობის გზით, მაგრამ მათი კომპაქტურად თავმოყრა უნდა მიანიშნებდეს ადგილზე წარმოებას და აგრეთვე იმას, რომ ყვირილის ხეობაში, მის ზემო წელზე აღმოსავლურ-დასავლური ქართული ერთობეი ოდითგანვე ერთად ცხოვრობდნენ. კოლხეთის სამეფოს ძლიერებისა და საირხის ქალაქობის აღმავლობის ხანაში (ძვ. წ. V—IV ს.) უფრო დაწინაურებული დასავლურ-ქართული ერთობა ჩანს. ეს ვითარება არქეოლოგიური მასალითაც თვალნათლივ დასტურდება²⁷. ვინაიდან არგვეთი აღმოსავლურ-ქართული ტომებითაც იყო დასახლებული, ფარნავაზიანები მას ქართლოსიანთა წილ-ხვედრ მიწა-წყალად და ამდენად, საკუთარ ტერიტორიად განიხილავდნენ. ამიტომ ალბათ შემთხვევითი არ არის, რომ ტრადიციის თანახმად, ფარნავაზმა თავისი ადმინისტრაციული რეფორმების გატარების დროს პირველი ერისთავი დასავლეთ საქართველოში — არგვეთს გაგზავნა და ეს მხარე იბერიას დაუმორჩილა.

სამეცნიერო ლიტერატურაში აღნიშნულია, რომ იბერიის ძალაუფლების გავრცელებასთან ერთად კოლხეთის აღმოსავლეთ რეგიონებში თავს იჩენს განსხვავებული კულტურულ-ეკონომიკური მოვლენები, რომლებიც აზოს და ფარნავაზის მოღვაწეობას უკავშირდება. შემოდის დაკრძალვის ახალი წესები, ჩნდება წითლად მოხატული და მსხლისებურკორპუსიანი კერამიკა, ცვლილებებს განიცდის ოქრომჭედლობა, არქიტექტურა, ქრება კოლხური თეთრა²⁸. ასე რომ, ისმის კითხვა, — კულტურულ-ეკონომიკური ცვლილებების პარალელურად ფარნავაზის მიერ კოლხეთის აღმოსავლეთის რეგიონების თავის სახელმწიფო-ადმინისტრაციულ სისტემაში მოქცევასთან ერთად რა ცვლილებები ხდება ადგილობრივი მმართველობის აპარატში. როგორც ცნობილია, საირხე ადრეანტიკურ ხანაში ერთ-ერთი სკეპტუხიის ცენტრს წარმოადგენდა და აქედან გამომდინარე ყვირილის ხეობის ზემო წელს კოლხეთის სამეფოს მოხელე — სკეპტუხი განაგებდა²⁹. როგორც სამეცნიერო ლიტერატურაშია დადგენილი, სკეპტუხია ეთნო-ტერიტორიულ პრინციპზე შექმნილი ერთეულია. მის სათავეში ადგილობრივი საგვარეულო არისტოკრატის წარმომადგენელი დგას³⁰. გასარკვევია, რა ურთიერთკავშირი შეიძლება არსებობდეს ფარნავაზის დროინდელ ერისთავსა და ადრეანტიკური ხანის სკეპტუხთა საგვარეულოს შორის. გარკვეული დახმარება შესაძლოა გაგვიწიოს საბადურის გორის სტრატეგრაფიულმა მონაცემებმა. დასაწყისში ვწერდით, რომ საბადურის გორის მდიდრული სამაროვანი ძვ. წ. V—III ს-ებს შორის თავსდება. ძვ. წ. III ს-ის შესაძლებელია პირველი ოცწლეულის ბოლოს სამაროვანი არსებობას წყვეტს და

27 ჩვენ საშუალება არა გვაქვს დაწვრილებით შევეხოთ საირხის ადრეანტიკური ხანის ნივთიერ მასალას. სათანადო პარალელებით იგი წარმოდგენილია ჯ. ნადირაძის წიგნში „საირხე — საქართველოს უძველესი ქალაქი“.

28 გ. გაბელიანი, აზო-ფარნავაზის დროინდელი კოლხეთის ისტორიისათვის, მაცნე, ისტორიის სერია, № 3, 1985.

29 ჯ. ნადირაძე, ყვირილის ხეობის არქეოლოგიური ძეგლები.

30 მ. იონაძე, კოლხეთის სამეფოს სკეპტუხიანთა საკითხისათვის, საქ. მეცნიერებათა აკადემიის მოამბე, ტ. 26, № 6, 1961, გვ. 783—790.

მოგვიანებით, ალბათ, ძვ. წ. III ს-ის შუახანებიდან ან უკანასკნელ მეოთხეში იმავე ადგილას წარმოიქმნება სამოსახლო³¹. საბადურის გორაზე ადგილობრივი არისტოკრატის წარმომადგენლები არიან დაკრძალულნი. ცხადია, რომ მათი სახით საქმე გვაქვს რაღაც ადგილობრივ მმართველ ზედაფენასთან³².

ჩვენ საშუალება არა გვაქვს, ყველა სამარხის შესახებ ვისაუბროთ, მხოლოდ აღვნიშნავთ, რომ დიდი მნიშვნელობა ენიჭება ძვ. წ. IV—III ს-ების მიჯნის, ან შესაძლოა ძვ. წ. III ს-ის I მეოთხედის სამარხის აღმოჩენას ძვ. წ. V—IV ს-ის სამარხების გვერდით (სამარხი № 1). სწორედ № 1 სამარხის ინვენტარში ჩნდება მსხლისებურკორპუსიანი კერამიკა³³, რაც მიგვანიშნებს, რომ აღმოსავლურ-ქართული ელემენტი უკვე თანდათანობით ფეხს იკიდებს საირხის მატერიალურ კულტურაში. მიუხედავად იმისა, რომ № 1 სამარხი ძვ. წ. III ს-ის I მეოთხედს მიეკუთვნება, მაინც არ შეგვიძლია ვთქვათ, რომ იგი ფარნავაზის დროინდელ ერისთავს ეკუთვნის. უფრო მართებული იქნება ფიქრი იმის შესახებ, რომ მასში დაკრძალულია კოლხეთის სამეფოს საგამგეო ერთეულის — საირხის ქვეყნის მმართველი ზედაფენის ერთ-ერთი უკანასკნელი წარმომადგენელი, რომელიც თავისი იერარქიული ჩამომავლობით გენეტიკურ კავშირშია საბადურის გორაზე დაკრძალულ ადრეანტიკური ხანის (ძვ. წ. V—IV სს.) არისტოკრატის ფენასთან. ჩვენი აზრით, სხვა შემთხვევაში № 1 სამარხი ამ სამაროვანზე ვერ მოხვდებოდა. ადრეანტიკური ხანის სამარხების გვერდით ძვ. წ. III ს-ის I მეოთხედის სამარხის არსებობის ფაქტი გარკვეულწილად მხარს უჭერს ქართული საისტორიო ტრადიციის ცნობას და ჩვენს ისტორიოგრაფიაში გამოთქმულ ვარაუდს იმის შესახებ, რომ ფარნავაზი ქართლში მეფობას კოლხეთის დახმარებით აღწევს და თავის პოლიტიკურ მიზნებს კოლხ დიდებულებზე დაყრდნობით ახორციელებს³⁴. ეს კი მიანიშნებს, რომ ადრეელინისტური ხანის (ძვ. წ. IV—III სს-ების მიჯნა) საირხის ქვეყანას კოლხეთის სამეფოს მოხელე განაგებდა.

ჩვენს ნათქვამს გარკვეულწილად ამავრებს ის ვარემოებაც, რომ № 1 სამარხზე გვიანდელი სამარხი საბადურის გორაზე არ გავაჩნია, და ძვ. წ. III ს-ის I მეოთხედის ბოლოს, ან უფრო ადრეც სამაროვანი ფუნქციონირებას წყვეტს. სწორედ ამის მერე ხდება რაღაც ძვრები საირხის ქვეყნის პოლიტიკურ ცხოვრებაში, რაზეც სამაროვნის ადგილას წარმოქმნილი ელინისტური ხანის ფენაც მეტყველებს. მიგვაჩნია, რომ სწორედ ელინისტური ხანის ნამოსახლარი ფენის გაჩენის პარალელურად უნდა მომხდარიყო ყვირილის ხეობის ზემო წელის იბერიის ძალაუფლების ორბიტაში მოხვედრაც. ეს ვითარებაც აირეკლავს „ქართლის ცხოვრებაში“ გადმოცემულ ფაქტს, რომ ფარნავაზი ქართლში მომძლავრების და კოლხეთში პოლიტიკური მიზნების განხორციელების

31 ჯ. ნაღორაძე, საირხე, საქართველოს უძველესი ქალაქი, გვ. 14.

32 მ. ინაძე მიიჩნევს, რომ საირხის მმართველ ზედაფენას ხელთ ეპყრა როგორც საერო, ასევე სასულიერო ხელისუფლება. მ. ინაძე, ძველი კოლხეთის საზოგადოების სოციალურ-პოლიტიკური ისტორიის ზოგიერთი საკითხი, მაცნე, ისტორიის სერია, № 4, 1987, გვ. 46—66.

33 ჯ. ნაღორაძე, საირხე, საქართველოს უძველესი ქალაქი, გვ. 51.

34 ქართლის ცხოვრება, I, გვ. 25. ამ საკითხზე დაწერილებით იხ. მ. ინაძე, ეგრისისა და ქართლის ურთიერთობისათვის, მნათობი, № 8, 1989.

შემდეგ თავისი დასაყრდენი კოლხი მმართველების პოლიტიკურ სტატუსს აქვეითებს. ამდენად, საბადურის გორის სტრატეგრაფია იძლევა საშუალებას გამოვითქვათ მოსაზრება, რომ საირხეში სკეპტუხიის ცენტრი მოიშალა, ხოლო ამ პროცესს მოჰყვა აქ გაბატონებული გვარის ფუნქციის დაკარგვა. ასე რომ, შესაძლებელი ხდება ვივარაუდოთ, რომ ადრეანტიკური ხანის საირხის სკეპტუხი და ფარნავაზის დროინდელი ერისთავი სხვადასხვა მმართველ ზედაფენას განეკუთვნებოდა. ჩვენ მიერ გამოთქმული აზრი, რომ ადრეელნისტურ ხანაში კულტურის ტრანსფორმაციის მიუხედავად ყვირილის ხეობის ზემო წელზე წამყვანი როლი ადგილობრივ მოსახლეობას უნდა შეესრულებინა, ეხება ძვ. წ. IV—III სს-ების მიჯნას და ძვ. წ. III ს-ის I მეოთხედს. რადგან როგორც საბადურის გორის სტრატეგრაფია გვიჩვენებს (სამარხების გაქრობა, სამოსახლოს წარმოქმნა) ძვ. წ. III ს-ის II მეოთხედთან ყვირილის ხეობის ზემო წელზე პოლიტიკურ ცხოვრებაში ახალ მოვლენასთან უნდა გვეკონდეს საქმე. იბერიის პოლიტიკის შედეგად საირხის ქვეყანაში შესაძლოა გაჩენილიყო სპასალარ-ციხისთავის ინსტიტუტი. გ. ცქიტიშვილის აზრით, ქართლის სამეფოს თითოეულ საგამგეო ერთეულს სპასალარ-ციხისთავები იცავდნენ, რომელნიც ამავე დროს მეფის ხელისუფლების გამაგრებლებლნიც იყვნენ³⁵.

სავარაუდოა, რომ საირხის ქვეყნის ციხეებს მოღინახესა და სევრს შორაპნისა და დიმნას ციხეების ანალოგიური დანიშნულება ჰქონდათ. ის ციხისთავნი, რომლებიც აქ იბერიის მეფის პოლიტიკას ახორციელებდნენ დაქვემდებარებულნი უნდა ყოფილიყვნენ არგვეთის ერისთავზე. ამრიგად, არგვეთის პოლიტიკური პეგემონი ქართლის მეფე გახდა (ძვ. წ. III ს-ის II მეოთხედიდან). ქართული საისტორიო ტრადიციის თანახმად, ქართლის სამეფოში მეფის შემდეგ მეორე პირს — „შემდგომი მეფისას“ სპასპეტი წარმოადგენდა, რომელიც „მთავრობით განაგებდის ყოველთა ერისთავთა ზედა“. ამრიგად, სპასპეტი ქართლის სამეფოს ყველა საერისთავოს მმართველი და იბერიის სამეფო ხელისუფლების გამტარებელი ჩანს. და თუ ჩვენ ადრეანტიკური ხანის ყვირილის ხეობაში პოლიტიკური დამოკიდებულების იერარქია ვერაულოებთ არ ვიცით (სკეპტუხის გარდა ამ დროის მმართველი ვერაულოებთ უცნობია), ქართლის სამეფოს პოლიტიკის შედეგად თითქმის მიახლოებით მაინც ცნობილია, ის აღმინისტრაციული აპარატი, რომელიც ყვირილის ხეობის (არგვეთის) ყოველდღიურ ცხოვრებას განაგებდა³⁶.

როგორც აღინიშნა, იერარქიაში შედარებით დაბალ საფეხურზე სპასალარ-ციხისთავი უნდა მდგარიყო, რომელსაც, ალბათ, ერისთავის ძალაუფლების განხორციელება და სტრატეგიულ-სატრანზიტო გზების დაცვა ევალებოდა. მას მოჰყვებოდა უშუალოდ არგვეთის ერისთავი, რომელიც თავის მხრივ, დამოკიდებული იქნებოდა მეფის შემდეგ მეორე პირზე და ბოლოს ამ იერარქიის სათავეში იდგა ქართლის მეფე. როგორც შევეცადეთ გვეჩვენებინა, აღმოსავლურ ქართული კულტურის ელემენტები და მასთან ერთად შესაძლოა აღმოსავლურ-

³⁵ გ. ცქიტიშვილი, ანტიკური ხანის შორაპნის საერისთავოს საკითხისათვის, ისტორიის ინსტიტუტის შრომები, ტ. 4, ნაკვ. 1, 1958, გვ. 99.

³⁶ მ. ინაძის განმარტებით, ფარნავაზის დროინდელ აღმოსავლეთ კოლხეთში რამოდენიმე სკეპტუხია — საერისთავოა სავარაუდებელი. დაწერილებით იხ. მ. ინაძე, ეგროსისა და ქართლის ურთიერთობისათვის, გვ. 161.

10. „მაინე“, ისტორიის სერია, 1990, № 4



ქართულ ეთნიკური ჯგუფები ყვირილის ხეობაში გვიანბრინჯაო-ადრერკინის ხანაში ჩნდება, თუმცა იმის გამო, რომ საჩხერის ტერიტორიაზე გამოვლენილია მტკვარ-არაქსის ყორღანები³⁷, შესაძლებელია ვიფიქროთ, რომ ამ პროცესს უფრო შორეულ წარსულში უდევს სათავე. ადრეელინისტურ ხანაში, განსაკუთრებით იბერიის სამეფოს ჩამოყალიბების შემდეგ ქართლი ისწრაფვის კოლხეთისაკენ და თანდათანობით აღწევს არგვეთზე თავისი გავლენის გავრცელებას, როგორც პოლიტიკურად, ისე კულტურულადაც. მიგვაჩნია, რომ ადრეელინისტურ ხანაში ქართიზაციის პროცესი შედარებით ნელა მიმდინარეობდა. ბერძენიშვილის შენიშვნით, ეს არ იყო, ვისიმე განზრახული პოლიტიკის ნაყოფი. იქ სადაც მოსახლეობა თხელი იყო, და გარედან მოსული ესახლებოდა, იქმნებოდა სიმბიოზი, რომელიც იმ ელემენტის გამარჯვებით სრულდებოდა, ვისაც მეტი ძალა აღმოაჩნდებოდა³⁸.

ძვ. წ. II ს-დან იბერიაში კრიზისის ხანა დგება. არტაშეს I-ისა და სუმბატ ბიერიტიანის ლაშქრობების დროს იბერია კარგავს მნიშვნელოვან ტერიტორიას, მომდევნო ხანაში არანაკლებ მძიმე სიტუაციაშია დასავლეთ საქართველო, რომელიც პუნტოს ექსპანსიას განიცდის. მითრიდატე IV ევპატორის ლაშქრობის დროს მყარად გაიმიჯნა იბერია-კოლხეთის სახელმწიფოებრივი საზღვარი, რომელიც სტრატონის მიხედვით, შორაპნის აღმოსავლეთით ვადიოდა. რავითარებაა ძველი და ახალი წელთაღრიცხვის შესაყარზე ყვირილის ხეობის ზემო წელზე?

არქეოლოგიური მასალები საირხის საბადურის გორის ელინისტური ნა-მოსახლარი ფენის ზედა პორიზონტიდან, რომელიც ძვ. წ. II და ახ. წ. I საუკუნით თარიღდება³⁹ კიდევ ერთხელ ადასტურებს სამეცნიერო ლიტერატურაში მიღებულ აზრს, რომ თავისი ისტორიის უაღრესად ძნელ მონაკვეთში შორაპნის დაკარგვის მიუხედავად, იბერიაშ შუძლო ზემო არგვეთის შენარჩუნება⁴⁰. ჩვენი მხრიდან იმასაც დავამატებთ, რომ საირხის თანადროული მასალების მიხედვით ქართიზაციის პროცესი ადრეელინისტურ ხანის მიჯნარებით უფრო მძლავრად სწორედ გვიანელინისტურ-გვიანანტიკურ ხანის მიჯნარებში მიმდინარეობს. შევეცდებით, მოკლედ განვიხილოთ ამ პერიოდის ნივთიერი მასალა ჩვენთვის საინტერესო მხრიდან⁴¹.

საირხის საბადურის გორის პირველნასახლარი ფენის ზედა პორიზონტში დიდი რაოდენობითაა წარმოდგენილი დოქები, რომელთა შორის ყველაზე მრავალრიცხოვან ჯგუფს ქმნიან სამტუჩა დაბალყელიანი ევზემპლიარები. უმრავლესობა მოყვითალო, ვარდისფერი ან წითელი კეციტ ხასიათდება. აქვთ მომრგვალებული მუცელი და ფართო ბრტყელი ძირი, ოდნავ ზეაწეული ყური მიმაგრებულია პირის კიდეზე და მხრის ზედა ნაწილზე. ჭურჭლის ხაოიანი ზედა-

³⁷ Б. А. Куфтин, Археологическая маршрутная экспедиция по Осетии и Имеретии, Тб., 1934.

³⁸ ნ. ნ. ბ. ნ. ნ. შვილი, საქართველოს ისტორიის საკითხები, წ. VIII, გვ. 488.

³⁹ გ. მ. ა. ბ. ა. ძე, საირხის ელინისტური ხანის კერამიკა, გვ. 14.

⁴⁰ Г. А. Меликишвили, К истории древней Грузии, გვ. 304.

⁴¹ საბადურის გორის ზედა ფენის მასალა წარმოდგენილია ქ. ნაღირაძე, საირხე — საქართველოს..., ასევე გ. მ. ა. ბ. ა. ძე, საირხის ელინისტური... აქაც და შემდეგაც ვსარგებლობთ ამ ნაშრომების ტაბულებით და პარალელებითაც. ამიტომ მოტანილ მასალას მითითებას აღარ ვაუქუთებთ.

პირი უმეტესწილად მოხატულია წითლად. მოხატულობა განლაგებულია ფრი-
ზებად. გვევლება მძივისებრი ან ტალღისებრი ორნამენტი, სარტყლები, ზიგ-
ზაგები, წერტილები, ლაქები. საკუთრივ საირხეში სამტუჩა დოქები აღმოჩე-
ნილია ვეშაპიძის გორაზე⁴² და კარახტინში⁴³. ყველაზე ახლო ვიხივთ მათ საირ-
ხული დოქები უფლისციხის ნაწარმთან პოულობს⁴⁴. საერთო აქეთ მათ არა
მარტო ფორმები, არამედ მოხატვის მოტივებიც. მართალია, დღემდე გარკვე-
ული არ არის მოხატული სამტუჩა დოქების წარმომავლობის საკითხი, მაგრამ
ჩვენ სავსებით ვიზიარებთ ი. გაგოშიძის აზრს, რომ მსგავსი კერამიკა კოლხეთ-
ში იბერიიდან გავრცელდა⁴⁵.

გვიანელინისტური ხანის საირხეში იბერიის გავლენით ვრცელდება ყელ-
წიბოიანი დოქები. ყელწიბოიანი ჭურჭელი ძირითადად აღმოსავლეთ საქართვე-
ლოს ძეგლებზეა გამოვლენილი (მცხეთა, თრელი, ნასტაკისი, ალაიანი, უფლის-
ციხე) ეს გარემოება კიდევ ერთხელ ადასტურებს, რომ ყელწიბოიანი ჭურჭელი
იბერიის გზით გავრცელდა ყვირილის ხეობაში.

აღმოსავლეთ საქართველოს გავლენით არის დამზადებული დაბრტყე-
ლებულიანი ჯამებიც. ასეთი ჯამები დიდი რაოდენობითაა მოპოვებული უფ-
ლისციხეში, ურბნისში⁴⁶, ნასტაკისში, ციხიაგორაზე⁴⁷. სამეცნიერო ლიტერატუ-
რაში მსგავსი ჯამების გავრცელების ორი გზაა დასახული. ერთი გზაა მცირე-
აზიური ცენტრები, საიდანაც ჯამების ეს სახეობა გავრცელდა აღმოსავლეთით
და დასავლეთით, მაგრამ იმის გამო, რომ ვანში ასეთი ჯამები არ გვევლება,
ვანის კონტაქტები კი მცირეაზიურ სამყაროსთან საყოველთაოდაა ცნობილი,
უფრო სარწმუნო მეორე ვარაუდი ჩანს, რომლის მიხედვითაც, ჯამების ეს ტიპი
წინა აზიიდან ირანში ვრცელდება, მოგვიანებით კი — არმენიაში⁴⁸. ასე რომ,
შესაძლებელია დაბრტყელებულიანი ჯამები მცირეაზიური ელინიზებული
ცენტრებიდან მოეთანოთ ქართველ ტომებს. იბერიაში, სადაც როგორც აღინიშ-
ნა, მსგავსი ჯამები საკმაოდ ბევრია და ფორმების დახვეწილობით, გამოწვისა
და ზედაპირის დამუშავების ხარისხით უფრო სრულყოფილი არიან, ვიდრე
საირხული ნიმუშები. ეს კი გვიქმნის შთაბეჭდილებას, რომ ყვირილის ხეობაში
დაბრტყელებულიანი ჯამები სწორედ იბერიიდან შევიდა ხმარებაში.

საირხის ზედანასახლარი ფენის ზედა შრის მასალაში ჩვენი ყურადღება
მიიპყრო ერთმა დოქმა. იგი მოჩალისფროდაა გამომწვარი, წითლად ანგობირე-
ბულია, კეცი მოვარდისფრო-მოჩალისფროა, დოქს აქვს ვიწრო პირი, ქობიანი,
ყელწიბოიანი, ყელი დაბალია, მზრებდაშვებულია, თანაბრადმომრგვალებული
მუცელზე, მიმაგრებულია ორი ოვალურგანიკვეთიანი ყური, ძირი ბრტყელია⁴⁹.
ორყურა დოქები ძირითადად იალიოლუ-თეფეს კულტურისათვის არის დამა-
ხასიათებელი, თუმცა ორყურა ჭურჭელი ჩვენში ადრეც არსებობდა. მსგავსი

42 ქ. ნ ა დ ი რ ა ძ ე, ყვირილის ხეობის..., გვ. 121.

43 ყვირილის ხეობის არქეოლოგიური ექსპედიციის 1987 წ-ის ანგარიში (ხელნაწერი).
ინახება ხელოვნების მუზეუმში.

44 დ. ხ ა ხ უ ტ ა ი შ ვ ი ლ ი, უფლისციხე II, თბ., 1964, გვ. 80—82.

45 ი. გ ა გ ო შ ი ძ ე, ადრენატიკური ხანის ძეგლები ქსნის ხეობიდან, თბ., 1964, გვ. 69.

46 ლ. კ ი ლ ა შ ვ ი ლ ი, ნაქალაქარი ურბნისი, თბ., 1964.

47 კავთისხევის არქეოლოგიური ძეგლები, თბ., 1980.

48 დ. ხ ა ხ უ ტ ა ი შ ვ ი ლ ი, უფლისციხე, II, გვ. 71.

49 საინვენტარო № ს—83—687.

დოქები აღმოჩენილია აღიანი⁵⁰. ჯერჯერობით საირხე ასეთი დოქების გავრცელების უკიდურესი დასავლეთი პუნქტია. და ის ფაქტი, რომ მსგავსი ტიპის ჭურჭელი ძალიან ბევრია აღმოჩენილი აზერბაიჯანის ტერიტორიაზე, მიუთითებს კონტაქტებისა და ურთიერთობების განვითარებაზე. ამდენად, სამართლიანია აზრი იმის შესახებ, რომ ანტიკურ-ელინისტური ხანის კავკასიაში ძირეული ძვრები ხდება მატერიალური კულტურისა და სოციალური ეკონომიკის სფეროში⁵¹. აქვე იმასაც დავამატებთ, რომ ასეთი ჭურჭლის გამოჩენა ყვირილის ხეობაში უეჭველად იბერიის გავლენას უნდა უკავშირდებოდეს.

აღმოსავლეთ საქართველოს ნაწარმს ემსგავსება ქვევრებიც. ცენტრალურ კოლხეთში ამ დროს ხმარებაშია ადრეანტიკური ხანის იდენტური ნიმუშები. საირხულ ცალეზე კი ქრება ნაკაწრი ორნამენტი და მუქად გამომწვარი ქვევრების ნაცვლად წარმოდგენილია სადა და მოვარდისფროდ გამომწვარი ერთეულები (ისევე როგორც უფლისციხეში, სამადლოში და ციხიაგორაში).

გვიანელისტურ ხანაში იბერიის გავლენა აისახა დაკრძალვის წესის ტრანსფორმაციაშიც. ზემოთ აღვნიშნეთ, რომ ადრეელისტურ ხანაში კულტურის ტრანსფორმაციის მიუხედავად დაკრძალვის წესი ზემოიბერიეთის არქეოლოგიურ ძეგლებზე უცვლელი რჩება. ახ. წ. I ს-ის დასაწყისიდან კი ორმოსამარხების პარალელურად გავრცელებას იწყებს ქვევრსამარხებიც.

ქვევრსამარხები საირხეში მარტო ვეშაბიძის ვორაზეა დადასტურებული⁵². სამეცნიერო ლიტერატურაში გამოთქმულია მოსაზრება, რომ ქვევრსამარხები კოლხეთში აღმოსავლეთ საქართველოდან უნდა გავრცელებულიყო და ეს პროცესი უკავშირდება მცირე აზიიდან ელინიზებული ქართული ტომების (მესხების) ექსპანსიას⁵³. მაგრამ არსებობს სრულიად განსხვავებული მოსაზრებაც, რომლის მიხედვითაც ვინაიდან ქვევრსამარხები კავკასიის მთელ ტერიტორიაზე ფუნქციონირებენ მართებული არ იქნება, მათი გავრცელება მესხურ ტომებს დავუკავშიროთ. უფრო სარწმუნოა, რომ კავკასიის ხალხების სოციალურ-ეკონომიკურ განვითარებაში მოხდა ძირეული ცვლილებები, კერძოდ, მაღალ დონეზე ავიდა მევენახეობა-მელვინეობა და ამ მოვლენამ გამოიწვია ქვევრსამარხების გაჩენა⁵⁴. საჭიროდ აღარ მიგვაჩნია, დაწვრილებით შევჩერდეთ ქვევრსამარხების წარმოშობასა და გავრცელების გენეზისზე. მით უმეტეს ეს საკითხი სცილდება ჩვენი თემის ფარგლებს და ამ პრობლემას არაერთი მკვლევარი შეხება⁵⁵, ჩვენ მხოლოდ იმას აღვნიშნავთ, რომ ქვევრსამარხები საირხეში გვიანელისტური ხანის მიწურულს ჩნდება. ჯერჯერობით უფრო ადრეული ეგზემპლარები გამოუვლენელია. ამ ფაქტის გათვალისწინებით ყვირილის ხეობაში, მის ზემო წელზე ქვევრსამარხების გაჩენას ელინიზმის პროცესს ვერ დავუკავშირებთ. ასე რომ, ძვ. წ. II—I სს-ებში მატერიალური უკულტურის

⁵⁰ ნ. მირიანაშვილი, შიდა ქართლის მატერიალური კულტურის ისტორიიდან, თბ., 1983, გვ. 40.

⁵¹ Г. А. Лордкипанидзе, Колхида в IV—II вв. до н. э., Тб., 1979, გვ. 33.

⁵² ჯ. ნადირაძე, ყვირილის ხეობის არქეოლოგიური ძეგლები, გვ. 41.

⁵³ О. Д. Лордкипанидзе, Вани в IV—II вв. до н. э. გვ. 480.

⁵⁴ Г. А. Лордкипанидзе, Колхида в IV—II вв. до н. э. გვ. 23.

⁵⁵ ვ. თოლორაძე, დაკრძალვის წესები ელინიზებული ხანის საქართველოში (ქვევრსამარხები), თბ., 1980.



ინოვაციის პარალელურად სულიერი ცხოვრების ეს ახალი მოვლენაც, ჩვენი აზრით, ქართიზაციის შედეგი უნდა იყოს.

როგორც შევეცადეთ გვეჩვენებინა, ძვ. წ. IV—I სს-ების ყვირილის ხეობაში მნიშვნელოვანი პოლიტიკურ-კულტურულ-ეკონომიკური და სოციალური ცვლილებები ხდება, რაც ჩვენი აზრით, დიდ მოვლენასთან — ქართიზაციის პროცესთან არის დაკავშირებული. აღმოსავლურ და დასავლურ-ქართული ერთობების ურთიერთობების საინტერესო სურათმა, რომელიც წარმოჩნდა ყვირილის ხეობის არქეოლოგიურ ძეგლებსა და განსაკუთრებით, საირხის, საბადურის გორის მასალების მიხედვით, საშუალება მოგვცა ვარაუდის სახით გამოგვეთქვა ზოგიერთი მოსაზრება. კერძოდ, როდესაც ქართლში ყველა პირობა იქმნება ძლიერი სახელმწიფოს შესაქმნელად, კოლხეთი აშკარად თმობს პოზიციებს და იბერიას ექვემდებარება. როგორც ჩანს, კოლხეთს აკლდა ახლადშექმნილი იბერიის სამეფოსათვის დამახასიათებელი ნიშან-თვისება მკაცრი სახელმწიფოებრივი ორგანიზაცია. ეტყობა, კოლხეთის ცალკეული სეპტუხები არ იყვნენ ისეთი ცენტრალიზებული ხელისუფლების მიერ გაერთიანებული, როგორც ელინისტური ხანის იბერიის საერისთავოები. სოციალური კონსოლიდაციისა და პოლიტიკური მმართველობის მხრივ იბერია უფრო ძლიერი აღმოჩნდა და ამან გამოიღო კედეც თავისი შედეგი. იბერია დასავლეთით გაფართოვდა სწორედ კოლხეთის სამეფოს ხარჯზე. აქვე არც იმის დავიწყება შეიძლება, რომ იბერიამ უკეთ გადალახა ტომობრივი ურთიერთობის ბარიერი და სახელმწიფო ცხოვრების ასპარეზზეც უფრო უკეთ გამოვიდა, მაშინ როდესაც კოლხეთმა საბოლოოდ ვერ სძლია ტომობრივ განსხვავებებს და ერთ მთლიან პოლიტიკურ ერთეულად ვერ ჩამოყალიბდა. ნ. ბერძენიშვილის შენიშვნით, კოლხეთი იყო სახელმწიფო ტომთა დიდი გაერთიანებებით⁵⁶. ამდენად, იბერიის მიერ კოლხეთის აღმოსავლეთი რეგიონების დამორჩილება და მისი ქართიზაცია სრულიად კანონზომიერი მოვლენა იყო.

З. Д. БРАГВАДЗЕ

К ВОПРОСУ КАРТИЗАЦИИ ВОСТОЧНЫХ РЕГИОНОВ КОЛХИДЫ (Квирильского ущелья)

Резюме

Согласно материалу, добытому на археологических памятниках квирильского ущелья (Саирхе, Модинахе — IV—I вв. до н. э.), в работе освещены проблемы, связанные с картизацией Аргветского эриставства.

Высказано предположение, что признание восточно-грузинской культуры проявляется с поздне-бронзового века и постепенно приобретает господствующее положение в эллинистическую эпоху, особенно во II—I вв. до н. э. Процессу картизации сопутствует распространение власти Иберии в восточных регионах Колхиды; одновременно в Саирхе прекращает функционирование как центр одной из окептухий Колхидского царства.

⁵⁶ ნ. ბერძენიშვილი, საქართველოს ისტორიის საკითხები, წ. VIII, გვ. 364.

Z. D. BRAGVADZE

 ON THE PROBLEMS OF KARTISATION IN EASTERN REGIONS
 OF COLCHES (KVIRILA RAVINE)

Summary

The work considers with the problems of Kartisation in Argveti principality.

The study of archaeological materials discovered in (Kvirila ravine Sairkhe, Modinakhe) dated to the IV—I centuries B. C. proves that the first indications in Kvirila ravine of the east Kartlian cultural influence can be traced in late bronze age. This process had been strongly intensified in Hellenistic times, especially in II—I centuries B. C.

By that time, Iberia had imposed its domination in Eastern regions of Colchis.

As a result of this process Sairkhe forfeited its dominating position as a chief town of Colchian Skeptukhia.

წარმოდგინა საქართველოს მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს ძველი ისტორიის განყოფილებამ

პლაფივი ღუნაშვილი

ცხრაზმის საერისთავოს პოლიტიკური ისტორიიდან
(XIV ს-ის დასაწყისი)

XIII ს-ის დასასრული და XIV ს-ის დასაწყისი, საქართველოს ისტორიის ერთ-ერთი ტრაგიკული პერიოდია. მონღოლთა მფლობელობაში მოქცეული საქართველო, მძაფრად განიცდის ყაენთა კარზე მიმდინარე განუწყვეტელი გადატრიალებებისა და ძალაუფლების ხელში ჩაგდების ვნებათა ღელვის დამღუპველ შედეგებს.

საყაენო ტახტზე პრეტენდენტთა შორის პოლიტიკური ძალაუფლებისათვის ბრძოლებს შეეწირა სწორედ დიმიტრი II-ე, რომელსაც ხალხმა თავდადებული უწოდა.

დიმიტრი II-ის სიკვდილით დასჯის (1289 წ.) შემდგომ, ვახტანგ II-ის მეფობის წლებში (1289—1292) დიმიტრის ცოლშვილმა სხვადასხვა ადგილას მონაწილეობა მიიღო: უფროსი შვილი, დავითი (შემდგომში დავით VIII-ე), დიმიტრიმ თან წაიყვანა ილხანთა კარზე და აქ იგი შემთხვევით გადაურჩა სიკვდილს. ვახტანგი (შემდგომში ვახტანგ III-ე) მთიულეთს — დიმიტრიმ ილხანთა კარზე წასვლამდის გახიზნა. გიორგი (შემდგომში გიორგი V-ე), დედითურთ სამცხეს იყო თავის პაპსთან, ბექასთან¹,... ვახტანგის მთიულეთში ყოფნასთან დაკავშირებით მკვლევარი ე. ხოშტარია (ბროსე), რომელმაც განიხილა ქამთა აღმწერლისა და ძეგლი ერისთავთა მონაცემები, ვარაუდობს, რომ ვახტანგი იზრდებოდა ცხრაზმაში, ერისთავ შალვა ქვენიფნეველის კარზე².

ვახტანგ II-ის სიკვდილის შემდეგ აღმოსავლეთ საქართველოს მეფე ხდება (1293 წ.) დავით დიმიტრის ძე.

ირანის ილხანთა ტახტისათვის ბრძოლაში გარკვეულწილად ჩაბმული აღმოჩნდა დავით VIII-ე. მალე (1295 წ.) საყაენო ტახტისათვის ბრძოლაში გამარჯვებული გამოდის ყაზანი (1295—1304 წწ.). ყაზანი უნდობლობას უტყბადებს დავით VIII-ეს და თავისთან იბარებს³. ივ. ჯავახიშვილის მიხედვით ეს უნდა მომხდარიყო 1297 წ. ნოემბრის დამდეგს⁴. დავითმა თავიდან დააპირა წასვლა, მაგრამ შემდეგ შეშინდა, მთიულეთში გაიხიზნა და გზები შეკრა, რის შემდეგაც გადაწყვიტა ყაზანს ყაენის საწინააღმდეგოდ ოქროს ურდოს დაკავშირება. ამ მიზნით, მთიულეთიდან აჯაყენის დავით VIII-ე ელჩებს, ოქროს ურდოში. ელჩობას ხელმძღვანელობს დავითის ძმა ვახტანგ⁵. ელჩობის შემადგენ-

¹ ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. II, თბ., 1959, გვ. 292 (შემდგომში — ქ.ცხ. II).

² ე. ხოშტარია (ბროსე). ფეოდალური ხანის საქართველოს მთისა და ბარის ურთიერთობის საკითხები, 1984, გვ. 80—82.

³ ქ.ცხ. II, გვ. 301.

⁴ ივ. ჯავახიშვილი, თხზულებანი თორმეტ ტომად, ტომი II, 1982, გვ. 131.

⁵ ქ.ცხ. II, გვ. 302.

ლობაში სავარაუდოა მონაწილეობდეს შალვა ქვენიფნეველი. ყოველ შემთხვევაში, ძველი ერისთავთა ამ აზრისაკენ გვიბიძგებს⁶. ეს ელჩობა, ჩვენი ვარაუდით, უნდა მომხდარიყო იმავე 1297 წელს. ამ პერიოდისთვის თვით ოქროს ურდოშიც არ ყოფილა სიწყყნარე, უფრო მეტიც — შიდა აშლილობა ისეთ საფეხურზე ასულა, რომ „ნიღაის ოჯახი ილხანებთან გაიქცა და ყაზან ყაენს დახმარება სთხოვა“⁷. ამდენად, დავით VIII-ის გაგზავნილი ელჩობა უშედეგო აღმოჩნდა, თუ გავითვალისწინებთ ზამთრის უგზოობას და მანძილის სიმორცხეს, შეიძლება ვივარაუდოთ, რომ ელჩობა საქართველოში 1298 წლის გაზაფხულზე ადრე ვერ დაბრუნდებოდა.

დავითის განდგომის ამბავი რომ გაიგო ყაზან ყაენმა (1297 წ. მიწურული), საქართველოში გამოგზავნა ხუტლუბუღა დიდი ჯარით. ხუტლუბუღა თბილისში დაბანაკებულა⁸. აქედან გაუშართავს მოლაპარაკება მიიუღეთში მდგომ დავით VIII-სთან, მალე მომხდარა შეთანხმება, რომლის თანახმადაც, გაზაფხულზე დავითი წავიდოდა ყაზან ყაენთან, ისე რომ დავითს ყაზან ყაენისაგან უნებლობის ბეჭედი ექნებოდა.

ქართულ ისტორიოგრაფიაში ვახტანგ III-ის გამეფების თარიღის შესახებ არსებობს აზრთა სხვადასხვაობა⁹. ნუმისმატ ც. ლვაბერიძის აზრით, რომელიც ემყარება ვახტანგ III-ის თარიღიან მონეტას. აღმოსავლეთ საქართველოს შეფლობას ყაზან ყაენი აძლევს ვახტანგ დიმიტრის ძეს 1297/1298 წლებში¹⁰. აქედან გამომდინარე შეიძლება ვივარაუდოთ შემდეგი: 1298 წ. ოქროს ურდოდან მობრუნებული ვახტანგი, რომელმაც დაინახა რომ ოქროს ურდოს მათთვის არ ეცალა, აძლევს რჩევას დავითს ყაზან ყაენთან გამგზავრებაზე. დავითი იღებს ამ რჩევას და ხუტლუბუღას სთანხმდება ყაზან ყაენთან წასვლის შესახებ. მაგრამ დავითი მალე ვახტანგის ერთგულებაში დაეკვებულა და დაუპატიმრებია ყინვალის ციხეში¹¹. სავარაუდოა, რომ დავითს ამ პერიოდში გაეგზავნა ახალი ელჩობა ოქროს ურდოში მეორე ძმის ბაიდუს მეთაურობით.

ყინვალის ციხიდან ვახტანგი მალე გამოპარულა და ძმასთან მოციქულად ივანე ბურსელი გაუგზავნია. ძმებს შორის შეთანხმება მომხდარა, რის შემდეგაც ვახტანგს არაგვის ერისთავის, შაბურის ძმის ასული შეურთავს ცოლად. მალე დავითსა და ვახტანგს შორის კვლავ მომხდარა განხეთქილება და ვახტანგი წასულა ყაზან ყაენთან¹². ეს უნდა მომხდარიყო 1298 წ. ზაფხულში, მასთან ერთად წასულა შალვა ქვენიფნეველიც. „მაშინ დავით მრავლითა სიტკბოებითა და მრავლისა დიდებისა მინიჭებითა ევედრებოდა შალვას, ხოლო მან არა ისმინა, არამედ განამაგრა ციხენი და შეჰვედრა ერთგულთა მონათა და თვთ წარჰყვა ძესა მას მეფისასა (ვახტანგს — ვ. ლ.) ურდოს“¹³.

⁶ ძველი ერისთავთა, ტექსტი გამოსცა, გამოკვეცა, ლექსიკონი და საძიებელი დაურთო შოთა მესხიამ, 1954, გვ. 347; კრებულში მასალები საქართველოს და კავკასიის ისტორიისათვის, ნაკ. 30 (შემდგომში ძველი ერისთავთა).

⁷ ნ. გაბაშვილი, საქართველოს ისტორიის საკითხები იაპონელი მეცნიერის შრომებში, ჟურნ. „მნათობი“, 1987, № 6, გვ. 148.

⁸ ქ. ცხ., II, გვ. 302.

⁹ ქართული წყაროთმცოდნეობა, II, 1966, გვ. 92, შენიშვნა 27.

¹⁰ ც. ლვაბერიძე, საქართველოს ურთიერთობა ილხანთა ირანთან და ჯელაირთა სახელმწიფოსთან, 1986, გვ. 14.

¹¹ ქ. ცხ., II, გვ. 307-308.

¹² ქ. ცხ., გვ. 308.

¹³ ძველი ერისთავთა, გვ. 347.

როგორც ჩანს, ყაზან ყაენმა იმავე 1298 წელს მისცა მეფობა ვახტანგს და გამოგზავნა საქართველოში, ხუტლუბულა ნოინითა და დიდი ჯარით. მონღოლები კვლავ თბილისში დადგნენ. დავითმა გამოგზავნა მოციქულად ივანე ბურსელი. მოხდა შეთანხმება, რომლის თანახმადაც დავითმა ხუტლუბულასთან გააგზავნა დედოფალი ოლჯათი, აბრაჰამ კათოლიკოსი ტფილელი ყადი და ივანე ბურსელი. ხუტლუბულამ მოსულეები კარგად მიიღო. დედოფალი ბანაკში დატოვა ხოლო კათოლიკოსი, ყადი და ბურსელი გააგზავნა უკან, მეფის მოსაყვანად. მეფემ კვლავ შეშალა პირობა. დედოფლის დაუბრუნებლობა მიზეზად მოიღო — მოითხოვდა დედოფლის დაბრუნებას და იგივენი გააგზავნა ხუტლუბულასთან ახალი ფიცი.

განრისხებულმა ხუტლუბულამ ივანე ბურსელი მოაკვლევინა და დედოფალი გააგზავნა ყაზან ყაენის კარზე. დამსჯელი ჯარი კი დასძრა დავითის წინააღმდეგ. „და მომართეს შესვლად მთიულეთს: მოაოჯრეს სომხითი, ქართლი, თრიალეთი, ერწო და დადგეს მუხნარს, ხერკს, ბაზალეთს, ერწოს და თიანეთს, და ვერა ეტეოდნენ სადგომად, და არბევდნენ ქართლსა და ზემოკსენებულ ქუეყანათა“¹⁴.

დავით VIII-ე გუელეთის ციხეში იყო გამაგრებული. მონღოლებმა ციხეს ვერაფერი დააკლეს, ვახტანგს დაუმტკიცეს მეფობა და წავიდნენ ყაზან ყაენთან¹⁵.

ვახტანგ III-ემ „დაიპყრა ტფილისი და ყოველი სომხითი, დმანისი და სამშვილდე“¹⁶. როგორც ჩანს, ვახტანგს შედარებით მცირე ტერიტორია ჰქონია სახელისუფლოდ.

1299 წლისთვის ვახტანგ III-ის ძალაუფლება აღმოსავლეთ საქართველოში მინიმუმამდე ყოფილა შემცირებული. დიდებულნი კვლავ დავით VIII-ეს უპყრენ მხარს. ალბათ, ამიტომაც ყაზან ყაენი კვლავ დიდ მნიშვნელობას აძლევს დავით VIII-სთან შეთანხმებას. მაგრამ დავითი ვერც მოლაპარაკებთ და ვერც ძალით ვერ დაიმორჩილა.

1299 წლის ნოემბერსა და 1300 წელს ვახტანგ III-ე ყაზან ყაენთან ერთად იბრძვის ეგვიპტეში¹⁷. ძეგლი ერისთავთა მიხედვით „ვახტანგ III-სთან არის შალვა ქვენიფნეველიც, რომლის სახელისუფლო ტერიტორიასაც არბევს დავით VIII-ე. „მაშინ მეფემან დავით შეკრიბა ყოველი ლაშქარი თვისი და თათარნი შირვანელნი და ყოველნი მყოფნი კახეთს და მუხრანს, და მოადგა ცხრასავე ჯეესა შალვაძს საერისთავოსა და ჩამოსნა დვალნი და ჯადელ-ცხავატელნი და ყოველნი მთიულნი ქუემონი და დაწუეს და მოაოჯრეს ყოველი ცხრანის კევი ვარშე ციხეთა, და ციხეთა ჰბრძოდეს ქუენიფნევეს, ქარჩოხს, ქოლოთს და ისროლს, არამედ ვერ აიხუნეს და შვდ წელ განგრძელდა ჰომი მათი“...¹⁸.

1299 წელს (სავარაუდოა, რომ ეს იქნებოდა მეორე ნახევარში), ყაზან ყაენმა ახლა დავითის მომდევნო ძმა, გიორგი გაამეფა. მაგრამ გიორგი ამ დროს

14 ქ. ცხ. II, გვ. 303.

15. ქ. ცხ. II, გვ. 309.

16 ქ. ცხ. II, გვ. 310.

17 ქ. ცხ. II, გვ. 315—316; კ. ტაბატაძე, რაშიდ ად-დინის ცნობები საქართველოს შესახებ, კრებულში ქართული წყაროთმცოდნეობა, II, 1968, გვ. 85—86; მისივე, XIV—XV სს. არაბი ისტორიკოსები საქართველოს შესახებ, 1988, გვ. 29.

18 ძეგლი ერისთავთა, გვ. 347.

მცირეწლოვანი იყო და მას რეალური ძალა არ ჰქონდა „ხოლო იყო ყრმა მცირე გიორგი მეფედ ტფილისისა“¹⁹.

მიუხედავად ამისა, რომ ამ პერიოდში საქართველოში უკვე სამი მეფე ზის, რეალური მმართველობის სადავეები მაინც დავითს ჰქონია ხელთ.

მონღოლები ანგარიშს უწევენ შექმნილ ვითარებას და 1300 წელს (ეგვაბ-ტემი ლაშქრობის შემდეგ) კვლავ აგზავნიან ხუტლუბულას საქართველოში დიდი ლაშქრით²⁰.

ჟამთაღმწერლის მიხედვით, დავით VIII-ეს წინააღმდეგ მონღოლთა ლაშქარში მონაწილეობდნენ: შანშე მხარგრძელი, „ოსნი რომელი სხდეს გორს“, მესხნი — სამცხიდან, თორელნი, თმოგუელნი, ტაოელნი²¹, „მუხიანს მდგომი თათარი ბანთა ნაღუთ“²², „ოვსთა მთავარი ბაყათარ“²³ და ცხრაზმის ერისთავი შალვა ქვენიფნეველი²⁴.

ძეგლი ერისთავთას მიხედვით, „მოვიდა ვახტანგ და შალვა სპარსთა ლაშქრით ურიცხვთა სპითა“²⁵.

ცხადია, მონღოლთა მხარეზე იბრძოდა ყველა. ვინც მხარს უჭერდა ვახტანგ III-ეს და გიორგი V-ეს.

რა ტერიტორიას და სამხედრო ძალას ფლობდა ამ დროს დავით VIII-ე?

„დადგეს ერთგულებასა მეფისასა სურამელი ჰამადა და ამირეჯიბი აბაზას ძე ჭილა და აზნაურნი ქართველნი და სომხითარნი“²⁶, „კეთილად ბრძოდეს შინაურნი მეფისანი, კადელნი და ზოგი ჳევით მოსრულნი რჩეულნი“²⁷.

ვახუშტი ეთანხმება ჟამთაღმწერელს²⁸.

ამდენად, საქართველო გაყოფილია ორ ბანაკად: ერთი მხრივ, არიან დავით VIII-ის მომხრენი და, მეორე მხრივ, მონღოლები და ვახტანგ-გიორგის მომხრენი. ძალთა თანაფართობა, აშკარად ამ უკანასკნელთა მხარეზეა.

დავით მეფის წინააღმდეგ ამხედრებულ ლაშქარს, ჟამთაღმწერლის მიხედვით უწინამძღვრა შალვა ქვენიფნეველი: თავის სახელისუფლო ტერიტორიაზე გაატარა და ლომისის მთაზე გადასვლით ხადას ხეობაში გადაიყვანა. აქ ერთ გარემოებას უნდა მიეჭყეს ყურადღება. ამ პერიოდისათვის ქსნის ხეობის ზედაწელს (ცხრაზმის საერისთავოს) ფლობს ცხრაზმის ერისთავი შალვა ქვენიფნეველი. სასაზღვრო ზოლი გადის დღევანდელ სოფელ კორინთასთან²⁹, იქ, სადაც ვახუშტის თანახმად, ქსნის ხეობის მთისა და ბარის სასაზღვრო ზოლია³⁰. ქსნის ხეობის ქვედა წელის ინტენსიურ დაკავებას ცხრაზმის ერისთავ-

19 ქ.ც., II, გვ. 304.

20 ქ.ც., II, გვ. 316.

21 ქ.ც., II, გვ. 306.

22 ქ.ც., II, გვ. 305.

23 იქვე.

24 იქვე.

25 ძეგლი ერისთავთა, გვ. 347.

26 ქ.ც., II, გვ. 305.

27 ქ.ც., II, გვ. 306.

28 ვ ა ხ უ შ ტ ი, ქართლის ცხოვრება, ტექსტი დადგენილი ყველა ძირითადი ხელნაწერს მიხედვით, ს. ყაუხჩიშვილის მიერ ტ., IV, თბ., 1973, გვ. 246 (შემდეგში ქ.ც., IV).

29 გ. ლუნაშვილი, ხევისთავის ინსიგნია ცხრაზმის ხეობიდან, „ძეგლის მეგობარი“ 1988, № 3, გვ. 44—45.

30 ქ.ც., IV, გვ. 359.

31 ძეგლი ერისთავთა, გვ. 348; დ. გვრიტიშვილი, ფეოდალურა საქართველოს სო-

გები XIV ს-ის პირველ წლებში იწყებენ³¹, მანამდის კი ქსნის ხეობის ბარის ზოლის „სანახები აბაზას ძეებს ეკუთვნოდათ“³². მეფის მომხრე ჭილა აბაზას ძე, 1297/1298 წლის ერთი სიგელის თანახმად, დავით VIII-ის მეაბჯრეთუხუცესი ყოფილა, ხოლო ნაეროზ აბაზას ძე, ამირეჯიბი და ამირახორი³³.

ხელმწიფის კარის გარიგების (XIV ს.) მიხედვით, „მეაბჯრეთუხუცესი და მეაბჯრენი... ამილახორის ხელისანი არიან... ამილახორი ვეზირი არის ამირსპასალარისა... ლაშქრობა და ლაშქრობის ვეზირობა ამირსპასალარის კვლთ არის“³⁴.

ამირეჯიბი ითვლებოდა მანდატურთუხუცესის მოადგილედ, „ამირეჯიბს ყველგან გზა აქვს საურავისა, სად გინდა იყოს მეფე... ყველგან მივა და ყველგან იუბრის... ზემდგომელი ამირეჯიბს მანდატურივე მართებს“³⁵.

ამდენად, XIII ს-ის მიწურულისათვის ჭილა და ნაეროზ აბაზას ძეებს საკმაოდ მაღალი თანამდებობა ჰქონიათ დავით VIII-ის კარზე, ამავე დროს ძეგლი ერისთავთას მონაცემებით ვიცით, რომ ქსნის ხეობის ქვედა წელზედ არსებულ ლოწობნის ციხესა და მის მიდამოებს XIV ს-ის ათიან წლებამდის ფლობდა ნაეროზ აბაზას ძე³⁶.

1300 წლისათვის, როცა მონღოლები დავით VIII-ის წინააღმდეგ დიდ ლაშქრობას აწყობენ, მემატინე ქებით იხსენიებს ამირეჯიბ ჭილა აბაზას ძეს³⁷. შეიძლება ვივარაუდოთ, რომ 1300 წლის წინარე ახლო პერიოდში, ჭილა აბაზასძისათვის უწყალობებია დავით VIII-ეს მეორე სახელო — ამირეჯიბობა, რომელიც რაღაც მიზეზის გამო ჩამოუერთმევია ნაეროზ აბაზასძისათვის. წყაროებში, სამწუხაროდ, არ ჩანს მეფემ ნაეროზ აბაზასძეს ჩამოართვა მეორე სახელოც — ამირახორობა თუ არა. ხელმწიფის კარის გარიგების თანახმად, ამირახორობის შენარჩუნებით, ნაეროზ აბაზას ძეს, მეაბჯრეთუხუცესზე ხომ კვლავ ხელი მიუწყდებოდა.

ამდენად, 1300 წელს მონღოლთა ლაშქარი აპყვა ქსნის ხეობას³⁸, გაიარეს აბაზას ძეთა სამფლობელო და შევიდნენ ცხრაზმის საერისთავოს ფარგლებში. აქ, როგორც უკვე აღვნიშნეთ მონღოლებს უწინამძღვრა შალვა ქვენიფენველმა და ლომისაზე გადასვლით ხადას ხეობაში გადაიყვანა. დავით VIII-ემ შეძლო მის ხელთ არსებული სამხედრო ძალის სწორი ორგანიზება. აქვე უნდა აღინიშნოს, რომ დავითი საერთოდ კარგ მხედართმთავრად მოჩანს. მას კარგად სცოდნია მონღოლური ბრძოლის წესები, რომელთაც, უთუოდ, ილხანთა კარზე ყოფნისას დაეუფლებოდა. დავითს თავის დროზე მონაწილეობა მიუღია ქელათუ ილხანის ლაშქრობებში 1291—1292 წწ.³⁹

ციკლური ურთიერთობის ისტორიიდან, 1955, გვ. 69; ქ. გვასალია, ქსნის ხეობის ისტორიული გეოგრაფიის საკითხები, წიგნში: საქართველოს ისტორიული გეოგრაფიის კრებული, III, 1967, გვ. 47....

³² ქ. გვასალია, დასახელებული ნაშრომი, გვ. 47.

³³ ქართული ისტორიული საბუთების კორპუსი, 1984, გვ. 184—185.

³⁴ ქართული სამართლის ძეგლები, 1970, გვ. 40.

³⁵ იქვე, გვ. 35.

³⁶ ძეგლი ერისთავთა, გვ. 348.

³⁷ ქ. ც., II, გვ. 305.

³⁸ „საცა რამე იყო სამეფო, ყველა ზეესა და ხადას აზიდეს, და არაგვი და ქსანი ჩახერგეს, გაამაგრა გუდამაყარი. „უამთაღმწერელი, ასწლოვანი მატინე, ტექსტი გმოსაცემად მოაშხადა, გამოკლევა, შენიშვნები და ლექსიკონი დაურთო რ. კინკამე, 1987, გვ. 239.



ხადაში გადასულ მომხდურებს, დავით VIII-ემ ბრძოლის პარტიზანული ტაქტიკა დაუპირისპირა. თვითონ ციკარეში გამაგრდა თავისი მომხრენი კი ციხე-კოშკებსა და მიუვალ ადგილებში გაამაგრა. ძეგლი ერისთავთს მიხედვით, შალვა ქვენიფნეველის წინამძღოლობით, მონღოლებმა „ერთსა დღესა აიღო ცხრაჲ ციხე და დაარღვა და მას ერთსა კვირისა დაარღვა ციხე ოცდახუთი, თხუთმეტი იქით არაგვსა“⁴⁰. მაინც ვერ ჩაიგდეს ხელში დავით მეფე, პირიქით მან ვარკვეულ წარმატებებსაც მიაღწია⁴¹. ძირითადი ბრძოლები დავითის მომხრეებს ისეთ ტყიან ადგილებში უწარმოებიათ, სადაც „ცხენოსანი ვერ შეუვიდოდა საომრად“⁴² და ქუეითად იბრძოდენ თათარნი“⁴³. წარუმატებელი ლაშქრობის შემდეგ მონღოლები უკან ბრუნდებოდნენ: „აიყარა ღამით გზასა ლომისის თავისასა, დაესხა ქართლს, დაღათუ ვინმე დარჩომილი იყო, მოსრა და ტყუე ყო და მოაოვრეს ქართლი, და წარვიდეს ყენს ყაზანს წინაშე“⁴⁴.

1301 წლის გაზაფხულზე, ხუტლუბულა კვლავ დიდი ჭარით შემოვიდა, დადგა თბილისში და ფიქრობდა მთიულეთის დალაშქრას. „ვითარ ცნეს დიდებულთა . . . შეკრბეს მეფესა დავითს წინაშე და მოაგსენებდეს რათა წავიდეს ყაზანს წინაშე“⁴⁵. მეფემ დიდებულთა რჩევა მიიღო და ყაზან ყაენთან წასვლაზე თანხმობა განაცხადა. გაიმართა მოლაპარაკება. დავით VIII-ესა და ხუტლუბულას შორის, მაგრამ ბოლოს მეფე შეშინდა და გუელეთში გამაგრდა. დიდებულებმა რომ ნახეს მეფის პირის შეშლა და თავიანთი ტერიტორიების მოხრება მონღოლების მიერ, „უმრავლესნი წარვიდეს, კითხვითა მეფისათა, დაცვისათეს ქუეყანისა. ხოლო ხუტლუბულა კეთილად შეიწყნარებდა ვინცა მოვიდოდა. კუალად მოაოვრა ქუეყანა ქართლისა ზემოკსენებული, თვნიერ მთიულეთისა, და წარვიდა ურდოს“⁴⁶.

ქართლის ზემოსენებული ადგილნი კი შემდეგია: ქართლი, სომხითი, თრიალეთი, ერწო, მუხრანი, ხერკი, ბახალეთი, თიანეთი⁴⁷. ბუნებრივია, მონღოლები არ დაარბევდნენ იმათ მამულსა და სახელისუფლო ტერიტორიას ვინც მათ მხარეზე გადავიდა. ტექსტიდან გამომდინარე, მონღოლების მხარეზე გადასულან „პერ-კახნი“, ქართლები კვლავ დავით VIII-ის მხარეზე დარჩენილან. არც უამთაღმწერელი და არც ძეგლი ერისთავთს აცტორი, შალვა ქვენიფნეველის მოქმედების შესახებ ამ დროის მოვლენებთან კავშირში არაფერს ამბობს. სავარაუდოა, რომ შალვამ ერთგვარი ნეიტრალიტი დაიცვა. ვახტანგ

39 რ. კიკნაძე, საქართველოს ისტორიის წყაროთმცოდნეობის საკითხები, 1982, გვ. 190—192.

40 ძეგლი ერისთავთა, გვ. 348.

41 ქ. ცხ., II, გვ. 306.

42 „ნადირნი ტყესა შეესწრნეს, სადა ვერა რბის ცხენია“. ვეფხისტყაოსანი, 77,3. შესაძლებელია ნავროზ აბაზას ძეც განუღდა მეფეს — მონღოლები გამოატარა უბრძოლველად თავის ტერიტორიაზე, მიუხედავად იმისა, რომ მასი ტერიტორია წინასწარ იყო თავდაცვისთვის გამზადებული, „ქსანი ჩანერგეს“, სავარაუდოა ასევე რომ ნავროზს არ შეესრულებინოს მერე მოვალეობაც: „ამილახორო, მოასხი რემა, ჭოვი და ცხენია“ (ვეფხისტყაოსანი, 54,2 და უცხენოდ დარჩენილმა მეფის ძიოითაღმა ლაშქარმა ტყიანი ადგილები აირზია საბრძოლო პოზიციად.

43 ქ. ცხ., II, გვ. 306.

44 ქ. ცხ., II, გვ. 306.

45 ქ. ცხ., II, გვ. 306.

46 ქ. ცხ., II, გვ. 307.

47 ქ. ცხ., II, გვ. 303.

III-ე ამ დროს საქართველოში არ ყოფილა — „1301—1303 წლებში სულთნის (ეგვიპტის — ვ. ლ.) არმიამ სამჯერ ზედიზედ დაამარცხა ყაზან ყაენისა და ვახტანგ III-ის შეერთებული ლაშქარი“⁴⁸.

ამდენად, ხეტლუბულამ 1301 წელს მოარბია ქართლი, ვერ გაბედა მთიულეთში შესვლა და უკან გაბრუნდა. ჩვენი ვარაუდით, დარბევას გადაურჩა შალვა ქვენიფნეველისა და „პერ-კახნის“ სამფლობელოები.

მონღოლთა ყოველწლიურ რბევა-აოხრებას შესაბამისი შედეგებიც მოჰყვა, ყამათალმწერლის მიხედვით, „ესოდენ განძნდა შიშოლი, რომელ მძორსა არა წმინდასა ურიდად ჭამდეს“⁴⁹. შიშოლობა განსაკუთრებით მძაფრი იქნებოდა იმ ტერიტორიაზე, სადაც მონღოლები რბევა აოხრებებს აწყობდნენ. ამდენად, სავარაუდოა შემდეგი: ცხრაზმის საერისთავო, მთლიანად და კონკრეტულად შალვა ქვენიფნეველის მამულები, რომლებიც გადაურჩნენ 1301 წელს მონღოლთა მოთარეშებას, ეკონომიკურად შედარებით ძლიერი უნდა ყოფილიყო.

ყამათალმწერლის თანახმად, 1301 წლის შემოდგომაზე, დავით VIII-ე ორგულობისათვის აოხრებს შალვა ქვენიფნეველის მამულს: — „ხოლო ვითარ მოიწია სთუელი, ჩამოდგა ცხრაზმის ჯევისა მეფე დავით და აოჯრებდა მამულსა შალვა ქვენიფნეველისასა ორგულობისათეს“⁵⁰.

ჩვენი აზრით, ცხრაზმის შედარებით ეკონომიკური სიძლიერე იყო ერთ-ერთი მიზეზი, იმისა რომ 1301 წლის შემოდგომაზე (როცა გლეხს წლის მოსავალი ფაქტობრივად უკვე დაბინავებული აქვს, და ცხადია, შალვა ქვენიფნეველს მათგან კუთვნილი გადასახადი უკვე აკრეფილი აქვს), დავით VIII-ე აწყობს შალვა ქვენიფნეველის მამულების დარბევას⁵¹. მარტო ორგულობისათვის შალვა ქვენიფნეველის დასჯა, ალბათ, უფრო უპირიანი იქნებოდა იმავე 1300 ან 1301 წლის დასაწყისში სანამ „პერ-კახნი“ განუდგებოდნენ დავითს.

„მაშინ უღონო იქმნა ქუნიფნეველი და ევედრა სურამელსა და მსახურთ-უხუცესსა და ქართლის ერისთავს ჰამადას, რათა იურვოს მეფეს წინაშე, მოაქსენა მეფესა და არა ინება მისთვის დაჰირვა არამედ მიუბოძა ჰამადას, გარდა-იყარა თავსა ნაცარი შალვა და იტყოდა: „ესემცა არს მისაგებელი ორგულთა მეფეთასა“ და შეუნდო მეფემან შალვას“⁵².

ვახტანგ III-ე ამ დროს ყაზან ყაენთან არის და ვერ (ან არ) შეძლო შალვა ქვენიფნეველის დაცვა. შალვა, ხომ ოფიციალური მოსაზრების (ყამათალმწერელი) თანახმად დისიჯან დავითის ორგულობისათვის. თუმცა არც ისაა გამოსარიცხი, რომ დავით VIII-ე მოერიდა მონღოლებთან ურთიერთობის შემდგომ გამწვავებას და დასჯრდა შალვა ქვენიფნეველისაგან მის სიუზერენობის სიტყვიერ აღიარებას. მეფის ხელისუფლება ხომ ამ პერიოდში ძალზედ შეზღუდულია ირანის ილხანების მიერ.

48 ბ. სილაგაძე, მასალები საქართველო-ეგვიპტის ურთიერთობის ისტორიისათვის, კრებულში ქართული წყაროთმცოდნეობა, II, 1968, გვ. 93. ვახტანგ III-ეს თან ჰყოლია სამცხის ლაშქარი, ქ. ცხ., II, გვ. 315.

49 ქ. ცხ., II, გვ. 310.

50 ქ. ცხ., II, გვ. 307.

51 ცხრაზმის საერისთავოში შემავალ, ცხრა მცირე აღმანისტრაციულ ერთეულის — ზევის მმართველ ერისთავს — შალვა ქვენიფნეველს, როგორც ჩანს, ძირითადად მამულთა ჰქონია ცხრაზმის ხეგში.

52 ქ. ცხ., II, გვ. 307.

როგორც აღენიშნეთ, 1301—1303 წლებში ვახტანგ III-ე ყაზან ყაენთან ერთად იბრძვის ეგვიპტეში. მონღოლები მარცხს მარცხზე განაცდიან, მათი წარუმატებელი ლაშქრობები არის, ალბათ, ერთ-ერთი მიზეზი, რომ დავით VIII-ე იწყებს აქტიური პოლიტიკის წარმოებას: „მეფემან დავით შეკრიბა ყოველი მთიული, წარვიდა და მივიდა ტვილისს, და ჰყვა კაცი ცხენოსანი და ქუეთიო, ეითარ ათხუთმეტი ათასი“⁵³. დავითის ეს ლაშქრობა, რომელიც 1303 წელს მოხდა⁵⁴, მარცხით დამთავრდა⁵⁵. ამ ლაშქრობის შემდეგ დავითის სახელისუფლო ტერიტორია კიდევ უფრო უნდა შემცირებულიყო. „მაშინ მისცა ვახტანგ დავითს ჭავახეთი და ალასტანი და გამოიყვანა გუელეთით“⁵⁶. როგორც ჩანს, ვახტანგმა მთლიანად ჩამოაშორა დავითი არაგვის ხეობას („გამოიყვანა გუელეთით“) ე. ი. ოქროს ურდოსთან დამაკავშირებელ გზას და სახელისუფლოდ გადასცა საუფლისწულო მამული⁵⁷. — ჭავახეთი, რომლის ცენტრსაც წარმოადგენდა სოფელი ალასტანი. ამით დავითს ფაქტობრივად მოუსპეს განდგომის რეალური საშუალება. მის ხელქვეით ხომ ძირითადად ვახტანგ III-ის ერთგული დიდებულები აღმოჩნდნენ.

ძეგლი ერისთავის მიხედვით, შალვა ქვენიფნეველი აწყობს ლაშქრობას დვალათზე, ალბათ ვახტანგ III-ის სათანადო მითითებით, წინააღმდეგ შემთხვევაში — თავისი სურვილით რომ მოეწყო ლაშქრობა, მის შემადგენლობაში არ იქნებოდა „ყოველი სპაჲ სპარსთაჲ“... „მოსრეს სიმრავლე არამცირელი დვალთაჲ. მაშინ მოწუნეს და მოაოჯრნეს ყოველნი ჰვენი დვალეთისანი და შემუსრნეს და დარღვენეს ყოველნი ციხენი თრუსუთი აჩაბეთამდის. მაშინ წავიდა ყოველი სპაჲ სპარსთაჲ“⁵⁸. ჩვენი აზრით, შალვა ქვენიფნეველის ეს ლაშქრობა ითვალისწინებდა დავით VIII-ის ზურგის მოშლას. ალბათ ამიტომაც, დავით VIII-ეს ამის შემდეგ არც ვახტანგ III-ის და არც მონღოლების წინააღმდეგ არავითარი სამხედრო ოპერაცია თითქმის აღარ უწარმოებია. ფაქტობრივად ამ ლაშქრობამ დავით VIII-ის წინააღმდეგობა წელში გასტეხა. ვახტანგმა ესეც არ აკმარა დავითს „მაშინ მეფემან (ვახტანგ III-ე — ვ. ლ.) მიუბოძა შალვას თრუსუთი, ლუდაჲ, გავასძენი, მლეთე, არაჯუეთი, ჯანდოი, ყანჩაეთი, აბაზასძეთა მამული, ძაგნაკორნანი, დიდუამი, გავაზი (დედანში ამოფხეკილი ყოფილა — ვ. ლ.), აწერისკვევი, ბეჯუშე“⁵⁹. უდავოა, შალვა ქვენიფნეველისათვის საერისთავო ტერიტორიის გავრდა ძირითადად მოხდებოდა დავით VIII-ის ერთგულთა მამულისა (ჭილა აბაზასძე) და სახელისუფლო ტერიტორიის ხარჯზე.

ამდენად, ცენტრალური ხელისუფლების სისუსტით, რაც გამოწვეული იყო სამეფო კარის გათიშულობით და მონღოლთა ბატონობით, ცხრაზმის მცირე

53 ქ. ცხ., II, გვ. 316.

54 ვ. ლუნაშვილი, XIII—XIV სს. მიჯნის საქართველოს ისტორიიდან, კრებულში: მრავალთავი, V, 1975, გვ. 180.

55 ამ ლაშქრობის შემდგომ გარკვეულწილად იცვლება ქათამაღმწერლის დამოკიდებულება დავითისადმი. ახლა უკვე მეტი ეპოთეტიზმით ამკობს ვახტანგ III-ეს შუღარბისთვის ქ. ცხ., II, გვ. 308—316 და გვ. 317—322.

56 ძეგლი ერისთავთა, გვ. 348.

57 დ. ბერძენიშვილი, ნარკვევები საქართველოს ისტორიული გეოგრაფიიდან, 1985, გვ. 109.

58 ძეგლი ერისთავთა, გვ. 348.

59 იქვე.

ადმინისტრაციული ერთეულის ერისთავი, შალვა ქვენიფნეველი ახდენს ახალი ტერიტორიების მიერთებას და თავის სახელისუფლო ტერიტორიის ზრდას.

აღნიშნული პუნქტების გეოგრაფიულ ადგილმდებარეობას კარგად საზღვრავს დ. მუსხელიშვილი. „თრუსუი“ — ცხადია თრუსოს ხეობას გულისხმობს, თერგის სათავეებს.

„ლოდა — არაგვის სათავეშია; „მლოთე“ — იქვეა, ლუდს ქვემოთ; „არაკვეთი“ — იქვეა მლეთას ქვემოთ; „ხანდოი“ — ფასანაურის ქვემოთ არაგვზე; „ყანჩაეთი“ — ქსნის ხეობა მდ. შუა წელზე, მარჯვენა ნაპირზე; „აბაზასძეთა მამული“ — „ლოწობანი“ — იქვეა ყანჩაეთის ზემოთ, ქსნის მარცხენა სანაპიროზე; „აწერისკვეი“ — პატარა ლიახვის ზემო წელზე; „ბეკუმე“ — პატარა ლიახვის სათავეებში“⁶⁰.

„ძაგნაკონათას“, „დიღუმისა“ და „გავაზთან“ დაკავშირებით მეცნიერი ვარაუდობს, რომ მათი ლოკალიზაცია საძიებელია ქსნის ხეობის შუა წელსა და პატარა ლიახვის სათავეებს შორის⁶¹.

აღნიშნულ განსაზღვრებას, ჩვენ მთლიანად ვიზიარებთ, მხოლოდღა ერთი: აბაზასძეთა მამულის დაკონკრეტება მარტო ლოწობნის მიდამოებით სწორი არ უნდა იყოს და რატომ.

აბაზასძეთა შესახებ ცნობილია შემდეგი.

1. XI ს-ის შუაწლებში ქართლის ერისთავი არის ივანე აბაზასძე⁶². 2. 1297/1298 წ. სიგელში მოხსენიებულია ჭილა აბაზასძე — მებაჭრეთუხუცესი და ნაეროზ აბაზასძე — ამირეჯიბი და ამირახორი⁶³. 3. ჟამთააღმწერელი, 1300 წლის ამებთან დაკავშირებით დავით VIII-ის ერთგულთა შორის ასახელებს ამირეჯიბ ჭილა აბაზასძეს⁶⁴; 4. ძველი ერისთავთა ავტორმა იცის აბაზასძეთა მამული მდ. ქსნის ხეობის ქვედა წელზე, და ნაეროზ აბაზასძის მფლობელობაში მყოფი ლოწობნის ციხე⁶⁵.

არა პირდაპირი ცნობები

1. VII ს-ის ანონიმი ავტორის სომხურ გეოგრაფიაში ქსნის ხეობა გაყოფილია ორ ადმინისტრაციულ ერთეულად — ქსნის ხევად და ცხრაზმად⁶⁶; 2. ცხრაზმის ადმინისტრაციული ერთეულის ქვედა საზღვარი XIV ს-ის დასაწყისისათვის ჩამოდის ლოწობან-ყანჩაეთის მიდამოებამდის⁶⁷; 3. „შემდგომად თამარ მეფისა ქართლის ერისთავი სხუა, ქსნისა სხუა“⁶⁸; 4. სოფელი ალევინიდან მდ. ქსნის მარცხენა სანაპიროს ჩაყოლება, კორინთის ჩათვლით შედიოდა წილკნელის სამწყსოში⁶⁹; 5. მდ. ქსნის მარჯვენა სანაპირო ქვემოდან, სოფელ კორინთიდან კი ორივე სანაპირო სათავემდის შედიოდა სამთავნელის სამწყსოში⁷⁰.

60 დ. მუსხელიშვილი, კახეთ-პერეთის პოლიტიკური გეოგრაფიის საკითხები XII—XIII სს-ში, წიგნში: საქართველოს ისტორიული გეოგრაფიის კრებული, III, 1967, გვ. 82.
61 იქვე, გვ. 82—83.
62 ქართლის ცხოვრება, I, ტექსტი დაღვინილი ყველა ძირითადი ხელნაწერის მიხედვით ს. ყაუხჩიშვილის მიერ, 1955, გვ. 296.
63 ქართული ისტორიული საბუთების კორპუსი, 1984, გვ. 185.
64 ქ. ცხ., II, 1959, გვ. 305.
65 ძველი ერისთავთა, გვ. 348.
66 ჟ. გეოგრაფია, დასახ. ნაშრომი, გვ. 24—25.
67 ძველი ერისთავთა, გვ. 348.
68 ვახუშტი, ქ. ცხ., IV, 1973, გვ. 382.
69 ქართული სამართლის ძეგლები, ტ. III, 1970, გვ. 563.
70 ქართული სამართლის ძეგლები, ტ. III, 1970, გვ. 198—206.

ყოველივე ზემოთქმულიდან აბაზასქეთა მამულის შესახებ შეიძლება ვივარაუდოთ შემდეგი.

ადრეფეოდალურ პერიოდში ქსნის ხეობა აერთიანებდა ორ ადმინისტრაციულ ერთეულს ქსნის ხევისა და ცხრაზმას. მათ შორის საზღვარი გადის ლოწობნის ციხისა და ყანჩაეთის მიდამოებს ზევით (სოფ. კორინთასთან). ქსნის ხეობა გაყოფილია ორ საეპისკოპოსოს — სამთავნელსა და წილენელს შორის.

ქსნის ხევი შედის ქართლის ერისთავის მფლობელობაში. XI ს-ის შუა წლებში, ქართლის ერისთავი არის ივანე აბაზასძე. აბაზასძენის შემდეგ ქართლის ერისთავები ხდებიან სურამელნი (აბაზასძენი და სურამელნი, ერთი საერთო გვარის — ტბელების, განაყარნი ყოფილან)⁷¹.

სურამელნი, უტოვებენ აბაზასძეებს ქსნის ხევს სამამულო და სამოხელეო მფლობელობაში. სამამულო მფლობელობა უნდა ყოფილიყო ძირითადად მდ. ქსნის მარცხენა ნაპირის ჩაყოლებაზე, სამოხელეო კი მდ. ქსნის მარჯვენა მხრის ჩაყოლებაზე.

ამ აზრისაკენ გვიბიძგებს ის გარემოებაც, რომ გვიან შუა საუკუნეების საამილახვრო სოფლები ძირითადად განფენილი იყო მდ. ქსნის მარჯვენა ნაპირის ჩაყოლებაზე⁷², ხოლო ამავე პერიოდში ქსნის მარცხენა სანაპიროზე სოფელ ოძისში მამულები ეკუთვნოდათ აბაზასძეებს⁷³. აღნიშნულიდან გამომდინარე, წყაროში მითითებული „აბაზასძეთა მამული“ ლოკალიზდება, ქსნის ხეობის მარცხენა სანაპიროზე: სოფელ ალევადან (აქ, მხედველობაში მისაღება ისიც რომ, ლოწობნის ციხის მიდამოებში — სამების მთაზე არის, ალევის სამების VII ს. (ნ. ჩუბინაშვილი) სამონასტრო კომპლექსი) მდინარე ქსნის მარცხენა ნაპირის ჩაყოლებით, სოფელ ოძისის ჩათვლით (20—25 კმ. სიგრძივი განაკვეთი). ე. ი. ვასაგები ხდება ხოფის სამონასტრო კომპლექსის (XIII ს-ის პირველი ნახევარი⁷⁴), ახალგორის, . . . ამ პერიოდის მფლობელთა ვინაობა. ისინი აბაზასძენი ყოფილან. აღნიშნული ტერიტორიის გადაცემა შალვა ქვენიფნევისათვის უნდა მომხდარიყო 1303 წლის მეორე ნახევარში.

„ხოლო შალვა მოიყვანა ცოლად ოვსთა მეფისა ასული სახელით შირდი“⁷⁵. წყაროში მითითებული „ოვსთა მეფე“ უნდა იყოს ქამთააღმწერელთან დასახელებული „ოვსთა მთავარი ბაყათარ“, რომელიც შალვა ქვენიფნეველთან ერთად მიუძღვოდა მონღოლთა ლაშქარს დავით VIII-ის წინააღმდეგ⁷⁶. სავარაუდოა, ამ ქორწილით შეკრა შალვა ქვენიფნეველმა პოლიტიკური კავშირი ქართლში მოთარეშე ოსებთან და ამით ერთგვარად გადააარჩინა სახელისუფლო ტერიტორია მათი განუკითხავი თარეშისაგან. როგორც ჩანს, ეს პოლიტიკური კავშირი მიმართული იყო დავით VIII-ის წინააღმდეგ.

71 ქართული წარწერების კორპუსი 1, ლაპიდარული წარწერები 1, აღმოსავლეთ და სამხრეთ საქართველო (V—X სს.) შეადგინა და გამოსაცემად მოამზადა ნ. შოშიაშვილმა, 1982, გვ. 59—60.

72 დ. გვრიტიშვილი, ფეოდალური საქართველოს სოციალური ურთიერთობის ისტორიიდან (სათავადოები), 1955, გვ. 120.

73 ჯ. გვასალია, დასახ. ნაშრომი, გვ. 44.

74 რ. მეფისაშვილი, ვ. ცინცაძე, საქართველოს ისტორიული პროვინციის — შიდა ქართლის მთის ნაწილის ზურთომომოდრება, 1975, გვ. 117.

75 ძეგლი ერისთავთა, გვ. 348.

76 ვ. გამრეკელი, დასახ. ნაშრომი, გვ. 190.

1306 წელს, ვახტანგ III-ე კვლავ მოიხანს ყაზან ყაენის ჯარში, ეგვიპტის წინააღმდეგ მებრძოლთა შორის⁷⁷.

„ძეგლი ერისთავთა“ მიხედვით, „მაშინ მოკუდა დავით მეფე, და მასვე წელს მოკუდა ვახტანგ მეფე“⁷⁸ მოყვანილი ფრაგმენტი სინამდვილეს არ შეეფერება. დღეს უკვე ცნობილია, რომ ვახტანგ III-ე გარდაიცვალა 1308 წელს, რომლის სიკვდილის შემდეგ, მომხდარა გარკვეული შეთანხმება დავით VIII-ესა (1293—1311 წწ.) და მონღოლებს შორის, არ არის გამორიცხული, რომ შეთანხმებას დავით VIII-ესა და მონღოლებს შორის აწარმოებდა შალვა ქვენიფნეველი. დავით VIII-ე გარდაიცვალა 1311 წელს. მონღოლებმა მეფობა დაუშტყიცეს გიორგი (VI-ე) დავითის ძეს. ირკვევა, რომ გიორგი VI-ესა და ნავროზ აბაზასძეს შორის მომხდარა განხეთქილება, რასაც შედეგად ის მოჰყვა, რომ ნავროზის სამფლობელო — ლოწობნის ციხე, შალვა ქვენიფნეველის ხელში აღმოჩნდა⁷⁹. ეს უნდა მომხდარიყო 1311 წლის ახლო პერიოდში (არ არის გამორიცხული, რომ მათ შორის განხეთქილება შალვა ქვენიფნეველმა მოაწყო. ამ განხეთქილებით ხომ ყველაზე მეტად მან ისარგებლა).

როგორც დავინახეთ, XIII ს-ის დასასრულისათვის ირანის ილხანთა ტახტისათვის გამართულ ბრძოლებს, ერთგვარ გაგრძელებასავით მოჰყვა საქართველოს სამეფო ხელისუფლებისათვის გაშლილი ბრძოლა, ძმებს: დავით VIII-ესა და ვახტანგ III-ეს შორის აღმოსავლეთ საქართველო მონღოლთა წყალობით ორ ნაწილად აღმოჩნდა გაგლეჯილი. ცხრაზმის ერისთავი შალვა ქვენიფნეველი თავიდანვე აღმოჩნდა ჩაბმული, ხან მეფის ხან მონღოლთა მხარეზე.

მონღოლთა ხელისშეწყობით საქართველოს სამეფო ხელისუფლებასათვის გაშლილ ბრძოლას, დამღუპველი შედეგები მოჰყვა ერთიანი საქართველოსათვის. ცენტრალური ხელისუფლების დასუსტებამ კი კარგი ნიადაგი შექმნა ადგილობრივ ხელისუფალთა განდიდებისათვის. ასეთ პირობებში ცხრაზმის შედარებით პატარა საერისთავო ახერხებს მეზობელი ტერიტორიების ექსპანსიას. თუ XIII ს-ის დასასრულისათვის ცხრაზმის საერისთავო ფლობდა მდ. ქსნის ზედა წელს და სასაზღვრო ზოლი ძირითადად შემოისაზღვრებოდა: აღმოსავლეთიდან — ლომისის, ცხრაზმის, საფეშეთის, ბაწარქედის, საძეგურის მთებით და ჩამოდიოდა სოფელ კორინთასთან; ჩრდილოეთიდან — მდ. ქსნის სათავეები, და ქნოლოს მიდამოები; დასავლეთიდან — პატარა ლიახვის სათავეები, ისროლის ხევი, ქოლოთი, ლეხურის სათავეები, ზებაყურის მთა; სამხრეთით: სოფელ კორინთის მიდამოები.

არაუგვიანეს, 1313 წლისათვის კი ცხრაზმის „საერისთავოს ჩრდილო-აღმოსავლეთი და აღმოსავლეთი საზღვარი გასდგედა თეთრი არაგვის ხეობას სათავიდან მთიულთკარის სანახებამდე.

საერისთავოს დასავლეთის საზღვრად ნაჩვენებია „ბეჭუშე“, რომელიც მდებარეობს ჩაბარუნის-ხევისა და პატარა ლიახვის შესართავთან და „აწერის კევი“ — ბეჭუშის ქვემოთ პატარა ლიახვის სანაპიროზე. ჩრდილო დასავლეთით „ბეჭუშის მთა“-ზე ვადიოდა საზღვარი საერისთავოსა და ქვემო დვალეთს შორის, ... სამხრეთის მიმართულებით საერისთავოში შემოდიოდა ყანჩაეთი⁸⁰

⁷⁷ საქართველოს ისტორიის ნარკვევები, ტ. III, 1979, გვ. 611—612.

⁷⁸ ძეგლი ერისთავთა, გვ. 348.

⁷⁹ ძეგლი ერისთავთა, გვ. 348.

⁸⁰ გ. არახაშია, ძეგლი ერისთავთა, როგორც საისტორიო წყარო, საკანდიდატო დისერტაცია ხელნაწერის უფლებით, 1983, გვ. 172.

11. „მაცნე“, ისტორიის სერია, 1990, № 4

მდ. ქსნის მარჯვენა ნაპირზე და აბაზასძეთა ყოფილი მამული, რომელიც, როგორც უკვე აღვნიშნეთ, მოიცავდა მდ. ალუურას ქვედა წელიდან მდ. ქსნის მარჯვენა ნაპირის ჩაყოლებით ოდისამდე.

ამით ერთგვარად მთავრდება ცხრაზმის საერისთავოს საზღვრების გაფართოება საქართველოს სამეფო ხელისუფლებისათვის ბრძოლის პერიოდში.

В. Д. ГУНАШВИЛИ
ИЗ ПОЛИТИЧЕСКОЙ ИСТОРИИ ЦХРАЗМИЙСКОГО
ЭРИСТАВСТВА (НАЧАЛО XIV В.)

Резюме

В конце XIII в. — начале XIV в. нижняя часть административной единицы Цхразма проходила до пограничной линии гор и равнин Ксанского ущелья (около сегодняшнего села Коринта).

Монгольское нашествие ослабило Грузинское царство и центральную власть. На царском троне одновременно восседали 3 царя: Давид VIII, Вахтанг III и Георгий V, между которыми шла борьба за государственную власть; победителем выходит Вахтанг III, которому активную помощь оказывали монголы.

Эристав Цхразмиского эриставства Шалва Квенипневели, пользуясь слабостью центральной власти и поддержкой монголов, увеличивает свою территорию: объединяет соседние территории, начиная с истоков рек Арагви, Терека, Маленькой Лиакви, до расположенной в середине Ксанского ущелья административной единицы — Кснис Хевски, входящей в вотчину Абазасдзеевых, составляя территорию левого берега реки Ксани от сегодняшнего села Алеви до села Одзиси.

V. D. GUNASHVILI
FROM POLITICAL HISTORY OF THE TSKHRAZMA'S KINGDOM
(THE BEGINNING OF THE XIV TH CENTURY)

Summary

At the end of the 13 th century and at the beginning of the 14 th century lower part of the administrative unit of Tskhrazma reached the Border line of mountains and plains of Ksanskoye Canyon (now village Korinta).

The Mongolian invasion weakened Georgian Kingdom and central georgian power. There were three Kings at the throne at the same time: David the 8 th, Vakhtang the 3 rd, and George the 5 th, they were fighting between each other for the state power; Vakhtang the 3rd became the winner, who was actively helped by the Mongols.

Eristavi of the Tskhrazma's kingdom Shalva Kvenipneveli had no strong central power, was well supported by Mongols and enlarged his territory; he united the neighbouring territories at the beginning of the rivers of Aragvi, Tergi, Little Liakhvi and administrative Unit of the Ksnis Khevis parts situated at the middle of Asanskoye Canyon—Abazadze's votchina which included the territory of the left bank of the river of ksani, beginning with the today's village Alevi and village Odzisi (inclusive).

წარმოადგინა საქართველოს მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს ისტორიული გეოგრაფიის განყოფილებამ

სახვა გამართლია

ჩაჩნეთის მესაქონლეობა და მთიელთა მიგრაციის
საკითხები

ჩაჩნეთ-ინგუშეთი მდებარეობს ჩრდილო კავკასიის სამხრეთ-აღმოსავლეთ ნაწილში, უკავია კავკასიონის ქედის ჩრდილო ფერდობები და მდინარეების თერგისა და კუმის სამხრეთ დაბლობები. მას ჩრდილოეთით ესაზღვრება სტავროპოლის მხარე, ჩრდილო-აღმოსავლეთით და აღმოსავლეთით — დაღესტნის ავტონომიური რესპუბლიკა, დასავლეთით — ჩრდილოეთ ოსეთის ავტონომიური რესპუბლიკა და სამხრეთით — საქართველო. სპეციალური ლიტერატურული მონაცემების მიხედვით, ჩაჩნები XV—XVI ს-მდე მთებში ცხოვრობდნენ და ცალკეულ ტერიტორიულ ერთეულებად იყოფოდნენ. ამ ჯგუფების სახელწოდებები უმეტესად იმ მთის ან მდინარის სახელწოდებებიდან გამომდინარეობდა, სადაც ისინი იყვნენ განსახლებული. პირველი ჩაჩნური დასახლებები ბარად XIV ს-ის დასასრულს ჩნდება, ეს იყო სოფ. პარჩხოი, რომელიც დაარსა ნაშახას მთიდან ჩამოსულმა პარჩხოი ტივამ. შემდეგში ნაშახადან გამოდიან სხვა ტიპებიც: ბენოი, ცონტაროი, კურჩალოი და სხვები, რომლებიც იკავებენ აკასისა და გუმისის ხეობათა ზედა წელს და ახლად ჩამოყალიბებული სოფლებიც იმის სახელს ღებულობდნენ ვინც იქ დაესახლა. მთიელები პირველ ხანებში ესახლებოდნენ იმ ველებსა და ხეობებში, რომლებიც სუნჯით, არღუნით და მათი შენაკადი მდინარეებით ირწყვებოდა, შემდეგ კი თანდათანობით მთელი დიდი ჩაჩნეთის ბარი დაიკავეს. კავკასიის ომის დამთავრებისა და რუსეთთან შეერთების შემდეგ ჩაჩნეთი თერგის ოლქის შემადგენლობაში შევიდა¹.

ძველი ინგუშური სოფლებიც მთებში იყო და იქ ხალხი საზოგადოებებად — თემებად, სასოფლო-ტერიტორიულ ერთეულებად იყოფოდა. ასეთი საზოგადოებები იყო ჯეირახის, ფეპის (ქისტების), ღალდაის, ცორის, მეცხალის. მათი ბარად ჩამოსახლება XVI—XVII ს-დან იწყება. ერთ-ერთი პირველი ინგუშური სოფელი, რომელიც ბარში იქმნება იყო ან გუ შ თუ ინ გუ შ. ტარსკოეს ველზე, დღევანდელი სოფ. ტარსკოეს ადგილას და ხალხის სახელწოდება ინ გუ შ-იც აქედან მომდინარეობს. რევოლუციამდე ისინი შედიოდნენ თერგის ოლქის ნაზრანის ოკრუგში². თვითონ ინგუშები თავის თავს და ღაი-ს უწოდებენ (ერთ-ერთი თემის სახელწოდება ყველაზე გაავრცელეს). დაღესტნის განსახლების ძირითადი კერა იყო მდ. ასის შუა წელი და ამ ნაწილში მისი შენაკადები. ამ ტერიტორიას ეწოდება და ღაი ო ჟ ე, განსხვავებით ასის ხეობის ზედა წელისა. რომელსაც ფ ხ ო ჟ ე (ხევსურების ხეობა) ეწოდება. ხალხური ეტიმოლოგიით სიტყვა და ღაი ინგუშური ციხე-სახლის

¹ Чеченцы, Народы Кавказа, I, М., 1960, стр. 347.

² Ингуши, Народы Кавказа, I, М., 1960, стр. 375.



სახელწოდება და აღნიშნავს მომდინარეობს. ეს აზრი სპეციალურ ლიტერატურაშიცაა ასახული, მაგრამ ახალ გამოკვლევებში საეჭვოდაა მიჩნეული და აღნიშნული ტერმინი დღევანდელთანაა დაკავშირებული, როგორც მოიხსენიებიან ინგუშები ქართულ წყაროებში³.

ჩაჩნეთ-ინგუშეთის მთის ზოლში მეურნეობის ძირითადი დარგები იყო მიწათმოქმედება და მესაქონლეობა ამ უკანასკნელის უპირატესობით. თუმცა, მესაქონლეობაც გარკვეულად იზღუდებოდა საკვები ბაზის ნაკლებობით. მაშინ როდესაც მთა ბართან ინტენსიურად არ იყო დაკავშირებული, რაც მეცხვარეობის ფართო მასშტაბით განვითარებისათვის აუცილებელი პირობა იყო, უპირატესობა ეძლეოდა მსხვილფეხა მესაქონლეობას, ხოლო ცხვარს იყოლებდნენ იმდენს, რამდენის გამოკვებაც შეეძლოთ მთის პირობებში. მხოლოდ მას შემდეგ, რაც მთიელებმა ინტენსიურად დაიწყეს ბარის საზამთრო საქოვრებით სარგებლობა და ამით გააფართოვეს მესაქონლეობის სამეურნეო ბაზა, მსხვილფეხა მესაქონლეობა პირველობას უთმობს მეცხვარეობას. უნდა აღვნიშნოთ, რომ მიწათმოქმედებისა და მესაქონლეობის პროდუქციის ზედრიითაა წონის შეუსაბამობა, ცოტად თუ ბევრად, შეინიშნება არა მარტო ჩაჩნეთ-ინგუშეთში, ჩრდილო კავკასიის და საქართველოს ყველა კუთხის მთიან ზოლში⁴. მიწათმოქმედება თავისი მასშტაბებით მნიშვნელოვნად ჩამორჩებოდა მესაქონლეობას და მიწათმოქმედების პროდუქციით მთიელთა მომარაგების საკითხი გადაუჭრელ პრობლემად რჩებოდა. ეს გარემოება იყო მთის ბართან ეკონომიკური კავშირის აუცილებლობის ძირითადი ფაქტორი.

მიუხედავად აღნიშნულისა, მეურნეობის ორივე დარგი — მიწათმოქმედება და მესაქონლეობა, მტკიცედ იყვნენ ერთმანეთთან დაკავშირებული და ურთიერთწარმატებას განაპირობებდნენ. ეთნოგრაფიულ ლიტერატურაში აღნიშნულია, რომ კავკასიის მთური მიწათმოქმედება, რომელიც მიწათმოქმედების პროდუქციით აკმაყოფილებდა მოსახლეობის მხოლოდ მინიმალურ მოთხოვნილებებს, ყოველთვის მჭიდროდ იყო დაკავშირებული მესაქონლეობასთან, რომელიც მას უზრუნველყოფდა ბუნებრივი სასუქით. მიწათმოქმედებას, მართალია, არ ჰქონდა წამყვანი მნიშვნელობა, მაგრამ ის იყო ტრადიციული და ინტენსიური თავისი აგროტექნიკური საშუალებებით, მასთან დაკავშირებული რიტუალური წეს-ჩვეულებებით, მეურნეობის წარმოების ზუსტად მიკნებულ ფორმებით, მდიდარი ემპირიული ცოდნა-გამოცდილებით. აქედან გამომდინარე, კავკასიის მთიელთა სამეურნეო ყოფის თავისებურებად მიჩნეულია მალაღმთიანი ალპური მესაქონლეობის შერწყმა მთური მიწათმოქმედების ინტენსიურ ფორმებთან⁵.

³ Р. Харадзе, А. Робакидзе, К вопросу о нахской этнонимике, Кавказский этнографический сборник, II, Тб., 1968, გვ. 20.

⁴ ვალ. ითონიშვილი, ცენტრალური კავკასიის მთიელების საოჯახო ყოფა, თბ., 1969, გვ. 36, 212; მისივე, მოხვედების საოჯახო ყოფა, თბ., 1970, გვ. 33; მისივე, ქართველ მთიელთა ყოფა-ცხოვრებიდან, თბ., 1976; ბ. გამყრელიძე, ცენტრალური კავკასიის მთიელთა ალპური მესაქონლეობა, თბ., 1982, გვ. 41, 217; მისივე, Система скотоводства в горной Осетии, Кавказский этнографический сборник, V, Тб., 1980, გვ. 7.

⁵ А. Робакидзе, Некоторые черты горского феодализма на Кавказе, Советская этнография, № 2, 1978, გვ. 15.

⁶ У. Лаудаев, Чеченское племя, сборник сведений о кавказских горцах, Тифл., 1872, вып. VI, გვ. 10.

ჩაჩნეთში გამოიყოფა ორი ძირითადი სამეურნეო ზონა — მთისა და ბა-
რის, მათთვის დამახასიათებელი მეურნეობის დარგებითა და წარმოების ფორ-
მებით და მოსახლეობაც იყოფოდა მთიელებად და ბარელებად. უფრო კონ-
კრეტულად: გამოიყოფა ლ ა მ ა რ ხ ო ი ანუ ლ ა მ ა რ ო ი — მთიელები, რომ-
ლებიც ცხოვრობდნენ მაღალმთიან ზოლში, შიშველ მთებზე, თვითონ ტერმინი
კი წარმოდგება სიტყვიდან ლ ა მ — მთა; ჭ ა ბ ე რ ლ ო ი — იგივე მთიელები,
რომლებიც ცხოვრობდნენ ჩაჩნეთ-ინგუშეთის სამხრეთ-აღმოსავლეთი ნაწილის
მაღალმთიან ზოლში. მათი მეურნეობის ძირითადი დარგი იყო მეცხვარეობა.
გამოთქმულია მოსაზრება, რომ ამ ტერმინის ფუძე შეიცავს ორ კომპონენტს —
ზეგანს, ა რ ა — ველი, რომლისგანაც შემორჩა მხოლოდ ასო „რ“, ხოლო ბო-
ლო ფორმანტი ლ ა // ლ ო ი მიუთითებს ეთნიკურ სახელწოდებაზე — ჭაბერ-
ლოი⁷. ჩვენ მიერ ვედნოში ჩაწერილი მასალების მიხედვით, აღნიშნული ტერ-
მინი ჭ ა ბ ა-დან მომდინარეობს და მატყლის გუნდას ნიშნავს. ტერმინი კრე-
ბიი მნიშვნელობისაა, ის მცირე ერთეულებად — ტაიპებად (გვარებად-პატრო-
ნიმებად) იყოფოდა და მთხრობლები, ქვედა ზოლში მცხოვრები მოსახლეობა.
მათ მეცხვარეებად მიიჩნევენ და როგორც შედარებით უსუფთაო ხალხს დიდი
პატივით არ მოიხსენიებენ. ამჟამად ჩაჩნეთის ეს კუთხე თითქმის დაცლილია
მოსახლეობისაგან და სოფლები ნანგრევებადაა ქცეული; შ ა ტ ო ი — მთის
ჩრდილო ფერდობებზე მცხოვრებნი. იყვნენ ლამარხოზე დაბლა, ბართან ახ-
ლოს. ეს ტერმინი წარმოდგება სიტყვიდან შ უ, რაც სიმაღლეს ნიშნავს. შატო-
ელებს უმეტესად უწოდებდნენ მხოლოდ შიშველი მთების ჩრდილო ფერდო-
ბებზე მცხოვრებთ და ეს სახელწოდება მათ ბარის ჩაჩნებისაგან მიიღეს⁸; ნ ო ხ-
ჩ ო ი — ასე უწოდებდნენ ჩაჩნები თავის თავს. უ. ლაუდაევის ცნობით, ჩაჩნები
ბარში ჩასახლების შემდეგაც განაგრძობდნენ მესაქონლეობის ფართო მასშტა-
ბით წარმოებას, ეს იყო მათი მეურნეობის ძირითადი დარგი, საკვებში დიდი
რაოდენობით იყენებდნენ ყველს და ამიტომაც თავის თავს უწოდებდნენ ნ ა ხ-
ჩ ო ი-ს. ეს ტერმინი მიუთითებდა ხალხზე, რომელთაც უხვად ჰქონდათ ყველი
და პირველ ხანებში ასე იწოდებოდნენ მხოლოდ ბარის ჩაჩნები⁹. ჩვენ მიერ
ჩაწერილი ეთნოგრაფიული მასალების მიხედვით, ეს სახელწოდება წარმოდგება
ტერმინ ნ ო ხ-იდან, რაც გუთანს ნიშნავს, ნოხჩი — იყვნენ ბარის რაიონის
მცხოვრებნი, რომელთა მეურნეობის წამყვანი დარგი იყო მიწათმოქმედება:
ჩ უ ე ჭ ა რ ნ ა ხ — შიგა ჩაჩნები, რომელთა მეურნეობის ძირითადი დარგი იყო
მიწათმოქმედება, ხოლო მესაქონლეობას ეწეოდნენ უფრო ფართოდ ვიდრე
მათი მეზობლები ნოხჩი; ა რ ს თ ხ ო ი — ძირითადად მისდევდნენ მესაქონლე-
ობას, იყო მეომარი ხალხი და დანარჩენი ჩაჩნებისაგან გამოირჩეოდნენ წეს-
ჩვეულებების ლოკალური თავისებურებებით; ტ ე რ კ ი ს ტ ხ ო ი — თერგისპირ-
ელები, მათი ტერიტორიის დიდი ნაწილი გამოიყენებოდა ზამთრის საძოვრე-
ბად, რომლითაც ჩაჩნებს გარდა კავკასიის სხვა მთიელებიც სარგებლობდნენ.
ამ ზოლში ზაფხულობით ბალახეულს გვალვა წვავს, ამიტომ თერგისპირელები
შიგა ჩაჩნების სათიბებს თიბავდნენ სანახევროდ.

ჩაჩნეთის ერთ მხარეს, სოვეტსკოეს რაიონში, მთხრობლები მთად მიიჩ-
ნევენ ხილდიხაროს, შარო-არღუნის, ჭენტო-არღუნის, მაისტის და მათ ვან-

7 А. Сулейманов, Топонимия Чечено-Ингушетии, ч. I, Грозный, 1976, გვ. 219.
8 У. Лаудаев, დასახ. ნაშრომი, გვ. 5, 9, 10.
9 იქვე, გვ. 3.

შტობებზე მდებარე ხეობების სოფლებს, სადაც მეურნეობის წამყვანი დარგი იყო მესაქონლეობა. მთიელებად მიიჩნევენ თავს რაიონული ცენტრის სოვეტსკოესა (ყოფილი შატის) და მისი მიმდებარე სოფლების მცხოვრებნიც. ნამდვილი მთიელებისთვის ეს ზონა, სადაც მესაქონლეობასთან ერთად საკმაოდ ფართო მასშტაბები ჰქონდა მიწათმოქმედებას, იყო ბარი. სინამდვილეში სოვეტსკოე მდებარეობს ხეობათა გზასაყარზე, მთისა და ბარის გამოყოფ ზოლში და რეგულირებას უწევდა ამ ორი სამეურნეო ზონის სოციალურ-ეკონომიკურ ურთიერთობას. აქ პერიოდულად იმართებოდა ბაზრობა, სადაც თავს იყრიდა არა მარტო ჩაჩნეთის მთისა და ბარის მოსახლეობა, არამედ, სავაჭროდ საქართველოსა და დაღესტნის მოსახლეს რაიონებიდანაც კი ვაჭრობდნენ.

რაიონულ ცენტრ ვედენოს ზოლში მცხოვრები მოსახლეობის აზრით, მთის ზოლი იწყება სოფ. სერეინურთის ზემოთ ხეობით ახკაჩუ (ახკამთის მდინარე, მთის ხეობა, ჩუ-ში). ამ ხეობაში შედის სოფლები: ბენეიკორტ, ცავედენო, ხინჯიკორტ, ვედენო. ვედენოდან იწყება მეორე ხეობა დიშნივედან და მთავრდება სოფ. ხარაჩოთი. გადმოცემით, აქ მოსულა ორი ძმა დიშნო და ხარაჩო, რომელთაგანაც ერთს საფუძველი დაუდევს დიშნივედენოსა და მეორეს ხარაჩოს არსებობისათვის, მათ მცხოვრებლებსაც ერთს უწოდებდნენ დიშნიტეიპას, ხოლო მეორეს — ხარაჩოტეიპას¹⁰. ამ მთისძირა ზოლში ხარაჩო ყველაზე ძველი სოფელია, საიდანაც მოხდა სოფელთა განსახლება შედარებით დაბალ და ბარის მიდამოებში.

მთლიანად კუთხის ან ცალკეული ხეობების ზონებად დანაწილების საკითხთან დაკავშირებით, ყურადღებას იქცევს ის გარემოება, რომ მთიელთა მესაქონლეობის სამეურნეო რესურსები საკმაოდ ფართო ტერიტორიაზე იყო გაშლილი. აქედან ვლბულობთ ვერტიკალური ზონალობის სახესებით ჩამოყალიბებულ სისტემას და მესაქონლეობის წარმოების მთა-ბარულ ფორმას, რომელიც მთისა და ბარის სამეურნეო რესურსების თანმიმდევრულ, გეგმაზომიერ თავისებას ითვალისწინებდა როგორც ერთი ხეობის ფარგლებში, ისე უფრო ფართო მასშტაბებითაც. ქვეყნის ან რომელიმე დასახლებული ერთეულის (ხეობის, სოფლის) ზონალობის კვლევის საკითხთან დაკავშირებით, შეგვიადრეთ ყურადღება გაგვემახვილებია მათი მთად და ბარად დანაწილების პრინციპებზე, რამდენადაც ცალკეულად აღებული ყველა გეოგრაფიული ერთეულის ლანდშაფტის თავისებურებები მნიშვნელოვნად განსაზღვრავდა სამეურნეო წარმოების თავისებურებებს. ყოველ ხევს ჰქონდა თავისი მთა და ბარი, ბარი ეწოდებოდა იმ ზოლს, სადაც სოფლები იყო გაშენებული და პირუტყვის გამო-

¹⁰ ამ შემთხვევაში ხარაჩოტეიპა ხარაჩოლის, მნიშვნელობით იხმარება. მასში შეზავალი ნათესაური ჯგუფები იყო: უმარნეცი, ბეიჩნეცი, ჰახუნეცი, სუნგურნეცი, მესღიფნეცი, ღეზლოინეცი. ამათგან სხვებზე ადრე მოსულა უმარნეცი. ყველაზე ნაყოფიერი ადგილები დიკაჯა და დასახლებამდე ბოლომდე შეინარჩუნა კომპაქტურობა. როდესაც სოფელში ახალი ტეიპა — ნეცი მოდიოდა ის უმარნეცის უნდა მიეღო. ასე მიუღია მას ბაიკიშეცი (მჭედლების ნეცი) და სუნღურნეცი (მქსოველების ნეცი, რომელთა წინაპარი ქართველი ყოფილა). ეს ორივე ნეცი უმარნეცის წინაშე გარკვეულ ვალდებულებას ასრულებდა, ერთი მჭედლობას ეწეოდა, მეორე კი ქსოვდა.

აქვე უნდა აღვნიშნოთ, რომ ჩაჩნური ტეიპას სტრუქტურის კვლევა ჩვენს მიზანს სცილდება და მას არც ვეხები. ამ საკითხთან დაკავშირებით იხ. Е. Мамакаев, Чеченский тайп (род) и процесс его разложения, Грозный 1962; Р. Харадзе, А. Робакидзе, Характер сословных отношений в горной Ингушетии, Кавказский этнографический сборник, II, Тб., 1968, გვ. 127.

ზამთრება ხდებოდა, ხოლო მთა მისი ალპური საძოვრებია¹¹. ვაჟა-ფშაველას განმარტებით, „მთას ეძახიან თითოეულს ნაწილს, მის ფერდობზე ცალკე ადამიანის სათიბად მიზომილს სოფლისაგან“; ბარს უწოდებენ ფშავ-ხევსურეთს ქვემოთ მდებარე ქართლისა და კახეთის ადგილებს; ერთი სოფლის ფარგლებში კი „მთა-ბარ“-ში იგულისხმებოდა სოფლის სახანავი და სათიბი ადგილები, სასოფლო მამულები და სათიბები, რომლებიც ყოველ წელიწადს ნაწილდებოდა წილისყრით. აქედან გამომდინარე, მეურნეობის წარმოების ფორმაში — „მთაბარობა“-ში, რაც მტკიცედ არის დამკვიდრებული ქართველ მთიელთა მეტყველებაში, იგულისხმება ზაფხულობით მთაში, ხოლო ზამთრობით ბარში ყოფნა¹². ცნობილია, თუ რა დიდი მნიშვნელობა აქვს მიკუთვნებული მთისა და ბარის ეკონომიკურ ურთიერთობას ქვეყნის სოციალურ და პოლიტიკურ განვითარებაში და ამ ურთიერთობის განმტკიცებაში რა მნიშვნელობა აქვს მიკუთვნებული მესაქონლეობას¹³. გადაუჭარბებლად შეიძლება ითქვას, რომ სწორედ მესაქონლეობის მთა-ბარულმა ბუნებამ, მესაქონლეობისა და მიწათმოქმედების ორგანულმა კავშირმა უდიდესი როლი შეასრულა მთისა და ბარის ეკონომიკური კავშირის განმტკიცებაში. ეს იყო მთისა და ბარის მოსახლეობის დაახლოების, მათი ეთნიკური კონსოლიდაციის ეკონომიკური პირობა, რასაც თან სდევდა მნიშვნელოვანი სოციალური და პოლიტიკური გარდაქმნები.

მესაქონლეობის წარმოების აღნიშნულ ფორმას შორეულ წარსულში ეყრება საფუძველი. დადგენილია, რომ ამიერკავკასიაში და საერთოდ კავკასიაში ადამიანი უკვე ნეოლითის ხანაში გადადის წარმოებით მეურნეობაზე¹⁴, ადრეული ბრინჯაოს ხანაში კი ფეხს იკიდებს მიწათმოქმედებისა და მესაქონლეობის შერწყმული მეურნეობა¹⁵. III ათასწლეულის დასაწყისიდან მოყოლებული თითქმის მთელი ამიერკავკასია, გარდა მისი დასავლეთ ნაწილისა, ათვისებულია მტკვარ-არაქსის კულტურის მატარებელი ტომების მიერ. ისინი ისტენსიურად იყენებდნენ ყველა ზოლს — ბარის, მთისწინა და მთის ზონებს. შემდეგ კი ეს კულტურა ამიერკავკასიის ფარგლებს სცილდება, გადადის ჩრდილო კავკასიაში და მოიცავს დაღესტანსა და ჩაჩნეთ-ინგუშეთის გარკვეულ ოლქებს¹⁶. გამოთქმულია მოსაზრება, რომ ადრებრინჯაოს ხანაში მოსახლეობის მოძრაობა ბარიდან მთისაკენ, ბართან ერთად მთისწინა და მთის ზონების სამეურნეო მიზნით გამოყენება მესაქონლეობის წარმოების ახალი ფორმების ჩამოყალიბებით იყო გამოწვეული. ეს აზრი ეთნოგრაფიულ ლიტერატურაშიც არის გაზიარებული¹⁷. აქვე აღნიშნულია, რომ ადრებრინჯაოს ხანის მთისწინა დასა-

11 ი. კიკვიძე, მიწათმოქმედება და სამიწათმოქმედო კულტი ძველ საქართველოში, თბ., 1976, გვ. 69.

12 ვაჟა-ფშაველას მცირე ლექსიკონი, თბ., 1969, გვ. 54, 180.

13 ი. ჭავჭავაძის შვილი, საქართველოს ეკონომიკური ისტორია, 1, თბ., 1930, გვ. 317; ნ. ბერძენიშვილი, საქართველოს ისტორიის საკითხები, 1, თბ., 1964, გვ. 358; მისივე, საქართველოს ისტორიის საკითხები, VIII, თბ., 1975, გვ. 229—232.

14 ალ. კალანდაძე, ქვის ხანა საქართველოში, საქართველოს ისტორიის ნარკვევები, 1, თბ., 1970, 121; ი. ჭავჭავაძე, ქართველ ტომთა ეთნიკური ისტორიის საკითხისათვის, თბ., 1976, გვ. 35, 45.

15 ტ. ჩუბინიშვილი, ენეოლითური და ადრეული ბრინჯაოს კულტურა საქართველოში, საქართველოს ისტორიის ნარკვევები, 1, გვ. 144.

16 ი. ჭავჭავაძე, ქართველ ტომთა ეთნიკური ისტორიის..., გვ. 92, 163. დასახ. ნაშრომი, გვ. 289—291.

17 В. Шамладзе, Хозяйственно-культурные и социально-экономические проблемы скотоводства Грузии, Тб., 1979, გვ. 287.

ხლებებში მიწათმოქმედებისა და მესაქონლეობის სიმბიოზური განვითარება მოითხოვდა ახალი საძოვრების ათვისებას. ეს კი ხდებოდა ადგილობრივ ახოს ალებისა და მთის ზოლში ლაბავ//საბოსლოს ტიპის სამეურნეო ბაზების მოწყობის გზით. შემდგომში, მთისწინა მესაქონლეობისა და მიწათმოქმედების სიმბიოზური განვითარების პროცესში, როგორც ჩრდილო, ისე სამხრეთ კავკასიის ტერიტორიაზე, ეს ბაზები დასრულებულ სახესღებულს იღებენ¹⁸.

ძვ. წ. III ათასწლეულის მეორე ნახევარში და განსაკუთრებით II ათასწლეულის პირველ ნახევარში, თრიალეთის კულტურის მაკარებელ ტომებში, განვითარების ახალ საფეხურზე აღის მეთრენობის ძირითადი დარგები მიწათმოქმედება და მესაქონლეობა. მკვეთრად ვითარდება მეცხვარეობა, რასაც ხელს უწყობდა მთისწინა და მთის ზოლის ათვისება. ამ დროისათვის თრიალეთის მაღალმთიან პლატოზე მიკვლეულია დროებითი სეზონური სამოსახლოები, ხოლო ზამთრის საძოვრებად გამოყენებული ჩანს ქვემო ქართლის ვაკე¹⁹. რაც შეეხება ჩრდილო კავკასიას, დადგენილია, რომ ძვ. წ. II ათასწლეულში ვითარდება „საიალალო“ ტიპის მესაქონლეობა, ზაფხულობით საქონელი მიჰყავდათ მაღალმთიან ალპურ იალალებზე, სადაც დროებით სადგომებს „Яйлар“-ებს აწყობდნენ, ზამთრობით კი საქონლის დიდი ნაწილი ზღვისპირა ველებზე ჩაჰყავდათ, სადაც „КОШ“-ი და „КУТАН“-ები ჰქონდათ მოწყობილი. საქონელს მთისა და ბარის საძოვრებზე დაჰყვებოდა მამაკაცების ის რაოდენობა, რაც მათი მოვლა-პატრონობისთვის იყო საჭირო. მესაქონლეობა ამ პერიოდშიც ერწყმოდა მიწათმოქმედების განვითარებას²⁰. ეს არქეოლოგიური მონაცემები ყურადღებას იქცევენ პარალელური სამეურნეო ბაზების ტრადიციული გამოყენების პრინციპებთან დაკავშირებით. ცხადი ხდება, რომ მესაქონლეობის ის ფორმები, რომლებიც ეთნოგრაფიული კვლევის საგანია, კავკასიის მოსახლეობაში შორეულ წარსულში ისახება და ჩვენამდე სავსებით ჩამოყალიბებული სისტემის სახით აღწევს. ეთნოგრაფიული მასალისა და სპეციალური ლიტერატურული მონაცემების მიხედვით, ტერმინი КУТАН²¹, КЛОТ А²² ნიშნავს ხუტორს, ახალშენს (выселок), პარალელურ სამეურნეო ბაზას, მესაქონლეობის ხუტორული ტიპის დროებით დასახლებას, ე. ი. ბაზას რომელიც ახალი დასახლებული ერთეულის ჩამოყალიბების საფუძველს ქმნიდა.

შენიშნულია, რომ ინგუშეთში სათიბები, რომლებიც ხეობის სამხრეთ ფერდობებზე იყენენ განლაგებული, საგაზაფხულო-სამეშობდრო და ზამთრის საძოვრებად გამოიყენებოდა. აქ აწყობდნენ „ზამთრის კუტანებს“ და საქონელს ადგილზე დამარაგებულ თევით კვებავდნენ²³. ინგუშეთის ეთნოგრაფიული მასალა ნათლად უჩვენებს ახალი დასახლებული ერთეულის, სოფლის და უფრო მეტიც, სასოფლო ტერიტორიული ერთეულის — თემის ჩამოყალიბების პრო-

¹⁸ В. Шамиладзе, დასახ. ნაშრომი, გვ. 289—291.

¹⁹ თ. ჯაფარიძე, შუაბრინჯაოს ხანა საქართველოში, საქართველოს ისტორიის ნარკვევები, 1, გვ. 201, 223.

²⁰ В. Марковин, Культура племён Северного Кавказа в эпоху бронзы (II тыс. до н. э.), М., 1960, გვ. 133.

²¹ В. Христианович, Горная Ингушья, Р/Д, 1928, გვ. 36.

²² А. Робакидзе, Жилища и поселение горных ингушей, КЭС, II, Т6, 1968, გვ. 89; Чеченско-русский словарь, М., 1961, გვ. 265.

²³ В. Христианович, დასახ. ნაშრომი, გვ. 36.

ცეს, რაც პარალელური სამეურნეო ბაზების მოწყობით იწყებოდა. რაც შეეხება ჩაჩნეთს, მასთან დაკავშირებით მოვიყვანთ რამოდენიმე კონკრეტულ მაგალითს.

ჭენთო-არღუნის ხეობის ზედა წელში (სოვეტსკოეს რაიონი) მთებზე იყო ისეთი ადგილები, საიდანაც თივის სოფელში გადმოტანა ძნელდებოდა. ამიტომ იქვე სათიბებში ან მათთან ახლოს აგებდნენ სამეურნეო ბაზებს კიბტარებს სადაც მარაგდებოდა თივა და იყოლიებდნენ საქონელს. ზაფხულობით ცხვარი და მსხვილფეხა საქონელი მთას ზედა ფერდობებზე მიუდიოდათ, შემოდგომაზე კი დაბლა ჩამოჰყავდათ თავიანთ ბაზებზე და იქვე იზამთრებდნენ. ამ შემთხვევაში ჩვენ მხედველობაში არ გვაქვს ცხვრის დიდი ფარების მოძრაობის ფარგლები. ამდენად, ცხვრისა და საქონლის გარკვეული ნაწილი მთელი წლის განმავლობაში გასული იყო სოფლიდან და სამეურნეო ბაზებზე დაბნავებულთ. ის ერთი მთის ზოლში განლაგებული მთისა და ბარის, საზაფხულო და საზამთრო ბაზებს — კიბტარებს შორის მოძრაობდა. ერთ-ერთი მთხრობელის გადმოცემით, კიბტარებთან აწყობდნენ მცირეოდენ სახნავ ფართობებს და ზამთარ-ზაფხულ იქ ცხოვრობდნენ. იქ, სადაც ესლა სოფელი დუბი-ოულია ადრე სამეურნეო ბაზები კიბტარები ყოფილა, შემდეგ დუბის სახლი აუგია, ადგილი მუდმივ საცხოვრებლად უქცევია და სოფელსაც მისი სახელი დაქმნევია. ასევე სოფლად ქცეულა ჭენთოი ლამზე „ხუტორ იტკლუშკა“, სადაც პირველად ითის აუგია სამეურნეო ბაზა, იქვე კარტოფილს თესდა და მესაქონლეობას ეწეოდა, ხოლო ითის შვილს დროებითი სადგომი მუდმივ საცხოვრებლად უქცევია.

ვედნოს რაიონის მაღალმთიან სოფლებში, ჭაბერალოს თემში ცხვარი და მსხვილფეხა საქონელი ძირითადად გაყვანილი ჰყავდათ სოფლიდან და მთელი წლის განმავლობაში სოფელთან ახლოს მდებარე მთის სხვადასხვა სიმაღლეზე მდებარე კოტარებს შორის მოძრაობდა. ცხადია, ამ შემთხვევაშიც მხედველობაში არ გვაქვს ცხვრის დიდი ფარების მოძრაობის ფარგლები. იყო ისეთი შემთხვევებიც, როდესაც სამეურნეო ბაზებთან აწყობდნენ მცირეოდენ სახნავ ფართობებს და ასეთი ოჯახების წევრთა გარკვეული ნაწილი იქ ატარებდა მთელ წელიწადს. კოტარები თანდათანობით, იქ მეურნეობის გაფართოებასთან ერთად, მუდმივ საცხოვრებლად იქცეოდა და სოფლად ყალიბდებოდა. მთხრობლები მეურნეობის წარმოების ასეთ ფორმას უწოდებენ „ხუტორულს“.

ტერმინი „ხუტორული ფორმა“ ასეთივე მნიშვნელობით გვხვდება ჩრდილო კავკასიის სხვა ხალხებშიც. მაგალითად, დაღესტანში ხუტორი განმარტებულია როგორც „особобленная от поселения опорная база с локальным самостоятельным хозяйством, преимущественно животноводческим, с различными постройками, в том числе для проживания“²⁴. მათი მოწყობის მთავარ პირობად აქ მიჩნეულია მეურნეობის მისწრაფება გამოენახათ მესაქონლეობის წარმოების ოპტიმალური სისტემა — გამოეზამთრებიათ რაც შეიძლება მეტი საქონელი. შეემცირებიათ გადასაზიდი საკვების რაოდენობა, მიეახლოებიათ საქონელი საძოვრებისათვის და მათთვის ბინა დაედოთ იქ, სადაც უფრო მოსახერხებელი იქნებოდა საკვების მომარაგება, გა-

²⁴ М. З. Османов, Формы традиционного скотоводства народов Дагестана в XIX — начале XX века, Автореферат докторской диссертации, М., 1985, с. 27.

მოზამთრება და ძირითადი სამიწათმოქმედო სამუშაოების წარმოება. ამასთან, გამოყოფილია ხუტორების სამი ქვესახეობა: 1. выгонный, 2. пастбищный და 3. являжный. პირველი არის მსხვილფეხა საქონლის სამეურნეო ბაზა სახნავი და სათიბი ფართობების ზონაში, რომელსაც დროთა განმავლობაში სოფლად ჩამოყალიბების ტენდენცია ექმნებოდა; მეორე — ცხვრის საზამთრო ფარეხებს მიეკუთვნება, ხოლო მესამე — სხვაფერო იალაღების დაბალ იარუსებზე მდებარე სამეურნეო ბაზაა სადაც რძის პროდუქტები მზადდებოდა²⁵. ჩვენთვის აქ განსაკუთრებულ ყურადღებას იქცევს ის გარემოება, რომ პარალელური სამეურნეო ბაზა, „ხუტორი“, საცხოვრებელ ნაგებობათა კომპლექსის ერთ-ერთი კომპონენტი, რომლებშიც მიწათმოქმედებისა და მესაქონლეობის სამეურნეო დარგები კომპლექსურად იყო წარმოდგენილი, თანდათანობით დამოუკიდებელ ერთეულად გამოყოფის ტენდენციას აჩენს და ახალი დასახლებული ერთეულის, სოფლის ჩამოყალიბების საფუძველი ხდება.

იმ ლოკალური თავისებურებების განსაზღვრაში, რაც კავკასიის მეორე კუთხისთვის, ბალყარეთისთვის იყო დამახასიათებელი, განსაკუთრებული მნიშვნელობა აქვს მიკუფენებული პარალელურ სამეურნეო ბაზას ბ ა უ-ს. ეს ბაზები ძირითადად იმართებოდა საცხოვრებლის მოშორებით სამეურნეო ფართობებზე და საქონლის სოფელში ყოფნას მთელი წლის მანძილზე გამორიცხავდა, ყოველი ოჯახი შინ იტოვებდა თითო-ორილა ძროხას. საქონელი ფაქტობრივად წელიწადში ორჯერ იცვლიდა ადვილს, გაზაფხულზე, მაისის ბოლოდან სექტემბრამდე მალაღმთიან საძოვრებზე იყო, დანარჩენ დროს კი დაბალ ზოლში ატარებდა. ორივე ამ სიმაღლის ზონაში გამართული ჰქონდათ მკვიდრად ნაგები სადგომები — ბაუ, რომლებიც მხოლოდ მესაქონლეობის ინტერესებთან იყვნენ დაკავშირებული. მესაქონლეობის ამ ფორმას, რომელმაც გარკვეული გავლენა იქონია როგორც დასახლების, ისე საცხოვრებელ ნაგებობათა ფორმირების საქმეში²⁶, „ხუტორული მეურნეობა“ უწოდეს²⁷.

ამგვარად, ზემოთ მოტანილი მონაცემები ჩანს ური მასალის ანალოგიურია, ამა თუ იმ კუთხისათვის დამახასიათებელი ლოკალური თავისებურებების მიუხედავად, მეურნეობის წარმოების ერთიან სისტემასთან გვაქვს საქმე. როგორც უკვე გვქონდა აღნიშნული, ჩანს მთელი მესაქონლეობის სისტემაში მნიშვნელოვან როლს ასრულებდა პარალელური სამეურნეო ბაზები კოტარ-ები. ცალკეულ შემთხვევებში იქვე, მცირეოდენ სახნავ ფართობებზე მოჰყავდათ ქერი და კარტოფილი. საქონელი წლის განმავლობაში, ვერტიკალურ ზონალობაში სხვადასხვა დონეზე განლაგებულ სამეურნეო ბაზებს შორის მოძრაობდა. რამდენადაც ოჯახი ეწეოდა ორხელ მეურნეობას — სოფელში და პარალელურ სამეურნეო ბაზებზე, მისი შემადგენლობა ამ ორ პუნქტზე იყო განაწილებული. მთხრობლები კოტარ-ებს სამეურნეო დასახლებად მიიჩნევენ,

²⁵ М.-З. Османов, Формы традиционного скотоводства... გვ. 27; Его же, Формы скотоводства даргинцев во второй половине XIX — начале XX вв. Хозяйство, материальная культура и быт народов Дагестана в XIX—XX вв., Махачкала, 1977, გვ. 34; С. Асятилов, Социалистические преобразования в хозяйстве аварцев, Автореферат кандидатской диссертации, Махачкала, 1966, გვ. 9.

²⁶ აღ. რობაქიძე, დასახლების ფორმა ბალყარეთში, კავკასიის ეთნოგრაფიული კრებული, 1, თბ., 1964, გვ. 35.

²⁷ Н. Грабовский, Экономическое положение бывших зависимых сословий Кабардинского округа, ССКГ, Тифл., 1870, გვ. 4.



ხოლო მეურნეობის წარმოების ამ ფორმას — ხუტორულად, რამდენადაც შეიძლებოდა ისინი დამოუკიდებელ დასახლებულ ერთეულებად, ხუტორებად ქვეუიყვნენ.

საკითხი დგება მთიელთა მიგრაციაზე მთისწინა და ბარის რაიონებში, რასაც ადგილი ჰქონდა არა მარტო ჩაჩნეთში, არამედ საქართველოშიც და საერთოდ, ჩრდილო კავკასიის ყველა კუთხეში. ამ პროცესის განმსაზღვრელ ფაქტორად შეიძლება მივიჩნიოთ სამეურნეო ყოფის თავისებურებები და პირველ რიგში მესაქონლეობის წარმოების ფორმები. როგორც უკვე აღვნიშნეთ, პირველი ჩაჩნური დასახლებები ბარში XIV ს-ის დასასრულს ჩნდება. ეს დაკავშირებული იყო ოჭროს ურდოს დასუსტებასთან; შემდგომში, XVI ს-ის მეორე ნახევარსა და XIX ს-ში, რაც განაპირობა სსსაქონლო ურთიერთობის განვითარებამ, კავკასიაში კაპიტალისტური ურთიერთობის შემოჭრამ. ყოველივე ამან ბიძგი მისცა ქვეყნის ეკონომიკის შემდგომ აღმავლობას²⁸. ამგვარად, XIV ს-ის ბოლო პერიოდი შეიძლება მივიჩნიოთ ჩაჩნეთში მეურნეობისა და კერძოდ, მესაქონლეობის განვითარების ახალ ეტაპად, რამდენადაც საფუძველი ეყრება მთისა და ბარის ეკონომიკური მთლიანობის აღდგენას, რაც მესაქონლეობის და პირველ რიგში, მეცხვარეობის განვითარებისთვის აუცილებელი პირობა იყო. მთიელთა ექსპანსიაც ბარის რაიონებისაკენ დიდი მესაქონლეობის ხელმძღვანელობით ხდებოდა და მეურნეობის ეს დარგიც მთაში, ტრადიციისამებრ დიდხანს ინარჩუნებდა წამყვან მნიშვნელობას, შემდეგ კი ბარად მესაქონლეობა თანდათანობით უთმობს პირველობას მიწათმოქმედებას.

მიგრაციის პროცესთან დაკავშირებით, ჩაჩნეთში ახალი ფართობების ათვისება ახოს ი რ ზ უ-ს აღების გზით ხდებოდა. სპეციალურ ლიტერატურაში აღნიშნულია, რომ ჩაჩნეთში ტყე ბევრი იყო და ადგილობრივი მცხოვრებნი სათანადოდ ვერ აფასებდნენ ამ სიმდიდრეს. ყველას ახალ ადგილზე მისულს შეეძლო გაეჩნება ტყის გარკვეული მონაკვეთი და მოეწყო საცხოვრებელი და სამეურნეო ფართობები. ასეთი შრომით მოპოვებული მიწა უკვე ამ ოჯახის კერძო საკუთრება ხდებოდა²⁹. მათი მთიდან ბარისაკენ მიგრაციის მიზეზებად კი მიჩნეულია როგორც სამეურნეო, ისე პოლიტიკური ფაქტორები: მთაში მიწების არასაკმარისი რაოდენობა, რაც მოსახლეობის მატებასთან ერთად საგრძნობი ხდებოდა; მიწასთან დაკავშირებული დავა და უთანხმოებები, და საქართველოს მხრიდან გარკვეული უფლებების მოთხოვნა მთიელებს მძიმე მდგომარეობაში აყენებდა³⁰. იკერიელები და შატოელები ისე გამარჯვდნენ, რომ აღარ შეეძლოთ თავიანთი ცხვარი და საქონელი მთაში გამოეკვებათ, მაშინ როდესაც ბარის გაშლილი ველები მეტად მოხერხებული იყო მესაქონლეობისათვის. ამასთან, მომრავლებული გვარები ცდილობდნენ ბარად ეშოვნათ მიწის ნაკვეთები. პირველ ხანებში ისინი ბარად მცირე ხუტორებად ესახლებოდნენ ცხვრისა და საქონლის გამოკვების მიზნით, მაგრამ მთაში თავიანთ მიწებზე მთლიანად არ აუღიათ ხელი. მალე ისინი თავისუფლდებიან რა მემამულეთა ვალდებულებებისგან, თანდათანობით იკავებენ დიდი და მცირე ჩაჩნეთის მთელ ბარს მდ. სუნჯის ნაპირებამდე, იწყებენ დიდი აულების მშენებლობას.

²⁸ ე. ბ. ო ჩ ა შ ვ ი ლ ი, სოციალურ-ეკონომიკური ურთიერთობა ჩაჩნეთ-ინგუშეთში XVIII ს. ბოლოს და XIX ს. პირველ ნახევარში, თბ., 1975, გვ. 30 (საკანდიდატო დისერტაცია, ხელნაწერი).

²⁹ Чечня, Газ. «Кавказ», 1851, № 96.

³⁰ У. Лаудаев, Чеченское племя... გვ. 12.

მათგან ყველაზე ძველად მიჩნეულია ჩეჩენ-აული, რომლისგანაც მიიღო ხალხმა სახელწოდება ჩეჩენი³¹.

მთხრობელთა გადმოცემით, როდესაც ვედნოს რაიონის სოფ. ერსინოში დღევანდელი მოსახლეობა მოვიდა მთელი მისი ტერიტორია ტყით იყო დაფარული. ახალმოსახლეებს სახნავები იმდენი აღმოაჩნდათ, რისი გაჩეხვა და მოსუფთავებაც შეძლეს. შემდგომშიც ასე იყო, კაცი რომ ოჯახს გამოეყოფოდა მას უფლება ეძლეოდა ტყე გაეჩეხა და თავისთვის სამეურნეო ფართობები შეექმნა. თივა მხოლოდ ყანის პირებში ითიბებოდა, მთაზე ე რ ს ი ნ ი ო ი ლ ა მ კი მხოლოდ ზაფხულობით მიჰყავდათ ცხვარი და მშრალი საქონელი. ცხვარი აქ ცოტა ჰყავდათ, უფრო მეტად ამრავლებდნენ თხას, რომელიც ზამთარ-ზაფხულ ტყეებში იყო გაშვებული. სოფ. დიდი ვარანტის მოსახლეობის მეტა წილი მთის სოფლებიდან — ჭაბერლოიდან, ხილდიხაროიდან, ხაჩაროიდან, ხულუნდოიდან და სხვა ხეობებიდან არის ჩამოსული. ამა თუ იმ ჯგუფის სახელწოდებაც — ჭაბერლოი ტეიპა, ხილდიხაროი ტეიპა, ხაჩაროი ტეიპა და ა. შ. იმ ადგილზე მიუთითებს საიდანაც არიან მოსულები. ახალმოსახლეს სოფელი სოფლის განაპირას ტყის გაჩეხვისა და სამეურნეო ფართობების მოწყობის უფლებას აძლევდა. ამდენად, სოფლის ძველი მოსახლეობა, ძველი ტეიპები — ი უ რ თ ხ ო ი გამოიყოფოდნენ შემდგომ მოსული ტეიპებისაგან — კ ე ბ ი ა ხ ქ ი ნ ა შ. მოსახლეობის გარკვეული ნაწილი აქ ჩამოსულა მთის სოფელ სოუტიედან, რომელიც დიდი ვარანტიდან დაახ. 20 კმ-ით იქნება დაშორებული. საყურადღებო ისაა, რომ სოუტიელებს დაბლა ჩამონაცვლების შემდეგაც არ მიუტოვებიათ მთის სოფელი, თავიანთი სახლები სამეურნეო ბაზებად აქციეს და მის ფართობებს სათიბ-საძოვრებად იყენებდნენ.

საკვიალურ ლიტერატურაში მოტანილია გადმოცემა იმის შესახებ, რომ ჩერმოელების გვარი, რომელიც ხევსურული წარმოშობის ყოფილა, სოფ. მისტიდან გამოსულა და აულ ნაშეხაში დაესახლა. ერთ-ერთმა მათგანმა, რომელმაც მშობლები დაკარგა, გადაწყვიტა დაეტოვებია ეს სოფელი. ახალი ადგილის ძებნისას ის პირველი მივიდა მთაზე, რომელსაც შემდგომ ეწოდა ჩ ე რ მ ო ი ლ ა მ, ე. ი. ჩერმოელების გვარის მთა. მალე მას შეუერთდნენ სხვა თანამოგვარეებიც და ასე გაჩნდა იჩკერიაში სოფელი ჩერმო³². ჩვენ მიერ ჩაწერილი გადმოცემის მიხედვით, ითუმყალეს მხარეს მდებარე ერთ-ერთი ხეობიდან წამოსულან მონადირეები, ასულან ჩერმოილაშვე, მოსწონებათ მისი ვარემო და დასახლებულან. ეს მთა ვრცელი, სწორი, მზიანი ადგილია, აქვს შესანიშნავი საძოვრები თავისი დასაზამთრებელი ადგილებით და მისი მცენარეული მალაქპროდუქტიულობით გამოირჩევა. მოსახლეობა ძირითადად მსხვილფეხა მესაქონლეობას მისდევდა. მეურნეობის ეს დარგი ჩერმოილაშვე შიდაალპურ ხასიათს ატარებდა, მისი მოქმედების რადიუსი მალაქშითან ზოლში მდებარე ერთი სოფლის საზღვრებში მოქცეული სამეურნეო ფართობებით შემოსაზღვრებოდა³³. რაც შეეხება მიწათმოქმედებას, მცირეოდენ სახნავ ფართობებზე ქერსა და კარტოფილს თუ დათესავდნენ.

³¹ იქვე, გვ. 19.

³² У. Лаудаев, დასახ. ნაშრომი, გვ. 40.

³³ მესაქონლეობის ფორმებთან, კერძოდ ალპურთან და მთა-ბარულთან დაკავშირებით იხ. В. Шамиладзе, Хозяйственно-культурные и социально-экономические проблемы скотоводства Грузии, Тб., 1979, გვ. 86, 142; მისივე, საქართველოს ისტორიულ-ეთნოგრაფიული ატლასი, თბ., 1986, გვ. 100, 109.

XIX ს-ის პირველ ნახევარში ჩერმოელები იწყებენ სამოსახლოდ ახალი ადგილების ძებნას და ინაცვლებენ შედარებით დაბალ ზოლში, რაიონულ ცენტრ ვედენოს გასწვრივ, ადგილზე რომელიც მანამდე ტყით იყო დაფარული და არსებენ სოფ. მახკეტის, რაც ჩაჩნურად ახალ ადგილს ნიშნავს. აქ ისინი ჩეხავენ ტყეს, რის შედეგადაც ქმნიან საცხოვრებელ და სამეურნეო ფართობებს. ეს მოხდა 1830-იან წლებში. ამ დროს აღნიშნულ ზოლში უკვე არსებობდნენ სოფლები: ქირაეიურთ, ელისტანჯი, ხათუნი, ვედენო, ხარაჩო და სხვა. ჩერმოელების მახკეტიში დასახლებას წინააღმდეგობა გაუწიეს სადოეებმა, რომლებიც მახკეტიდან დაახ. 200—300 მეტრზე ცხოვრობდნენ, მდინარის მეორე მხარეს მდებარე ერთ-ერთ ბორცვზე სადოიკორტ-ზე. ეს ბრძოლა ჩერმოელების სასარგებლოდ დამთავრდა და სადოეები არგიშტში გადასახლდნენ (მახკეტიდან 7 კმ-ის დაშორებით). ჩერმოელები ამის შემდეგაც იბრძვიან თავიანთი ტერიტორიის გასაფართოებლად მეზობელი სოფლების ხარჯზე. საბოლოოდ მახკეტი, გარკვეულ საზღვრებში, მტკიცდება ჩერმოელების უფლებებში³⁴.

მახკეტი გარდამავალ ზოლშია მოქცეული, აქ დაკვიდრებული მოსახლეობა ადვილად უკავშირდებოდა, ერთი მხრივ, ჩერმოილამს, თავიანთ ყოფილ საცხოვრისს, რომელიც უკვე, როგორც ჩვეულებრივ ხდებოდა, მთის საზაფხულო საძოვრების ფუნქციას ასრულებდა, ხოლო ბინები პარალელურ სამეურნეო ბაზებზე იქცა; ხოლო, მეორე მხრივ, ჩაჩნეთის ბარის რაიონებს. აქვე იყო ვედენოც, მთავარი სავაჭრო ცენტრი, ჩაჩნეთის მთისა და ბარის ურთიერთობის ერთ-ერთი მარეგულირებელი რგოლი. მახკეტი უმოკლესი კომუნიკაციებით, ვედენოს გვერდის ავლითაც უკავშირდებოდა ბარის რაიონებს. პერიოდულად, კვირაობით აქაც იმართებოდა ბაზრობა, მთიელებს გასაყიდად ჩამოჰყავდათ საქონელი, მოჰქონდათ რძის პროდუქტები, ბარელებს კი ამოჰქონდათ სიმინდი, ხახვი, ნიორი, კიტრი და სხვა. მახკეტის მოსახლეობა ფართო მასშტაბით აწარმოებდა მიწათმოქმედებას, თესდნენ სიმინდს, ხორბალს, კარტოფილს; მნიშვნელოვნად ვითარდებოდა მესაქონლეობა, განსაკუთრებით კი მეცხვარეობა, იყვნენ ოჯახები რომელთაც 1000 სული ცხვარიც კი ყავდათ. საფხულოებით მოსახლეობის გარკვეული ნაწილი თავიანთი ცხვრითა და მსხვილფეხა საქონლით კვლავ უბრუნდებოდნენ ჩერმოილამზე თავიანთ ბინებს, აქ ისინი ამზადებდნენ რძის პროდუქტებს, თიბავდნენ, თესდნენ მცირეოდენ კარტოფილს და საქონლის გარკვეულ ნაწილსაც იქვე აზამთრებდნენ. ნაწილი საქონლისა შემოდგომამდე მახკეტიში ჩამოჰყავდათ, ხოლო ცხვრის დიდი ფარები თერგისპირებისაკენ მიემართებოდნენ.

ამგვარად, მოსახლეობის მიგრაცია მთიდან მთისწინა და ბარის რაიონებში პირველ რიგში, მესაქონლეობის განვითარების ინტერესებით იყო განპირობებული. მოსახლეობის ექსპანსიას დიდი მესაქონლეები მეთაურობდნენ და გარკვეულ პერიოდში მეურნეობის ეს დარგი ბარადაც ინარჩუნებდა უპირატესობას. მთიანი და მაღალმთიანი ზონები მოსახლეობისაგან მთლიანად დაიკალა ან მისი მოსახლეობა მნიშვნელოვნად შემცირდა, მაგრამ ამ ზოლის სამეურნეო ფართობები კვლავ გამოიყენებოდა საზაფხულო საძოვრებად. ცხადია, ყოველივე ამას არ შეიძლებოდა უარყოფითად არ ემოქმედა მთაში მიწათმოქმედ-

³⁴ ამის შესახებ შამილის მიერ შედგენილი საბუთი არაბულ ენაზე, 1840 წლით დათარიღებული, რომელიც მახკეტის საშუალო სკოლაში ინახება.

ბის განვითარებაზე, რასაც ისედაც მცირე მასშტაბები ჰქონდა. კავკასიის ომის დამთავრებამ და კაპიტალისტური ურთიერთობის განვითარებამ ძლიერი ზიანი მისცა ჩრდილო კავკასიის ბარის რაიონებში მიწათმოქმედების აღმავლობას. ყუბანსა და თერგზე რუსეთის სამხრეთ რაიონებიდან გადმოსულმა მოსახლეობამ თან მოიტანეს ახალი სამეურნეო იარაღები, სასოფლო სამეურნეო კულტურები, ათვისეს მიწათმოქმედების ახალი მეთოდები. კავკასია ერთგვან რუსეთთან სავაჭრო ურთიერთობაში. მიიღებმა მიატოვეს ტერასული მეურნეობა, რომელიც დიდ შრომას მოითხოვდა და დაიწვეს მარცვლეულის შექმნა ბარის რაიონებში. მათ ძირითად საქმიანობად იქცა მესაქონლეობის განვითარება, რის პროდუქციაზე ბაზარზე დიდი მოთხოვნილება იყო³⁵.

მთელი მესაქონლეების სამეურნეო ბაზები საკმაოდ ვრცელ ტერიტორიაზე იყო გაშლილი — მაღალმთიანი ალპური იალაღებიდან ბარის სახამთრო საძოვრებამდე. ასეთ ვითარებაში ჩამოყალიბდა მესაქონლეობის წარმოების მთაბარული ფორმა, რომელიც ითვალისწინებდა საქონლის მოძრაობას ვერტიკალური ზონალობის კრილში და მთისა და ბარის საძოვრების თანმიმდევრულ ათვისებას როგორც ერთი ხეობის ფარგლებში, ისე უფრო ფართო მასშტაბებითაც³⁶.

მთაბარული მესაქონლეობის სისტემაში მნაშენელოვანი ადგილი ეჭირა პარალელურ სამეურნეო ბაზებს, რომლებიც, ძირითადად, სახნავ და სათიბ ფართობებში იყო მოწყობილი. სოფელს, მთისა და ბარის სამეურნეო კომპლექსებს შორის იქმნებოდა საქონლის გადაადგილების ვერტიკალურ-ჰონალური სისტემა, რომელიც სავსებით პასუხობდა მთაბარულ სამეურნეო კომპლექსებსა და მათთან დაკავშირებულ მეურნეობის ფორმებს. მეურნეობის მარეგულირებელი ცენტრი იყო ძირითადი საცხოვრებელი ადგილი. სიმაღლის ყველა ზონაში ოჯახი სიმბიოზურად აწარმოებდა მეურნეობის ორივე დარგს. ამასთან დაკავშირებით, მთისა და ბარის სამეურნეო ბაზები შეიძლება განვიხილოთ როგორც ერთ მთლიან საცხოვრებელ კომპლექსში შემავალი ერთეული. ამავე დროს, ეს ბაზები ქმნიდნენ ახალი დასახლებული ერთეულის ჩამოყალიბების საფუძველს.

როგორც უკვე აღვნიშნეთ, ჩანეთ-ინგუშეთში ტერმინი კოტარ აღნიშნავს ხუტორს, პარალელურ სამეურნეო ბაზას, განსახლებას, მესაქონლეების ხუტორული ტიპის დროებით დასახლებას, რომელიც დროთა განმავლობაში სოფლად ყალიბდებოდა. ტერმინი კოტარ ფართოდ არის გავრცელებული მსოფლიოს სხვა ხალხებშიც, კერძოდ სლავებში. ის აღნიშნავს სოფელს, დროებით დასახლებას, მიწის ნაკვეთს, სათემო საძოვარს და ა. შ. საყურადღებოა, რომ ეს ტერმინი, ისევე როგორც ქართლში³⁷ დაკავშირებულია მიწათმფლობელობის ფორმებთან. ნ. მარი მასში ხედავს სკვითური წარმოშობის ზოგადკავკასიურ ტერმინს და ქართულ საკუთარ-თან კავშირში განიხილავს³⁸. ამ ტერმინს დიდი მნიშვნელობა ენიჭება იმდენად, რამდენადაც ახოს ადებისა და სამეურნეო ბაზების მოწყობის ორგანიზაცია, მასთან დაკავშირებული შრომა მიწის მისაკუთრების საფუძველს ქმნიდა, იყო ამ პროცესის საწყისი ეტაპი³⁹.

³⁵Б. Калоев, Земледелие народов Северного Кавказа, М., 1981, გვ. 32.

³⁶В. Шамиладзе, Хозяйственно-культурные и социально-экономические проблемы скотоводства Грузии, Тб., 1969, გვ. 142; მისივე, მესაქონლეობა საქართველოში, „საქართველოს ისტორიულ-ეთნოგრაფიული ატლასი“, თბ., 1986, გვ. 109.



ვეიქრობთ, ჩაჩნური კოტარ როგორც ტერმინოლოგიურად, ისე სამეურნეო დანიშნულებით, დაკავშირებულია ოსურ *уагтаер*-თან, რომელიც ქმნიდა *наехстаер//дыуагэран* ფორმის მეურნეობას. ის ასევეა დაკავშირებული ბალყარულ ბაუ-სთან, რომელიც სვანურ ლაბავე//ბაუ-ს ანალოგიურადაა მიჩნეული⁴⁰. სვანური ლაბავეები ქმნიდნენ მეურნეობის წარმოების გარკვეულ ფორმას, რომლის აღმნიშვნელადაც ჩვენ ფიქსირებული გვაქვს ტერმინი *ლიცადუნალ* და რომელიც მთიულურ ორხელაობას ან იმერულ ორგანობას შეესატყვისება. ჩაჩნეთის რიგი კონკრეტული მაგალითები თუშურ სოფელ-ბოსლობის ფორმის მეურნეობის ანალოგიურია⁴¹. ეთნოგრაფიული მასალა საშუალებას გვაძლევს იმისათვის, რომ მეურნეობის წარმოების ფორმები როგორცაა „ხეტორული მეურნეობა“ (ჩაჩნეთში, ბალყარეთში, დაღესტანში), ნეხსტერ//დიუარან (ოსეთში), ქართული ლიცადუნალ (სვანეთში), ორხელაობა (მთიულეთში), ორგანობა (იმერეთში), ორკომობა (ქსნის ხეობაში) ერთ ჯგუფში გავაერთიანოთ, როგორც მთა-ბარუსი მეურნეობის შემადგენელი ნაწილი.

Б. В. ГАМКРЕЛИДЗЕ

СКОТОВОДЧЕСКОЕ ХОЗЯЙСТВО ЧЕЧНИ И ВОПРОСЫ МИГРАЦИИ ГОРЦЕВ

Резюме

1. Чечено-Ингушская АССР расположена в юго-восточной части Северного Кавказа, занимает северные склоны Кавказского хребта и южную часть Терско-Кумской низменности. До XV—XVI вв. чеченцы жили в основном в горах. Основными отраслями хозяйства в горной части Чечено-Ингушетии были земледелие и скотоводство с преимуществом последнего. Обе отрасли хозяйства были прочно связаны друг с другом, обуславливали взаимные успехи.

2. Хозяйственные ресурсы скотоводства горцев были разбросаны на обширной территории, начиная с высокогорных альпийских и кончая зимними равнинными пастбищами. Отсюда получаем полную сформированную систему вертикальной зональности и горно-равнинного скотоводства, которая предусматривала последовательное

37 ამ ტერმინთან დაკავშირებით იხ. რ. ხარაძე, აღ. რობაქიძე, სვანეთის სოფელი ძველად, თბ., 1964, გვ. 39; А. Робакидзе, Жилища и поселения горных ингушей, Кавказский этнографический сборник, II, Тб., 1968, გვ. 93; Б. Гамкредидзе, Система скотоводства в горной Осетии, Кавказский этнографический сборник, V, Тб., 1980, 47; მისივე, ცენტრალური კავკასიის მთიელთა ალპური მესაქონლეობა, თბ., 1982, გვ. 128.

38 Н. Марр, Избранные, т. II, М.-Л., 1934, გვ. 190.

39 А. Робакидзе, Жилища и поселения горных ингушей, გვ. 89.

40 რ. ხარაძე, აღ. რობაქიძე, სვანეთის სოფელი ძველად... გვ. 37.

41 Б. Гамкредидзе, Из истории скотоводства в Ингушетии. Кавказский этнографический сборник, II, Тб., 1968, გვ. 237; მისივე, Система скотоводства в горной Осетии..., გვ. 7; მისივე, სამეურნეო ყოფის ისტორიიდან მთიულეთში, კავკასიის ეთნოგრაფიული კრებული, III, თბ., 1971, 43; მისივე, ცენტრალური კავკასიის მთიელთა ალპური მესაქონლეობა, გვ. 41 და შემდეგ.

освоение хозяйственных ресурсов гор и равнин как в рамках одного ущелья, так и в более широких масштабах.

3. Термин кутан/киотар обозначает хутор, выселок, параллельную хозяйственную базу, которая закладывала основу для выселок и формирования новых населенных пунктов. Поскольку семья одновременно вела хозяйство как в селе, так и на временных хозяйственных базах, состав семьи был распределен между этими двумя пунктами. Сказители киотары считают хозяйственными поселениями, а указанную форму хозяйства хуторским, которая в свою очередь стимулировала процесс возникновения независимых пунктов.

4. Определяющим фактором процесса миграции горцев в предгорных и равнинных районах можно считать особенности хозяйственного быта горцев и, в первую очередь, формы ведения скотоводства. Первые чеченские поселения на плоскости были основаны к концу XIV в., но массовый характер они принимают только со второй половины XVIII в. и в XIX в. Таким образом, конец XIV в. можно считать одним из значительных этапов развития скотоводства среди чеченцев, поскольку с этого периода закладывается новая основа экономического единства гор и равнин, что было обязательным условием для дальнейшего развития скотоводческого хозяйства, особенно овцеводства.

B. B. GAMKRELIDZE

HERDING AMONG THE CHECHENS AND THE QUESTIONS OF MIGRATION AMONG MOUNTAIN PEOPLES

Summary

The article is devoted to the study of Chechen settlements in the northern slopes of the great Caucasion Range in the chechen-Ingushi ASSR, Till the XV th—XVI th centuries the Chechens had lived mainly in the mauntains but by the end of the XIV century some movement towards the valleys had begun, along the riverbanks of the Sunjei and the Argun and later into great chechenia.

The main economic ressonres were cultivation and, most importantly herding, althou grazing areas were limited. Cattle herding was dominant until the establishment of relations with the valleys facilitated the development of sheep herding. Pastoral activities covered a large territory, using high altitude, alpine pastures and in the winter using valley pastures Such vertical practices of animal husnandry were developed early on and led to the establishment of symbiotic relations between cultivation and herding.

The term „kutan/kiotor“ was used for the compex of temporary shelters for the herds and herders. Ethnographic research has enabled the author to trace the establishment of village and village based territorial units and their parallel mobility as independent units. The Chechen herding

economy developed like wise parallel „Kiotor“ bases which consisted of both cultivation and pastoralism, sometimes allowing for oats and potatoes to be grown next to grazing lands where the latter were small in size. The members of Chechen families were deployed both in the villages in the lowlands and in temporary dwellings in the highlands in the summer. This type of economy and settlement, which acquired the name of „Kiotor economy“ in specialist literature, stimulated the development of independent settlement units.

The end of the XIV th century is an important period in Chechen history Since it makes the beginning of the establishment of economic activity in the lowlands and valleys which was to lead to the development of a particular kind of herding economy. The majority of these typical settlements and economic activities were established, however, only in the second half of the XVIII th century and in the XIX th century. Using the highland pastures and lowland settlement as distinct economic units led to the expansion of sheep herding although cattle continued to maintain their importance. Eventually high altitude territories were used only for summer grazing and all other economic and residential practices were confined to the lowlands and walleys.

წარმოადგინა საქართველოს მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის კავკასიის ხალხთა ეთნოგრაფიის განყოფილებამ


კავშირ ფიზიკალური

ოგოლეთის ტყეში ოგოლთა თავშესაფრის შესახებ

სოფელ ხიზაბავრიდან (ასპინძის რაიონი) 7—8 კილომეტრზე მდებარეობს ნახევრად დანგრეული ობოლეთის ეკლესია ირგვლივ შემორჩენილი „დამწვარი სახლების“ ნაშთებით (ტაბ. I. სურ. 1), რომელიც მეცნიერულად შეუსწავლელია.

ობოლეთის ტყეში შესასვლელ „ვიწრო ჭიშკარს“, საიდანაც მხოლოდ საცალფეხო ბილიკი გადის, „კლდეკარი“ ეწოდება. ამ ადგილას კლდის სიმაღლე შვიდ მეტრს აღწევს. კლდეკარიდან დაახლოებით კილომეტრის დაშორებით, გამოადის ცივი აწყარა წყარო, რომელსაც ხალხი „უკვდავების წყაროს“ უწოდებს. მის შორიახლო არის ობოლეთის ეკლესია, რომელსაც სახურავი აღარა აქვს, კედლები ნაწილობრივ დაზიანებულია, აღსანიშნავია, ისიც, რომ ეკლესიის კუთხის, სარკმლისა და თაღების გადაწყვეტილებები, კედლის სხვა ქვებისაგან განსხვავებით, უფრო კარგადაა დამუშავებული. დასავლეთის კედლის საძირკვლად ბუნებრივი კლდე გამოყენებული.

აღმოსავლეთის კედლიდან 3—5 მეტრის დაშორებით არის სხვა ნაგებობათა ნაშთები, ხოლო ამ უკანასკნელიდან თხუთმეტოდ მეტრის მოშორებით კიდევ უფრო კარგად მოჩანს საძირკველი ექვსი სხვა ნაგებობისა. აღსანიშნავია ისიც, რომ ზოგიერთი ნაგებობა ორთახიანი ყოფილა.




სურ. 1.

ქართულ ისტორიულ წერილობით წყაროებში ობოლეთის ძეგლების შესახებ არავითარი ცნობა დატული არაა. იგი მოიხსენია ნ. ბერძენიშვილმა 1933 წელს ჯავახეთის ექსპედიციის დღიურში იმ ვერანათა სიაში, რომელიც სოფ. ხიზაბავრის კომისარმა პეტრე პოსოშვილმა ჩააწერინა. ასე, რომ მეცნიერს, როგორც მისი დღიურიდან ჩანს, აღნიშნული ძეგლი თავად არ უნახავს¹.

¹ ნ. ბერძენიშვილი, საქართველოს ისტორიის საკითხები, I, თბ., 1964, გვ. 171.

1960 წელს „ლიტერატურულ გაზეთში“ გამოქვეყნდა ჩვენი წერილი სათაურით „ობოლეთი“². იგი მოხსენიებულია, აგრეთვე, როგორც მიკროტომონიმი მ. ველიჯანაშვილის³ და გრ. ბერიძის⁴ ნაშრომებში.

ობოლეთის ეკლესიის სარკმლის გვირგვინის ქვაზე 1942 წელს მივაკვლიეთ ერთსტრიქონიან დაქარაგმებული სიტყვებისაგან შემდგარ ასომთავრულ წარწერას (ტაბ. II, სურ. 1), რომლის მთლიანი წაითხვა ან შინაარსის გაგება იმ



სურ. 2.

დროისათვის არ მოხერხდა. 1960 წელს, ცნობილი მეცლევრის თეიმურაზ ბარნაველის რჩევით, განმეორებით გადავიღეთ როგორც წარწერა (ტაბ. II, სურ. 2, 3), ისე მთლიანად ძველი გარემოცვაში (ტაბ. I, სურ. 1); თეიმურაზ ბარნაველმა ჩვენი თხოვნით წარწერა შეისწავლა⁵ და „ობოლეთის“ ეკლესიის წარწერის შესრულების თარიღად ივარაუდა X—XI სს-ის მიჯნა⁶.

თ. ბარნაველმა ასეთ ხერხს მიმართა: წარწერა დაანაწევრა, გამოყო მასში შემავალი ძლიერ დაქარაგმებული სიტყვები, ამასთან გაითვალისწინა და სწორად წარმოადგინა შებრუნებით დაწერილი ასოები, მაგალითად, პირველ ყოვლისა, ყურადღება მიაქცია იმ გარემოებას, რომ წარწერაში მარჯვნივ გამოიყოფა ორი ასო — წ (წ) და ა (ა), რომელთაგან უკანასკნელი შებრუნებითაა დაწერილი: მაშასადამე, აქ ვღებულობთ სიტყვას $\text{წა} = \text{წა}$ ე. ი. „წმიდა“.

2 3. ფირფილაშვილი, ობოლეთი, ლიტერატურული გაზეთი, 2.9.1960, № 36 (1206), გვ. 2.

3 მ. ველიჯანაშვილი, ხიზაბავრის მეგზური, თბ., 1974, გვ. 8.

4 გ. ბერიძე, ჭავჭავიძის დიპლომის სალექსიკონო მასალა, თბ., 1981, გვ. 195, 199.

5 თ. ბარნაველი, სოფ. ობოლეთის ეკლესიის წარწერა 4 გვ. (3 მანქანაზე ნაბეჭდი, ხელნაწერი, ინახება ჩვენთან — 3. ფ.).

6 ავტორმა აღნიშნული წარწერის გამოქვეყნება ვერ მოასწრო, რამდენადაც, ჩვენ საკითხთან დაკავშირებით მას გარკვეული მნიშვნელობა აქვს, თავს ნებას ვაძლევთ და ფრაგმენტების სახით აქვე ვიყენებთ წარწერის ავტორისეულ ახსნას უმნიშვნელო კომენტარებით. აქვე გვინდა აღვნიშნოთ, რომ ფრაგმენტის გამოქვეყნება მხოლოდ მეცნიერულმა კვლევამ ან უბრალოდ მოქალაქეობრივმა მოვალეობამ როდი განაპირობა, არამედ იგი იმვე დროს, უაღრესად თავმდაბალი მეცნიერის და უანგარო მამულიშვილის ნათელი ღსოვნისა და პატივისცემის ერთგვარი დადასტურებაცაა (3. ფ.).

დავგრჩა ოთხი ასო, რომელთაგან ო (ე) და ზ (ლ) ასოები წარწერის ცენტრში მოცემულია შებრუნებით; სტრიქონის დასაწყისში კი ს (ს) და ო (ა) დაწერილია სწორად; მაშასადამე, აქ ვლებულობთ ასოთა ჯგუფს $ს\bar{C}\bar{N}\bar{C} = \bar{C}\bar{N}\bar{C}$ =სალე.

თ. ბარნაველი ფიქრობდა, რომ ამ სიტყვაში იგულისხმება რომელიმე წმინდანის სახელი, რომელსაც მიეკუთვნებოდა ეკლესია; მაგალითად, ასოთა ჯგუფი სალე შესაძლოა იკითხებოდეს როგორც სახელი „სალომე“, „სავლე“⁷, ან სხვა რომელიმე ეკლესიის მიერ კანონიზებული პერსონაჟის სახელი.

ასევე, მკვლევრის მიხედვით, მოყვანილ ვარიანტში შეიძლება გვექონდეს ეკლესიის დასახლება „სალომე წმიდაა“, „სავლე წმიდაა“, ან სხვა მსგავსი ვარიანტი⁸.

ან იქნებ იყოს წინაუქმოდ წაკითხვის შემდეგი ვარიანტი: წა ელსა, ე. ი. „წმიდაა ეკლესია“, რაც საკმაოდ ხშირად გვხვდება წარწერებში⁹.

დასასრულ, მკვლევარი დასძენდა, რომ საკითხის საბოლოოდ გადაწყვეტა შეიძლებოდა ადგილობრივ ცნობათა შეკრების შედეგად.

ამგვარად, ობოლეთის ეკლესია, თ. ბარნაველის მიხედვით, X ს-ის დასასრულსა და XI ს-ის მიჯნაზე აუშენებიათ, „წმიდა სალომეს“, „სავლეს“ ან რომელიმე სხვა წმიდანის სახელზე. მკვლევარი იმასაც ვარაუდობდა, რომ შეიძლება წარწერა წინაუქმოდ იკითხებოდეს როგორც „წმიდაა ეკლესია“ და სხვ.

მართალია, ქართული მართლმადიდებელი ეკლესიის ისტორიამ ისეთი წმიდანების სახელზე, როგორიცაა „სალომე“ ან „სავლე“, ეკლესიის მშენებლობა არ იცის, მაგრამ ჩვენ ამგვარი ახსნა უფრო მართებულად მიგვაჩნა მხოლოდ იმ გარემოების გათვალისწინებით, რომ წარწერაში მოხსენიებული პიროვნება თუ წმიდანი არა, გავლენიანი სასულიერო პირი მაინცაა. ამიტომ, იგი შეიძლება იყოს ეკლესიის შემკვეთი ქველმოქმედი ან აღმაშენებელი. იქნებ ამგვარი მოსაზრების სასარგებლოდ მიუთითებდეს ისიც, რომ ხალხში დაცული გადმოცემის მიხედვით, ოდესღაც, რომელიღაც დიდი შემოსევისას¹⁰, მტერს გაუნადგურებია სოფლები: ხიზა, ბავრა (ნაწილობრივ), გომი, ჩიხორიში, ოსპნაური, ვარანტა, თეთრობი, კოროშეთი, ოდანი, ჭეროული, ჭობარეთი, წერიკუნტა, კიცხი, ნაისა, გრია, ხვილიში და სხვ.¹¹ უცნობ პირს, რომლის სახელიც გადმოცემაში დაცული არაა, ზემოთ დასახელებულ თხუთმეტი გავრანებულ-აოხრებულ სოფლის (შესაძლოა სხვა სოფლების) ობლად დარჩენილი ბავშვებისათვის ამ ტყეში გაუშენებია თავშესაფარი და ეკლესია, რის შემდეგ ეკლ-

7 თ. ბარნაველი, სოფ. ობოლეთის ეკლესიის წარწერა (დასახ. ხელნაწერა), გვ. 3.

8 იქვე, გვ. 2.

9 იქვე, გვ. 3.

10 ხალხის გადმოცემაში „დიდი შემოსევის“ სახელით ცნობილი დამპყრობთა ლაშქრობაში, ჩვენი აზრით, უნდა იგულისხმებოდეს არაბთა ამირას აბულ კასიმ ძე აბუსაჯის შემოსევა, რომელმაც 1914 წ. პირისაგან მიწისა აღგავა ჯერ სომხეთის, ხოლო შემდეგ აღმოსავლეთ საქართველოს (სამცხესა და ჭავჭავთვში) მთელი სოფლები და ქალაქები, რაც ი. ჯავახიშვილის თქმით, შესანიშნავად აღწერა სტეფანე მტებევარმა 914—918 წწ. „გობორონის მარტვილობაში“ (ქართველი ერის ისტორია, II, თბ., 1948, გვ. 102) თუ ჩვენი ვარაუდი სწორია, მაშინ გადმოცემაში დაცული ცნობებიც სინამდვილის ანარეკლი უნდა იყოს.

11 ნ. ბერძენიშვილი, საქართველოს ისტორიის საკითხები, I, თბ., 1964, გვ. 171.

სიას „ობოლთა“ ეკლესია შერქმევია, ტყეს კი „ობოლეთის“ ტყის სახელწოდება მიუღია.

დღეს ხალხში მთელი ეს მიდამო „ობოლეთის“ სახელწოდებითაა ცნობილი¹². შესაძლოა არც იყოს გამორიცხვლი, რომ წარწერაში წმიდანად მოხსენი-



სურ. 3.

ებული „სალომე“ ან „სავლე“ და ხალხის გადმოცემაში რეალურად არსებული უცნობი პირი, რომელსაც ხალხი მიაწერს ტყეში ობოლ ბავშვთა თავშესაფრის გაშენებას, ერთი და იგივე იყოს.

ამგვარი მოსაზრების სასარგებლოდ ლაბარაკობს როგორც ისტორიული ცნობები, ისე ეთნოგრაფიულ ყოფაში შემორჩენილი მასალები. მაგალითად, გიორგი ზუცესმონაზონის (მცირე, XI ს.), ი. ჯავახიშვილის¹³, კ. კეკელიძის¹⁴, ჯ. აფციურის¹⁵ და სხვათა მიხედვით ცნობილია, რომ XI ს-ის დასაწყისში უცხოეთიდან ჩამოსული გიორგი მთაწმინდელი ომებითა და შიმშილით განაწამებ საქართველოში ხუთი წლის განმავლობაში მეფე ბაგრატ IV-ის მხარდაჭერით კრებდა უპატრონო-უდედმამო, უმწეოდ დარჩენილ ობოლ ბავშვებს, ასწავლიდა მათ რაც კი რამ საჭირო იყო. მერე, იმავე მეფის ნებართვით, ის უკანვე გაბრუნებულა, ათონზე, სადაც წაუყვანია 80 ობოლი ბავშვი აღსაზრდელად და ქართულ მონასტრებში ქართველ ბერთა და მოღვაწეთა რიცხვის გასაძლიერებლად.

ამ საკითხთან დაკავშირებით, საყურადღებოა ეთნოგრაფიულ ყოფაში დაცული ერთი ცხოვრებისეული დეტალი, მაგალითად, ცნობილია, რომ 1940 წლამდე ქალის სახელი სალომე (სალო) და მამაკაცის სახელი სავლე (პავლე), მესხეთ-ჯავახეთში და განსაკუთრებით სოფ. ხიზაბავრაში დიდი მოწონებით, პატივით სარგებლობდა და სხვა სახელთა შორის მეტად გავრცელებული იყო.

¹² პ. ფირფილაშვილი, ობოლეთი, ლიტერატურული გაზეთი, 2.9.1960. № 36, გვ. 2.

¹³ ი. ჯავახიშვილი, ქართველი ერის ისტორია, II, თბ., 1948, გვ. 190.

¹⁴ კ. კეკელიძე, ქართული ლიტერატურის ისტორია, I, თბ., 1941, გვ. 191—192.

¹⁵ ჯ. აფციური, გიორგი მცირის „გიორგი მთაწმინდელის ცხოვრება“. თბ., 1980, გვ. 31—32, 97—98.

შესაძლოა მოამაგე, „წმიდანთა“ ტოლი ადამიანის სახელი ამ გზით შემოინახეს უმეტესად იმ ობოლმა ბავშვებმა და მათმა შთამომავლებმა.

ცხადია, მოტანილი გადმოცემის მიხედვით ძნელია იმის მტკიცება, რომ გეოგრაფიული სახელი „ობოლეთი“ თითქოს წარმოდგებოდეს იქიდან, რომ XI ს-ის დასაწყისში „ობოლეთის“ ტყეში ეკლესიასთან ერთად თითქოს გაშენებული იყო „ობოლ ბავშვთა თავშესაფარი“, მაგრამ ეს ცნობა თავის მხრივ, ისტორიული საბუთების და ეთნოგრაფიული მასალის მიხედვით, ერთგვარ ნი-
ადავს პოულობს.

ივ. ჯავახიშვილს თავის შრომებში დადგენილი აქვს, რომ V ს-ში ვარსკენ პიტიახშის მიამამ აღმართა სამარტვილენი და მის გვერდით ეკლესიანი აღაშენა¹⁶, ხოლო V ს., დიდ ბაკურს ქალაქებში „გლახაკთა თავშესაფარი“ აუგია — მას „საგლახაკთა ქალაქისა“ ეწოდებოდა¹⁷. იმავე მკვლევრის მიხედვით, ბაგრატი კუროპალატს (876 წ.) კი გლახაკთა და უძღურთა სასარგებლოდ განსაკუთრებული გადასახადი „გლახაკთა ნაწილი“ დაუწესებია¹⁸.

ასევე მკვლევრების მ. საგერაშვილის¹⁹, მ. შენგელიას²⁰ მონაცემებით X—XIII სს. საქართველოში ამგვარი დაწესებულებები ჩნდება მონასტრებთან არსებულ სასნეულო-ქსენონთა გვერდით და სხვ.

ერთი სიტყვით, როგორც ივ. ჯავახიშვილის, ისე სხვა მკვლევართა მიხედვით, V—XIII სს. საქართველოში ობლებზე, მოხუცებსა და დავრდომილებზე ზრუნვა სახელმწიფოებრივ საქმედ ყოფილა აღიარებული.

ამასთან, ივ. ჯავახიშვილის მიხედვით, როგორც ითქვა, გიორგი მთაწმინდელის მაგალითით ისიც ირკვევა, რომ აღნიშნულ დაწესებულებებს არა მარტო სახელმწიფო ქმნიდა და უწევდა მატერიალურ დახმარებას, არამედ ცალკეული გავლენიანი ქველმოქმედი პირებიც. მაგალითად, შოთა რუსთაველის „ვეფხისტყაოსანში“ ავთანდილი თავის ანდერძში როსტევეან მეფეს სთხოვს: თუ რაიმე შეემთხვევა და ვეღარ დაბრუნდება, მისი ქონების ნაწილი ობლებს, გლახაკებს და არასქონეებს მისცეს, ხოლო ნაწილიც ხანაგათა და ხილთა აგებას მოახმაროს²¹.

საყურადღებოა, რომ ჩვენი დიდი მეცნიერის ივ. ჯავახიშვილის²² და სხვა ზოგიერთი მკვლევრის (მ. გაბაშვილის²³) მონაცემების მიხედვით ობოლთა თავშესაფრები XI—XIII სს. გავრცელებული ყოფილა არა მარტო მახლობელ

16 ივ. ჯავახიშვილი, მასალები ქართველი ერის მატერიალური კულტურის ისტორიისათვის, I, თბ., 1946, გვ. 74.

17 ივ. ჯავახიშვილი, იქვე, გვ. 63.

18 ივ. ჯავახიშვილი, ქართველი ერის ისტორია, თბ., 1948, გვ. 112.

19 მ. საგერაშვილი, საკუთრნალო დაწესებულებანი ძველ საქართველოში, დროშა, № 3, 1956.

20 მ. შენგელია, მედიცინის განვითარების ზოგიერთი ძირითადი საკითხი საქართველოში, თბ., 1961, გვ. 109—110.

21 შ. რუსთაველი, „ვეფხისტყაოსანი“, ალ. ბარამიძის, კ. კეკელიძის, ა. შანიძის რედ., თბ., 1951, გვ. 171, სტ. 803—804.

22 ივ. ჯავახიშვილი, მასალები ქართველი ერის მატერიალური კულტურის ისტორიისათვის, I, თბ., 1946, გვ. 63.

23 მ. გაბაშვილი, საქართველოს ქალაქები XI—XII საუკუნეებში, თბ., 1981, გვ. 124—133.

3. ფ ი რ ფ ი ლ ა შ ვ ი ლ ი

აღმოსავლეთის ქვეყნებში, არამედ მეზობელ სომხეთშიც, და იქაც ის სახელმწიფო და კერძო ქველმოქმედთა მხარდაჭერით არსებობდა²⁴.

ამგვარად, ქართული წერილობითი წყაროები ერთგვარ წარმოდგენას გვაძლევს იმის შესახებ, რომ ძველად საქართველოში ობლებს, დავრდომილთ და მოხუცებს არა მარტო სახელმწიფო, არამედ ცალკეული ქველმოქმედი პირები თავიანთ პირად მზრუნველობას არ აკლებდნენ. გვინდა აქვე შევნიშნოთ, რომ ობოლთა, დავრდომილთა, მოხუცთა და სხვათა მატერიალური უზრუნველყოფა, ვფიქრობთ, პირველყოვლისა, გულისხმობს მათთვის შესაფერის თავშესაფრის მოწყობას, მაგარმ არსებულ წყაროებს არა თუ აღწერილობა, არამედ ყველა მათი სახელი ზუსტად როდი შემოუნახავს. ამიტომაც ზოგი მათგანი თუ დავას არ იწვევს, ზოგი კი პირიქით — სადავო და გასარკვევია. ყოველივე ზემოაღნიშნულის შემდეგ უნებლიედ იბადება კითხვა: არსებობდა თუ არა დამოუკიდებელ დაწესებულებად და რა სახელით იხსენიებოდა წერილობით წყაროებში ხალხის მიერ ძველ საქართველოში „ობოლთა თავშესაფრად“ წოდებული დაწესებულება?

საკითხი მით უფრო საინტერესოა, რომ ს.-ს. ორბელიანის „სიტყვის კონაში“ სპარსული სიტყვა „ხანაგა“ — „ობლების საკრებულო სახლად“ განმარტებული²⁵. ნ. ჩუბინაშვილის მიხედვით კი „ხანაგა“ „სავალახაო“ და „ობოლთა საკრებულო სახლია“²⁶. ე. ი. ჩუბინაშვილის მიხედვით „ხანაგა“ ორ დაწესებულებას „სავალახაოს“ და „ობოლთა საკრებულო სახლებს“ აერთიანებს, რაც ჩვენი აზრით, ყოველად წარმოუდგენელია. ამაზე ქვემოთ შევჩერდებით.

უნდა შევნიშნოთ ისიც, რომ ს.-ს. ორბელიანი ზემოაღნიშნული განმარტებებისას წყაროზე არ მიუთითებს, ნ. ჩუბინაშვილი კი „ვეფხისტყაოსანს“ ემყარება²⁷.

„ვეფხისტყაოსანს“ ემყარება აგრეთვე გ. ბერიძე და „ხანაგას“ განმარტავს „სასტუმრო, უპატრონო ბავშვთა სახლად“²⁸ და სხვ.

ივ. ჯავახიშვილის მიხედვით, „ხანაგა“ სპარსული სიტყვაა და დაახლოებით სარწმუნოებრივი დანიშნულების ნაგებობას — დერგოშთა სახლს ჰქვია. ქართულად — განაგრძობს ავტორი, „ხანაგა“ კატეგორიულად სრულიად სხვა დანიშნულების დაწესებულებაა და ურესტორნო სასტუმრო სახლს გულისხმობს²⁹.

მ. გაბაშვილი ამასთან დაკავშირებით სამართლიანად შენიშნავს, რომ თუ ეს ასეა, მაშინ, რა თქმა უნდა, ყოველგვარი აზრი ეკარგება „ხანაგას“, „საობლო სახლის“ და „საღვთო სახლის“ მნიშვნელობის განმარტებას „ვეფხისტყაოსნის“ ბევრ თარგმანში³⁰, მაგარამ, მისი აზრით, არ შეიძლება ანგარიში არ გა-

²⁴ А. А. Оганесян, История медицины в Армении, II, Ереван, გვ. 179—186.

²⁵ ს. ს. ო რ ბ ე ლ ი ა ნ ი, სიტყვის კონა, ს. იორდანიშვილის რედ. წინასიტყვაობით, თბ., 1949, გვ. 897.

²⁶ ნ. ჩ უ ბ ი ნ ა შ ვ ი ლ ი, ქართული ლექსიკონი, ალ. ლლონტის რედ. და გამოკვლევით, თბ., 1961, გვ. 462.

²⁷ ნ. ჩ უ ბ ი ნ ა შ ვ ი ლ ი, იქვე, გვ. 462.

²⁸ გ. ბ ე რ ი ძ ე, დასახ. ნაშრომი, გვ. 173.

²⁹ ივ. ჯ ა ვ ა ხ ი შ ვ ი ლ ი, მასალები ქართველი ერის მატ. კულტ. ისტორიისათვის, I, გვ. 27, 62.

³⁰ მ. გა ბ ა შ ვ ი ლ ი, საქართველოს ქალაქები XI—XII საუკუნეებში. თბ., 1981, გვ.

აღმოსავლეთის ქვეყნებში, არამედ მეზობელ სომხეთშიც, და იქაც ის სახელმწიფო და კერძო ქველმოქმედთა მხარდაჭერით არსებობდა²⁴.

ამგვარად, ქართული წერილობითი წყაროები ერთგვარ წარმოდგენას გვაძლევს იმის შესახებ, რომ ძველად საქართველოში ობლებს, დავერდომილთ და მოხუცებს არა მარტო სახელმწიფო, არამედ ცალკეული ქველმოქმედი პირები თავიანთ პირად მზრუნველობას არ აკლებდნენ. გვინდა აქვე შევნიშნოთ, რომ ობოლთა, დავერდომილთა, მოხუცთა და სხვათა მატერიალური უზრუნველყოფა, ვფიქრობთ, პირველყოვლისა, გულისხმობს მათთვის შესაფერის თავშესაფრის მოწყობას, მაგარმ არსებულ წყაროებს არა თუ აღწერილობა, არამედ ყველა მათი სახელი ზუსტად როდი შემოუნახავს. ამიტომაც ზოგი მათგანი თუ დავას არ იწვევს, ზოგი კი პირიქით — სადავო და გასარკვევია. ყოველივე ზემოაღნიშნულის შემდეგ უნებლიედ იბადება კითხვა: არსებობდა თუ არა დამოუკიდებელ დაწესებულებად და რა სახელით იხსენიებოდა წერილობით წყაროებში ხალხის მიერ ძველ საქართველოში „ობოლთა თავშესაფრად“ წოდებულ დაწესებულებას?

საკითხი მით უფრო საინტერესოა, რომ ს.ს. ორბელიანის „სატყვის კონაში“ სპარსული სიტყვა „ხანაგა“ — „ობლების საკრებულო სახლად“ განმარტებული²⁵. ნ. ჩუბინაშვილის მიხედვით კი „ხანაგა“ „საგლახაო“ და „ობოლთა საკრებულო სახლია“²⁶. ე. ი. ჩუბინაშვილის მიხედვით „ხანაგა“ ორ დაწესებულებას „საგლახაოს“ და „ობოლთა საკრებულო სახლებს“ აერთიანებს, რაც ჩვენი აზრით, ყოვლად წარმოუდგენელია. ამაზე ქვემოთ შევჩერდებით.

უნდა შევნიშნოთ ისიც, რომ ს.ს. ორბელიანი ზემოაღნიშნული განმარტებებისას წყაროზე არ მიუთითებს, ნ. ჩუბინაშვილი კი „ვეფხისტყაოსანს“ ემყარება²⁷.

„ვეფხისტყაოსანს“ ემყარება აგრეთვე გ. ბერიძე და „ხანაგას“ განმარტავს „სასტუმრო, უბატრონო ბავშვთა სახლად“²⁸ და სხვ.

ივ. ჯავახიშვილის მიხედვით, „ხანაგა“ სპარსული სიტყვაა და დაახლოებით სარწმუნოებრივი დანიშნულების ნაგებობას — დერეფნთა სახლს ჰქვია. ქართულად — განაგრძობს ავტორი, „ხანაგა“ კატეგორიულად სრულიად სხვა დანიშნულების დაწესებულებაა და ურესტორნო სასტუმრო სახლს გულისხმობს²⁹.

მ. გაბაშვილი ამასთან დაკავშირებით სამართლიანად შენიშნავს, რომ თუ ეს ასეა, მაშინ, რა თქმა უნდა, ყოველგვარი აზრი ეკარგება „ხანაგას“, „საობლო სახლის“ და „საღვთო სახლის“ მნიშვნელობის განმარტებას „ვეფხისტყაოსნის“ ბევრ თარგმანში³⁰, მაგრამ, მისი აზრით, არ შეიძლება ანგარიში არ გა-

²⁴ А. А. Оганесян, История медицины в Армении, II, Ереван, გვ. 179—186.

²⁵ ს. ს. ო რ ბ ე ლ ი ა ნ ი, სატყვის კონა, ს. იორდანიშვილის რედ. წინასიტყვაობით, თბ., 1949, გვ. 897.

²⁶ ნ. ჩ უ ბ ი ნ ა შ ვ ი ლ ი, ქართული ლექსიკონი, აღ. დლონტის რედ. და გამოკვლევით, თბ., 1961, გვ. 462.

²⁷ ნ. ჩ უ ბ ი ნ ა შ ვ ი ლ ი, იქვე, გვ. 462.

²⁸ გ. ბ ე რ ი ძ ე, დასახ. ნაშრომი, გვ. 173.

²⁹ ივ. ჯ ა ვ ა ხ ი შ ვ ი ლ ი, მასალები ქართველი ერის მატ. კულტ. ისტორიისათვის, I, გვ. 27, 62.

³⁰ მ. გა ბ ა შ ვ ი ლ ი, საქართველოს ქალაქები XI—XII საუკუნეებში. თბ., 1981, გვ. 133.



ვუწიოთ იმას, რომ ს.-ს. ორბელიანი „ხანაგას“ „ობლების საკრებულო სახლებს“ უწოდებს³¹. ამის გამო იგი, ისევე როგორც ნ. ჩუბინაშვილი ფიქრობს, რომ ქართულ სინამდვილეში „ხანაგას“ ობოლთა და გაჭირვებულთა თავშესაფრის მნიშვნელობაც ენიჭებოდა³², ნ. ჩუბინაშვილისაგან განსხვავებით მ. გაბაშვილი აღნიშნავს, რომ ქართულ სინამდვილეში ამის დამადასტურებელი საბუთები არ მოიპოვება³³ და უპირატესობას ისევ ივ. ჯავახიშვილის განმარტებას ანიჭებს, თანაც ვარაუდობს: „ხომ არ იყო სპარსული „ხანაგას“ შესატყვისი „გლახაკთა თავშესაფარი“ ანუ „საგლახაკოდ ქალაქისა“³⁴.

მ. გაბაშვილი, ერთი მხრივ, მართებულად აყენებს საკითხს იმის შესახებ, რომ „ხანაგის“ ივ. ჯავახიშვილისეული განმარტება უფრო სწორია და მართებული, მაგრამ, მეორე მხრივ, ჩვენ ვერ გავიზიარებთ მის ვარაუდს, თითქოს ქართულ სინამდვილეში „ხანაგის“ დამადასტურებელი საბუთი არ მოიპოვებოდეს და ამის გამო მის ქართულ შესატყვისად „გლახაკთა თავშესაფარი“ ან „საგლახაკოდ ქალაქისა“ უნდა დარჩეს³⁵. მკვლევარი თავის ვარაუდს იმით ამართლებს, რომ აზრი არ დაეკარგოს „ხანაგის“ „საობლო სახლის“ და „საღეთო სახლის“ მნიშვნელობებს „ვეფხისტყაოსნის“ ბევრ სხვადასხვა თარგმან-შეს³⁶. ამ მოსაზრების ეჭვიმუტანელ დასტურად არც ის ვარაუდი გამოდგება, რომ ს.-ს. ორბელიანი მას „ობლების საკრებულო სახლად“ თარგმნის³⁷.

უკვე აღვნიშნეთ, რომ ამგვარ განმარტებას ისევ ნ. ჩუბინაშვილისეულ ახსნასთან მივყავართ³⁸. ნ. ჩუბინაშვილი კი „ვეფხისტყაოსნის“ ემყარება³⁹. ავთანდილი თავის ანდერძში, როგორც უკვე აღვნიშნეთ, გარკვევით ამბობს, რომ მისი ქონების ნაწილი ობოლთა, გლახაკთა ად არასმქონეთა უზრუნველსაყოფად გაიცეს, ხოლო ნაწილი კი, „ხანაგათა“ და ხილთა აგებას მოხმარდეს⁴⁰. ე. ი. „ხანაგა“ რომ „საობლო სახლი“ ყოფილიყო, ავტორი ამ სიტყვებს სხვადასხვა ცნებებად არ მიიჩნევდა.

ამგვარად, „ვეფხისტყაოსნის“ მოტანილი ტექსტის ანალიზი გვიჩვენებს რომ შუა საუკუნეების საქართველოში ხილდებთან ერთად „ხანაგა“ გზათა მშენებლობასთან დაკავშირებული ნაგებობაა და როგორც ივ. ჯავახიშვილი ფიქრობს, სასტუმროს ტიპის დაწესებულებაა⁴¹.

მართალია, „ხანაგის“ ივ. ჯავახიშვილისეული ახსნის დამადასტურებელი წერილობითი საბუთი ჭერჭერობით არ მოგვეპოვება, მაგრამ ამ დანაკლისს ავსებს ქართულ ეთნოგრაფიულ ყოფაში შემორჩენილი მასალა. მაგალითად, ახალციხე-ახალქალაქის მიმართულებით მიმავალი გზის პირას, მტკვრის მარჯვენა სანაპიროზე, სოფ. ხიზაბავრის სანახებში, მდებარეობდა და მისი ნაშ-

31 ს.-ს. ორბელიანი, სიტყვის კონა, გვ. 897.

32 მ. გაბაშვილი, დასახ. ნაშრომი, გვ. 133.

33 იქვე.

34 იქვე.

35 იქვე.

36 იქვე.

37 ს.-ს. ორბელიანი, სიტყვის კონა, გვ. 897.

38 ნ. ჩუბინაშვილი, გვ. 462.

39 იქვე, გვ. 462.

40 შ. რუსთაველი, ვეფხისტყაოსანი, დასახ. გამოცემა, გვ. 171. სტრ. 803—804.

41 ივ. ჯავახიშვილი, მასალები ქართველი ერის მატერიალური კულტურის ისტორიისათვის, I, თბ., 1946, გვ. 62.

მასალა ცხადყოფს, მის ტერიტორიაზე არსებულმა „ხანა“ სათანადო ცვლილებებით ჩვენს დრომდე მოაღწია. ყურადსაღებია ისიც, რომ გურჯისტანის ვილაიეთის დიდ დავთარში აღნიშნულ გზაზე ახალქალაქამდე რამდენიმე ასეთი სოფელი — გომია დასახლებული⁵¹. ამასთან, მოტანილი მაგალითის გამო იბადება კითხვა: ტოპონიმი — „გომი“ ხომ არ წარმოადგენს სპარსული „ხანაგის“ ქართული სახელწოდების — სასტუმროს სინონიმს ან მის თავდაპირველ ქართულ სახელს — მგზავრთა (მოგზაურთა) „სადგომს“, რომელსაც შემდგომში ჩამოშორდა თავსართი „სად“ და, თავის მხრივ, გომი ტოპონიმად — სოფლის სახელად იქცა, ხოლო მისი სპარსული შესატყვისი „ხანაგა“ კი მის ტერიტორიაზე მდგომი სასტუმროს (სადგომი ნაგებობის) სახელი გახდა. ან იქნებ, აღნიშნული ტოპონიმი „გომი“ გარკვეული დროისათვის აქ ერთდროულად ორი სხვადასხვა „ხანაგის“ და „ხანის“ ან მისი მსგავსი რომელიმე სხვა დაწესებულების, მაგალითად, ფუნდუკის არსებობაზე მიგვანიშნებს, რომლებიც შემდგომ, დროის მოთხოვნის მიხედვით, ერთიმეორეს შეერწყმნენ და ერთ დაწესებულებად „ხანად“ იქცნენ.

ამგვარი ვარაუდის სასარგებლოდ მიუთითებს ისიც, რომ საქართველოში არის სოფლები, სადგურები, გაჩერებები, რომლებიც იხსენიებიან როგორც „გომის“, ისე „ხანის“, „ხანდოს“ და სხვა მსგავსი სახელოთ. ასევე, ივ. ჯავახიშვილის მიხედვით, ძველად საქართველოში საცხოვრებელ ადგილსა და ნაგებობას სადგომიც ეწოდებოდა და სადგურიც⁵²; მკვლევარი იმასაც აღნიშნავს, რომ სადგომი ადამიანისათვის განკუთვნილი საცხოვრებელი იყო, სადგური კი ცხოველთან ან საგნებთან დაკავშირებული, სადაც ან დგამდნენ რამეს, ან ჰყავდათ საქონელი⁵³.

გარდა აღნიშნულისა, ყურადღებას იქცევს კიდევ ერთი გარემოება. ივ. ჯავახიშვილის მიხედვით, სასტუმროები ძველად ჩვენშიც არსებობდა და ასეთი ნაგებობის შესახებ ცნობებიც მოგვეპოვება, მაგრამ როგორც დიდი მეცნიერი ვენიშნავს, სათანადო წერილობითი წყაროების უქონლობის გამო მისი ამსახველი ტერმინი ჯერ არა გვაქვს. უცხო წერილობით წყაროებში, მაგალითად; ბერძნულში I ს-დან მოყოლებული სასტუმროს პანდოქიონი ეწოდება. იგი გვგვხვდება V—VI ს-ის ქართულ სასულიერო წერილობით წყაროებში, რასაც მკვლევარი ჩვენში რომაელებს პოლიტიკური ბატონობის ხანას უკავშირებს, მაგრამ XII ს-ის ეს ტერმინი სრულიად დავიწყებულია და მის ნაცვლად დასავლეთიდან (იტალიის გზით) შემოდის ტერმინი „ფუნდუკი“ („ფონდოკოს“), ხოლო აღმოსავლეთიდან სპარსეთის გავლენით „ხანაგა“⁵⁴.

საყურადღებოა, ისიც, რომ ივ. ჯავახიშვილის მიხედვით, „ფუნდუკისა“ და „ხანაგას“ ნაგებობებს შორის არსებობს განსხვავება. „ფუნდუკი“ „ქარვანლის“ მსგავსი ნაგებობაა, რომელშიც მგზავრებს შეეძლოთ როგორც თავშესაფარის შოვნა, ისევე საქონლის დაყენებაც. ხანაგა კი მხოლოდ მგზავრთათვის განკუთვნილი ურესტორნო შენობაა და ცხოველთათვის თავშესაფარი აქ არ იყო. ისე,

51 იქვე, გვ. 17.

52 ივ. ჯავახიშვილი, მასალები ქართველი ერის მატ. კულტურის ისტორიისათვის, გვ. 6.

53 იქვე, გვ. 7.

54 იქვე, გვ. 28.

რომ „ფუნდუკს“ განსაკუთრებული მნიშვნელობა, გაცილებით უფრო მეტი შესაძლებლობა ჰქონდა, ვიდრე სასტუმროს, მაშინდელი მიმოსვლის, ურთიერთობისა და ეკონომიური, აღებ-მიცემობის საქმესთან დაკავშირებული მოღვაწეობისათვის⁵⁵. ამიტომ იყო, რომ თამარმა თბილისიდან ჭავჭავთეში მიჰყავლ გზაზე, თრიალეთში გადასასვლელ უღელტეხილზე ორი „ფუნდუკი“ ააგებინა: ერთი ქედს იქით, ერთი ქედს აქეთ⁵⁶.

საქართველოში „ფუნდუკების“ და „ქარავასლების“ არსებობის ფაქტები სხვადასხვა დროს დამოწმებულია ვ. ბაგრატიონის⁵⁷, ე. შარდენის⁵⁸, ე. თაყაიშვილის⁵⁹, ზ. გულისაშვილის⁶⁰, მ. პოლიევქტოვის⁶¹ და ზ. ედილის⁶² და სხვათა მიერ. სადღეისოდ ზოგიერთი მათგანი შესწავლილია არქეოლოგების ლ. ჭილაშვილის⁶³, ნ. ბერძენიშვილის⁶⁴, და არქიტექტურულად ი. ციციშვილის⁶⁵ მიერ. ნ. კვეხერელმა-კოპაძემ⁶⁶ მათ მიუძღვნა მონოგრაფიული გამოკვლევები, მაგრამ „ხანაგის“ განსაკუთრებით კი „ხანის“ ნაგებობის შესახებ, ვარდა ზემოთ მოტანილი თვით ტერმინ — „ხანის“ განმარტებისა, არსად არაფერია ნათქვამი.

ქართულ ეთნოგრაფიულ ყოფაში შემორჩენილი, ჩვენ მიერ დამოწმებული ნივთიერი მასალა — „ხანის“ ფუნქციონირების დადასტურების ფაქტი, იმაზე მეტყველებს, რომ ამ ტიპის დაწესებულებანი ჩვენში არსებობდნენ. როგორც უკვე აღვნიშნეთ, დროის მოთხოვნით და პოლიტეკონომიკური სიტუაციის გამო ისინი — „ხანაგა“ და „ხანი“ — თავის დროზე ფუნქციურად ერთიმეორეს შეერწყნენ და ერთ მთლიან დაწესებულებად „ხანად“ იქცნენ. „ხანი“ საბოლოოდ დასავლური „ფუნდუკის“ ტიპის დაწესებულებად გვესახება. საყურადღებოა ისიც, რომ ტერმინი „ხანი“ უფრო მეტად გავრცელებულია სამხრეთ და დასავლეთ საქართველოს პროვინციებში, რაც იმას გვაფიქრებინებს, რომ იგი ჩვენში თურქეთის გზითაა შემოსული. თუ ამგვარი ვარაუდი სწორია, გამოდის, რომ შუა საუკუნეებში გაბატონებული სპარსული სიტყვა „ხანაგა“ ჩვენში, თურქულ სიტყვა „ხანს“ შეუცვლია. როდის მოხდა ყოველივე ეს?

ივ. ჭავჭავიშვილის მიხედვით „ხანაგა“ XI—XII სს-ში გვხვდება, უნდა

⁵⁵ ივ. ჭავჭავიშვილი, იქვე, გვ. 28.

⁵⁶ იქვე.

⁵⁷ ვახუშტი, აღწერა სამეფოსა საქართველოსა, თბ., 1941, გვ. 40, 45.

⁵⁸ Путешествие кавалера Шардана по Закавказью в 1672—1673 гг. Журнал „Кавказский Вестник“ за 1901 г. № 5 გვ. 233.

⁵⁹ Е. Такайшвили, Археологические экскурсии, разыскания и заметки, Вып., IV, Тифлис, 1913, გვ. 102.

⁶⁰ ზაქ. გულისაშვილი, ქარავასის ხეობა, გაზეთი „ივერია“, 1900, 20. 7. № 155, გვ. 3.

⁶¹ М. Полиевктов, Материалы по истории грузино-русских взаимоотношений, გვ. 297, 386.

⁶² ზ. ედილი, სარჩილო, თბ., 1947, გვ. 154.

⁶³ ლ. ჭილაშვილი, დასახ. ნაშრომი, გვ. 94.

⁶⁴ ნ. ბერძენიშვილი, დასახ. ნაშრომი, გვ. 106.

⁶⁵ ირ. ციციშვილი, ქართული არქიტექტურის ისტორია, თბ., 1955, გვ. 74.

⁶⁶ ნ. კვეხერელი-კოპაძე, გზათა მშენებლობა საქართველოში, თბ., 1974, გვ.



ვიფიქროთ XIII ს-შიც იქნებოდა, მაგრამ შემდეგში აღარაა⁶⁷. ამასთან მკვლევარი ვარაუდობს, რომ XVI ს-ის პირველ ნახევრამდე საქართველოში „ფუნდუკი“ არსებობდა, ხოლო შემდგომ იგი ცოცხალი სიტყვა აღარაა და XVII ს-ის „ქარავანსარიში“ ანუ „ქარავანსამ“ შეცვალა⁶⁸.

თუ ჩვენი მსჯელობას ივ. ჯავახიშვილის ზემოთ მოტანილ მტკიცებას დავუმატებთ, ვამოდის, რომ სიტყვა „ხანი“, რომელმაც შეცვალა „ხანაგა“, ხმარებაში შემოსულა XIV ს-ში, რადგან სიტყვა „ხანაგა“ XIII ს-ის აქეთ აღარ იხმარება⁶⁹.

ამგვარად, თუ ჩვენი მტკიცება საფუძველს მოკლებული არაა და სპარსული სიტყვა „ხანაგა“ მომდევნო საუკუნეებში თურქულმა სიტყვა „ხანმა“ შეცვალა, მაშინ „ხანავის“ ივ. ჯავახიშვილისეული განმარტება ერთადერთ სწორ მართებულ ახსნად უნდა მივიჩნიოთ, რადგან „ხანავას“, რუსთაველის მიხედვით, როგორც თავის დროზე შენიშნა ივ. ჯავახიშვილმა, გარდა ზემოთ დასახელებული ნიშნებისა, აქვს კიდევ ერთი განმასხვავებელი ნიშანიც. კერძოდ, მას თავის კომპლექსში, შენობის შესასვლელთან აქვს სადარაჯო სახლი და ჰყავს დარაჯი — მეთვალყურე, რაც მოხუცთა და გლახაკთა თავშესაფარს არ აქვს⁷⁰. ეს გასაჭებიცაა, რადგან „ხანავის“ ან „ხანის“ პატრონი — მფლობელი თუ ვამგებელი, თავის მხრივ, ვალდებული იყო მგზავრები და მათი ქონება-საქონელი დაეცვა ხელყოფისაგან.

ზემოთქმული საშუალებას გვაძლევს დავუშვათ, რომ ერთიმეორისაგან დამოუკიდებლად არსებობდა როგორც „ხანაგა“ — ურესტორნო სასტუმრო სახლი⁷¹, რომელმაც ჩვენამდე დროის მოთხოვნის მიხედვით ზოგიერთი ცვლილებებით „ხანის“ სახელწოდებით მოაღწია, ისე „ობოლების საკრებულო სახლი“⁷², რომელსაც ხალხი „ობოლთა თავშესაფარს“ უწოდებს. ამასთან მოქმედებდნენ „მოხუცთა“ (ჯერაკუმია)⁷³ და გლახაკთა თავშესაფრები⁷⁴. აღსანიშნავია, რომ დასახელებულ დაწესებულებებს არა მარტო სახელმწიფო უწყვედა მატერიალურ დახმარებას, არამედ ცალკეული გავლენიანი ქველმოქმედი პირებიც არ აკლებდნენ მზრუნველობას; აღნიშნულ დაწესებულებათა არსებობას, როგორც ი. ჯავახიშვილი შენიშნავდა, რაღაც პრინციპი ედო საფუძველად, რომლის მიხედვითაც ისინი სავსებით განსხვავდებოდნენ „ხანავისაგან“. წინააღმდეგ შემთხვევაში „მოხუცთა“, „გლახაკთა“ და „ობოლთა“ „თავშესაფარი“ ერთი რომელიმე სახელწოდებით იქნებოდა მოხსენიებული. ასევე შინაარსობრივადაც შეუძლებელია „გლახაკთა“, „მოხუცთა“, ან „არასმქონეთა“ თავშესაფარში ყოფილიყო ის პირობები, რაც საჭიროა ბავშვის მოვლა-პატრონობისა და აღზრდის თვალსაზრისით ან პირიქით. რაც მთავარია, იგი ეწინააღმდეგება ბავშვის აღზრდის იდეის იმ პრინციპებს, რაც მოცემულია „ვეფხისტყაოსანში“⁷⁵.

67 ივ. ჯავახიშვილი, დასახ. ნაშრომი, გვ. 63.

68 იქვე, გვ. 62.

69 ი. ჯავახიშვილი, მასალები... დასახ. გამოცემა, გვ. 63.

70 იქვე, გვ. 27.

71 იქვე, გვ. 63.

72 ს. ს. ორბელიანი, დასახ. ნაშრომი, გვ. 897, 464.

73 ი. ჯავახიშვილი, მასალები... დასახ. გამოცემა, გვ. 82.

74 ი. ჯავახიშვილი, მასალები... დასახ. გამოცემა, გვ. 63.

75 ვ. თავაძისევილი, აღამიანის დანიშნულება და აღზრდის იდეები „ვეფხისტყაოსანში“, I, თბ., 1974, გვ. 81—122.

ზემოაღნიშნულის შემდეგ, რა თქმა უნდა, იზრდება ინტერესი ჩვენ მიერ ზემოთ დასმული კითხვის მიმართ, თუ რა ეწოდებოდა ძველი ქართული წყაროების მიხედვით (აღრე ფეოდალურ ხანაში და შემდეგ) ხალხის მიერ შერქმეულ „ობოლთა თავშესაფარს“? ან როგორც მას სულხან-საბა უწოდებს — „ობოლთა საკრებულო სახლს“?

ამგვარი კითხვა მით უფრო ბუნებრივია, რომ ჩვენამდე მოღწეული პირველი ლიტერატურული ძეგლიდან „წამებაჲ წმიდისა შუშანიკისი“ (V ს.) მოყოლებული, ქართულ წერილობით წყაროებში ვხვდებით მშენებლობის ხელოვნებასთან დაკავშირებულ ისეთ ტერმინებს, როგორცაა „სასახლე“, „ეკლესია“, „სენაკი“, „სენა“, „ციხე“, „სამარტილე“⁷⁶ და სხვ.

მაგალითად, ივ. ჯავახიშვილის მიხედვით, იაკობ ხუცესის ცნობით, ვარსკენ პიტიახშის მამამ არშუშა პიტიახშმა (V ს.) ცურტავეში, „აღჰმართნა სამარტკლენი და ეკლესიანი აღაშმენა“⁷⁷.

ასევე საყურადღებოა, რომ VI ს-ში, გ. ჩუბინაშვილის 78 და ლ. მენაბდე⁷⁹ მიხედვით, გარეჯში, დავით გარეჯელს მონასტერში აშუშენებია სამარტილე და ეკლესია. ხოლო ილარიონ ქართველს, 855 წელს დავით გარეჯში „დავითის სამატროსა შინა ეკლესია“ გაუფართოებია, განუფრცია და ხელახლა უკურთხებია⁸⁰. ლ. მენაბდის აზრით, აღნიშნული ეკლესია გამხდარა ნიმუში, რომლის მიხედვით შენდებოდა მთავარი ეკლესიები ცალკეულ მონასტრებში⁸¹.

ამგვარად, მართებულად უნდა მივიჩნიოთ ივ. ჯავახიშვილის მტკიცება იმის შესახებ, რომ ეკლესიანი და სამარტილენი V ს-ის ძეგლებში ჩვეულებრივი მოვლენაა და ამ დროიდან მოყოლებული ძალიან გავრცელებულიცაა⁸². ამნასთან, იმავე მკვლევრის მიხედვით, მიუხედავად იმისა, რომ ორივე სახის ნაგებობა სასულიერო დანიშნულებისაა, ეკლესიასა და სამარტილეს შორის მაინც არსებითი განსხვავებაა. ეკლესია, — აღნიშნავს ივ. ჯავახიშვილი, საერთო სამლოცველოა, ხოლო „სამარტილის“ ახსნისას, ეყრდნობა რა სულხან-საბას განმარტების ლათინურ მნიშვნელობას (ე. ი. სიტყვის ნაწილობრივ შინაარსს — პ. ფ.), დაასკვნის, რომ „სამარტკლე“ სახუროთმოძღვრო ტერმინია და მარტილეთათვის განკუთვნილი პატარა ნაგებობაა⁸³. იქვე დასძენს: თუ არსებობდა პატარა, უნდა არსებულყო დიდი ნაგებობაც⁸⁴.

ივ. ჯავახიშვილისთვის ინტერპრეტაციაში „სამარტილის“ კონკრეტულ ფუნქციურ დანიშნულებაზე არაფერი აქვს ნათქვამი, თუ რას წარმოადგენდა დიდი ან თუნდაც პატარა სამარტილე — წამებულთა დასასაჯელ საკანს, თუ მათ საცხოვრებელ, თუნდაც „დასაყუდებელ“ ადგილს?

„შუშანიკის წამებიდან“ ვგებულობთ, რომ დასჯილი შუშანიკი „სამარტილეში კი არ შეიყვანეს, არამედ ციხე-ქალაქის ერთ-ერთ პატარა „სახლაც-

76 ივ. ჯავახიშვილი, დასახ. ნაშრომი, გვ. 33, 74, 80, 70.

77 იქვე, გვ. 74.

78 Г. Чубинашвили, Пещерные монастыри Давид-Гареджи, Тб., 1948, გვ. 35—42.

79 ლ. მენაბდე, ძველი ქართული მწერლობის კერები, ტ. I, ნაკვეთი I.

80 Г. Чубинашвили, დასახ. ნაშრომი, გვ. 35—42.

81 ლ. მენაბდე, დასახ. ნაშრომი, გვ. 281.

82 ი. ჯავახიშვილი, დასახ. ნაშრომი, გვ. 74.

83 იქვე, გვ. 74.

84 იქვე, გვ. 18.

ში: „... ვითარცა შევიდეს ციხედ პოვეს სახლაკი ერთი ჩრდილოეთ კერძო, მცირე და ბნელი, და მუნ შეაყენეს წმიდა იგი“⁸⁵.

ამგვარ მოსაზრებას მხარს უჭერს, აგრეთვე, ის გარემოებაც, რომ სულხან-საბა ორბელიანის⁸⁶, ნ. ჩუბინაშვილის⁸⁷ და ი. ჯავახიშვილის⁸⁸ მიხედვით, „შეწამებულთა“ და დამნაშავეთა დასამწყვდეველ განკუთვნილ შენობას უძველეს ძეგლებში ეწოდება: „საპარობილე“, „სადილეგო“, „საკანი“, „საპატიმრო“ და არა „სამარტვლე“.

ამგვარად, როგორც „შუშანიკის წამებიდან“, ისე მომდევნო ხანის ქართული წერილობითი წყაროების მიხედვით ღვინდებაც, რომ „სამარტვლის“, როგორც წამებულთა დასამწყვდევე-დასასჯელი ნაგებობის ფუნქცია გამორიცხულია და იგი სულ სხვა დანიშნულების ნაგებობად გამოიყურება.

ვიდრე გავარკვევდეთ „სამარტვლის“ როგორც ნაგებობის კონკრეტულ ფუნქცია-დანიშნულების საკითხს, საჭიროა განვმარტოთ, რას უნდა ნიშნავდეს ქართულად სიტყვა „მარტვლი“ და აქედან გამომდინარე „სამარტვლე“? სულხან-საბა ორბელიანის სრული განმარტებით, „მარტვილი ლათინთა ენაა, მოწამეს უწოდენ; ხოლო მესხნი ყრმასა უწოდენ“⁸⁹.

ნ. ჩუბინაშვილის მიხედვით, „მარტვილი მოწამე, ტანჯული, მესხურად ყმაწვილი, ბავშვი“⁹⁰.

ე. ი. ჩვენ დიდ ლექსიკოლოგთა განმარტებით, ლათინური სიტყვის — „მარტვლის“ მესხური შესატყვისი სრულიად სხვა მნიშვნელობის სიტყვაა, იგი „ყრმას“, „ყმაწვილს“, „ბავშვს“ ნიშნავს და თუ ამ განმარტებით ვიხელმძღვანელებთ, გამოდის, რომ „სამარტვლე“ ქართულად „საყმაწვილეს“, „ყრმათათვის“ — „ყმაწვილთათვის“, „ბავშვთათვის“, განკუთვნილ „საბავშვო სახლს“ უნდა წარმოადგენდეს და არა „საწამებელ ან მოწამეთა სამარხო“ ადგილს, როგორც ნ. ჩუბინაშვილის აქვს განმარტებული (იხ. დასახ. გამოცემა, გვ. 346).

ამგვარი მოსაზრების სასარგებლოდ მიუთითებს თავად იაკობ ცურტაველის ცნობა, სახელდობრ: შუშანიკმა ქმრის გამაზდიანების შემდგომ სასახლეს თავი რომ მიაჩნება, ეკლესიითგან შინ კი აღარ დაბრუნდა, ანდა „სამარტვილეს“ კი არ მიაშურა (როგორც ეს თავის დროზე სამართლიანად შენიშნა ივ. ჯავახიშვილმა⁹¹, არამედ „ვითარცა აღასრულეს მწუხრისა ეჟამი, სახლაკი ერთი მცირე პოვა მახლობელად ეკლესიასა და შევიდა მუნ შინა... და მიეყრდნა ყურესა და მწართა ცრემლითა ტიროდა“⁹²-ო.

ივ. ჯავახიშვილის მიხედვით, „სახლაკი“ პატარა სახლის აღმნიშვნელია, იხმარებოდა აგრეთვე ტერმინი „სენაკი“ და „სენა“⁹³. მკვლევრის აზრით, „სე-

85 ი. ცურტაველი, წამება წმიდისა შუშანიკისი დედოფლისა, გვ. 39.

86 ს.-ს. ორბელიანი, სიტყვის კონა, გვ. 568, 569.

87 ნ. ჩუბინაშვილი, ქართული ლექსიკონი, გვ. 350.

88 ივ. ჯავახიშვილი, დასახ. ნაშრომი, გვ. 70.

89 ს.-ს. ორბელიანი, სიტყვის კონა, გვ. 194.

90 ნ. ჩუბინაშვილი, ქართული ლექსიკონი, გვ. 269.

91 ივ. ჯავახიშვილი, დასახ. ნაშრომი, გვ. 9. გვინდა აქვე შევნიშნოთ, რომ ღღემდე ამ სიტყვის „მარტვლის“ განმარტების დროს მკვლევრები გაურკვეველი მიზეზების გამო არატომდაც იყენებდნენ განმარტების მხოლოდ ლათინურ ვარიანტს, მესხურ განმარტებას, კი უყურადღებოდ ტოვებდნენ (პ. ფ.).

92 იაკობ ცურტაველი, დასახ. თხზულება, გვ. 39.

93 ივ. ჯავახიშვილი, გვ. 9, 18, 19.

ნაკი“ ცურტავეში სასახლის გარეშეც ყოფილა და ეკლესიის მახლობლადც მდგარა⁹⁴. იაკობ ხუცესის ცნობით, დიდმარხვის მოახლოებისთანავე... „მივიდა... შუშანიკ მახლობელად წმიდასა ეკლესიასა და იძია მცირე სენაკი და მუნ დაეყუდა“-ო⁹⁵.

ამ ამონაწერებიდან ნათლად ჩანს, რომ სარწმუნოებისათვის თავდადებული წამებული — შუშანიკი, ექვსი წლის განმავლობაში „სამარტვილში“ ერთხელაც კი არ ყოფილა და რაც მთავარია, არც ვარსკენს გამოუყენებია იგი შუშანიკის საიზოლაციოდ.

ზემოთქმული საშუალებას გვაძლევს დაეშვათ, რომ „სამარტველ“, რადგან იგი სასულიერო დანიშნულების ნაგებობათა კომპლექსში შედის⁹⁶, განკუთვნილი უნდა ყოფილიყო იმ ყმაწვილ (შესაძლოა ობოლთა) ბავშვთა სამზრუნველოდ ანუ მონასტრად⁹⁷, რომლებსაც სახელმწიფო მომავალ ღვთის მსახურებად და სასულიერო პირებად ზრდიდა. იქნებ ამგვარი მოსაზრების სასარგებლოდ ლაპარაკობს სხვადასხვა დროის და ხასიათის ის ისტორიული ცნობები, რომლებიც ბედის უკუღმართობას გადაურჩნენ და ჩვენამდე, ამა თუ იმ ბედნიერი შემთხვევის წყალობით, ნაკლული სახით მოაღწიეს. ასე მაგალითად, ლ. მენაბდის მიხედვით, VI ს-ში დაარსებულ დავით გარეჯის ლავრაში IX ს-ის პირველ ნახევარში, 15—16 წლის ასაკში სასწავლებლად მიდის შემდგომში სახელგანთქმული მოღვაწე და მეცნიერი ილარიონ ქართველი⁹⁸, იმავე ავტორის შრომიდან ვგებულობთ, რომ XI ს-ში გიორგი — პროხორე შავთელი, გამოჩენილი საეკლესიო მოღვაწე, მცირეწლოვანი მიიყვანეს მონასტერში⁹⁹. ჩვენს საკითხთან დაკავშირებით, იქვე ყურადღებას იქცევს იოსებ არაგვის ერისთავის შვილის ანდერძი, რომლის მიხედვით, ერთხელ კიდევ დასტურდება ნათლისმცემლის მონასტერში აღსაზრდელად ბავშვის მიყვანა-მიბარება. თვით იოსები იქ ათი წლისა მისულა¹⁰⁰. ანდერძი საყურადღებოა იმიტაც, რომ იგი გვაცნობს როგორც მონასტერში მიბარებულ ბავშვთა აღზრდელებს, ისე იქ მოღვაწე მწიგნობრებსაც¹⁰¹.

მოტანილი მაგალითები, ერთი მხრივ, თვალნათლივ მიუთითებენ მონასტერში არსებულ ბავშვთა აღზრდის იმ ტრადიციებზე, რომელიც ჩვენში საუკუნეთა განმავლობაში არსებობდა, ხოლო, მეორე მხრივ, ცხადყოფენ ზემოთ მოტანილ იმ ისტორიული ცნობის სისწორეს, რომ ბაგრატ IV-ემ (1027—1072), საქართველოში უცხოეთიდან ჩამოსულ გიორგი მთაწმინდელს მარტვილთა¹⁰²

94 ივ. ჯავახიშვილი, დასახ. ნაშრომი, გვ. 19.
95 იაკობ ცურტაველი, დასახ. თხზულება, გვ. 88.
96 ივ. ჯავახიშვილი, დასახ. ნაშრომი, გვ. 74.
97 მონასტერი ლათინურია, ქართულად სამზრუნველო ჰქვან, მონაზონთ საკრებულოსა (საბა. სიტყვის კონა, გვ. 219).
98 ლ. მენაბდე, ძველი მწერლობის კერები, I, ნაკვეთი მეორე, თბ., 1962, გვ. 280.
99 ლ. მენაბდე, იქვე, გვ. 434.
100 იქვე, II, თბ., 1980, გვ. 31.
101 იქვე, გვ. 249.
102 მარტვილის მონასტერი მარტვილის რაიონში მდებარეობს. ვახუშტი წერს: „ბანძას“ ზეთ, მაღალს ადგილზედ, არს ზყონდიდი, ეკლესია გუნბათიანი, დიდშენი, მარტვირისა“ (იხ. მისი „აღწერა სამეფოსა საქართველოსა“, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, IV, თბ., 1973, გვ. 776).

მონასტერში მოღვაწეობა და ჭყონდიდის¹⁰³ კათედრა შესთავაზა¹⁰⁴. მეფის ამგვარი არჩევანი არცაა გასაკვირი, რადგან გიორგი მთაწმინდელს ჩამოსვლისთანავე მიზნად დაუსახავს ეთავა სახელმწიფოებრივი მნიშვნელობის ყველაზე დიდი საქმე, როგორმე მოეწყო ომის და შიმშილის შედეგად გავერანებულ-გაპარტახებულ საქართველოში ობლად დარჩენილი ბავშვებისათვის. ხოლო, თავის მხრივ, ეს საქმე მატერიალური სახსრების გარდა, მოითხოვდა ტექნიკურად და მატერიალურად სრულყოფილ საწვრთნელ ბაზას — კერას, რომელიც ამასთან მტრისათვის შეუუღალ-მიუღვამელად იქნებოდა. ასევე, უნდა ახლოს ყოფილიყო ბიზანტია-კონსტანტინოპოლთან, რომ საჭირო შემთხვევაში აქედან ახალგაზრდები უცხოეთში გაეგზავნათ. ქართულ საგანმანათლებლო კერებში ცოდნის მისაღებად¹⁰⁵ და სხვ. გარდა ამისა, ჩვენი მოსაზრებით თუ სიტყვა „მარტვირი“ ქართულად ბავშვს — ყრმაწვილს ნიშნავს და „სამარტვილე“ ეკლესიითურთ წარმოადგენდა ყრმაწვილთათვის განკუთვნილ სულიერ სავანეს (ე. ი. ბავშვთა საწვრთნელი დაწესებულების კომპლექსს), გამოდის, რომ ამ კომპლექსში „სამარტვილე“ საერთო საცხოვრებლის — სამზრუნველს ანუ მონასტრის როლს ასრულებდა. და მართლაც, ავი ჭყონდიდს, სადაც ადრე მუხის მსახურების სალოცავი იყო, მხოლოდ მაშინ ეწოდა „მარტვლა“ როცა იქ ეკლესია და მონასტერი (სამზრუნველო) გააშენეს (ს. მაკალათია¹⁰⁶, ლ. მენაბდე¹⁰⁷, და სხვები). თუ ეს ასეა, მაშინ მსგავსი მუშაობის წარმოებისათვის სათანადო ბაზა და ტრადიცია მარტვირში ადრინდანვე უნდა ყოფილიყო დამკვიდრებული. ე. ი. ჩვენი ფიქრით, მასში ლეზულობდნენ ბავშვებს, რომლებიც თავიდანვე ღვთისადმი დიდი სიყვარულით გამოირჩეოდნენ, და შესაძლოა ობლებსაც, რომელთაც სახელმწიფო თავის საჭიროებისათვის ზრდიდა და იყენებდა. ამიტომ არ არის გამორიცხული, ის გარემოება, რომ მარტვილის მონასტერი თავიდანვე ამ მიზნისათვის ყოფილიყო განკუთვნილ-ამენებული და სახელწოდება მარტვილიც სიტყვა-ყრმაწვილიდან იყოს წარმოებული. ეს არცაა გასაკვირი, რადგან საქართველოში ქრისტიანული რელიგიის გავრცელება საჭირო ეროვნულ კადრსაც მოითხოვდა და ჩვენი ფიქრით, მარტვილის მონასტერი ამ მიმართებით ადრინდანვე, ალბათ, ერთ-ერთ წამყვან დაწესებულებას წარმოადგენდა. ამგვარი მოსაზრების სისწორეს ერთხელ კიდევ მხარს უჭერს ივ. ჯავახიშვილის ზემოთ მოტანილი მტკიცება იმის შესახებ, რომ ეკლესიანი და სამარტვილენი V ს-ის ძეგლებში ჩვეულებრივი მოვლენაა და ამ დროიდან მოყოლებული საქართველოში ძალიან გავრცელებული ყოფილა¹⁰⁸.

ჩანს, გიორგი მთაწმინდელის უცხოეთიდან ჩამოსვლის დროს, ომით და შიმშილით განაწამებ საქართველოში სხვა კერებს შორის მარტვილის მონას-

¹⁰³ მარტვილს ძველად ჭყონდიდს (მეგრულად დიდი მუხა) უწოდებდნენ. დადგენილია, რომ იქ ადრე მუხის მსახურების სალოცავი იყო. როცა იქ მოწამეთა (მარტვილთა) ეკლესია ააგეს და მონასტერი გაშენდა, მას მარტვილი ეწოდა) ს. მაკალათია, სამეგრელოს ისტორია და ეთნოგრაფია, თბ., 1941, გვ. 348).

¹⁰⁴ ლ. მენაბდე, ძველი ქართული მწერლობის კერები, I, ნაკვეთი II, თბ., 1962, გვ. 549—554.

¹⁰⁵ ლ. მენაბდე, ძველი ქართული მწერლობის კერები, II, თბ., 1930, გვ. 31, 247.

¹⁰⁶ ს. მაკალათია, სამეგრელოს ისტორია და ეთნოგრაფია, თბ., 1941, გვ. 348.

¹⁰⁷ ლ. მენაბდე, ძველი ქართული მწერლობის კერები, I, ნაკვეთი II, 1962, გვ. 549—554.

¹⁰⁸ ივ. ჯავახიშვილი, დასახ. ნაშრომი, გვ. 74.

ტერი მუშაობისათვის უფრო ხელსაყრელი იყო, ამასთან აკმაყოფილებდა ყველა ზემოთ ჩამოთვლილ პირობას და როცა გიორგი მთაწმინდელმა მეფეს თავისი განზრახვა გაანდო, მხარდაჭერა პოვა. ყოველ შემთხვევაში, ისტორიულ ცნობას რომელსაც თითქმის ყველა მკვლევარი (ივ. ჯავახიშვილი¹⁰⁹, გ. საბინინი¹¹⁰, კ. კეკელიძე¹¹¹, ჯ. აფციაური¹¹² და სხვანი) იზიარებს სახეზეა, რომ გიორგი მთაწმინდელი, როგორც უკვე აღვნიშნეთ, ხუთი წლის განმავლობაში აგროვებდა ობლად დარჩენილ ბავშვებს, მათ ზრდიდა, წერტნიდა და აყენებდა ცხოვრების გზაზე...

ამას იმიტომ ვიმეორებთ, რომ ამ ცნობის ფონზე გიორგი მთაწმინდელი საქართველოში გვევლინება არა როგორც ტრადიციის დამწყები, არამედ მისი აღმდგენელი და შესანიშნავი გამგრძელებელი.

აქედან გამომდინარე, ვფიქრობთ, გ. მთაწმინდელის შესანიშნავ წინამორბედად ცურტავის, გარეჯის, მარტვილის და სხვა სამარტვილეების აღმშენებლის თუ დამაარსებლის შემდეგ, უნდა მივიჩნიოთ ჩვენთვის ჭერჯერობით უცნობი პირი (რომლის მოღვაწეობა თითქმის ემთხვევა ან ცოტათი წინ უსწრებს გ. მთაწმინდელის მოღვაწეობას), რომელმაც სოფ. ხიზაბავრის მახლობლად მდებარე ტყეში (X ს-ის დასასრულს და XI ს-ის დამდეგს) ითავა აგებულიყო ფუნქციურად „მარტვილის“ — სულიერი სავანის მსგავსი (მაგრამ არქიტექტურულად მცირე მასშტაბის შენობებით) დაწესებულება — „ობოლთა თავშესაფრითა და ეკლესიით, რომელსაც ხალხმა, თაობებმა, თავისი პირველადი მწიგნობრული სახელის „სამარტვილეს“ ან ძველი ქართული სახელის „საყმაწვილეს“ ნაცვლად პირდაპირ ცხოვრებისეული სახელი — „ობოლთა საცხოვრისი“ ანუ შემოკლებით „ობოლეთი“ უწოდა. იქნება იმიტომ, რომ იგი იმ ხანად მხოლოდ ობლებისათვის იყო განკუთვნილი.

„ობოლეთის“ ძეგლებს ამჟამად დიდი კულტურულ-ისტორიული მნიშვნელობა ენიჭება, რადგან დღემდე საქართველოში ამ ტიპის დაწესებულება ფიზიკურად მიკვლეული ან ამ თვალსაზრისით, ამ კუთხით შესწავლილი არ არის. ამიტომ საშურია მისი სათანადო, კომპლექსური შესწავლა.

П. М. ПИРПИЛАШВИЛИ

О СИРОТСКОМ ПРИЮТЕ В ОБОЛЕТСКОМ ЛЕСУ

Резюме

В Аспиндзском районе, в 7—8 километрах от села Хизабавра, в Обоветском лесу находятся Обоветская церковь и остатки «сожженных домов» вокруг него (табл. I, рис. 1). Надпись на церкви (табл. II, рис. 1). Теймуразом Барнавели датирована концом X — началом XI веков и расшифрована как «Св. Саломе», «Св. Савле»

¹⁰⁹ ივ. ჯავახიშვილი, ქართველი ერის ისტორია, წ. II, გვ. 187, 190, 191.

¹¹⁰ გიორგი ხუცესმონაზონი, ცხოვრება გიორგი მთაწმინდელისა; გ. საბინინი, საქართველოს სამოთხე, 1882, გვ. 437, 438.

¹¹¹ კ. კეკელიძე, ქართული ლიტერატურის ისტორია, I, 1941, გვ. 192.

¹¹² ჯ. აფციაური, გიორგი მცირის, „გიორგი მთაწმინდელის ცხოვრება“, თბ., 1980, გვ. 32, 98.

13. „მაინე“, ისტორიის სერია, 1990, № 4

или «Св. церковь». Основываясь на этих данных, а также анализируя литературные сведения и устные предания, предполагается, что Обоветский комплекс являлся сиротским приютом, построенным неизвестным лицом по имени «Саломе» или «Савле». Подчеркнуты большое культурно-историческое значение «Обовети» и необходимость его комплексного изучения, так как учреждение подобного типа в Грузии ранее не обнаруживалось.

P. M. PIRPILASHVILI

TO THE PROBLEM OF THE ORPHANAGE IN THE OBOLETI WOOD

Summary

In the Aspindza vicinities, in 7—8 kilometers from Khizabavra village, in the Oboleti wood, Oboleti church and the remains of „burnt house“ around of it are disposed (tab. I. fig. I.). The inscription over the church (tab. II. fig. I.) by Teimuras Barnaveli is dated by the end of the X—th and beginning of the XI—th centuries and is deciphered as „St. Salome“, „St Savle“ or „St. church“. Based on this data and analysing literary information and legends, the author supposes that the Oboleti complex is the orphanage, built by the unknown for us person „Salome“ or „Savle“. The great cultural-historical significance of „Oboleti“ is emphasized and its complex investigation is considered necessary, because such kind of institution has not been found yet in Georgia.

წარმოადგინა საქართველოს რესპუბლიკის მეცნიერებათა აკადემიის აკადემიკოსმა ვ. ბერიძემ

არქაული ასახიზვილი

ეზლას ცივილიზაცია

XX ს-ის დიდ არქეოლოგიურ აღმოჩენებს მიემატა კიდევ ერთი საყუ-
რადღებო აღმოჩენა: იტალიელმა არქეოლოგებმა სირიის არაბთა რესპუბლი-
კის ტერიტორიაზე მიაკვლიეს ეზლას — უძველეს ქალაქ-სახელმწიფოს, რ-
მელიც ძვ. წ. III—II ათასწლეულებში არსებობდა სირიის ტერიტორიაზე.
აღნიშნულმა გათხრებმა კიდევ ერთხელ უარყო მეცნიერთა მიერ ადრე ჩამო-
ყალიბებული დოგმატური მოსაზრება იმის შესახებ, რომ კაცობრიობის პირ-
ველი ცივილიზაციები იქმნებოდა მხოლოდ დიდი მდინარეების მიმდებარე
ტერიტორიებზე: ტიგროსისა და ეფრატის შუამდინარეთში, ნილოსზე, ინდის
აუზში და სხვ. ეზლას აღმოჩენამ წარმოაჩინა ძვ. წ. III ათასწლეულის ქალა-
ქი-სახელმწიფო, რომლის ცენტრი არ უკავშირდებოდა დიდ მდინარეებს. ეს
სახელმწიფო თავისი განვითარებით დიდად არ ჩამოუვარდებოდა ეგვიპტესა
და შუმერს.

მეცნიერები ეზლას გათხრებამდე იცნობდნენ. მის შესახებ ცნობებს შე-
იცავენ ძვ. წ. III—II ათასწლეულების ლურსმული ფირფიტები, რომლებიც
ეზლას მოიხსენიებენ როგორც ძლიერ სახელმწიფოს. მის წინააღმდეგ ილაშ-
ქრეს სადგონ აქადელმა, ნარამსუენმა და სხვ. მეფეებმა.

1964 წ. რომის უნივერსიტეტმა მიიღო გადაწყვეტილება სირიაში არქე-
ოლოგიური გათხრების წარმოების შესახებ. იტალიელი არქეოლოგები დაინ-
ტერესებული იყვნენ შეესწავლათ წინაელისტიური ხანის დასავლეთ აზიის
კულტურა, ფინიკიის სანაპირო ქალაქები და არამეული კულტურის ცენ-
ტრები. ამ მიზნით, რომის უნივერსიტეტმა დამასკოს სიძველეთა გენერალურ
დირექტორატს მოთხოვა ნებართვა არქეოლოგიური გათხრების საწარმოებლად
აღეპოს რეგიონის ორ პუნქტში: აღეპოს სამხრეთ-დასავლეთით მდებარე
თელ-მარდისის ბორცვზე და მისგან ჩრდილოეთით, თელ-აფისში. ნებართვა და-
უყოვნებლივ იქნა გაცემული, რაც არქეოლოგიური ექსპედიციის ხელმძღვ-
ნელის ბაოლო მატეის სიტყვებით, გამოწვეული იყო იტალიელი არქეოლო-
გებისადმი სირიელთა სიმპათიებით.

ბაოლო მატემ კარგად იცოდა ისტორიულ მეცნიერებაში გაბატონებუ-
ლი აზრი იმის შესახებ, რომ სირიასა და პალესტინაში „ქალაქური ცივილი-
ზაცია“ (საბჭოთა ისტორიოგრაფიაში ე. წ. „კლასობრივი საზოგადოება“) შე-
იქმნა ძვ. წ. II ათასწლეულში და ამ მოვლენაზე დიდი გავლენა იქონიეს ე. წ.
„სამდინარო ცივილიზაციებმა“ (ეგვიპტე, მესოპოტამია). მაგრამ ბაოლო მა-
ტე არ იზიარებდა ამ აზრს და მან გადაწყვიტა ჩაეტარებინა არქეოლოგიური
გათხრები სირიაში. მისი არჩევანი შეჩერდა თელ-მარდისის ბორცვზე. ჰ. მა-

ტიე სამი მიზეზით განმარტავს თავის არჩევანს; ზედაპირული კერამიკული მასალა უეჭველად განეკუთვნებოდა ძვ. წ. 2500—1500 წწ.; 56 კა ფართობის დასახლება სარწმუნოს ხდიდა ვარაუდს, რომ თავისი არსებობის დროს ეს ადგილი მნიშვნელოვან როლს ასრულებდა სირიის ისტორიაში; დაბოლოს, ბედნიერი შემთხვევის წყალობით ბორცვზე აღმოჩენილი იქნა ძვ. წ. XIX ს-ის თასი. ნაპოვნი ამტკიცებდა ვარაუდს იმის თაობაზე, რომ ამ პერიოდში ქალაქს ჰქონდა სასახლის ჩამოყალიბებული სტრუქტურა და სახელისნოები, სადაც




Figure 1 The Major Archaeological Sites of Syria


აწარმოებდნენ მალაქმატკრულ საგნებს. გათხრების შედეგად აღმოჩენილმა სხვადასხვა პერიოდის მრავალრიცხოვანმა კულტურულმა ფენებმა დაადასტურა პ. მატეის მოსაზრება.

არქეოლოგიური გათხრების პირველი პერიოდის მიზანი იყო აკროპოლისის კედლებისა და ე. წ. „ქვედა ქალაქის“ ფენების შესწავლა. გათხრილი იქნა სამეფო სასახლის ნაწილი და მონუმენტური ქვის ჭიშკარი. პირველი ხუთწლეულის აღმოჩენებიდან აღსანიშნავია ბაზალტის სტელა აქადური ლურსმული წარწერით, რომელიც იხსენიებდა ებლას მეფეს. სწორედ მაშინ იგულისხმეს იტალიელმა არქეოლოგებმა, რომ გათხრილი ობიექტი იყო ქ. ებლა. თუ

აქამდე ისინი მიზნად ისახავდნენ შეესწავლათ შუაბრინჯაოს ხანის I და II ფენები, ეხლა გადაწყვიტეს გამოეკვლიათ ადრებრინჯაოს ხანის ქალაქის IV ფენაც. არქეოლოგებს რწმენას მატებდა ის აზრი, რომ ისინი თხრიდნენ სარგონის მიერ დამარცხებულ და წარამსუენის მიერ დაპყრობილ ებლას.


უძველესი დასახლებები თელ-მარდისის ტერიტორიაზე შეიმჩნევა მარდის I ფენაში — პროტოისტორიული პერიოდი (ძვ. წ. 3500—2900 წწ.), დასახლებათა ინტენსიურობა იზრდება მარდის II A ფენაში (ძვ. წ. 2900—2400 წწ.). ამ პერიოდის ებლას ურთიერთობანი აქვს ადრედინასტიური ხანის მესოპოტამიასთან. შემდგომ ეტაპზე, მარდის II B 1 ფენაში (ძვ. წ. 2400—2250 წწ.) ებლა უკვე მნიშვნელოვანი პოლიტიკური ცენტრია. ამ პერიოდს განეკუთვნება სამეფო სასახლე, არქივები, ტაძარი, საფორტიფიკაციო ნაგებობები. ძვ. წ. 2300 წ. ებლაში იგი შეიჭრა სარგონ აქადელი, ხოლო ძვ. წ. 2225 წ. ებლა განადგურა ნარამსუენ აქადელმა. ებლას ისტორიის შემდგომი ეტაპია მარდის II B 2 ფენა (ძვ. წ. 2250—2000 წწ.). მესოპოტამიაში იგი ემთხვევა აქადის დინასტიის დასასრულს, გუთიების ბატონობის ხანას, ლამაშის II დინასტიასა და ურის III დინასტიის ეპოქას. ეს არის ადრებრინჯაო IV B ხანა. უნდა აღინიშნოს, რომ ძირეული სხვაობა ამ ფენასა და წინა ფენას შორის, მატერიალური კულტურის სავნების მიხედვით, არ შეიმჩნევა.

როგორც არქეოლოგიური მასალა მიუთითებს, ზემოაღნიშნული ეპოქის დასასრულს მოხდა კატასტროფა, რომლის შედეგადაც ებლა განადგურდა. ებ-



სურ. 2. თიხის ფირფიტა ეკონომიკური ხასიათის ტექსტით (ალეპოს არქეოლოგიური

ლას ხელახალი აღორძინება იწყება მარდის III A (ძვ. წ. 2000—1800 წწ.) ფენიდან და ემთხვევა ქ. ისინისა და ქ. ლარსას დინასტიების ბატონობას მესოპოტამიაში, ამორეელთა გამოჩენას მესოპოტამიასა და სირიაში. ებლა კვლავ მნიშვნელოვანი ცენტრი ხდება. აღდგა არქიტექტურული ნაგებობანი, გალავნის კედლები. აღმოჩენილი მდიდარი კერამიკა, ქანდაკებები და ხელოვნების სხვა ნიმუშები მიუთითებენ ამ პერიოდის ებლას სიძლიერეზე. შემდგომ ეპოქაში მარდის III B ფენა (ძვ. წ. 1800—1600 წწ.) მნიშვნელოვანი კულტურული ძვრები არ შეიმჩნევა. არქეოლოგიური გათხრები ნათელყოფს, რომ ქალაქი კვლავ განადგურდა. მისი მოსპობა, ერთი მოსაზრების მიხედვით, დაკავ-



სურ. 3. მეომრებისა და ღმერთების თავების გამომსახავი რელიეფი (აღებოს არქეოლოგიური მუზეუმი).

შირებულია იამხადის სამეფოსთან; მეორე მოსაზრების თანახმად, ებლა გაანადგურა ხეტების მეფე ხათუსილი I-მა, ან მისმა მეგვიდრე მურსილიმ ძვ. წ. 1600 წ.; ამ დროიდან ებლაში დასახლების კვალი აღარ შეიმჩნევა, რასაც მოწმობს მარდის IV A და B ფენები (ძვ. წ. 1600—1200 წწ.).

ძვ. წ. 900—720 წწ. (მარდის V B ფენა) ებლა ასრულებდა ციხე-სიმაგრის ფუნქციებს ჰამათისა და ლაშაგის არამეული სამეფოებისათვის. ძვ. წ. 720 წ. ებლა გაანადგურა სარგონ II-მ, რომელმაც დაიპყრო ჰამათი და მისი მიმდებარე ტერიტორიები. ამ პერიოდიდან იწყება ჯერ ასურელთა, ხოლო შემდეგში ბაბილონელთა ბატონობა. გათხრების შედეგად გამოვლინდა, აგრე-

თვე, სპარსელთა ბატონობის პერიოდის ფენა, ელინისტური ხანისა და ბიზანტიური ხანის ნიმუშები, ისლამური ეპოქის მატერიალური კულტურის ძეგლები.

1968 წ. ჩატარებული არქეოლოგიური კვლევის შედეგად აღმოჩენილი იქნა ბაზალტის სტელის ფრაგმენტი, რომელიც სპარსულ-ელინისტურ ხანაში გამოყენებული იყო სამშენებლო მასალად. იგი თარიღდება ძვ. წ. 190მ წლით. ფრაგმენტზე შემორჩენილია აქადურ ენაზე შესრულებული წარწერა ასურული დიალექტიზმებით. წარწერაში მოიხსენიება ებლას მეფე იბათლიმი. ებლა მოიხსენიება სარგონ აქადელის წარწერაშიც, აგრეთვე ნარამსუნისა და



სურ. 4. რიტუალის გამომსახავი რელიეფი (აღეპოს არქეოლოგიური მუზეუმი).

ლაგაშის ენსი გუდუას ტექსტებშიც. როგორც ურის მესამე დინასტიის წარწერები მიუთითებენ, ებლას მოსახლეობას მკიდრო სავაჭრო კონტაქტი ჰქონდა დამყარებული შუმერთან. ებლას და მარის ხალხს იხსენიებს ისინის დინასტიის წარმომადგენელი იშბიერა (ძვ. წ. 2017—1985 წწ.) ძველბაბილონურ ტექსტში — „მითი ნიფურის ღეთაება ნანაზე“, მოიხსენიება ებლას ველი. წარწერა ალალახიდან (ძვ. წ. 1700 წ.) გვაუწყებს ქორწინების შესახებ ალალახის მეფის ძისა და ებლას მეფის ასულს შორის, ალალახის მეფის ვიზიტის შესახებ ებლაში. ებლა მოიხსენიება მარის ღურსმულ ტექსტებშიც.

1973—1976 წწ. არქეოლოგიური გათხრების შედეგად აღმოჩენილი იქნა მკაუთრივ ებლას სამეფო არქივები. თიხის ფირფიტების საერთო რაოდენობა

17050 აღმატებოდა. გამოიკვეთება სამი ტიპის ფირფიტები: მართკუთხა, კვადრატული და მრგვლოვანი.

არქივი შინაარსობლივად მრავალფეროვანია: აღმოჩენილია სავაჭრო-ეკონომიკური, პოლიტიკური, სოციალური, რელიგიური, დიპლომატიური, ლიტერატურული თუ ლექსიკური სახის მასალები. განსაკუთრებით აღსანიშნავია შუმერულ-ებლაური ლექსიკონი.

ებლას ტექსტები, მიუხედავად სირთულისა, რაც დაკავშირებულია მათ ინტერპრეტაციასთან, გარკვეულწილად ნათელს ფენს ვაჭრობისგან მიღებული შემოსავლის ფინანსურ სტრუქტურას, ქსოვილებისა და ლითონის ნივთების დანაწილების ორგანიზაციას და ვაჭრობას, საკვების გაცემის რაციონის სისტემას, საკმაოდ გავრცელებული მსხვილფეხა რქოსანი საქონლისა და ცხვრის მოშენების ტექნოლოგიას, სამიწათმოქმედო სამუშაოებზე კონტროლის



სურ. 5. სტატუსის ტორსი შეფე იბითლიმის წარწერით (ილეპოს არქეოლოგიური მუზეუმი).

ორგანიზაციას, ტაძრებისა და ღვთაებებისადმი მსხვერპლშეწირვის სისტემას, სამეფო სასამართლო ინსტანციების საქმიანობას, დიპლომატიურ ურთიერთობებს, მწერალთა მომზადების მეთოდებსა და სამეურნეო-ადმინისტრაციული ცხოვრების სხვა მნიშვნელოვან ასპექტებს. უნდა ითქვას, რომ ფირფიტების ფორმით შესაძლებელია გაირკვეს, თუ რა ხასიათის წყაროსთან გვაქვს საქმე. მაგალითად, ისტორიული დოკუმენტები იწერებოდა მხოლოდ მრგვლოვანი ფორმის ფირფიტებზე. დოკუმენტები „ბიბლიოთეკის“ ოთახებში თემატურად იყო განლაგებული. ცალ-ცალკე ინახებოდა სამიწათმოქმედო-ადმინისტრაციული ტექსტები, სავაჭრო, ლიტერატურული, ლექსიკური და ისტორიული ხასიათის დოკუმენტები, დეკრეტები და წერილები. გამოიყენებოდა დოკუმენტაციის შენახვის სამი მეთოდი: ფირფიტებს აწყობდნენ ღია თაროებზე, გრძელ სკამებზე, დაზიანებისაგან დაზღვევის მიზნით ფარავდნენ ხის დაფებით.

* მრავალრიცხოვანი ლურსმული ტექსტების აღმოჩენისთანავე ექსპედიციის ეპიგრაფისტმა ჯ. პეტინატომ, რომელსაც საკმაო გამოცდილება ჰქონდა შუმერული და აქადური წარწერების ამოკითხვაში, დაიწყო მათი დამუშავება. მან პირველმა აღმოაჩინა შუმერულ-ებლასური ლექსიკონის ფრაგმენტები. ებლას სამეურნეო ტექსტების კითხვისას პეტინატომ დაასკვნა, რომ მათში მოიხსენიებოდნენ ასურულ-ბაბილონური ტექსტების ცნობილი ქალაქები: აშური, ქანესი, სიქიმი, მეგიდო, სამარია, ღაზა, სოდომი, გომორა, სიგორი და სხვ. იქმნებოდა შთაბეჭდილება, რომ ებლა წარმოადგენდა არა მნიშვნელოვან ქალაქ-სახელმწიფოს, არამედ იმპერიას ღაზადან (პალესტინის უკიდურესი სამხრეთ სანაპირო და მკედარი ზღვის სამხრეთ სანაპირო), ვიდრე დღევანდელი თურქეთის ცენტრალურ ნაწილამდე. ექსპედიციის ხელმძღვანელმა პ. მატეიმ თავის პირველ წიგნს ებლას შესახებ უწოდა „ებლა — იმპერიის ხელახალი აღმოჩენა“, ხოლო პეტინატომ: „ებლა — თიხაში აღბეჭდილი იმპერია“. ჰიპოთეზას ებლას იმპერიად მიჩნევის შესახებ, მკვლევართა აზრით, ადასტურებდა დოკუმენტი, რომლის მიხედვით მარის მეფე ებლას მეფეს უგზავნის ოქროსა და ვერცხლს (ხარკს). ისტორიკოსთა დიდმა ნაწილმა იმთავითვე არ ვაიზიარა ებლას იმპერიად მიჩნევის ჰიპოთეზა. თავდაუზოგავი შრომის შედეგად, რაც გამოიხატებოდა ებლას ტექსტების თითოეული ლურსმული ნიშნის იდენტიფიცირებაში, მეცნიერები მივიდნენ დასკვნამდე, რომ წარწერებში მოხსენიებული ქანესი არ შეესატყვისებოდა მცირე აზიის ქანესს. მცდარი აღმოჩნდა პეტინატოსეული ამოკითხვა სახელწოდებებისა: აშური, ღაზა, სოდომი, გომორა, სიგორი, სიქიმი და მეგიდო. რაც შეეხება მარის, ნაპოვნი იქნა წარწერები, რომელთა მიხედვითაც ებლას მეფეები მარის მეფეებს უგზავნიან ოქროსა და ვერცხლს. ამგვარად აღმოჩნდა, რომ ებლა წარმოადგენდა ადრეების ხალხის ეპოქის დიდ ქალაქ-სახელმწიფოს, რომელიც შესაძლოა შეეძალაოთ შუმერულ ლავაშს. ებლას ჩრდ. სიბიული ცივილიზაცია, მისი თანამედროვე შუმერისა და ეგვიპტის ცივილიზაციებთან ერთად, თამამად შეიძლება ჩაითვალოს ძვ. წ. III ათასწლეულის ახლო აღმოსავლეთის ერთ-ერთ უძველეს ცივილიზაციად.

ებლას ტექსტების დამწერლობა კლასიკური მესოპოტამიური ლურსმულის ნიმუშია, რომელიც იხმარებოდა ძვ. წ. IV ათასწლეულის შუმერში აღმინისტრაციული შინაარსის ტექსტების შესადგენად. ნიშნები პალეოგრაფიულ ევოლუციაზე მიუთითებენ. შემორჩენილია როგორც პრესარგონული, ასევე

ლუგალზაგესის ურუქელის, სარგონ აქადელის, ურუქაგინასა და ლუგალანდას ეპოქის დამწერლობითი ნიმუშები. აღსანიშნავია ის გარემოება, რომ ნარამსუნის ეპოქისათვის დამახასიათებელი ნიშნების ევოლუცია, ებლასთვის უცნობია.

სავარაუდოა, რომ თავდაპირველად დამწერლობა, შუმერებისაგან გადაიღეს სემიტმა აქადელეებმა, ხოლო სემიტი-ებლაელები სარგებლობდნენ ძველ-აქადური სამწერლობო სკოლის გამოცდილებით. ეს იქიდანაც ჩანს, რომ აქადელეები შუმერული იდეოგრამების მნიშვნელობას თავიანთ ენაზე სწორად თარგმნიდნენ (მაგალითად, *lugal.šarrum* „მეფე“, *dam-’attatum* („ცოლი“). ხოლო ებლაელები ამავე ნიშნებს უთავსებდნენ არა შუმერულ ან აქადურ მნიშვნელობას, არამედ ცვლიდნენ მათ ებლური სიტყვებით. მაგალითად, აქადურად *šarrum* აღნიშნავდა „მეფეს“. აქადელეები სწორედ ამგვარად კითხულობდნენ შუმერულ იდეოგრამას *lugal* „მეფე“, *attatum* — აქადურად აღნიშნავს „ცოლს“ და ისინი სწორედ ამგვარად თარგმნიდნენ შუმეროგრამა *dam-s*. ებლურად *šarrum* აღნიშნავდა „დიდებულს“, *attatum* „ქალს“ და „მხევალს“, ამიტომაც შუმეროგრამებს *lugal* და *dam* ებლელი მწერლები იყენებდნენ „დიდებულის“ და „მხევალის“ აღსანიშნავად. რაც შეეხება „მეფეს“ და „ცოლს“ ებლაელები მათ სხვა იდეოგრამებით ვაღმოსცემდნენ. ტექსტების შესწავლამ აჩვენა, რომ მათში გამოყენებული ლურსმული ნიშნები ებლაელებმა შეითვისეს ჩრდილოეთ შუმერული დამწერლობიდან. სწორედ ამით აიხსნება სამხრეთ შუმერული სამეურნეო ხასიათის ტექსტებისაგან აბსოლუტურად განსხვავებული იდეოგრამების გამოყენება, რაც დღევანდელ ეტაპზე აძნელებს ებლას ტექსტების სრულ ინტერპრტირებას. რაც შეეხება ორთოგრაფიას ის სავსებით შეესატყვისება ძველ აქადურს.

ისევე როგორც მესობოტამიურ აქადურში, ებლას ტექსტებშიც უხვი რაოდენობით იხმარება შუმერული ლოგოგრამები. ენა აშკარა არქაული სემიტურია, რასაც მოწმობს სემიტური ფონეტიკური ფორმით დაწერილი სიტყვები, კავშირები და ამ ფორმების შუმერული შესატყვისები, სინტაქსი და სემიტური პრეფიქს-სუფიქსები.

ებლური ენა, დღევანდელი მონაცემების მიხედვით, არის აფრაზიულ ენებში შემავალი სემიტური ენების ოჯახის ერთ-ერთი არქაული ენა. ის დაკავშირებულია როგორც ჩრდილო-აღმოსავლეთ სემიტურ (აქადურ), ასევე დასავლეთ სემიტურ (არამეულ) ენებთან, რაც იმის მიმანიშნებელია, რომ ებლური ენა წარმოადგენდა აღმოსავლეთ სემიტური და დასავლეთ სემიტური ენების შუა მყოფ პრასემიტურ დიალექტურ კონტინუუმს, რომელიც არც თუ ისე დიდი ხნის წინ გამოეყო საერთო სემიტურ არქაულ ენას.

ებლას მჭიდრო კონტაქტები ჰქონდა ჩრდ. მესობოტამიის ისეთ მნიშვნელოვან ქალაქ-სახელმწიფოებთან, როგორიცაა: ემარი და აბარსალი. სამხრეთ-დასავლეთით მას ემეზობლებოდა ჰამათი. ებლას ვასალი ქალაქები იყვნენ ეფრატისა და ბაღისის მიდამოებში მდებარე ირიდუმი და ხარანი. მნიშვნელოვანი სავაჭრო ურთიერთობანი ჰქონდა ებლას ქაქმიუმთან და გასურთან (გვიანი პერიოდის ნუში). და განსაკუთრებით ქიშთან — ქვემო მესობოტამიის ჩრდ. ნაწილში. ისევე როგორც მარი, ებლა აკონტროლებდა სავაჭრო გზას ლიბანისა და ამასის კედარის ტყეებისა და მცირე აზიის ვერცხლისა და სპილენძის საბადოებისაკენ. შემთხვევითი არ უნდა იყოს ის გარემოება, რომ ურუქის



მეფე ლუგალზაგისის (დაახლოებით ძვ. წ. 2336—2310 წწ.) გამარჯვებამ ქიშის ქალაქ-სახელმწიფოზე გაუხსნა მას „გზა ტიგროსსა და ევფრატზე, ქვემო და ზემო ზღვევზე“. ლუგალზაგისის დამარცხებამ აქადის მეფე სარგონთან (ძვ. წ. 2316—2261 წწ.), ამ უკანასკნელს საშუალება მისცა ელაშქრა ჩრდ. დასავლეთ სირიაში ტავროსის „ვერცხლის მთებამდე“. სარგონის წარწერის მიხედვით, „ღვთაება დაგანმა უბოძა მას მარი, იარმუთი და ებლა“. სავაჭრო ურთიერთობანი ებლას ბიბლოსის საშუალებით აკავშირებდა ეგვიპტესთანაც. საკუთრივ ებლასა და ბიბლოსს შორისაც არსებობდა შუამავალი ქალაქ-სახელმწიფო. მკვლევართა აზრით, ასეთი შუამავლის როლს ასრულებდა რომელიღაც სამხრეთ სირიული პოლიტიკური ერთეული, ისეთი როგორცაა, მაგალითად, ჰამათი, კათნა, ან თუნიფი, რომლებიც აკონტროლებდნენ უღელტეხილებს ლიბანსა და ფინიკიის სანაპიროებს შორის. ებლას სასახლეში აღმოჩენილია ალექსანდრიის კურტულის ნამტკრვევები ეგვიპტის IV დინასტიის ფარაონის ხეფრენის (ძვ. წ. 2600 წ.), VI დინასტიის ფარაონის პიოპი I-ის ამოტიფრული სახელებით. აღმოჩენილია აგრეთვე ავღანური ლაზურბრები და თუთია.

ებლას საზოგადოების სტრუქტურის შესახებ ლაპარაკი ნადრეცია მანამ, სანამ არ დამუშავდება მთელი არქივი ებლური ტექსტებისა, თუმცა ისინი შექს მოჰფენენ მხოლოდ სახელმწიფო აპარატის სოციალურ სტრუქტურას და არაფერს გვამცნობენ სათემო სექტორის შესახებ.

სახელმწიფოს სათავეში ედგა პიროვნება, რომლის აღსანიშნავადაც წერილობით წყაროებში გამოიყენებოდა შემეროგრაჰა en („ბატონი“), რომელიც ებლურად თარგმნება როგორც „მეფე“ (malikum). ქვემო მესოპოტამიის სამხრეთ ნაწილში ტერმინით en აღინიშნებოდა ქურუმი, რომელიც გარკვეულ შემთხვევაში სარგებლობდა მეფის უფლებებითა და პრივილეგიებით. საერთოდ, კი შემერული ქალაქ-სახელმწიფოს სათავეში იდგა პიროვნება, რომლის ტიტულს აღნიშნავდა შემეროგრაჰა lugal „დიდი ადამიანი“. სწორედ ამ ტერმინის აქადური თარგმანი šarrum აქადის დინასტიის დესპოტური სამეფო ხელისუფლების ეამს, იქცა ცნება „მეფის“ ამღვინიშნელ სინონიმად. ებლური მწერლები შემერული lugal-ის ამ ეკვივალენტს (š arrum) თავიანთ ენაზე თარგმნიდნენ როგორც „დიდგვაროვანი ადამიანი“. ებლას ტექსტებში ამ შემეროგრაჰით აღინიშნებოდნენ სამეფო მეურნეობის ცალკეული დარგების მმართველებიც, რომლებიც ემორჩილებოდნენ მეფეს (შემეროგრაჰა en — ებლური malikum). ამ უკანასკნელს ადმინისტრაციულ და სამხედრო ლიდერის ფუნქციებთან ერთად ეკისრებოდა გარკვეული საკრალური ფუნქციაც, რომლის კონკრეტუზაციაც შესაძლებელი იქნება მხოლოდ ტექსტების საბოლოო შესწავლის შემდეგ.

ებლას მეფე — malikum სახელმწიფოს მართავდა ორი ან სამი მრჩევლის დახმარებით. მრჩეველ-უზუცესთა ინსტიტუტი არსებობდა ამ პერიოდის სირიის სხვა ქალაქ-სახელმწიფოებშიც. სამეურნეო, საქმეებს განაგებდა მოხელე 'adanum-„ბატონი“. სახელმწიფო სამიწათმოქმედო და სასაქონლო მეურნეობანი მიმოფანტული იყო ქალაქ-სახელმწიფოს მთელ ტერიტორიაზე. იმ მუშახელს (e'-durus) შორის, რომლებიც იღებდნენ საკვებ რაციონსა და მიწის ნაკვეთებს თავის გამოსაკვებად, მოიხსენიებიან „ახალგაზრდა მუშება“ (guruš), „უფროსი მხენელები“ (engar) და მონები (ir₁₁). ზოგ ადგილას მო-

იხსენიებიან უბრალოდ „ადამიანები“ (na-sii), რომლებსაც ტექსტები აშკარად განასხვავებენ „მონებისაგან“.

დოკუმენტთა ნაწილი ეხება დიდებულთათვის მიწების დარაგებას. იმისდა მიუხედავად, რომ ამ ტექსტებში გამოყენებულია ტერმინი nig-ba „ბოძება“, საქმე ეხება მიწის არა საკუთრებაში გადაცემას, არამედ ამ მიწიდან მოსავლის მიღების უფლებას გარკვეული ვადით. ამ პერიოდის ახლო აღმოსავლეთში მიწა იყო თემის საკუთრება და ნაწილდებოდა თემს შიგნით ოჯახებს შორის.

ებლას დღევანდელ ეტაპზე შესწავლილი არქივების დოკუმენტები არაფერს იუწყებიან ქვეყნის სამხედრო-პოლიტიკური ისტორიის შესახებ. ებლახე თავიანთი ლაშქრობის თაობაზე მოგვითხრობენ აქადის დინასტიის წარმომადგენლები სარგონი (ძვ. წ. 3316—2261 წწ.) და ნარამსუენი (ძვ. წ. 2236—2200 წწ.). ამ უკანასკნელმა ძვ. წ. 2225 წ. გაანადგურა ებლა მისი უკანასკნელი მეფის იბი-ზიქირის მმართველობის ეამს. დაახლოებით ძვ. წ. 2000 წ. ებლა კვლავ აღდგა, თუმცა მისი მოსახლეობის უმრავლესობას უკვე ამორეელები და ხურიტები შეადგენდნენ. ებლა არსებობას აგრძელებს ძვ. წ. II ათასწლეულის I ნახევარში, ხოლო შემდეგ კვლავ განადგურდა, უკვე საბოლოოდ.

განსაკუთრებული აღნიშვნის ღირსია ის გარემოება, რომ ებლას ტოპონიმიკა, როგორც ამას ი. გელბი აღნიშნავს, არც ხურიტულია, არც შუმერული, არც არამეული და არც ინდოევროპული, არამედ აქამედ უცნობი, საიდუმლოებით მოკული უძველესი ეთნიკური სუბსტრატი.

ებლას სამეფოს ღვთაებათა პანთეონი მთლიანობაში არ განსხვავდება ძვ. წ. III—II ათასწლეულების დასავლეთ სემიტურ პანთეონებისაგან. დოკუმენტები მოიხსენიებენ უსახელო ღვთაება ილს (ilum — „ღვთაება“), სეტყვისა და წვიმის ღმერთ ზადას და ქალღმერთ ეტარს. საქალაქო პანთეონის სათავეში დგას ჩვენთვის დღემდე უცნობი ღვთაება ქურა. ებლას პანთეონის ღვთაებათა შორის აღსანიშნავია აგრეთვე რასადი, სიფიში, ეშთარი, ადა (ადადი), ქამიში (ქემიშის არქაული ფორმა) და სხვ.

ებლას არქივებმა შემოგვინახეს რამდენიმე შუმერული ლიტერატურული ტექსტი, რომელთა შორის აღსანიშნავია ჰიმნი მიძღვნილი მიწისა და ცის მეუფისადმი, ეპიკური ენარის ტექსტის ფრაგმენტი, რომელშიც მოიხსენიება გილგამეში და შორეული ქალაქი არათუ და რამდენიმე შელოცვა, მათ შორის ებლაურ ენაზე.

რაც შეეხება ებლაურ ხელოვნებას, იგი ძირითადად მიჰყვება შუმერულ-აქადური ხელოვნების პრინციპებს, თუმცა შეიმჩნევა ორიგინალური ელემენტებიც. აღსანიშნავია სხვადასხვა მასალისაგან დამზადებული რელიეფები, რომლებშიც გაერთიანებულია გორელიეფური და მრგვლოვანი სკულპტურა.

ებლას აღმოჩენით ვადაიშალა ახალი ფურცელი ძველი აღმოსავლეთის ხალხთა ისტორიის შესწავლაში. შეიქმნა მეცნიერების ახალი დარგი — ებლაისტიკა და დღეს, მსოფლიოს მრავალი ქვეყნის მეცნიერები სწავლობენ ამ უძველესი ცივილიზაციის საიდუმლოებით მოკულ ისტორიას — „ახალ ისტორას, ახალ ენას და ახალ კულტურას“ — როგორც აღნიშნა ჩვენი დროის ერთ-ერთმა უდიდესმა ორიენტალისტმა ი. გელბმა.

დასასრულ უნდა აღინიშნოს, რომ ებლას გათხრები კვლავაც გრძელდება. ახლახან დაიწყო გეომორფოლოგიური და პალეობოტანიკური სამუშაოები. ასე, რომ, „თელ-მარდიხის ბორცვი“ კვლავ მრავალ გამოცანას გვპირდება.

ილია ავახვანიანი

შობა მაცხოვრისა

დაუძიებდა კაცთა ნათესავსა ძველი რჯული, ძველი აღთქმა. შეერყა სა-
ძირკველი კაცთა ცხოვრებასა, რომელსაც ქვაკუთხედად ედვა ძველის აღთქმის
მოძღვრება: „თვალი თვალისა წილ, კბილი კბილისა წილ“. სხვა მადლის
მწყურვალმა სულმა კაცისამ იგრძნო, რომ ამ მოძღვრების საფარ-ქვეშ ველარ
იდგომილება დიდხანს, — და ძველი ქვეყანა ირყევა, ირღევა, მიდის და იფუ-
შება. იგრძნო, რომ იგი ღმერთი მსჯავრისა და შურის-გებისა, ღმერთი წყრო-
მისა და რისხვისა ამასთანავე კაცთმყოფარე, მადლის მომფენი, ყოვლად მო-
წყალე და ყოველთა შემწყნარებელი ღმერთიც უნდა იყოს.

ამ ქვეყნის რყევასა და რღვევაში ჯერ კარგად ვერ გამოიკვეთილი სასო-
ება ადამიანისა, ჰხედავს-რა ძველს დედა-ბოძს სულის საფარისას წამოსაქცე-
ვად გამზადებულს, ჰკენეს და ჰლაღადებს ზეგარდამო შთავგონებულთ კაცთა
ბაგითა. რყევისა და რღვევისაგან თავის ბუღილდამ ამომფრთხალი გული ადა-
მიანისა უთვისტომოდ, უბინაოდ ჰრჩება. გული შეშინებული, ელდაცემული
ეძიებს ახალს საღვურს, ახალს ბინას, რომ მივიდეს და იქ განისვენოს. ბუნ-
დად და გამოურყვევლად ჰგრძნობს, რომ უნდა ამოვიდეს ახალი ვარსკვლავი,
ახალი ალიონი, რომელმაც უნდა გზა აჩვენოს და ვააგნებინოს ძველის ქვეყ-
ნის რყევისაგან ატეხილს მტვერ-ბუქსა და ბინდ-ბუნდში.. ერთხელ წაირღვნა
ქვეყანა, ეხლა კი უნდა დახსნილ იქმნას და აი ამ მხსნელს ელის ხსნის მწყურ-
ვალე სული.

„შენ, ბეთლემ, ქვეყანა ევე იუდასი! — ჰლაღადებს ზეგარდმო
შთავგონებული წინასწარმეტყველი: — არა სადა უმრწემეს ხარ
მთავართმა შორის იუდასთა, რამეთუ შენგან გამოვიდეს წინამძღვა-
რი, რომელმან დამწყოსოთ ერი ჩემი, ისრაელი!“

ადამიანი რაღაც ლოდინშია, გარღვეულ უფსკრულის წინაშე მდგომარე;
სასოს არ იკვებს, რომ მოვა მაცხოვარი და თავის ყოვლად-მხსნელს ხელსა
მომაწვდისო. სასობით აღსავსენი, სულით განდიდებულნი და აღფრთოვანე-
ბულნი წინასწარმეტყველნი წინათ-ჰგრძნობენ ამა მოსვლასა და ვითა მახარო-
ბელნი ნუგეშ-სიციემენ გულწასულს ადამიანს, მოვაო, ოღონდ შენ „განმზადენ
გზანი მისნიო“.

„აჰა ესერა მე წარვაგლინო ანგელოსი ჩემი წინაშე პირსა შენსა, რო-
მელმან განმზადნეს გზანი შენნი წინაშე შენსათ, — ჰლაღადებს სრულის
რწმენის ღალადითა წინასწარ-გრძნობით აღტაცებული ისაია წინასწარ-
მეტყველი: — განმზადენით გზანი უფლისანი და წრფელჰყვენით ალაგ-
ნი მისნი“.

და აპა „გზათა განმზადებად და წრფელყოფად ალაგათა მისთა“ მოველინა ქვეყანას იოანე წინამორბედი „მოლაღებელი უდაბნოსა შინა“. გულშერყეულს და ნუგეშის მწყურვალს ქვეყანას ჰგონია, რომ აი ეს არის იგი, ვინც ასე ძლიერ სწყურიან ჩვენს ობლად შთენილს სულსა და ვისაც ასეთის სასოებით მოველოდებოდითო. არაო, ეუბნება წინამორბედი იოანე:

„ესერა მოვალს უძლიერესი ჩემსა შემდგომად ჩემსა, რომლისა ვერ ღირსვარ ვახსნად ხამლთა მისთასა. მე ნათელ-გცეთ თქვენ წყლითა, ხოლო მან ნათელ-გცეთ თქვენ სკლითა წმიდითა“.

იშვა ქრისტე, იშვა იგი, რომელმან ნათელ-სცა ქვეყანას სულითა წმიდითა, იშვა იგი დედისაგან, რომელ კურთხეულ არს დედათა შორის. იშვა იგი, რომელიც, — როგორც იოანე მახარობელი ამბობს, — „დაემკვიდრა ჩვენ შორის და ვიხილეთ დიდება მისი, დიდება ვითარცა მხოლოდ — შობლისა სთამამისა მიერ, სავსე მადლითა და ჭეშმარიტებით... რამეთუ რჯული მოსესგან მოეცა, ხოლო მადლი და ჭეშმარიტება იესოს მიერ იქმნა... რამეთუ არა მოავლინა ღმერთმან ძე თვისი სოფლად, რათა დაჰსაჯოს სოფელი, არამედ რათა აცხონოს სოფელი მის მიერ“. იშვა იგი, რომლის გამო სთქვა იოანე წინამორბედმავე:

„აპა ტარიგი ღვთისა, რომელმან აღიხვნეს ცოდვანი სოფლისანი! ესე არს, რომლისათვის იგი ვსთქუ: შემდგომად ჩემსა მოვალს კაცი, რომელი პირველ ჩემსა იყო, რამეთუ უპირატეს ჩემსა არს“.

„ნუ გეშინინ, — ახარებს ქვეყანას ანგელოზი: — ნუ გეშინინ, რამეთუ აპა ესერა გახარებ თქვენ სიხარულსა დიდსა, რომელი იყოს ყოვლისა ერისა, რამეთუ იშვა დღეს თქვენდა მაცხოვარი... და ესე იყოს თქვენდა სასწაულად: პპოვით ყრმა იგი, შეხვეული და მწოლარე ბავასა“.

რა დიდებული სახეა, რა დიდებული ხატია!... ღმერთი, მოვლინებული ცხონებად და ხსნად ქვეყნისა, ღმერთი ახალის აღთქმისა, რომელმან უნდა „აღიხვნეს ცოდვანი სოფლისანი“, ძე ღვთისა და კაცისა, რომელმან უნდა ნუგეშსცეს ქვეყანას, — „მოვედინ, მაშვარალნო და ტვირთ-მიძიენო, და მე განვიცენოთ თქვენ“, ღმერთი, რომელმან უნდა ნათელ-სცეს ბნელს ქვეყანას სულითა წმიდითა-იშვა ვითა ღარიბი ღარიბ საფარ ქვეშ და არის „შეხვეული და მწოლარე ბავასა“!.. მარტო ერთი ვარსკვლავიდა აღმომხდარი აღმოსავლეთით და იგი დანათის ზედ ადგილსა მას შობისასა ნიშნად მისად თუ, — რა სხივოსანი მადლი მოეფინა ქვეყანას დედისაგან, რომელიც ამიტომ „კურთხეულ არს დედათა შორის“! ყრმა-ღმერთი „შეხვეული და მწოლარე ბავასა“! არისდა სადმე სხვა ხატი, რომ დიდებამ ასე აღიდოს სიღარიბე და სიღარიბემ ასე აღიდოს დიდება! ყველაზედ უწინარეს ამ ხატითა ითქვა შობისავე უმალ იგი თავდაბლობა კაცთმოყვარე ქრისტე-ღმერთისა, რომელმაც მერე გააოცა ცუდმედიდობით გარყვნილი ძველი ქვეყანა.

იშვა იგი, ვინც გაჭირვებულს და ძირით თხემამდე შერყეულს ქვეყანას მოაცილა უღმობელი საძირკველი „თვალი თვალისა წილ, კბილი კბილისა წილ“ და ამის მაგიერ შთაუდგა „გოყვარდეს მოყვასი შენი, ვითარცა თავი შენი“ და ამაზედ ხელახლად დაადგინა დასარღვევად გამზადებული ქვეყანა, ვითარცა კლდეზედ, რომელსაც ვერც ჟამი და ვერც დრო ვერ შეჰმუსრავს და ვერ შეარყევს. ამ კლდეს ზედ დაანთხია მან თვისი ღვთაებური სისხლი და ზედ გადაატეხა თვისი უბიწო ხორჭი. კაცთმოყვარე ძე კაცისა, ქვეყნის ხსნად მოგ-

ლინებული, კაცმავე ჯვარს აცვა და ჯვარცმული მაინც ჯვართმცემლთათვის ჰლაღადებდა ღვთისა მიმართ: ღმერთო, შეუნდევე, რამეთუ არა უწყიან რას იქმან! აი რა სულგრძელი, რა კაცთმოყვარე, რა ყოვლად-მოწყალე ღმერთი იშვა დღეს და ამას სამართლიანად ჰხარობს და ღღესასწაულობს მთელი ქრისტიანობა.

მას აქეთია აღსდგა ქვეყანა ახალის აღთქმისა, ახალის ცხოვრებისათვის. მას აქეთ შეაფარა კაცმა თავი თავისი ღმერთსა და სიყვარულისას, მშვიდობისას, მოწყალეობისასა და შენდობისას. განახლდა კაცი და ღღეს განახლებულ კაცს ძალუძს სასოებით სთქვას: „შენ ხელახლად შემქმენ მე. ქრისტე-ღმერთო, და დამდევე ჩემზედა ხელი შენი. შენ სცან დაჯდომი ჩემი და აღდგომი ჩემი. ალაგნი ჩემნი და ნაწილი ჩემნი და ნაწილნი ჩემნი შენ გამოიკვლიენ და ყოველნი გზანი ჩემნი წინასწარ იხილენ... საკვირველ ქმნა ცნობა შენი ჩემგან, განძლიერდა და ვერ შეუძლო მას! შენ ხარ ხსნა ჩემი, შენი მოძღვრება-მაცხოვარ ჩემდა, და ველარსად განვერინო სულისა შენისაგან და პირისა შენისაგან ველარსად ვივლტოდე: აღ-თუ-ვჰხდე ცად, შენ მუნ ხარ! შთა-თუ-ვჰხდე ჯოჯოხეთად, ახლოსვე ხარ! აღ-თუ-ვიპყრნე ფრთენი ჩემნი განთიად და დავემკვიდრო მე დასასრულსა ზღვისასა, — და რამეთუ მუნცა ხელი შენი მიძლოდეს მე და მარჯვენემან შენმან შემიწყნაროს მე!“.

**აკად. ს. ჯანაშიას დაბადების 90 წლისთავისადმი
მიძღვნილი სამეცნიერო სხდომაები**

გამოჩენილი ქართველი ისტორიკოსის და საზოგადო მოღვაწის, აკად. ს. ჯანაშიას მეცნიერული მემკვიდრეობა კარგა ხანია ქართული ისტორიოგრაფიის ოქროს ფონდშია შესული, ხოლო მოწიწების გრძნობა მისი პიროვნების ხსენებისადმი დღითიდღე იზრდება მის მშობელ ხალხში.

1990 წ. 16 ნოემბერს, სრულიად საქართველოს გიორგი შერვაშიძის საზოგადოების ინიციატივით მოეწყო ზიმონ ჯანაშიას დაბადების 90 წლისთავისადმი მიძღვნილი საჯარო სხდომა. სხდომა შესავალი სიტყვით გახსნა საქართველოს მეცნიერებათა აკადემიის წევრ-კორესპონდენტმა რ. მეტრეველმა. ისტ. მეცნ. დოქტორმა მ. ინაძემ წარმოადგინა მოხსენება: — „საქართველოს ძველი ისტორიის საკითხები ს. ჯანაშიას შრომებში“. მომხსენებელმა საინტერესოდ წარმოაჩინა გამოჩენილი მეცნიერის ღვაწლი საქართველოს ძველი ისტორიის მეცნიერული შესწავლის საქმეში. „ფეოდალური საქართველოს სოციალ-ეკონომიკური განვითარების ზოგიერთი კარდინალური საკითხი ს. ჯანაშიას შრომებში“ — ასეთი იყო პროფ. ე. ხოშტარია-ბროსეს მოხსენების თემა. ცნობილია, რომ ს. ჯანაშიას მეცნიერულ მემკვიდრეობაში განსაკუთრებული ადგილი უკავია აფხაზეთის ისტორიის პრობლემების კვლევას. სწორედ ამ საკითხს მიეძღვნა ისტ. მეცნ. კანდიდატის გ. ანჩაბაძის მოხსენება: „აფხაზეთის ძველი ისტორიის საკითხები ს. ჯანაშიას შრომებში“. ს. ჯანაშიას ღვაწლი ქართული ეთნოგრაფიის ჩამოყალიბება-განვითარების საქმეში, ცხადად წარმოადგინა პროფ. ე. ითონიშვილმა. სხდომაზე მოგონებებით გამოვიდნენ პროფ. გ. ჟორდანიანი და დოც. კ. ჩოლოყაშვილი.

ამავე წლის 20 ნოემბერს ს. ჯანაშიას დაბადების 90 წლისთავისადმი მიძღვნილი სხდომა მოაწყვეს საქართველოს მეცნიერებათა აკადემიამ და ივ. ჯავახიშვილის სახ. თბილისის სახელმწიფო უნივერსიტეტმა. სხდომა გახსნა საქართველოს მეცნიერებათა აკადემიის პრეზიდენტმა, აკად. ა. თავხელიძემ. სიტყვებით და მოგონებებით გამოვიდნენ აკადემიკოსები ა. აფაქიძე და ვ. ბერიძე, მეცნიერებათა აკადემიის წევრ-კორესპონდენტები მ. ლორთქიფანიძე, ზ. ჯორბენაძე, პროფესორები ი. მეგრელიძე, შ. ბაღრიძე და სხვები.

ფასი 1 მან. 30 კპ.

6280/30


ინდიკსი 78197
თბილისი